

軍務院考實

附兩廣都司  
令部考實



章行嚴先生遺


兩廣都司令部參謀廳編纂

# 軍務院考實

附兩廣都司令部考實

上海商務印書館出版


軍務院中之愛蓮亭






大 總 統 黎 元 洪






軍務院桂聯軍司令部參謀部職員



廣西護國軍司令部將校團合影


廣 西 軍 事 學 校 將 校 團 合 影

員 人 局 機 餉 部 令 司 都 廣 南







兩度都司印財政廳同人攝影




兩廣都司令部財政廳人員



兩廣都司令 部參謀 副官處人員




員 人 廳 書 祕 部 令 司 都 廣 南




兩廣部司令部成立式

影 攝 潭 源 在 官 軍 軍 演




員 人 要 主 府 督 都 南 雲 及 長 軍 撫 唐




照合長員委務政梁令司都奉






李根源 章士釗 文肇奎 林虎 楊永泰 等  
香港人紀念日慶







送李協和張藻林先生北征紀念



都司分署歡迎張耀曾先生  
（在署分令部）




唐撫軍雲南陸軍總長張耀會先生  
(在雲南陸軍總長張耀會社)




歡 迎 幸 太 炎 先 生

歡 迎 陸 督 鉅 軍 揚 日 七 分 月  
念 紀 生 尤 生 揚 日 七 分 月




生 先 生 揚 鉅 軍 督 卿 幹 陸 迎 歡



長師譚軍桂令司總李軍漢迎歡




岑都司章祕書長合照




李總司令李都參謀合照







岑都司令陸督軍合照

真 寫 之 而 正 機 飛




眞 寫 之 面 側 機 飛







飛 機 停 止 時 之 寫 真

寶 璧 兵 艦 之 寫 真



眞 寫 之 艦 兵 大 江






門 大 部 令 司 都 廣 南



照合生先兩炎太章林西岑





送 幸 太 奏 生 南 行

## 凡例

一 本書分爲五編第一編通告第二編條例第三編作戰方略第四編各省文電第五編職員錄

一 軍務院未成立以前本機關稱爲護國軍軍政府故通告所採仍自護國軍軍政府宣言起而以軍務院布告列後

一 文電一門端緒紛繁略以事別庶便省覽

一 職員錄中屬於各軍者團長以下調查不及暫從闕如

# 軍務院考實編次

兩廣都司令  
部參謀廳  
編輯

## 第一編 通告

- 一 護國軍政府宣言一
- 二 護國軍政府宣言二
- 三 護國軍政府宣言三
- 四 護國軍政府宣言四
- 五 護國軍政府宣言五
- 六 軍務院成立通告外交團文
- 七 軍務院布告一
- 八 軍務院布告二
- 九 軍務院布告三
- 十 軍務院撤廢通告外交團文

## 第二編 條例

一 軍務院組織條例

二 軍務院公程式令

第三編 作戰方略

一 作戰方略

二 作戰計畫令

三 訓令

第四編 各省文電

一 關於撫軍及各項職員之推定

二 關於解決時局之主張

三 關於軍事之進行

四 關於湘事之進行

五 關於停戰之協商

六 關於川陝獨立之實況

七 關於協商善後之計畫

八關於撤廢軍務院之商榷

九雜件

## 第五編 職員錄

一軍務院職員表

二軍務院直轄各軍職員表

# 軍務院考實

## 第一編 通告

- (一) 護國軍軍政府宣言一
- (二) 護國軍軍政府宣言二
- (三) 護國軍軍政府宣言三
- (四) 護國軍軍政府宣言四
- (五) 護國軍軍政府宣言五
- (六) 軍務院通告外交團文
- (七) 軍務院布告一
- (八) 軍務院布告二
- (九) 軍務院布告三
- (十) 軍務院撤廢通告外交團文

# 軍務院考實

## 第一編 通告

護國軍軍政府宣言一（民國五年四月十八日）

前大總統袁世凱受民委託爲國元首不思奉公守法福國利民反蓄逆謀圖覆國命嗾使徒黨設立籌安會名目紊亂國憲公然倡亂又陰唆政府大員密發函電勒逼各省軍民長官干涉選舉矯誣民意其密電多至五十餘通皆有政事堂密碼及官印原紙可憑當國體投票尙未舉行之前已在總統府設立大典籌備處預備登極卒乃公然下令自稱皇帝其種種謀叛實據應受彈劾裁判載在約法今袁世凱謀叛罪之成立既已昭然即將帝制撤消已成之罪固在特以約法上之彈劾裁判機關久被蹂躪不能行其職權任彼逍遙法外除由本軍政府督率大軍務將該犯圍捕待將來召集國會依法彈劾組織法庭依法裁判外特此宣言前大總統袁世凱因犯謀叛大罪自民國四年十二月十三日下令稱帝以後所有民國大總統之資格當然消滅布告中外咸使聞知唐繼堯劉顯世陸榮廷龍濟光梁啓超蔡鍔李烈鈞任可澄戴戡陳炳焜張鳴岐巧印

### 護國軍軍政府宣言二

前大總統袁世凱因犯謀叛大罪所有大總統資格當然消滅經本軍政府根據約法宣言在案查民國二年九月國會參衆兩院議決公布之大總統選舉法第三條云大總統任期六年第五條云大總統缺位時由副總統繼任至本任大總統期滿之日止等語今大總統既以犯罪缺位所遺未滿之任期當然由副總統繼任本軍政府謹依法宣言恭承現任副總統黎公元洪爲中華民國大總統領海陸軍大元帥其遞遺副總統一職俟將來國會能召集時再依法選舉再者大總統現方陷在賊中應俟他日完全脫離袁逆暴力範圍時其言論行動乃爲有效合併聲明爲此布告中外咸使聞知唐繼堯劉顯世陸榮廷龍濟光梁啓超蔡鍔李烈鈞任可澄戴戡陳炳焯張鳴岐巧印

### 護國軍軍政府宣言三(民國五年五月七日)

北京黎大總統雲南貴陽廣州南寧杭州都督府瀘州護國第一軍總司令部南寧護國第二軍總司令部及護國軍各地前敵總司令司令各省將軍巡按使巡閱使護軍使鎮守使各師旅長各道尹縣知事暨全國各團體各報館公鑒護國軍軍政府宣言如下中華民國大總統領海陸軍大元帥一職依法應由副總統黎公繼任已由本軍政府宣言在案但黎



公今方陷賊圍未克躬親職務查大總統選舉法第五條第二項云大總統因故不能執行職務時以副總統代理之副總統同時缺位由國務院攝行其職今大總統身猶蒙難副總統職尙虛懸國務院又非俟大總統任命經國會同意後不能組織而軍事正亟既當籌統一之方且國運方新尤宜作通籌之計今由繼堯等往復電商特暫設一軍務院直隸大總統指揮全國軍事籌辦善後庶政院置撫軍若干人用合議制裁決庶政其對外交涉對內命令皆以本院名義行之俟國務院成立時本院即當裁撤除將軍務院組織條例別行公布外特此布告中外咸使聞知再浙江因交通被梗電商未復除函求同意外今先由四省名義宣布合併聲明雲南都督唐繼堯貴州都督劉顯世廣西都督陸榮廷廣東都督龍濟光陽印

### 護國軍軍政府宣言四

北京黎大總統雲南貴陽南寧廣州杭州都督府瀘州護國第一軍總司令部南寧護國第二軍總司令部及護國軍各地前敵總司令司令各省將軍巡按使巡閱使護軍使鎮守使各師旅長各道尹縣知事暨全國各團體各報館公鑒護國軍軍政府宣言如下今議定軍務院組織條例公布之軍務院組織條例第一條軍務院直隸大總統統籌全國軍機施行

戰時及善後一切政務第二條大總統不能親臨軍務所在地時一切軍政民政對內對外事宜以軍務院名義行之第三條軍務院置撫軍無定員以撫軍議決或同意行其職權撫軍以各省都督或護理都督兩省以上聯合軍都司令都參謀及各獨立省確已成軍有二師以上之軍總司令任之凡新取得前項資格者同時取得撫軍資格第四條軍務院由撫軍互選撫軍長副長各一人撫軍長執行撫軍議決或同意之事項撫軍副長贊襄撫軍長協理一切撫軍長有事故時副長攝行職權撫軍長副長並有事故時得公推撫軍一人攝行職權第五條軍務院置政務委員會由撫軍互選一人領委員長設各種委員無定員分掌外交財政軍政法制各項政務第六條軍務院置各省代表會由各省都督各派二員列席以備諮詢第七條軍務院置祕書無定員承撫軍長副長政務委員長之命掌管機要事宜第八條軍務院遇有關於對內對外特別重要事宜時由撫軍之合議同意得特任專使處理之第九條軍務院所屬各種委員會各省代表會組織細則以院令定之第十條軍務院至國務院依法成立時撤廢之雲南都督唐繼堯貴州都督劉顯世廣西都督陸榮廷廣東都督龍濟光陽二印

護國軍軍政府宣言五

北京黎大總統雲南貴陽南寧廣州杭州都督府瀘州護國第一軍總司令部南寧第二軍總司令部及護國軍各地前敵總司令司令各省將軍巡按使巡閱使護軍使鎮守使各師旅長各道尹縣知事暨全國各團體各報館公鑒護國軍軍政府宣言如下本軍政府設置軍務院權理軍國重事業經宣言并將組織條例公布在案今於五月八日組織軍務院成立遵照條例以繼堯顯世榮廷濟光春煊啓超鏢烈鈞炳焜等任軍務院撫軍并往復通電互選繼堯爲撫軍長春煊爲撫軍副長啓超領政務委員長暫定廣東爲軍務院所在地繼堯因雲南地方職守未能遠離依條例第四條第二項由春煊攝行撫軍長職權繼堯等非德庸材迫於時艱勉肩重任謹掬血誠誓以公心效忠國事一俟大難削平卽當退避賢路皇天后土實鑒斯言爲此布告中外咸使聞知再浙江都督呂公公望遵依條例應任撫軍因交通被梗電商未復除專函敦請加入外合併聲明雲南都督唐繼堯貴州都督劉顯世廣西都督陸榮廷廣東都督龍濟光兩廣護國軍都司令岑春煊兩廣護國軍都參謀梁啓超護國第一軍總司令蔡鏗護國第二軍總司令李烈鈞廣西護理都督陳炳焜青一印

### 軍務院成立通告外交團文

分送北京各國公使廣州雲南杭州汕頭北海海口蒙自騰越思茅龍州梧州寧波各國總

領事安南總督香港總督澳門總督公鑒本軍政府依法恭承黎公元洪爲中華民國大總統業經專電通告在案今特設軍務院直隸大總統由各省都督各軍都總司令等任該院撫軍以合議制處理軍國重大事大總統未能躬親職務時一切國際交涉由軍務院撫軍暫行代表并遵照軍務院組織條例以繼堯顯世榮廷濟光春煊啓超鏜烈鈞炳焜等任撫軍互選繼堯爲撫軍長春煊爲撫軍副長並攝行撫軍長職權啓超領政務委員長暫以廣東爲軍務院所在地於五月八日組織成立爲此通告貴公使總領事領事總督以後除地方商民交涉照例仍由各該省軍民長官與各國駐近該地各官廳就近辦理外其中央外交事務一概改由軍務院辦理除將軍務院組織條例及成立理由正式照會外特此電聞中華民國軍務院撫軍長雲南都督唐繼堯攝行撫軍長職權撫軍副長兩廣護國軍都司令岑春煊撫軍領政務委員長兩廣護國軍都參謀梁啓超撫軍貴州都督劉顯世撫軍廣西都督陸榮廷撫軍廣東都督龍濟光撫軍護國第一軍總司令蔡鍔撫軍護國第二軍總司令李烈鈞撫軍護理廣西都督陳炳焜青印

軍務院布告一（民國五年五月十一日）

北京黎大總統段總理雲南貴陽南寧杭州都督府廣西行營瀘州松坎永州護國軍總司

令部各省將軍巡按使護軍使鎮守使全國各團體各報館公鑒軍務院布告文如下本院設立旨趣業於護國軍軍政府宣言略爲陳述猶慮國人有所誤解謹更竭誠昭告其一本院組織實因時勢之必要暫設此以濟法定機關之窮蓋獨立省分既有多數行軍籌餉不容無統一之計畫對袁對外不容無共通之方針聯合機關之設置實迫於事實上之要求各省軍民屢有倡組織臨時政府之說者同人等以爲政府之成立依法當由大總統任命經國會同意今兩者皆爲現在事實所未能辦到則政府自末由產出此次興師其大義在擁護國法政府若成於非法將何以責袁氏政府既不能產出而時局解決又不知何日各省若無統一機關則主張或紛歧步驟或凌亂其將何以除暴克敵故暫設本院以筦軍政之樞其性質與政府之籌施凡百大政者自相逕庭且條例中規定俟國務院依法成立時本院立當撤廢此本院尊崇國法不敢絲毫干犯之微意也其二本院非以現在已獨立之各省爲範圍而以未獨立之各省立界限此次爲國討賊實全國民心理所同然獨立之遲速後先不過地理上一種方便雖未獨立省分其敵愾之心早已與獨立省分一致故本院組織不採分部主政之形式惟就軍事上之職掌規定撫軍資格一省繼起獨立則增加撫軍員數但有聲應氣求之便絕無專欲妨賢之弊凡茲籌畫頗具苦心要之今日實爲遇變

行權之時局同人等力求於國法不抵觸之範圍內暫設此機關以應事實上要求軍中便宜行事古有成規事苟利於國家敢辭專責爲此布告天下咸使聞知軍務院眞印

### 軍務院布告二

北京黎大總統段總理各省國會議員雲南貴州南寧廣州杭州都督府各省將軍巡按使護軍使鎮守使各團體各報館公鑒軍務院布告文如下國會爲國家最高獨立機關之一國命所攸託也前大總統袁世凱久蓄逆謀而首以非法停止國會職權致駸駸移國而莫之裁制法律解決之道旣窮我國民乃不得不訴諸政治手段故有今次興師致討之舉天相中國大義日伸驅除獨夫計日可待惟數月以來在軍事擾攘中迫於時勢之要求各種設施往往不得以便宜行事此雖出於事實上無可如何然爲道蓋不可以久夫法也者國家所恃以相維於不敝也軍民上下之舉動一一能以法自繩然後國命民生乃得以保障我國民亦爲決志殲身以致討於袁世凱者凡以袁世凱四年之舉指皆戕賊國民之法律觀念而斷喪國家之元氣故此大舉義之眞精神一言蔽之曰擁護國法而已國會旣爲約法上最主要之機關且爲一切法律所從出若不速圖規復則庶政將安所麗爲此通告各省國會議員諸公迅速籌備集會程序及地點俾一切問題得以解決各種法定機關得

以成立大局幸甚但有一義當附陳者國會之規復既全出於擁護國法之精神則附逆及其違法之議員不能復認其資格之存在其應如何審查別擇之處當廣徵輿論確定制裁俟有公程再行露布爲此布告天下咸使聞知軍務院眞二印

軍務院布告三 民國五年七月十四日

北京大總統國務院暨各部總長參議院衆議院各省都督將軍巡按使並轉各鎮守使歸化承德張家口都統北京英文京報國民公報及各報上海時事新報中華新報轉各報均鑒軍務院布告文如下帝制禍興滇黔起義公理所趨輿情一致桂粵浙湘蜀秦相繼仗義其時因戰禍蔓延督率所屬獨立各省前敵各軍不可無統一機關爲暫設軍務院對內對外之合議團體其組織條件第十條規定本院俟國務院依法成立時撤廢之等語屢次宣言布告一再聲明今約法國會次第恢復大總統依法繼任與獨立各省最初之宣言遙相符合雖國務員之任命尙未經國會同意然當國會閉會時元首先任命以俟追認實爲約法所不禁本軍務院爲力求統一起見謹於本日宣布撤廢其撫軍及政務委員長外交專使軍事代表均一併解除國家一切政務靜聽元首政府國會主持爲此布告天下咸使聞知唐繼堯岑春煊梁啓超劉顯世陸榮廷陳炳焜呂公望蔡鍔李烈鈞戴戡李鼎新羅佩金

劉存厚叩寒印

軍務院撤銷通告外交團文

分送北京各國公使各商埠各國總領事安南總督香港總督澳門總督大連關東州都督公鑒前由各省都督各軍總司令組設軍務院以合議制代大總統處理軍國重事暨代表一切國際交涉曾經電達在案現黎大總統業經依法就職本軍務院當於七月十四號宣言撤廢其撫軍各政務委員長外交專使均一併解除所有中華民國一切內政外交悉聽元首政府國會主持除通電布告外特此電聞唐繼堯岑春煊梁啟超劉顯世陸榮廷陳炳焜呂公望蔡鍔李烈鈞戴戡李鼎新羅佩金劉存厚謹告十五日印



# 軍務院考實

## 第二編 條例

(一) 軍務院組織條例

(二) 軍務院公文程式令



## 第二編 條例

### 一 軍務院組織條例

第一條 軍務院直隸大總統統籌全國軍機施行戰時及善後一切政務

第二條 大總統不能親臨軍務院所在地時一切軍政民政對內對外事宜以軍務院名義行之

第三條 軍務院置撫軍無定員以撫軍議決或同意行其職權撫軍以各省都督或護理都督兩省以上聯合軍都司令都參謀及各獨立省確已成軍有二師以上之軍總司令任之凡新取得前項資格者同時取得撫軍資格

第四條 軍務院由撫軍互選撫軍長副長各一人撫軍長執行撫軍議決或同意之事項撫軍副長贊襄撫軍長協理一切撫軍長有事故時副長攝行職權撫軍長副長並有事故時得公推撫軍一人攝行職權

第五條 軍務院置政務委員會由撫軍互選一人領委員長設各種委員無定員分掌外交財政軍政法制各項政務

第六條 軍務院置各省代表會由各省都督各派二員列席以備諮詢

第七條 軍務院置祕書無定員承撫軍長副長政務委員長之命掌管機要事宜

第八條 軍務院遇有關於對內對外特別重要事宜時由撫軍之合議同意得特任專使

處理之

第九條 軍務院所屬各種委員會各省代表會組織細則以院令定之

第十條 軍務院至國務院依法成立時撤廢之

二 軍務院公文程式令

(一) 本院上大總統文用呈

(二) 本院撫軍長撫軍來往文用咨

(三) 撫軍以都司令都督都參謀資格來院文用咨陳院往文用咨以軍總司令資格來

院文用咨陳院往文用咨令

(四) 各鎮守使師旅長前敵各軍團隊司令等及道尹來院文用呈院往文用令

(五) 國內各地特派專使來院文用咨陳往文用咨

(六) 派駐各國公使或代表來院文用咨陳院往文用咨

(七) 其他各官廳來院文用呈院往文用令

- (八) 地方團體及其他來院文用呈院往文用令
- (九) 本院宣示中外文用布告曉諭人民文用示
- (十) 本院任免官吏授與獎章文用令證書用狀
- (十一) 本院對外交涉文用照會
- (十二) 本院半公式文用公函
- (十三) 院內各職員上行文用呈下行文用令
- (十四) 本院特別重要公文由撫軍全體署名
- (十五) 本院普通公文由撫軍長或撫軍副長署名政務委員副署



# 軍務院考實

## 第三編 作戰方略

一 作戰方畧

二 作戰計畫

三 訓令

(一) 給予滇軍李總司令之訓令

(二) 給予林軍林總司令之訓令

(三) 給予肇軍李總司令之訓令

(四) 給予桂軍莫總司令之訓令

(五) 給予譚軍譚總司令之訓令

(六) 給予獨立團張團長之訓令

(七) 給予潮軍莫總司令之訓令

(八) 給予程旅程旅長之訓令

軍務院考實 第三編 目次

撫軍副長誓師文



## 第二編 作戰方略

### 一 作戰方略

一本軍直轄於軍務院

二本軍以左列各軍組織成之

滇軍

總司令官李烈鈞

林軍

總司令官林 虎

肇軍

總司令官李耀漢

粵軍

總司令官

桂軍

總司令官莫榮新

譚軍

總司令官譚浩明

獨立團

團長張 習

潮軍

師長莫擎宇

程旅

旅長程子楷

三本軍以擊退邊界敵兵暨進取福州南昌會師武漢直搗幽燕爲目的

第一期 掃除贛閩邊界之敵兵

第二期 驅逐福建江西境內敵兵占領福州南昌

第三期 集中湖北進駐武漢

第四期 直搗幽燕絕敵根據

四滇軍與桂軍所部之兩營於六月初二日以前由肇慶出發經清遠南雄向贛州前進但務於六月十五以前由南雄附近開始運動並派一有力部隊由方司令聲濤率領向福建方面運動其進兵道路及時機由滇軍總司令官決定但抵福建邊界應與潮軍協同進行

林軍於六月十日以前於肇慶出發向贛州前進但務於二十日以前抵虔南與滇軍協同動作

肇軍於六月十五日以前由肇慶出發進駐曲江候令

粵軍於六月二十日以前由廣州出發經惠陽務於二十五日以前在和平集中向安遠雩都與滇軍聯絡向南昌前進

桂軍除所撥兩營隨同滇軍出發聽滇軍總司令官指揮外其餘部隊與獨立團隨都司

令行動爲聯合軍總豫備隊

譚軍暫駐梧肇間候命

潮軍除駐守潮汕地方所要兵力外與滇軍方司令官協同動作擊退福建邊界之敵兵  
向福州進攻

程旅爲滇軍左翼軍於六月二十日以前由肇慶出發向湖南方面前進抵湖南界後聽  
受陸都督指揮

五給養由各軍自行籌辦其餉項及補充由軍務院領給

二 作戰計畫令 五月二十五日發  
於肇慶軍務院

一左列各軍歸軍務院指揮組成滇桂粵護國聯合軍

滇軍

總司令官李烈鈞

林軍

總司令官林 虎

肇軍

總司令官李耀漢

粵軍

總司令官

桂軍

總司令官莫榮新

譚軍

總司令官譚浩明

獨立團

團長張 習

潮軍

師長莫擎宇

程旅

旅長程子楷

二滇軍林軍肇軍粵軍向江西方面運動程旅向湖南方面運動

三潮軍協同滇軍之一部向福建方面運動

四桂軍暨獨立團爲本軍總預備隊隨同都司令部出發

五譚軍暫駐潯梧肇間候命

六本司令部俟大軍出發後移駐韶州

右咨照

滇軍李總司令

右令

林軍林總司令

肇軍李總司令

粵軍 總司令

桂軍莫總司令

譚軍譚總司令

獨立團張團長

潮軍莫師長(六月一日由孔昭度面交)

程旅程旅長

### 三 訓令

(一) 給予滇軍李總司令之訓令

訓令 五月二十七日發  
於肇慶軍務院

一 據各方面報告江西之贛州福建之詔安方面有敵部隊據守並施行防禦之工事

二 聯合軍有掃除贛閩邊界之敵進取贛州詔安占領南昌福州之任務

三 貴軍(連桂軍兩團)於六月初二日止應將所部集中於肇慶於六月十五日以前向江

西贛州方面出發以一部向福建方面協同潮軍動作但務於六月二十日以前由南雄

軍務院 撫軍 副  
長 職 長  
岑春煊

附近開始運動

四本司令官希望貴軍抵南雄後如贛州敵兵薄弱容易擊破可先派方司令聲濤率所部向福建方面運動該梯團進兵道路及應從何方進逼福州由貴司令官斟酌當時情形處置之但務與潮軍隨時聯絡協同進行

五林軍所部於六月十日以前由肇慶附近出發加入江西方面之戰鬪該軍抵虔南後關於攻擊贛州方面之敵兵之處置悉聽貴司令官指示

粵軍於六月二十日以前由廣州出發取道惠陽於和平集中經安遠零都協同貴軍向南昌前進程旅爲貴軍之左翼軍進入湖南界後受陸都督指揮

六給養由貴軍自行購備其補充及餉項由軍務院給領

右咨照

滇軍李總司令烈鈞

軍務院  
攝行 撫軍 副  
長 職 權 長 岑春煊

(二) 給予林軍林總司令之訓令

訓令 五月二十七日發  
於肇慶軍務院

一據各方面報告江西之贛州福建之詔安方面有敵部隊據守並施行防禦工事

二聯合軍有掃除贛閩邊界之敵進取贛州詔安占領南昌福州之任務

三貴軍於六月十日止應將所部集中於肇慶附近向贛州方面前進其經由道路應與滇軍總司令官協商之

四貴軍於攻擊贛州方面敵兵時一切布置由滇軍總司令官任之

五本司令官之希望貴軍務於六月二十日以前將所部齊集於虔南附近與滇軍協同動作

六給養由貴軍自行購備其補充及餉項由軍務院給領

右訓令

林軍林總司令虎准此

聯合軍司令官岑春煊

(三)給予肇軍李總司令之訓令

訓令 五月三十日發  
於肇慶軍務院

一據各方面報告江西之贛州福建之詔安方面有敵部隊據守並施行防禦工事

二聯合軍有掃除贛閩邊界之敵進取贛州詔安占領南昌福州之任務

三貴軍除留守要員外將應行出發之部隊於六月十五日以前由肇慶出發駐曲江附近

聽候命令

四給養由貴軍自備

右訓令

肇軍李總司令耀漢准此

聯合軍司令官岑春煊

(四)給予桂軍莫總司令之訓令

訓令

五月三十日發  
於肇慶軍務院

一據各方面報告江西之贛州福建之詔安方面有敵部隊據守並施行防禦工事

二聯合軍有掃除贛閩邊界之敵進取贛州詔安占領南昌福州之任務

三貴軍除所撥兩團歸滇軍總司令官指揮外應將所餘部隊商同譚軍及獨立團於六月

二十日止準備隨同都司令部出發爲聯合軍總預備隊

四貴軍給養自行購備



右訓令

桂軍莫總司令榮新准此

聯合軍司令官岑春煊

(五) 給予譚軍譚總司令之訓令

訓令 五月三十日發  
於肇慶軍務院

一 據各面報告江西之贛州福建之詔安方面有敵部隊據守並施行防禦工事

二 聯合軍有掃除贛閩邊界之敵進取贛州詔安占領南昌福州之任務

三 貴軍與獨立團及桂軍爲聯合軍總預備隊應將所部於六月二十日以前準備完全集

中梧州肇慶聽候命令

四 貴軍給養自行購備

右訓令

譚軍譚總司令浩明准此

聯合軍司令官岑春煊

(六) 給予獨立團張團長之訓令

訓令 五月三十日發  
於肇慶軍務院

一 據各方面報告江西之贛州福建之詔安方面有敵部隊據守並施行防禦工事

二 聯合軍有掃除贛閩邊界之敵進取贛州詔安占領南昌福州之任務

三 貴團應將所部於六月二十日以前準備隨同都司令部出發與桂軍聯合爲本軍總預備隊

四 貴團給養及餉項由軍務院給領

右訓令

獨立團張團長習准此

聯合軍司令官岑春煊

(七) 給予潮軍莫師長之訓令

訓令 五月二十七日發  
於肇慶軍務院 (由孔昭度面交)

一 據各方面報告江西之贛州福建之詔安方面有敵部隊據守並施行防禦工事

二 聯合軍有掃除贛閩邊界之敵進取贛州詔安占領南昌福州之任務

三 貴軍對於現在福建邊界之敵務竭力相持俟滇軍所派方梯團抵福建界後再行協同

進取

四本司令官之希望貴軍於方梯團到福建邊界後擊退邊界之敵以一部抵詔安之敵兵  
以一部與方梯團長協同進逼福州

五給養由貴軍自備

右訓令

潮軍莫師長擎宇准此

聯合軍司令官岑春煊

(八) 給予程旅程旅長之訓令

訓令 五月二十七日發  
於肇慶軍務院

一據各方面報告江西之贛州福建之詔安方面有敵部隊據守並施行防禦工事

二聯合軍有掃除贛閩邊界之敵進取贛州詔安占領南昌福州之任務

三貴軍爲滇軍之左翼軍應將所部於六月二十日以前由肇慶出發向湖南方面前進

湖南界後聽受陸都督指揮

四給養由貴軍自行購備餉項由本院給領

右訓令

程旅程旅長子楷准此

聯合軍司令官岑春煊

岑撫軍副長出師布告文

窮寇不可以坐大天討不可以久稽師不可以久頓而無功惡不可以久肆於民上用是以我滇桂粵三省之衆恭行天罰以誅有罪師行之次爰布大義申儆有衆且以告我邦人君子父老子弟自袁氏叛國改元稱帝敢干國憲國人咸憤無可控訴惟我滇中之師首蒙大難與黔提挈鼓行而西賊憑其衆以相抗拒於是護國軍殺敵致果而有敘瀘之戰我武維揚以一當百義聲騰蹕震爍中外袁氏恃其兵力猶不覺悟桂管奮起嶺表疏附智勇輻輳義憤薄發兩粵之士待命於行問諸道之師和會於城下袁氏怙其權位猶不悛退於是我獨立諸省聯合軍政府遵率約法而有恭承今大總統黎公依法繼任之宣言天下歸仁元慙奪氣始假和議冀緩我師我軍政府亦知其叵信願以天下洵洵徒爲袁氏之故苟可去袁氏而無藉於用兵其道何由固無所擇惟是我師之起職在討袁袁氏不退他無可議又以討賊之義尤在守法非袁自退黎大總統繼任不能罷兵守此範圍無敢踰越此則

我軍政府初無窮兵之心亦不敢爲苟且之計而國人所共見者也然近頃以來四川之媾講無成南京之張脈滋債狡焉思逞不可終日彼袁氏始爲總統誓於國民口血未乾而輒背之小人反復亦何常之有且今會稽之甲發憤於沼吳關輔之豪勢成於分陝成都傳諭蜀之檄長沙奮江漢之武以我南北連衡八省之地帶甲十數萬之衆有賊不討而使其得據我土地屠我人民以與我義師相撐拒游魂放命死灰復揚國之大命將墮於地則縱敵之罪我軍政府實尸之矣春煊等爲此大懼旣簡勁旅進次湘中復率大軍澄清江介於是會師武漢直指燕雲執國憲以問罪人正人心而遏亂略然後恭戴我大總統黎公正式就職恢我約法復我國會納民物軌則之內立天下萬世之防軍政府之所以告無罪者庶其在是抑尤有申告者凡我軍人無間南北所食者民國之餉所戴者民國之國非袁氏之私暱宜不黨於叛人是以出兵以來人出矢言兵無鬥志義師所至其各審順逆之分明去就之途拔身來歸無陷不義同仇敵愾共集大勳昔牧野之師猶知倒戈遂誅獨夫亦其義也又自軍興以來人民之蕩析離居廢時失業者師行所至宜何以還定安集之父老苦苛政亦久矣誅求無藝民怵禍盡師行所至宜何以撫循之是則邦人君子之所有事願與我父老共圖利之者也唯父老子弟共喻斯意布告遠近咸使聞知

軍務院考實 第三編 作戰方略

中華民國五年六月五日

# 軍務院考實

## 第四編 各省文電

(一) 關於撫軍及各項職員之推定

岑撫軍梁撫軍通知雲南唐都督被選爲撫軍長電

唐都督推岑公爲撫軍長致梁任公電

唐撫軍長辭職請另推通電

敦勸唐撫軍長就職電一

敦勸唐撫軍長就職電二

敦勸唐撫軍長就職電三

敦勸唐撫軍長就職電四

唐撫軍長承認就職電

岑撫軍副長梁政務委員長就職復陳撫軍電

岑撫軍副長致浙江呂都督加入軍務院電

致浙江呂都督加入撫軍函

呂撫軍復電承認轉致各撫軍電

通告浙江呂都督加入撫軍電

岑撫軍副長致湖南湯都督加入撫軍電

湖南湯都督承認加入撫軍電

岑撫軍副長通告湖南湯都督正式加入撫軍電

通告戴羅兩總司令取得撫軍資格電

岑撫軍副長致戴羅兩總司令推爲撫軍電

羅撫軍辭謝電

海軍李總司令宣告加入護國軍電

岑撫軍副長通告海軍李總司令爲撫軍電

唐撫軍長推劉總司令存厚爲撫軍電

公推唐王溫三君爲外交專副使電

岑撫軍副長通知繕發外交專使副使推任狀電



推定外交專使副使照會各國公使領事文

岑撫軍副長擬任范谷二君爲駐滬委員電

岑撫軍副長致范谷二君派爲駐滬委員電

唐撫軍長贊同派范谷二君爲駐滬委員電

岑撫軍副長派鈕君永建爲駐滬軍事代表電

岑撫軍副長組織聯合軍請唐撫軍長指揮進行電

唐撫軍長覆岑撫軍副長請就近指揮聯合軍電

岑撫軍副長兼任聯合軍司令官致唐撫軍長電

岑撫軍副長通告推定梁李兩公爲聯合軍都參謀副都參謀電

唐撫軍長贊成梁李兩公爲都參謀副都參謀電

陸撫軍贊成梁李兩公爲都參謀電

陳督軍贊成李公爲副都參謀電

## (二) 關於解決時局之主張

### (甲) 袁世凱未死以前

岑撫軍副長率同將領以四義誓師電

岑撫軍副長梁政務委員長痛陳袁氏退位利害電

唐撫軍長力主袁氏退位電

陸撫軍與馮將軍論袁氏喪失地位總統繼任問題電

唐撫軍長致張君溥泉等書

岑撫軍副長致兩院議員書

滇軍李總司令等致張湯二公電

唐撫軍長允與馮段徐王聯絡一致倒袁電

岑撫軍副長李撫軍通告黃克強君自日本來電

趙秘書世鈺致陝督言軍務院計畫及主張電

(乙)黎大總統受職以後

岑撫軍副長請解決袁死黎繼後各種問題電

梁政務委員長論袁死後切要問題電

岑撫軍副長力闢國務院誤援僞約法電

陸撫軍力闢國務院誤援僞約法電

湯都督對於撫軍副長庚電引申其說電

岑撫軍副長條舉大綱四事電

大總統覆條舉四事電

唐撫軍長條舉四端請明令宣布電

岑撫軍副長請以唐撫軍長蒸電四端宣示天下電

呂撫軍請施行唐撫軍長蒸電四端電

唐撫軍長擁護法律電

岑撫軍副長對於趙田庚電引申主張四事電

唐撫軍長主張確定大總統職任復趙田電

陳撫軍對於趙田庚電表示同意電

趙佃田文烈來電

劉撫軍請公懇黎大總統宣布正式繼任電

梁政務委員長電陳四事

蔡撫軍臚陳六義電

呂撫軍條舉六事電

岑撫軍副長轉黃克強君通電

陸撫軍請恢復約法召集國會電

岑撫軍副長復馮齊朱三公規復約法國會電

呂撫軍對於馮將軍等刪電意見電

馮將軍等刪電

陸撫軍陳撫軍請恢復民國法律以維國本電

陳撫軍對於陝西陳督巧電之駁電

唐專使梁委員長復段總理論恢復約法電

段總理通電

陸撫軍陳撫軍解釋恢復約法疑點電

李撫軍請恢復約法電

恢復約法召集國會申令

拏辦帝制禍首申令

岑撫軍副長請恢復省議會電

岑撫軍副長復義國總領事電

義國總領事轉告五國贊成黎大總統繼任電

(三) 關於軍事之進行

陸撫軍致岑撫軍副長梁政務委員長張君堅白電

陸撫軍通電

岑撫軍副長致陸撫軍電

陸撫軍致所轄各軍通電

陸撫軍致岑撫軍副長李撫軍電

岑撫軍副長致李撫軍電

陸正司令致岑撫軍副長都參謀電

岑撫軍副長李副都參謀致唐撫軍長電

李副都參謀致唐撫軍長電

李副都參謀致撫軍長蔡羅撫軍殷總參謀李祕書長韓參謀長電

唐撫軍長致滇桂粵聯軍電

岑撫軍副長通告獨立各省各軍電

岑撫軍副長致獨立各省通電

岑撫軍副長致獨立各省通電

(四)關於湘事之進行

陸撫軍來電

陸撫軍來電

望總司令致岑撫軍副長電

岑撫軍副長致望總司令電

岑撫軍副長致林耿凡電

岑撫軍副長致望總司令電

岑撫軍副長致林總司令望總司令賁團長電

岑撫軍副長李撫軍致獨立各省通電

岑撫軍副長電轉望總司令電

岑撫軍副長致程招撫使電

程招撫使致岑撫軍副長電

岑撫軍副長致陸陳撫軍電

望總司令致獨立各省通電

湘國會省會議員致岑撫軍副長及獨立各省電

湘南張總司令學濟等致陸撫軍電

岑撫軍副長致張總司令學濟等電

岑撫軍副長致李軍長電

陸都督申明軍法電

唐撫軍長致獨立各省通電

岑撫軍副長致湯都督電

湖南共濟會通電

岑撫軍副長致湖南共濟會電

曾總司令繼梧等通電

湘南張總司令學濟通電

湘省議會各團體致岑撫軍副長轉呈大總統電

湘議員代表來電

岑撫軍副長致陸師長沈馬總司令電

岑撫軍副長致陸撫軍電

陸撫軍致岑撫軍副長電

陸撫軍致李都參謀電

沈馬總司令致岑撫軍副長陸陳兩撫軍電

湘省議會通電

曾總司令繼梧致岑撫軍副長電

湘南各界通電

湘劉都督通電

湘劉都督致岑撫軍副長電



陸撫軍通電

湘國會議員致岑撫軍副長電

(五)關於停戰之協商

馮上將軍通電

陳撫軍電轉熊希齡電

蔡撫軍通布復馮上將軍電

蔡撫軍電轉陝西陳都督致獨立各省通電

梁政務委員長致馮上將軍電

軍務院致馮上將軍電

唐撫軍長致獨立各省通電

岑撫軍副長致獨立各省通電

(六)關於川陝獨立之實況

陳撫軍電轉四川陳都督電

四川陳都督通電

蔡撫軍致獨立各省通電

四川陳都督致獨立各省通電

蔡撫軍通電

蔡撫軍致岑撫軍副長電

岑撫軍副長致熊司令電

陝西陳都督通電

岑撫軍副長致獨立各省通電

岑撫軍副長賀陳都督電

岑撫軍副長致獨立各省通電

(七)關於協商善後之計畫

蔡撫軍通電

唐撫軍長通電(一)(二)

陳撫軍通電

鈕代表等通電

岑撫軍副長請以梁唐二君爲協商全權代表電

蔡撫軍贊同梁唐二君爲協商代表電

陸撫軍贊同梁唐二君爲協商代表電

陳撫軍贊同梁唐二君爲協商代表電

岑撫軍副長派程子楷爲軍事會議代表電

唐撫軍長通告派張子貞爲軍事會議代表電

岑撫軍副長派程方高耿四君參與軍事會議電

岑撫軍副長致方高耿程四代表電

湘督劉人熙贊同軍事會議遣派代表電

(八)關於撤廢軍務院之商權

岑撫軍副長致撫軍長及各撫軍職員通電

陸撫軍陳撫軍通電

陳撫軍通電一

陳撫軍通電二

蔡撫軍電

呂撫軍通電

章太炎先生來電

呂撫軍通電

撤廢後大總統之覆電

大總統對於撤廢軍務院之申令

撤廢後國務院之覆電

岑撫軍副長致段總理電

唐撫軍長致大總統段總理電

梁政務委員長致大總統國務院電

(九) 雜件

黎大總統致岑撫軍副長電六件

唐撫軍長致獨立各省通電

唐撫軍長致各要處通電

岑撫軍副長呈大總統電

岑撫軍副長致獨立各省通電

岑撫軍副長致滇軍李總司令電

岑撫軍副長李撫軍致獨立各省通電

山東護國軍吳大洲等致岑撫軍副長電

馬鎮守使致岑撫軍副長電

龍督電轉梁政務委員長丁艱辭職函

岑撫軍副長致何參謀長元春電

梁政務委員長致馮上將軍電二件

劉師長祖武致岑撫軍副長電

劉師長祖武致李副都參謀電

李副都參謀致劉師長祖武電

岑撫軍副長致黃軍長電

黃軍長致獨立各省通電

黃總司令致岑撫軍副長電

章太炎致岑撫軍副長李副都參謀章秘書長電

屈都督通電

鈕代表趙秘書致譚人鳳書

容秘書伯挺致國會議員書

吳秘書貫因等力闢誤援僞約法電

## 第四編 各省文電

(一)關於撫軍及各項職員之推定

岑撫軍梁撫軍通知雲南唐都督被選爲撫軍長電

雲南唐撫軍長鈞鑒軍務院組織條例及宣言書業於佳日公布並經粵桂等省互選我公爲撫軍長春煊爲副啟超領政務委員長因地點在粵我公一時未能躬蒞春煊暫攝職權此後凡百秉承尊指遇有急要便宜攝辦立即報聞希常賜教俾無隕越岑春煊梁啟超叩文

唐都督推岑公爲撫軍長致梁任公電

肇慶軍務院梁政務委員長鑒頃准雲南都督魚電開萬急南寧梁任公先生行營陸都督督府陳護督廣州龍都督鑒護密任公卅二電冬電並悉時局最後之解決一在四省實力一在外交圓滿至論不易欲得外交承認亦非速置統一機關不可前見組織軍務院條例斟酌盡善不勝欣服當時擬先定軍務院設置地卽以所在地之撫軍代表暫不設撫軍長名目較覺圓融當屬黃君溯初還商任公頃電云欲以撫軍長相屬惶恐無地自顧菲才萬難勝此小讓非所敢出而大名其實難副惟諸公之諒之也西林先生老成重望海內所知

比來奔走國事尤極勞勩幹紫兩公擬推都司令鄙意軍務院辦法最善似無須另用他項名目并可卽推西林任撫軍長一職將來兵事外交必能得圓滿之解決大局前途實爲深幸一隅之見是否可行仍乞公決等因謹轉聞陳炳焜文印

唐撫軍長辭職請另推通電

肇慶岑都司令梁都參謀南寧陳護督永寧蔡總司令南寧送李總司令貴陽劉都督廣州龍都督杭州呂都督鑒撫軍長一職前准西林任公先生迭電相推經卽覆電力辭頃復得陳護督庚電仍以相屬自維粗悉軍旅祇應勉效前馳愧乏遠謨詎能肩斯重任務懇諸公另推望才適當之人以資統攝而策進行是所切禱唐繼堯叩篠

敦勸唐撫軍長就職電一

雲南唐撫軍長鑒讀公致任公印泉兩魚電猥以軍院首席相推焜以衰齡遠竄異域賴公申大義以討賊焜始獲託幬庇以生還痛神蠹之未除乃步塵以前敵死綏乃其本志秉鈞非所敢承我公身先天下之憂手挽神州之劫颺擊則元兇褫魄雲從則志士傾心實宜總此戎機恢我鴻業旣僉同於枚卜望勉抑於謙光謹褻愚誠欽遲宏誨岑春煊叩文

敦勸唐撫軍長就職電二



雲南唐撫軍長鑿魚電悉撫軍長一職西林謙讓堅不肯承我公再造國家之功薄海宗仰務乞勉肩大任濟此時艱不勝大幸梁啓超李根源叩文

敦勸唐撫軍長就職電三

雲南葉師長張師長黃司令官庾廳長劉師長孫旅長李旅長戡旅長唐廳長鑿虞電敬悉謬蒙獎飾慚愧無地此次義幟高樹薄海風從吾滇以天末之邦負全局之重皆蒙公暨諸公之宏願偉力有以致之源竄伏異域叨庇大賜始克重履故國勉附驥尾奔馳數月補裨毫無亦盡其心力之所至而已功何有焉自桂粵繼興籌國者僉以義師蔚起軍政紛歧對內對外亟待統一於是有組織軍務院之議當時商及撫軍長事任公卽力推西林先生意以名高望重非此莫屬惟西林則始終謙摛意甚決絕並以蒙公爲首義之人半載以還高韜遠識艱貞卓絕中外同欽領袖一職非推蒙公不可源意所見亦正同此幸卒得各方同意議遂以定業於陽日由各撫軍聯電發布此後惟希吾人共矢忠誠抱此既定方針奮勇前進迅奏膚功民國之幸卽吾滇之光也俠和已於文日到肇晤悉各情良深欣慰鎔軒又新小齋叔桓小蘭梓暢諸兄處並乞轉達鄙意翹首鄉雲有懷莫罄臨電拳拳不盡欲言李根源叩銑印

敦勸唐撫軍長就職電四

百色李總司令鑒奉敬電深佩蓋籌組織統一機關事已於勸二電詳陳鄙見擬設軍務院於粵置撫軍若干人成合議機關推莫公爲撫軍長雲公爲副長公與松坡及劉陸龍三督皆爲撫軍職權由副長攝行避大元師之名免賊藉口撫軍長一職以齒論則可推雲公以功論則必推莫督且雲公讓賢辭意堅決更無商權餘地望莫公勿事謙讓致延成立之期此間已屢敦勸乞公更陳義督責俟規模既定超當赴滬與他方面接洽公所部大軍必須來肇擁護根本已屢電商幹督想不日解決也梁啓超李根源冬

唐撫軍長承認就職電

肇慶岑西林先生鑒文電敬悉極佩謙冲更辱獎借持誦之下欽悚何極我公旣任院長爲義軍代表中外具瞻□□□□□□□□□□至若堯者量較等於挈瓶濱材僅堪執戟猥以先驅之故謬蒙首席之推聞命自驚撫衷滋愧曩之辭謝非表鳴謙特以大匠在門實慮代斲傷手旣不獲命何敢固辭猶幸借箸之工謀可免扣槃之貽誤惟□□□□□□尸居耳謹此復布不盡主臣唐繼堯叩皓印

岑撫軍副長梁政務委員長就職復陳撫軍電

南寧陳護督鑒函並庚電敬悉謬承推舉以春煊爲撫軍副長啓超爲政務委員長樛櫟庸材何能勝此重任撫躬自問四顧徬徨惟國家多難未敢暇逸當敬謹將事求無負我公厚愛之意而已岑春煊梁啓超叩咸印

### 岑撫軍副長致浙江呂都督加入軍務院電

浙江呂都督鑒聞公受業全浙公戴出肩鉅艱慶國得人距躍三百此間與浙中函電不下十餘通悉因道路梗塞諸多滯失前因義師蔚起各省雲興對內對外亟待統一曾由唐劉陸龍四督會商梁任公及煊等組織軍務院業於本月陽日宣告成立依據該院條例應請我公追任撫軍資重磐才共襄大計煊以庸鶩附諸公後所盼時錫南針不吝教益所有各情日前曾託蔣君方震持函面陳以後乞就近與鈕永建谷鍾秀殷汝驪諸兄接洽爲禱岑春煊叩

### 致浙江呂都督加入撫軍函

戴之仁兄都督麾下逃聽義聲異常怵躍所惜道里阻塞恨不得時通音問藉悉偉猷遙望浙雲欽遲曷旣今日大局非袁氏退位不能解決已成國內之公言彼袁氏者若猶稍有廉恥稍顧國家自應及時引退乃近觀袁氏似尙不免有恃權戀棧之態吾國大局果能迅速

解決與否正未易言同人等有見於斯以爲吾南方現僅五省比之北方勢力頗形薄弱若不力求團結恐不足與賊相持且外人之意亦頗望我有統一機關以爲承認地步就對內對外而論似軍務院組織均不可緩嗣以各方面意見一致贊同遂於五月八號先以滇黔桂粵四省都督名義將設立軍務院情形佈告中外按本院組織條例執事合任撫軍同人等並宜先行徵求同意但以交通阻梗電商未覆又因軍情至急難於久待只得變通辦理故本院先後各通電中業經一再聲明茲特專函佈臆並求我公正式承諾加入撫軍事關軍國大計尙乞從速賜覆以一觀聽而策進行不勝惶恐待命之至專此敬請勳安

唐繼堯  
梁啟超

劉顯世 陸榮廷 龍濟光  
蔡鏗 李烈鈞 陳炳焜

岑春煊同啟附寄軍務院組織條例一件

### 呂撫軍復電承認轉致各撫軍電

急雲南唐撫軍長貴州劉都督廣西行營陸都督廣州龍都督四川行營蔡總司令南寧陳護督公鑒頃接浙江呂都督來電云肇慶軍務院岑撫軍副長并轉唐撫軍長暨劉蔡陸李龍陳諸位撫軍公鑒書及條例敬悉諸公手造神州心謨四運軍院組織薄海嚮風浙賦同仇已逾匝月願承策勵共挽狂瀾附驥榮施聞命歡忭詳函另達先此電聞呂公望有等語合轉電聞岑春煊謙印

通告浙江呂都督加入撫軍電

雲南貴陽廣西廣東都督四川湖南前敵總司令暨各鎮守使各師旅長各道尹縣知事公鑒依本院組織條例浙江都督呂公公望應爲撫軍由本院備文咨會已經呂都督承認特此通告軍務院感印

岑撫軍副長致湖南湯都督加入撫軍電

長沙湯都督鑒大盜禍國薄海同仇遜聽義聲同深忭慰軍務院之組織爲今日對內對外統一機關業於五月八日成立各獨立省分都督照章兼任撫軍均經先後加入茲按本院條例卽請執事正式承諾加入撫軍事關軍國大計尙乞從速賜覆此後一切進行並求隨時賜教俾有遵循實深禱盼立候示復撫軍副長攝行撫軍長職權岑春煊卅一日印

湖南湯都督承認加入撫軍電

肇慶攝撫軍長岑鑒卅一電悉護國既矢同心自應力謀團結軍院建設極佩宏籌撫軍一職本係法定何敢弗承謹卽遵照明示正式加入以符規例惟自慚綆短彌凜仔肩敬祈時賜良箴俾資率守是所感荷湯薌銘叩魚印

岑撫軍副長通告湖南湯都督正式加入撫軍電

雲南唐撫軍長貴州劉都督桂軍行營陸都督南寧陳護督廣州龍都督杭州呂都督四川陳都督陝西陳都督滇第一軍行營蔡總司令滇第二軍行營李總司令松坎戴總司令自流井羅總司令鑒前由軍務院查照組織條例電推湖南湯都督爲撫軍茲准湯都督魚電開卅一電敬悉護國旣矢同心自應力謀團結軍院建設極佩宏籌撫軍一職本係法定何敢弗承謹卽遵照明示正式加入以符規例惟自慚綆短彌凜仔肩敬祈時錫良言俾資率守湯薌銘叩等因特聞岑春煊叩青印

通告戴羅兩總司令取得撫軍資格電

雲南唐撫軍長貴州劉都督桂軍行營陸都督南寧陳護督廣州龍都督杭州呂都督四川陳都督湖南湯都督陝西陳都督滇軍第一軍行營蔡總司令滇第二軍行營李總司令松坎戴總司令自流井羅總司令暨前敵各軍司令各師旅長各鎮守使各道尹各縣知事鑒唐撫軍長漾電蔡撫軍號致兩電聲敍戴總司令戡所轄部隊在松坎綦江一帶作戰者八營在湘西辜沅一帶作戰者十三營湘黔聯合軍五營義勇軍尙不在內計其兵力實超兩師以上羅總司令佩金所部軍隊現有滇軍兩梯團川軍之熊克武所部兩梯團以上加以新到援軍八營總計達兩師以上均與軍務院組織條例第三條所稱撫軍資格相當等語

劉陸龍陳各撫軍均來電贊同春煊烈鈞在此亦深同意查本院組織條例第三條撫軍以各省都督或護理都督兩省以上聯合軍都司令都參謀及各獨立省確已成軍有二師以上之軍總司令任之同條凡取得前項資格者同時取得撫軍資格茲戴羅兩總司令所部軍隊既在二師以上自應遵依條例推爲軍務院撫軍特電通布軍務院江午印

### 岑撫軍副長致戴羅兩總司令推爲撫軍電

松坎戴總司令自流井羅總司令鑒茲依軍務院組織條例公推兩公爲軍務院撫軍除另電通布外特聞岑春煊江印

### 羅撫軍辭謝電

廣州軍務院岑副撫軍長並請轉政務委員長梁雲南唐撫軍長大洲驛蔡總司令鈞鑒號日奉軍務院江電猥蒙雅命列名撫軍捧讀之餘莫名慙愧袁氏誣民竊國佩金本個人天良隨羣公大旆仗劍出師同伸義憤建義以來所恃將士同心同德視綫所歸攻堅捋強率能不屈威武者僅此而已佩金參與行間不過以袁逆與吾國吾民不兩立之決心與同袍期許此外毫無建樹深慙後死雖天佑中華袁逆遭譴惟軍興以來國勢益形瓢搖禍亂或尙相尋人民困苦流離瘡痍滿目無力挽救今驟膺令名益增內咎切懇俯諒愚忱解除撫

軍名義俾得始終追隨爲國馳驅謹電奉辭諸惟諒鑒護國第一軍左翼司令羅佩金叩印

海軍李總司令宣告加入護國軍電

肇慶軍務院岑副撫軍長並祈轉唐撫軍長及各撫軍同鑒海軍將士素擁共和帝制發生全軍憤激鼎新不才謬承公推大義所在分不敢辭祇以艦船分散駐防脫羈非易茲幸各隊司令艦長悉力布置已於念五日陸續開滬當由鼎新商承代表唐鈕伍溫公卽日宣布加入護國軍並通電北京此後一本軍務院宗旨進行相與終始除趕報辦公機關按照前經列摺報明關於職權之四條辦理遇事隨時按商外特此電聞李鼎新叩宥

岑撫軍副長通告海軍李總司令爲撫軍電

雲南唐撫軍長上海梁政務委員長唐外交專使海軍李總司令貴陽劉都督衡州桂軍行營陸都督南寧陳護督杭州呂都督湖南湯都督滇第一軍行營蔡總司令滇第二軍行營李總司令松坎戴總司令資州羅總司令鑒海軍李總司令鼎新當袁氏叛國之初矢敵愾同仇之志密謀獨立三月於茲惟以所轄艦隊一時不能集中有礙進行致遲發布茲各艦已自煙閩先後集中滬上各將校集議僉以黎大總統現已繼任自應一致擁護遵率不踰惟稽之南中誓師之詞返之我軍護法之意非至約法恢復國會開會內閣依法成立未爲



盡其職責各艦隊本此要求應卽宣言與護國軍一致行動以蕞末竟之緒先後來電見告熱忱毅力欽佩同深查軍務院組織條例第三條李總司令當然取得撫軍資格前以事在祕密未便明電發表現既正式宣布自應由軍務院依法補行宣告李總司令鼎新爲軍務院撫軍以符條例特電奉聞岑春煊叩卅印

### 唐撫軍長推劉總司令存厚爲撫軍電

肇慶岑撫軍副長上海時事新報轉梁政務委員長貴陽劉都督廣西行營陸都督南寧陳護督廣州龍都督杭州呂都督長沙湯都督成都陳都督蔡軍行營蔡總司令羅總司令肇慶滇軍李總司令松坎戴總司令鑒四川護國軍劉總司令存厚原任四川第二師師長自滇省發難反抗帝制擁護共和劉君卽首應義旗協力進行敘稽之役復督飭川軍盡力協助各處義軍遂聞風繼起實屬大義凜然勞績卓著所部軍隊亦數在兩師以上查軍務院尙未取銷則名義所存自未可一日而沒劉君資格旣與院章符合擬卽推劉君爲撫軍藉以表彰并資策畫是否之處統希公決示覆爲盼繼堯叩卅印

### 公推唐王溫三君爲外交專副使電

上海探送唐少川王亮疇溫欽甫三先生鑒現遵軍務院組織條例第八條公推少川先生

爲外交專使亮疇先生欽甫先生爲外交副使敬煩擘畫以重敦槃推任狀日內寄上務盼俯允擔任以維國事而遏逆氣無任感禱軍務院文印

岑撫軍副長通知繕發外交專使副使推任狀電

雲南唐撫軍長大鑒茲推任唐君紹儀爲外交專使溫宗堯王寵惠兩君爲外交副使推任狀已用軍務院名義分別繕發特聞岑春煊叩洽印

推定外交專使副使照會各國公使領事文

爲照會事照得軍務院成立業經另文照會在案茲遵照軍務院組織條例第八條推任唐紹儀爲外交專使王寵惠溫宗堯爲外交副使所有一應交涉事宜卽由該專使副使與貴公使貴總領事官貴領事官和衷辦理除分別照會外相應照會貴公使貴總領事官貴領事官請煩查照施行右照會各國駐使各口總領事領事官軍務院撫軍長唐繼堯副撫軍長攝行撫軍長職權岑春煊撫軍領政務委員長梁啓超撫軍劉顯世撫軍陸榮廷撫軍龍濟光撫軍蔡鍔撫軍李烈鈞撫軍陳炳焜撫軍呂公望

岑撫軍副長擬任范谷二君爲駐滬委員電

雲南唐撫軍長貴陽劉都督廣西行營陸都督南寧陳護督廣州龍都督杭州呂都督四川

行營蔡總司令鑒軍務院成立僻處一隅與長江一帶聲氣隔絕現在政治活動盛於南東浙省與獨立各省文電不通尤宜急取聯絡滬上同人屢以本院須派駐滬委員爲請是誠要義未可緩圖茲擬用本院名義委任范君源廉谷君鍾秀爲駐滬委員兩君學優才卓物望甚高必能勝任愉快想諸公無不贊成也佇盼賜復岑春煊叩馬印

岑撫軍副長致范谷二君派爲駐滬委員電

上海范源廉谷鍾秀兩先生鑒軍務院駐滬委員擬請兩公擔任委任狀隨寄並已轉電各省矣岑春煊箇印

唐撫軍長贊同派范谷二君爲駐滬委員電

都司令部都司令岑西林先生廣西行營陸都督南寧陳護督廣東龍都督杭州呂都督貴陽劉都督蔡行營蔡軍總司令鑒西林馬電敬悉本院派駐滬委員藉資聯絡誠屬必要范源廉谷鍾秀兩君才優望重勝任愉快堯深表贊同卽乞岑公照辦爲荷繼堯宥印

岑撫軍副長派鈕君永建爲駐滬軍事代表電

上海唐少川先生轉鈕永建君鑒滬爲交通要區業已推任范源廉谷鍾秀兩君爲本院駐滬委員茲特加派執事爲本院駐滬軍事代表合先電告岑春煊江印

岑撫軍副長組織聯合軍請唐撫軍長指揮進行電

雲南唐撫軍長鑒滇粵桂聯軍出師方略業已編定擬定名爲護國聯合軍由軍務院直轄  
以下列各軍組成之一滇軍二兩廣護國軍新編第六軍總司令兼陸軍第四師師長林虎  
三新編第四軍總司令兼陸軍第二師師長李耀漢四粵軍由龍都督擔任出兵三千人司  
令官擬任段爾源或鄭開文五新編第三軍總司令兼陸軍第三師師長莫榮新六新編第  
五軍總司令兼廣西第二師師長譚浩明七新編陸軍第五師師長張習八潮軍爲新編陸  
軍第一師師長莫擎宇九程軍爲第一混成旅旅長程子楷此項聯合軍以擊退贛閩邊界  
北兵及進取福州南昌爲會師武漢直搗幽燕爲目的第一期掃除贛閩邊界敵兵第二期  
驅逐福建江西境內敵兵占領福州南昌第三期集中湖北進駐武漢第四期直搗幽燕絕  
賊根據其作戰計畫出發日期俟後續報惟本軍既直隸於軍務院自應請由撫軍長直接  
指揮現各軍出發在卽應如何進行之處伏候卓裁示復岑春煊叩豔印

唐撫軍長覆岑撫軍副長請就近指揮聯合軍電

肇慶都司令部岑都司令豔電悉滇粵桂聯軍之組織及進取方略均極妥協卽由公就近  
直接指揮進行隨時示知可也除電各軍司令外特復唐繼堯叩江印

岑撫軍副長兼任聯合軍司令官致唐撫軍長電

雲南唐撫軍長鑒江電敬悉茲事體大本非煊所敢承軍旅之事不當虛讓惟有暫以便宜行使職務所冀憑藉威稜將士用命所向克捷共集大勳一切機宜仍當隨時電請指示辦理除通告外敬復岑春煊叩微印

岑撫軍副長通告推定梁李兩公爲聯合軍都參謀副都參謀電

雲南唐撫軍長貴陽劉都督桂軍行營陸都督南寧陳護督廣州龍都督杭州呂都督四川陳都督湖南湯都督陝西陳都督滇第一軍行營蔡總司令滇第二軍行營李總司令松坎戴總司令自流井羅總司令永州望總司令陸師長靖州程總司令衡州林總司令鑒滇桂粵護國聯合軍編組就緒陸續出發昨經通電奉布春煊無似承唐撫軍長假以便就近指揮雖願切於前驅而學疏於軍旅茲特推兩廣護國軍梁都參謀啓超爲滇桂粵聯合護國軍都參謀並任兩廣護國軍李副都參謀根源爲聯合軍副都參謀贊畫一切以資熟手而重戎機再梁都參謀現在居喪在滬一時不能任事都參謀職務以李副都參謀兼攝並聞岑春煊叩魚印

唐撫軍長贊成梁李兩公爲都參謀副都參謀電

肇慶岑撫軍副長鑒魚電敬悉推任任公先生爲滇桂粵聯合軍都參謀李君印泉爲副都參謀堯極表贊同特復唐繼堯叩真印

陸撫軍贊成梁李兩公爲都參謀電

肇慶岑都司令梁都參謀李副參謀雲南唐都督貴陽劉都督廣州龍都督杭州呂都督長沙湯都督西安陳都督成都陳都督蔡軍行營蔡總司令李軍行營李總司令松坎戴總司令自流井羅總司令永州望總司令靖州程總司令南寧陳代督鑒長沙林總司令寶慶陸代師長覽岑都司令魚電特推梁公啟超爲滇桂粵聯合護國軍都參謀李公根源爲滇桂粵聯合護國軍副都參謀梁李兩公熱誠爲國智略優長推爲滇桂粵聯合軍正副都參謀廷極端贊成尙望兩公勉任其難無任切禱陸榮廷真印

陳督軍贊成李公任副都參謀電

軍務院岑副軍長鈞鑒并轉梁都參謀李副都參謀鑒撫軍副長魚電奉悉極表贊同李印泉先生夙諳韜略魄力沈雄足副聯合軍副都參謀之職現雖袁死黎繼而根本尙屬動搖敬懇李副參謀默運遠籌永固民國爲禱陳炳焜元印

(二)關於解決時局之主張

(甲)袁世凱未死以前

岑撫軍副長以四義誓師電

雲南唐撫軍長貴陽劉都督杭州呂都督成都陳都督長沙湯都督四川行營蔡軍總司令自流井羅總司令松坎戴總司令永州望林兩總司令靖縣程總司令鑒義軍之起職在討袁袁苟朝去兵卽夕偃故法之可以去袁者激急和平兩俱用之凡義之不得已與不爲己甚之苦衷當爲仁人君子所共諒乃袁氏陽託自退陰緩吾兵詐僞無端狡獪百出四川和約反覆無成南京會議咆哮復甚是故成都發憤而獨立長沙慷慨以興師一髮危機幸而得免若竟隳進取之大計慕調和之美名則賊智百端動皆陷阱使諸公手復之共和終燼於袁氏死灰之下近思死士遠念將來情何以堪罪且莫贖煊等無似忝總師于衆逾十萬城連數百人皆飲血士盡枕戈志本願爲前驅力亦足當後盾時不可失兵不可老賊不可不殺法不可不護竊立四義以之誓師一我軍爲討袁而起袁不退位絕無調停可言二袁氏退位我軍務院恭承繼任之黎大總統正式就職三非至袁氏退位黎大總統正式就職時決不停止軍事進行四擁護約法保障國會俟前參衆兩院議員依法集會時國家大計交其解決凡此四者爲我全體將士之所恪遵計惟本此而行不敢反顧凜螫手切腕之訓

恥後時留決之譏斬斷葛藤與賊相搏凡我同澤願鑒斯忱岑春煊陸榮廷龍濟光陳炳焜李根源譚浩明莫榮新李耀漢段爾源林虎鄭開文李嘉品李文連莫擎宇隆世儲馮相榮車駕龍陸裕光馬濟程子楷李華秋翟汪魏邦平林俊廷沈鴻英張習朱福全黃志桓馬如珍伍敦仁金鎔鄧文輝申葆藩賈克昭陳坤培等叩冬印

岑撫軍副長梁政務委員長痛陳袁氏退位利害電

北京黎大總統暨各部院處署雲南貴陽南寧廣州杭州都督各省將軍巡按使巡閱使都統護軍使鎮守使永寧北色松坎總司令部並轉南北兩軍前敵各司令公鑒國事至今日舍項城退職外更無弭兵之可望此天下公言矣乃猶或持苟且之調停說謂帝制既停可認項城更爲總統此誠如蔡公松坡所云再醮之婦更求歸奉宗祧不徒大悖於禮且亦難以爲情此說之不可行實無待辯然又有爲之說者謂北方軍隊甚衆非項城不能統一此言似頗近理要非根本之談項城果能統一北方軍隊與否本已屬疑問就今日彼果能之然項城之年既五十八矣人壽幾何一日溘逝又恃誰以爲統一者據春煊等愚見竊謂北方諸將帥若誠爲國家百年計惟有亟自謀聯絡統一洵能如是則項城去留何至牽及北方之治亂若曰此事萬不能辦到惟恃一項城勉爲維繫項城血肉之軀豈能無死維繫一



年耶兩年耶五年耶十年耶終有不能維繫之一日彼退猶云召亂彼死又將何如圖苟安於目前遺隱患於異日養癰愈久潰裂益烈以此謀國寧得曰忠夫北地諸將英豪所萃外而馮張內而段王皆命世之英薄海宗仰非特勛名震鑠抑亦德量淵宏戮力和衷何事不濟乘此艱虞之會協謀解決之方既可爲項城卸仔肩以答私恩復可爲國家策治安以全公義公忠體國不當如是耶今必欲拂輿論以留項城北方能否終不破裂殊不敢知欲南方強爲屈從則斷無望項城雖自侈瘠牛償豚之威南省又豈能銷乳虎食牛之氣勿論獨立風潮繼五省而起者行且未已就令長此止於五省項城豈能舉五省之軍而屠之舉五省之士而坑之而五省軍民旣懷與日偕亡之決心三戶尙存九死無悔欲其石轉當俟海枯積久相持何以爲國持調停說者動輒以外人干涉爲詞煊等謂旣共覺外人干涉之可憂則當益知項城引退之宜亟外人不能坐視我之長此擾攘稍有識者皆能知之然正義人道所在無論何國斷無或肯庇一人以與四百兆衆爲仇然則果有干涉其干涉之條件爲何不難預測要之項城旣失威信於中外其不能不退已成鐵案見幾而自退耶則名旣泰而人民亦免幾分之傷殘國家亦存幾分之體面若猶怙權戀棧直待不能不退之事實完全發現則非復吾國民所忍言矣諸公愛國愛項城其何以處此又項城擠排異己每

以競爭權利相誣彼推己腹以度人心愈費詞而愈形其醜他人所不敢知若春煊者則既老矣而又久病今茲強起從戎專爲共和請命凡以求死非以求榮項城朝退春煊夕隱倘懷取而代之之心甘受天日明神之殛若啓超者本爲文士非有政才投筆已乖本懷藏山尙留絕業皎然此志無待自明今黃陂旣已依法繼承大局本可迎刃而解靖難善後自有羣公太平幸民切思托庇惟目前事機之危間不容髮項城能讓乃可息兵爲國家計爲項城計舍此坦途更無他路敢瀝肝胆布其區區責善解紛欽遲後命岑春煊梁啓超同叩江印

唐撫軍長力主袁氏退位電

徐州張巡閱使盛京張將軍武昌王將軍段巡按使鑒北京黎大總統暨各堂處部院局所長各省成德歸化張家口寧夏西寧康定各軍民長官鈞鑒張巡閱使卅日電張將軍段巡按使兩冬電頃均奉悉諸公愛國別具深衷苦口危言循誦增感但鄙意實有欲陳者蓋項城之必須退位自法律言之罪名已定而難免自事實言之威信已失而難回凡諸理由俱詳迭電今諸公之意殆已莫不謂然特患善後不易然此不難解決也繼堯何人約法俱在獨立各省聯合軍政府前已宣言恭戴今大總統黎公繼任非惟國民無敢異議卽外國亦一

致贊同是可無容置慮若謂北方軍人不與南省同其趨向則厚誣我北方神聖之軍人竊謂過矣夫南北雖異心理大同燕趙健兒素饒肝膽其效忠於國家非私暱於袁氏也今滇黔桂粵浙省之舉義兵目的在於國家其行動一本乎法律則凡效忠於國家必有同一之趨向苟其不明大義甘爲項城致死此袁氏一姓之鷹犬耳何效忠國家之足云乎至於宥電所陳項城退位兵禍立解諸公或有所疑乃致有舟中敵國野心權利之嫌此亦不能無辨義兵之起實爲項城項城退位黎公繼職凡我袍澤孰敢阻兵兵禍之解自可立決且本今茲之舉庶國人知以項城之撫有全國而一有違法立致覆敗以黎公之身無寸柄而按法繼承舉國人士凜乎人心不可或失國憲不可妄干正所以殺國人非分之心而杜將來無窮之禍也理有固然奈何疑者夫諸公之愛項城實有過於愛國卽堯等亦豈有私怨於項城其力持項城退位之議爲國故實亦爲項城也諸公誠愛國愛項城惟有力勸項城卽日退位之一法否則愛之實以害之不免爲細人之姑息諸公明達必不出此專布腹心惟圖利之唐繼堯感印

陸撫軍復馮將軍討論袁氏地位喪失總統繼任問題電

肇慶岑都司令梁都參謀李副都參謀張前巡按鑒頃接馮君華甫宥電南寧陸幹卿先生

鑒文日通電刻悉國璋於公素無覲面之雅然執事雄才大略平日耳之已熟久切心儀偶有信使往來無不以愛國愛民相勗勉蒼岑契合曾訂盟言不意時局紛紜發生事故風雲一變音問遂乖前由國璋主稿挈銜集合同人聯電勸告時歷匝月未得嗣音頗惑我公見拒過深私衷不免回惑頃接尊電知因道阻稽遲持誦回環曷勝欣慰電中指斥各節本有事實可徵公與國璋同在箇中不必更談已往前此聯名公電係國璋所發起專以維持大局爲前提并非有所私於一人故爲曲說以期擁護電文具在復按可知現在粵浙相繼動搖秩序已極禁亂若不及時解決後患何可勝言如公來電所云似非元首退位無可調停但民國欲固本根須先援據法律既言變更國體大總統已喪失資格則副總統之名義亦當然隨同消滅倘退位竟見實行後繼者果將誰屬中央無人主政則百度廢墮各省不相爲謀則分裂立見使中國陷於無政府地位危險當百倍於今茲京津屯駐北軍或以失所倚依謬生謠譏此種現象亦在意中畿輔必懼兵戈外界豈能坐視揆之維持初願詎非相背而馳我公平心以思當不責爲偏私總之時事至此重在設法挽回彼此同繫安危首宜捐除成見如何可以弭巨禍如何可以奠邦基若能協議統籌期必遂滿解決之策公如不我遐棄祈示決定方針國璋亦願貢其所懷與大君子互相商榷也特電復聞佇盼明教

璋宥印云云復電如下加急南京馮華甫先生鑒宥電誦悉袁雖取消帝制謀叛罪固已成立按照約法大總統之資格當然喪失業於前月嘯日經四省聯合軍政府第二號宣言通告中外恭承黎副總統繼任吾國當不致陷於無政府地位我公偉論民國欲固本根須先援據法律所見相同以公宿望久爲海內所信仰登高一呼各省明達諸公聞風響應自當一致進行大局不難和平解決南方舉義各省秩序如舊北方尙持鎮靜尤易維持袁氏退位後諒無意外之虞榮廷於公獲契苔岑同心救國諸事儘可商權我公對於廷等四省宣言意謂如何抑此外更有善策希電賜教無任盼禱榮廷江印謹聞陸榮廷江印

#### 唐撫軍長致張君溥泉電

溥泉先生公鑒敬啓者滇以擁護共和不獲已而興師所幸同志贊助局勢日張川黔旣已協力粵桂復表同情袁氏迫於大勢已去人心已解業將帝制取消但其威信掃地罪狀昭然豈復能代表人民再尸職位故以國法而言旣斷無仍爲總統之理以政治而論數年之敗壞亦無復有振興之望惟查總統一職原係根據約法由國會公選今欲求正當之解決仍應根據約法訴諸國會查民國二年之國會係約法組織爲真正之民意機關所選出之議員又係真正之國民用意當時國會甫經成立卽邀各界之承認是吾中華民國之完全

成立與在國際上得享有平等權利實自國會成立之日始前此參衆兩院議員本爲袁氏一人之私意取消而各議員代議資格當然存在茲擬按照前次正式國會議員資格分函邀集斟酌地點擇期開會爲根本上之解決此間再三詳究詢謀僉同用特懇請諸公登高一呼必能爲洛鐘之應倘能及早解決則兵禍早紓亟圖內部之建設其裨益國家匪淺鮮矣諸君望重斗山譽隆中外匡時愛國素具俠腸務懇從速著手進行不勝企禱至應用何種手續並請卓裁至於需用旅費津貼及一切會中用耗滇自當妥擬辦法接濟合併聲明  
崑肅敬頌公安諸希爲國自愛弟唐繼堯謹啓四月十四日

岑撫軍副長致兩院議員書

溥泉濟武兩先生及兩院議員諸先生同鑒袁賊叛法義師以興故義師之命脈在守法必使法律觀念爲袁賊所毀滅爬梳者一一彌補滋長於人人之腦中姦慝永不敢生逆謀民物悉納之於軌範然後死沙場者可以瞑目撰甲冑者可以息肩滇師旣興今撫軍長唐公屢以此義宣之全國軍務院成立復經鄭重布告咸使聞知耿耿此心當爲諸公所共諒惟法者其魄立法者爲魂徒曰守法尙託空言必有立法機關始臻敏妙且討袁首討其違法而吾遵法之表示亦舍規復其所毀壞之國會莫由諸公領袖時流鴻圖在抱兩院本有自

由集會之權其如何籌備召集及選擇地點一切之計卽隨時通示俾悉遵行煇夙夜兢兢此物此志敢布微意惟垂教焉幸甚專此敬請公安岑春煇謹啓五月二十二日

### 滇軍李總司令等致張湯二公電

張溥泉湯濟武兩議長暨國會議員諸先生鑒烈鈞從今撫軍長唐公後治軍滇南自春徂夏轉戰千里遠託福蔭幸有成功躬擐甲冑未遑政事前抵肇慶晉謁撫軍副長岑公始悉諸公爲國持法百折不回賊膽旣寒國魂以定甚盛甚盛竊思國於天地必有與立國而無法是謂不國袁氏壞法吾始討之故吾護國寧言護法我軍務院成立屢以擁護約法保障國會昭示天下實爲神人之所共鑒經義之所不移烈鈞一介武夫服從爲職故祇知有法罔識其他有蔑法者視與賊等今奉軍務院命誓師援贛軍次南韶下馬草此以當露布惟諸公察之軍務院滇桂粵聯合護國軍滇軍第二軍總司令李烈鈞師長張開儒方聲濤江印

### 唐撫軍長允與馮段徐王聯絡一致倒袁電

肇慶岑西林梁新會兩先生鑒電敬悉馮段徐王諸公旣同以倒袁爲目的自應聯合一致進行以後如有應行聯絡之處希卽通知自當遵辦唐繼堯號午印

岑撫軍副長李撫軍通告黃克強君自日本來電

雲南唐撫軍長廣西行營陸都督南寧陳護督貴州劉都督廣東龍都督杭州呂都督四川行營蔡軍總司令羅軍總參謀劉總司令松坎戴總司令永州望總司令衡州林總司令均鑒黃君克強由美抵日頃自東京來電文曰軍務院撫軍長副長各撫軍前敵各總司令公鑒袁逆謀叛諸公聲罪致討根據約法解決國紛樹義公明中外感動袁怙惡不悛貪戀總統廉恥喪絕全恃諸公堅持初旨協力進行速去元凶早定大局輿羈遲海外憂悚時深愧無力能爲諸公助今由美抵日冀於祖國消息聞見較真得歿世爲幸民卽拜賜於無旣或於我護國義軍有能補助萬一者誓必竭力圖之謹佈腹心卽希諒鑒黃興刪等語特達岑春煊李烈鈞筒印

趙秘書世鈺致陝督言軍院計畫及主張電

四川陳都督轉陝西陳伯笙都督暨當事諸公均鑒鈺應岑公電招前月敬日抵肇閱報真電及蔡總司令轉來漾電知秦關百二賴公等聲威完全克復歡欣無任敬爲遙祝現此間行軍計畫共成五師一混成旅一獨立團分向閩贛湘三路出師期奠定長江流域會師武漢掃蕩幽燕兵隊已次第開拔至對時局主張一非袁退位不言和二非至黎大總統依法



正式就位不停止進兵三擁護約法保障國會俟前參衆兩院議員依法集會國家大計交其解決再袁氏擬調駐岳州倪毓棻之兵集中汴省似專力圖陝請豫防謹此電聞後有要聞希電示由川轉趙世鈺叩支都部代印

(乙)黎大總統受職以後

岑撫軍副長請解決袁死黎繼後各種問題電

雲南唐撫軍長上海梁政務委員長貴陽劉都督廣西行營陸都督南寧陳護督廣州龍都督杭州呂都督成都陳都督西安陳都督長沙湯都督滇第一軍行營蔡總司令滇第二軍行營李總司令松坎戴總司令自流井羅總司令鑒據確報袁世凱於六月六日已刻身死黎大總統於七日午前十時依法繼任義軍第一層目的已達可以酬諸公捨身救民之志並慰前敵將士殉國之靈舉目曠觀悲喜交集惟是事起倉卒綱舉而目未張今後義軍如何進行亟待商酌查軍務院組織條例第一條軍務院直隸大總統統籌全國軍機施行戰時及善後一切政務今大總統已依法繼任應取何法聯絡第十條軍務院至國務院依法成立時撤廢之今國務院不得謂之依法成立宜如何應付段內閣所謂依法之國務院如何然後能成又國務院既無法律根據彼所副署之大總統命令能否發生效力種種問題

立待解決諸公手復共和必有成竹務乞各抒卓見以定方針煊衰病餘生本無遠志徒以神姦當國志切同仇入國以還屢有宣言謂袁朝退煊當夕隱今賊已自斃煊何所求一俟部署稍定行卽歸依丘墓國家大計經緯萬端命世羣英諸勞孽畫煊求爲共和平民足矣臨電不勝瞻依媿赧之至岑春煊叩陽印

梁政務委員長論袁氏死後切要問題電

雲南唐都督並轉蔡戴兩總司令貴陽劉都督南寧陳護督并轉行營陸都督廣州龍都督肇慶岑都司令并轉李總司令杭州呂都督成都陳都督西安陳都督鑿項城奄逝局勢銳變請卽分電段速奉黎大總統卽日就職宣告中外仍電未獨立之諸省曉以大義使一致奉戴勿生枝節再爲厲階仍用軍務院名義電全國報館聲明旨趣以免驚疑收拾北方惟段是賴南省似宜力予援助毋令勢孤更不可懷彼我成見致生惡感卽對袁似亦不妨表相當之哀悼以示洪量而攬同情國家存亡間不容髮願共敬愛宏濟艱難超去歲在津曾與蔡戴二公約言謂袁朝倒則超夕隱比在桂粵亦屢爲岑陸龍三公述此意天降鞠凶先考見背兩月始聞萬死莫贖前已電請解去兩廣都參謀軍務院撫軍領政務委員長諸職俾得伏慕思哀稍報罔極今大難漸平先靈略慰超前既有成言今復遘大故伏乞哀其慘

酷曲予矜全此後國事非棘人所忍與聞惟茲苦衷願執事勿加罪責善後萬端羣公攸賴  
伏唯努力勉副時望越禮陳情諸祈矜鑒梁啓超齊印

### 岑撫軍副長力闢國務院誤援僞約法電

雲南唐撫軍長上海梁政務委員長貴陽劉都督廣西行營陸都督南寧陳護督廣州龍都  
督杭州呂都督成都陳都督長沙湯都督西安陳都督滇第一軍行營蔡軍總司令滇第二  
軍行營李總司令松坎戴總司令自流井羅總司令鑒袁世凱身死由黎副總統繼任乃依  
據民國二年十月四日憲法會議所宣布之大總統選舉法第五條義軍屢本此以宣言實  
亦全國之所共認乃北京國務院魚電稱依約法第二十九條宣告以副總統黎元洪代行  
中華民國大總統職權等語查該電所指約法乃民國三年五月一日所公布約法會議所  
修改夫袁世凱以非法解散國會別以己意召集所謂約法會議議改大法機關既不正所  
修法案應歸無效黎大總統出承大位本國法程序之所當然決非袁世凱一人之私法所  
得傳會且繼承與代行職權大有區別我大總統選舉法明訂大總統缺位時由副總統繼  
任至本任大總統任滿之日止而袁世凱修正之大總統選舉法三年十二月二十九日公  
布者其第十條則云大總統任期未滿因故去職時應於三日內組織大總統臨時選舉會

是黎大總統代行職權止於三日姑不論今日時事紛披如麻待理不得於數日內舉行大選而於我義軍依法恭承繼任之大總統任期尙有兩年未滿者若依據後起不正之法改爲攝權不僅於義軍信誓有關而大局或因此別生紛擾方今機牙四伏南北未融幸有黎大總統繼任兩年一層可爲狂瀾之砥柱此藩一決法紀蕩然禍水滔滔焉知所屆此誠生死存亡之點急待磋商焯志在討袁袁死決意歸隱昨電已陳諒邀亮鑒惟心所謂危瀕行亦不容不一陳說以爲諸公參議之資尊見如何務乞斟酌盡善使中國不至在袁死後瀕於危亡至爲厚幸岑春煊叩庚印

陸撫軍力闢國務院誤援僞約法電

肇慶岑撫軍副長雲南唐撫軍長貴陽劉都督廣州龍都督杭州呂都督成都陳都督西安陳都督長沙湯都督南寧陳代督蔡軍行營蔡總司令李軍行營李總司令松坎戴總司令自流井羅總司令上海梁任公唐少川溫欽甫暨諸位先生鈞鑒岑撫軍副長庚電敬悉我護國軍前次宣言恭承黎大總統繼任係根據民國二年十月五日宣布之中華民國憲法會議制定之大總統選舉法查選舉法所載第三條大總統任期五年如再被選得連任一次第五條大總統缺位時由副總統繼任至本大總統任滿之日止昨據國務院魚電通告

係經袁世凱修改之僞約法於三年十二月二十九日公布者其第十一條云大總統任期未滿因故去職或不能視事時以副總統攝行其職權又僞定大總統選舉法第十一條云大總統任期未滿因故去職時應於三日內組織大總統臨時選舉會云云查我輩此次舉義原係根據第一次約法擁護共和袁氏未死之前又經宣言袁之大總統資格消滅依據約法恭承我黎大總統繼任約法效力猶在凡屬國民皆當遵守斷不能因袁氏一死改變主義乃國務院魚電通告竟援據僞約法顯係包藏禍心方今南北未融禍機四伏杜絕覬覦奠定國基正賴有此倘舍此就彼禍水滔滔烏知所屆此生死存亡間不容髮榮廷雖係武夫然遇事關國家根本大局安危詎容姦宄施其詐術稍事遷就緘默不言諸公既同袍澤再造共和務請毅力主張並乞我都司令主稿領銜關其謬妄民國幸甚陸榮廷文印

### 湯都督得撫軍副長庚電引申其說復電

急肇慶岑撫軍副長鑒庚電敬悉頃接北京國務院魚電援引僞法正擬痛加辭闢茲讀尊示準據法理嚴正斥駁名言至論溥利國家欽佩無量謹本尊電旨趣再就愚見所及爲我公引申言之此次義軍之起本爲擁護約法此約法卽指民國元年民定之約法非指民國三年袁氏違法擅改之約法前次軍務院及滇黔諸省迭次申言毫無疑義乃北京魚電首

以奉袁氏遺令爲言全不解黎公爲約法上當然繼任之總統已背法理至其謬引袁氏違法擅改之約法尤大悖義軍擁護國法之本意決不能漫然承認此種約法既歸於無效則民國二年之約法當然有絕對的效力故黎大總統繼任與代行職權之問題亦應以民國元年約法爲根據查民國元年約法五十四條中華民國之憲法由國會制就憲法施行以前本約法之效力與憲法等民國二年由正式國會制定之大總統選舉法性質上既係憲法之一部而適用大總統選舉法第五條之規定以黎公繼任至滿法定日期爲止實與約法互合且袁氏未謀叛以前其大總統資格係由國會遵照民國二年十月四日公布之大總統選舉法選舉而來則繼任者當然適用同一之法律斷不能誤用袁氏擅改之選舉法此理至爲明確且必如此解釋乃與義軍擁護民定約法否認袁氏擅定約法之主張完全貫澈至就事實立論則今日大局粗定危機四伏誠如尊示所云惟黎大總統繼任兩年一著可以抑奸宄而正人心凡我同志諒無不佩服卓見我公鼎力望隆海內宗仰擬請將尊籌大旨按諸法理事實發揮盡致聯名電呈黎大總統懇請特頒明令允從民意聲明在憲法未定以前民國元年約法并國會所制定屬於憲法一部之大總統選舉法均回復其效力其袁氏擅改之約法暨所謂修正大總統選舉法一律廢止則此後凡百建言行事有所

準據一得之愚奉質左右祇祈明教不盡企忱湯薌銘叩真印

### 岑撫軍副長條舉大綱四事電

北京黎大總統鈞鑒竊以國難之生由於有人毀壞國法故此時解紛靖難非力護民定根本大法別無入手之方且此爲民國不易之方針決非私人固執之偏見誠得如是南軍固爲滿志而全國又豈有他求煊等待謹行間熟思審處以爲既違千載一時之會宜有百年大定之規矧我大總統盛德謙光萬流宗仰著爲明令疇不凜遵以此盡其狂愚妄有陳說大綱四事可得而言（一）我大總統及時承位乃繼任非代行職權蓋項城稱帝以前之大總統資格係由國會選舉而來當時所據實爲民國二年十月五日所宣布憲法會議所制定之大總統選舉法則項城有變處理總統問題當然仍據本法查本法第三條大總統任期五年第五條大總統缺位時由副總統繼任至本大總統任滿之日止是我大總統之爲繼任皎然無疑（二）南軍政府迭次宣言擁護約法乃指民國元年之民定約法非民國三年項城改定之約法蓋項城解散國會本不合法而召集約法會議尤非民意所存機關不正所修法案當然無效（三）國會爲民國根本法所由產生項城以非法解散今恢復根本法當然同時恢復國會（四）大總統既已正位不可無內閣以輔之惟此時之國務院由政

事堂遞嬗而來不得謂之依法成立民定約法既復應請大總統依據約法指定總理組織新內閣交由國會同意以上四事實爲今日時局當然之途徑決非南軍過激之主張前見河南趙將軍田巡按使庚電於前二事指陳利害酣暢淋漓且發南軍宣言之所未發可見理無二致人心大同祇須本此以行萬事俱迎刃而解至召集國會建設內閣乃恢復民定約法程序之所必經仍爲一事而組織新內閣法理而外更爲現勢之所必然前二事既定後二事似尤無討論之餘地煊等以爲大綱既舉即時派遣要人籌商善後依次處理決無艱虞方今南北洶洶人心浮動大計之定刻不容緩而明公正位已達一週發言盈廷迄無定議誠恐奸人抵隙戰士激昂前路險巇不堪設想伏乞我大總統截斷衆流渙汗大號即本上陳四義著令明宣庶幾耳目始新衆志始一其他施設方能進行煊引退在即前電已詳惟甲冑一日在躬尙有爲民請命之責榮廷薌銘炳焜忝任封圻盱衡大局往復商榷所見悉同用敢聯銜上達力請施行冒昧陳詞統希鈞鑒再滇黔各省亦經電商惟因電阻尙未得覆合併附陳兩廣護國軍都司令岑春煊廣西都督桂湘聯軍總司令陸榮廷湖南都督湯薌銘護理廣西都督陳炳焜同叩元二印

大總統覆條舉四事電



肇慶岑都司令暨陸總司令湯都督陳護都督元電悉諸公瞻念前途舉條四事實爲目前當務之急除交國務院從速辦理外合先電復黎元洪效印

### 唐撫軍長條舉四端請明令宣布電

肇慶岑撫軍副長上海梁任公先生貴陽廣州杭州成都長沙西安南寧廣西行營各都督第一軍行營蔡總司令肇慶滇軍李總司令松坎戴總司令四川羅總司令劉總司令各省將軍巡按使并轉各護軍使各鎮守使各師長各副都統徐州巡閱使承德歸化廳張家口都統阿爾泰辦事長官塔城參贊庫倫辦事大員并轉各佐理員均鑒堂密頃電呈北京黎大總統文曰項城得罪民國滇黔桂粵各省恭戴我大總統繼承大位天心厭亂項城無祿北省軍民一致推戴此民國如天之福抑我大總統盛德所致也堯等待罪南中聞電之餘以喜以悻除令前敵各軍靜俟後命並商黔桂諸省徵求同意外茲先就愚慮所及宜於急行者用敢呈乞鈞鑒施行幸垂察焉項城叛國之罪造端實由於解散國會之日故今日國家根本法當以國會解散以前所公布者爲準此應請明令者一根本法律者實惟此總統選舉法我大總統任期以前大總統任滿之日爲止副總統一職則由國會另選按照約法及國會組織法則任命國務員組織正式國務院須得國會同意故應召集前參衆兩院議

員齊集天津尅日開會以便依法開幕此應請明令者二今日綏定全國首在罷兵凡經抵抗護國軍之各軍隊應卽悉行撤回原駐地點庶以表示和平避去衝突此應請明令者三至今茲護國軍之起事出非常現雖大總統出而維持而善後問題亟待解決此類事項勢不能悉待國會會議且事機危迫亦斷難坐待國會開會擬請召集軍事特別會議令各都督或將軍各派軍事代表若干名在滬集會諸凡軍事重要問題悉由該會議決呈候施行此應請明令者四以上四端均爲全國安危所繫用敢迫切上陳伏乞乾斷厲行民國幸甚猶有請者前因我大總統未能就任南中故暫置軍務院敬代執行並經宣告俟得國會同意組織之國務院成立卽行撤銷現仍照此辦理合併呈明統祈鈞鑒雲南都督唐繼堯叩等語竊今日民國垂絕幸延一線此後國事進行非一切本諸法律不足以靖人心之紛擾而扶國命之傾危前電各節似均爲一定必由之軌道諸公熱誠愛國具有同情如荷贊同敢乞一致主持全國幸甚唐繼堯叩蒸印

岑撫軍副長請以唐撫軍長蒸電宣示天下電

火急對北京黎大總統鈞鑒北京段芝泉先生上海唐少川先生梁政務委員長范谷兩委員雲南唐撫軍長各省都督各總司令各省將軍巡按使巡閱使各護軍使各鎮守使各師

長各都統副都統各辦事長官上海中華新報時事新報各報館鑒雲南唐撫軍長蒸電宣布電呈黎大總統列舉四條請以明令明示天下（一）國家根本法以國會解散以前所公布者爲準（二）大總統任期依據憲法會議議定宣布之大總統選舉法以前大總統任滿之日止副總統由國會另選按照約法及國會組織法組織正式國務院交由國會同意即行召集前參衆兩院議員齊集天津尅日開會（三）凡經抵抗護國軍之各軍隊悉行撤回原駐地點（四）召集軍事特別會議各都督或將軍各派軍事代表若干名在滬集會以上四端皆屬國家根本大計簡要切實亟待施行我大總統就職以還各都督及春煊處以電商往復需時迭經陸續單獨發布意見與唐撫軍長蒸電所舉詳畧小異而綱要僉同唐撫軍長主盟軍院有代表獨立各省之責其所發表應爲南軍一致主張春煊無狀攝職端州用敢明白宣言以唐撫軍長蒸電所開爲獨立各省最後議決之案伏維垂鑒一體贊同合電我大總統迅賜頒行實爲國民無疆之福臨電盼禱無任屏營岑春煊叩銑印

呂撫軍請施行唐撫軍長蒸電四端電

肇慶岑撫軍副長雲南唐撫軍長貴陽廣州南寧各都督并轉各總司令各省軍民長官并轉各師長上海唐少川先生梁任公先生時事新報館轉各報館公鑒頃電黎大總統段芝

老文曰岑都司令銑電宣根據唐撫軍長蒸電所開四端爲獨立各省最後議決案與直寧諸省主張略同大總統就任經旬尙未明發大號外間不察謂爲羣小阻撓以總統仁明段公智勇誠爲過慮然遷延不決物議滋多人心搖搖危機四伏應請當機立斷逐事施行用慰羣情庶免謠詠興亡所係勿再游移迫切陳詞佇候明令等語特此奉聞浙江都督呂公望叩禡印

唐撫軍長擁護法律電

肇慶岑都司令上海梁任公貴陽劉都督廣西行營陸都督南寧陳護督長沙湯都督永寧蔡軍總司令行營李軍總司令松坎戴總司令大舟驛羅總司令鑒西林先生庚電奉悉老成瞻言至爲精當欽佩已極默察現時國內情勢惟黎大總統按法繼任足以消弭一切禍亂反是無論由何道皆所以致亂亡鄙見亦如此且謂人當抑奸宄以正人心惟有一切納之於法律之中故我輩此後進行方針必當始終持定不出法律範圍之外乃能以簡馭繁使國是漸歸於一區區微意已詳蒸電曾經主張自解散國會以後所有袁氏一切法令概當認爲無效與西林先生之電意暗合究竟外間消息如何數日內當可得確耗擬屆時再定應付之策諸公偉畫仍望隨時籌示繼堯叩元印

## 岑撫軍副長對於趙田庚電引中主張四事電

北京段芝泉先生南京馮上將軍開封趙將軍田巡按使各省將軍巡按使都統護軍使鎮守使巡閱使各師長均鑒趙田兩公庚電敬悉名言至理欽佩逾恆南軍所懷實同一致竊以天禍中國同室構兵復相中國彗炤自歛當黃陂就職之日即舉國協力之時所有善後事宜亟待商榷桂湘陸湯兩都督及南寧陸護督先後電至與焯所見相同僅先就三督及焯意所在分作數事除另電呈明黎大總統請其明令施行外更爲諸公陳之（一）黎大總統及時承位乃繼任非代行職權蓋項城稱帝以前之大總統資格係由國會選舉而來當時所據實爲民國二年十月五日所宣布憲法會議所制定之大總統選舉法則項城有變處理總統問題當然仍據本法查本法第三條大總統任期五年第五條大總統缺位時由副總統繼任至本大總統任滿之日止是黎大總統之爲繼任皎然無疑（二）南軍政府迭次宣言擁護約法此之約法乃指民國元年之民定約法非民國三年項城改定之約法蓋項城解散國會本不合法而召集約法會議尤非民意所存機關不正所修法案當然無效（三）國會爲民國根本法所由產生項城以非法解散今恢復根本法當然同時恢復國會（四）大總統既已正位不可無內閣以輔之段公老成重望海內所宗以魁臺閣尤當其選

惟此時之國務院由政事遞嬗而來不得謂之依法成立民定約法復後即當依據斯法由段公組織新內閣交由國會同意新內閣未成以前維持現狀仍賴段公以上四事實爲解決今日時局當然之途徑決非南軍過激之主張讀趙田兩公通電於前二事指陳利害酣暢淋漓且發南軍宣言之所未發可見理無二致人心大同祇須本此以行萬事俱迎刃而解至召集國會建設內閣乃恢復民定約法程序之所必經仍爲一事而組織新內閣法理而外更爲現勢之所必然前二事既定後二事似尤無置議之餘地夫諸公之於項城俱有厚誼情殷念舊誰議其非卽焯與項城所志未同且遭僇辱而於其倒行逆施齎恨以歿一爲懷想輒用慨然顧情雖如是而法不可通凡項城之所爲諸君不必盡贊之於生前何可反成其惡於身後溯自項城迷亂實根於廢除民定約法解散正式國會而來今義軍轉戰千里駢死萬人以求之者終爲此物可見國法不可侮人心不易欺項城九泉有知必且追悔無已今幸天心厭亂大難可平倘愛項城者仍以此故重啟戰端卽不爲大局安危計徒以重項城之罪當亦諸公所不忍此次南軍扶義以起所爭者法耳以外決無他求如焯衰病餘生尤無遠志誓師之日卽布告項城朝退焯當夕隱今項城已逝私願竊償料簡粗定行卽引去惟同時軍政府宣言有恭承黎大總統繼任及擁護約法保障國會諸款信誓旦

且有衆共聞煊爲顧全公約尙有爲南軍請命之責故不辭醜縷爲諸公苦口言之時局緊張危機一髮而其轉圜全在諸公敢乞熟惟始末詳察利害一圖利之不獨大難全夷國本有託卽煊解甲歸田安依丘墓亦承拜公等之賜於無旣矣臨電不勝迫切待命之至岑春煊元印

### 唐撫軍長主張確定大總統職任復趙田電

肇慶岑撫軍副長上海梁政務委員長貴陽劉都督廣州龍都督杭州呂都督成都陳都督西安陳都督蔡軍行營蔡總司令肇慶李總司令松坎戴總司令自流井羅總司令各省將軍巡按使鑾頃覆河南趙將軍田巡按使庚電文曰開封趙將軍田巡按使鑾庚電奉悉黃陂繼任薄海騰歡外交團體亦極表示滿意迺國務院虞日通電仍係按照修正大總統選舉法第二十九條大總統有事故去職時以副總統代行職權查此項修正法并未由正式國會通過法律之根據不定修正之手續不備况當此內憂外患千鈞一髮之時非確定大總統職任不足以固國本而鑿人心若照修正法第二十九條攝行則應照第一條於三日內另選匪惟措施不及而爭擾紛紛險象何堪尊處來電謂黃陂亟應遵照原選舉法第五條之規定正式繼任敵處極表贊同繼堯昨於蒸日通電京外亦謂國家根本大法宜以國

會未解散以前者爲標準此項選舉法自己包括在內但劉切詳明語語精到尤未若來電之致論不偏也所望毅力主張共維大局不勝企幸唐繼堯叩刪印等語拍發在案特以奉聞並希賜教唐繼堯叩感印

陳撫軍對於趙田庚電表示同意電

北京國務院各部長京兆尹各省都督將軍都統護軍使巡按使第一軍行營蔡總司令都司令部岑撫軍副長廣西行營陸都督均鑒開封趙田兩公庚電本日奉悉兩公憂深慮遠愆後懲前遏絕禍源納茲正軌欽感無限此次南軍舉義原爲政爭公理旣彰私憂頓釋黎大總統應依法正式繼任各節桂軍主旨已本此意電由岑都司令於寒日聯名電告全國自南自北旣無不服之恩同德同心共矢協恭之志願聞明教鑒此私衷陳炳焜馬印

趙倜田文烈來電

北京國務院統率辦事處各部院京兆尹各省將軍巡按使都統護軍使重慶曹將軍龍華張司令周司令雲南貴陽南寧長沙廣西成都廣州西安各軍政長官肇慶岑雲階先生敘州轉永寧行營蔡松坡先生同鑒黃陂就任薄海臚歡查民國二年十月五日前臨時大總統公布憲法會議議決大總統選舉法第三條大總統任期五年第五條大總統缺位時由



副總統繼任至本任大總統任滿之日止各等語此項選舉法爲正式國會所制定臨時大總統所公布正式大總統副總統均依據此法選出各國於總統選定後一致承認中華民國亦視此法爲根據詎民國三年十二月間曾有修正大總統選舉法之舉而據修正法第十一條大總統任期未滿因故出職時應於三日內組織大總統臨時選舉會投票選舉時間之限制綦嚴手續久懸於不及况臨時選舉會須由參政院立法院各互選五十人組織而成現在參政院久成星散之勢立法院尙無成立之期機關既係虛懸互選何從措手是此項法律就已往論初無成立之確據就現在論尤爲不按乎事實際此時局阡危人心浮動南方各省紛紛獨立遙戴黃陂爲大總統係以保持前項法律爲宗旨而南京會議多數主張袁大總統留任以民國七年十月爲任滿亦以前項法律爲根據考之民國數年來法律之經過與夫全國人心之趨向黃陂現今代行大總統職權亟應遵照原選舉法第五條之規定正式繼任庶幾全國景從萬難俱解內以慰人民之望治外以弭列強之懷疑息事寧人計無逾此諸公愛護民國中外具瞻扶危定傾端賜碩畫憫等忝膺重寄彌切隱憂謹貢愚忱佇聞明教趙佃田文烈庚印

劉撫軍請公懇黎大總統宣布正式繼任電

北京各衙門長官各省軍民長官肇慶岑都司令上海梁新會先生大州驛滇黔聯軍蔡總司令雲南廣州廣西杭州成都西安長沙各都督各省總司令均鑒迭接馮華老蒸電徐州張公庚電開封趙田兩公庚電南昌李威兩公蒸電唐莫公蒸電蔡松公青電具佩諸公愛護國家維持大局之苦心尤仰見黎大總統依法受職薄海輸忱人無閒言現在國勢飄搖人心浮動國家種種問題在在均待解決非內外一心速定大計不足以固國本而安輿情查趙田兩公庚電謂亟應遵照民國二年十月五日所公布之大總統選舉法第五條由黎大總統正式繼任庶幾全國景從萬難俱解等語與前此滇黔桂粵浙各省宣言不謀而合唐莫公上黎大總統電中曾力申前請按之法理徵之人心揆之目前內外情勢尤非此不足以一全國之趨向冀國家之根本諸公公忠謀國具有同情擬請一致主張公懇黎大總統從速依法宣布昭示中外國家幸甚劉顯世叩鹽印

梁政務委員長電陳四事

雲南唐都督貴陽劉都督南寧陸都督陳護督廣州龍都督杭州呂都督成都陳都督西安陳都督長沙湯都督肇慶岑都司令李總司令滇軍第一軍行營蔡總司令戴總司令陽電想達黃陂繼任大局漸定乞速電賀令中央安心超昨覆黃陂電言四事（一）規復舊約法

(二)速集國會(三)請任芝老改組新閣(四)帝制禍首付裁判謹聞梁啟超蒸印

### 蔡撫軍臚陳六事

北京國務院各部局署各省軍民長官肇慶軍務院上海梁新會先生鑒頃上大總統電文曰辱承下問謹就目前急務臚陳管見如左(一)民國三年改訂約法揆諸現勢於總統繼承問題已多窒礙此外國中人士尙多所疵議似宜及時規定仍暫遵用元年約法以定民志而資遵守(二)改設責任內閣應照法律程序從新組織時事多艱非芝老莫勝此任擬請明令任命改組待國會成立交付追認(三)百政待決於國會亟宜尅期召集但依法定程序從事選舉則手續繁重緩不濟急若召集舊國會則議員資格變更人事遷移既難審查甄別復恐不足法定人數爲通變計擬請援照元年參議院主例每省由舊議員中推舉五人以上十人以下齊集開會代行國會職權所有審議約法承認內閣解釋約法現勢之衝突籌定產生憲法之機關決定召集國會期限及一院兩院制定等事均由其議決如此則事省勢便又有前例可援且於法律事實兩無妨礙(四)軍民分治本圖治之正軌但必待平定之後始有分職程功之可言現百政雜沓軍民區域又無分別多設機關無裨治理徒增駢枝牽掣之病擬請廢去將軍巡按使之制省設省長一人仍名都督統治軍民使政

事漸舉再議分劃(五)軍興以來京外軍隊驟增既虞不戢自焚又恐耗費無藉稍一遲延將至不可收拾擬請徵集各省意見速開軍事善後會議開誠布公共謀收束安插之方(六)懲辦帝制禍首以抒公憤而儆將來以上六義伏候採擇遽斷施行等語諸公卓見如何望據宏謨共策進行爲禱蔡鐸叩養印

### 呂撫軍條舉六事電

肇慶軍務院並轉各省都督總司令鑒頃呈黎大總統電文曰天祚中國元首得人破壞既終建設方始當務之急厥有數端謹述管窺以供鑒察一宜申明元年約法以定人心民國元年參議院所定約法二年憲法會議制定總統選舉法爲正式民意機關制定袁氏以私意竄改廢去責任內閣獨握統治大權十年連任之把持金匱石室之詭祕實爲帝制厲階近又以國務卿稱責任內閣手定約法又自毀棄今僞交通部電尙引不法之約法第二十九條袁毀之者復援據之倉猝間或未及詳加辨別然人心不免因而淆亂應請大總統明令宣佈以元年約法爲根本法自停止國會後袁氏私定之法律與根本法抵觸者悉歸廢棄此係糾正不法行爲非以命令廢止法律當務之急無逾於此二宜懲治罪魁以尊法律籌安創議天下騷然生民展轉流離酷勝水火何莫非創議帝制之人實遺之殃不治罪魁

何以平天下人民之公憤然洩忿猶其小者今之言救國者必稱法治共和叛逆得避刑誅法治之根底不堅後日之設施愈困懲辦禍首爲全國法律非爲個人報復爲保持將來共和之權威非窮究創議帝制之徒黨擇尤嚴懲脅從罔治靈威一震萬彙爲蘇三宜組織臨時內閣以維時局京中鎮定危疑不驚國家仰大總統如天之福及段芝老維護之功社稷生民實利賴之國會未召集以前應請大總統明令段芝老組織臨時內閣慎簡名流籌畫善後斷不容附逆鄙夫濫廁其間此外帝制機關均應立予裁撤以一事權四宜速定協宜方法以圖統一西南起義兵革相加閱牆之痛事非得已今大總統正式就任推誠相與底定非難但能約法重申罪人斯得則軍事宜若何收束財政宜若何維持民生宜若何籌濟必當會合英賢共商進止應如何選派代表指定地點當速電商預爲籌備公望意謂祇須臨時內閣與軍務院各派數人不必按省指派致衆雜言厖蹈前此會議覆轍五宜召集正式國會以定大計有合法之國會始有責任之內閣參衆兩院袁氏非法停止進行召集已成定論現議員依法自行召集請爲維護從速開會在京之參政院實爲不法機關應卽立予解散大計所存主張不宜歧異六宜發布軍務院宣言表明素志護國軍起義護國體爭人格絕對無絲毫權利之見足以取信於天下今者總統雖已就任一時形勢尙難收束社

會不察或多疑義亦宜發表宣言俟國會召集責任政府成立後卽取銷軍務院正中外之謬聽示天下以大公上舉各端本無高論不自揣其庸愚陳述於右區區之心所望乘此時機爲一勞永逸之計勿使國內再見戰禍民生重遭塗炭臨電神馳無任屏營浙江都督呂公望叩皓印

岑撫軍副長轉黃克強君通電

雲南唐撫軍長貴州劉都督桂軍行營陸都督南寧陳護督廣州龍都督杭州呂都督湖南湯都督滇軍第一行營蔡總司令滇軍第二軍行營李總司令松坎戴總司令資州羅總司令鑒頃接黃君克強文電文曰岑西林先生并轉各省都督各總司令公鑒袁氏叛國實由五年以來絕未一開誠心與國民相見惟日事摧殘民權破壞國法已大與共和相反猶復僞造法律以爲僭竊之階卒乃悍然稱帝遂使宇內橫決茲旣因病殞命竊謂吾國以後務當剷除假面共和切實擁護國法庶流血不至再見依大總統選舉法應由黎副總統繼任大總統此節早經軍務院遵法宣布實爲鐵案不意頃閱北京通電忽稱奉袁遺令依約法二十九條以副總統代行大總統職權殊深駭怪查元年參議院所定臨時約法暨二年正式國會所定大總統選舉法乃民國根本大法國人誓死生守之者各省舉義所爭在此仍

須始終嚴峻聲明恢復舊有約法及遵照大總統選舉法第五條由副總統繼任不得以叛國稱帝之人所私造之僞法相混淆以貫徹我義軍之主張不悖我國民之公意又黎大總統履任伊始萬邦具瞻能否完全行使職權不爲帝黨所障礙尤在我起義各省之實力擁護並請以命令恢復舊約法廢除袁氏一切僞造之法及與民國抵觸者從速召集舊國會組織責任內閣嚴懲禍首明大信於天下以定民志而奠邦基興於國家一無所盡力徒以口舌効其愚忠臨電慚惶卽希裁察黃興文云云特電轉聞岑春煊叩篠印

#### 陸撫軍請恢復約法召集國會電

各省都督將軍巡按使各路總司令廣州杭州貴陽都督寧夏上海護軍使肇慶岑都司令長江巡閱使上海國會議員團唐少川梁任公溫欽甫王亮疇谷九峯鈕惕生先生均鑒廷冬日呈黎大總統電文如下文曰北京大總統鈞鑒曷密天禍中國袁氏違法義師奮起天下騷然廷雖不武親率大軍冒暑長征無非爲擁護約法鞏固共和起見迨袁氏逝世我大總統依法繼任海內喁喁望治歡欣同深詎繼任已逾兼旬第一重要之舉約法未奉命令恢復國會亦未召集軍民不免疑惑故榮廷等於前月元日由兩廣護國軍都司令岑春煊領銜電請四事聲明我大總統繼任依據民國元年之民定約法非民國三年項城改定之

約法大總統既依據舊約法繼任卽應速以明令恢復舊約法召集國會爲急務且各省所見相同紛紛電請皆以爲民請命也蓋因此次戰爭首重此點偷舊約法恢復國會召集一切善後問題不難迎刃而解共和政治亦易次第措施若遲疑不決竊恐變故叢生終爲隱患近日謠譏紛呶或主張復辟或假名推戴皆足以動搖國本民國前途危險萬狀榮廷心所謂危故冒昧直陳我大總統以首義之元勳偉烈豐功望隆中外正式繼任依法宣佈命令誰敢不遵轉禍爲福奠安國基在此一舉惟我大總統實利圖之民國幸甚不勝惶恐待命之至陸榮廷呈冬印云云特以奉聞并盼明教陸榮廷江印

岑撫軍副長復馮齊朱恢復約法國會電

南京馮上將軍齊巡按使天津朱巡按使均鑒儉日始奉刪電於恢復約法召集國會兩事據理陳詞詳審精當老成謀國廓然無私反復數番欽服無似惟自大總統依法繼任內得芝老之翊贊外有諸公之主持條已兩旬乃於此種根本大法猶無明令宣布瞻念前途憂心如擣尙望精心毅力一致匡持俾國是早定人心早安大局安危首於是賴臨電神馳時希明教岑春煊叩儉印

呂撫軍對於馮將軍等刪電之意見



岑撫軍副長並轉各總司令雲南唐撫軍長並轉各總司令三分各省各都督各將軍各巡按使并轉各總司令各鎮守使各師長徐州巡閱使寧夏龍華各護軍使承德歸化張家口各都統並轉各辦事長官鑒馮將軍刪日通電主張正當陳義周詳足爲經國南針救時良劑公望愚見凡獨立未獨立各省應表贊同主張一致分別電京促速宣佈以期國是早定人心早安區區之意更有請者將來國會草定憲法時關係國本甚鉅馮所謂隨時商定依法主張公望極表同情應以公民資格詳舉經歷陳述意見以備採擇既可避干政之嫌亦不貽漠視之誚是否有當伏乞商集呂公望叩號印

### 馮將軍等刪電

北京各都院各省將軍都督巡按使並轉各鎮守使各司令徐州巡閱歸化張家口承德都統龍華寧夏吳淞護軍使康定鎮守使均鑒本日上大總統段國務卿電文曰國務院真電敬悉國家根本大法不可無一不能有二新約法爲總統制今日已不適用當時制定又未按照定程修改在民國法系爲非正統本月四月二十一日前大總統申令本有幡然變計之言是不俟各省要求此法早已應歸無效新法無效現在舍臨時約法外別無根本之法舍恢復臨時約法外卽別無可以造法之道此節似已無待再言第就恢復而言所應籌備

者兩事一恢復應用何種方法國璋等意恢復與修正不同自非變更法律之比可用明令宣布但稱中華民國臨時約法自上年五月一日起施行中斷茲恢復之云云似較直截了當且亦無損莊嚴一臨時約法缺點滋多束縛行政幾於無可展布在今日凡百待理之際尤有障礙應用何法救濟國璋等意謂臨時約法原非永久之制故其規定有十箇月內召集國會由國會制定憲法之結果使二年政局不生紛擾黨爭不爲法外之憑陵相見各有真誠之掬摠則國是早定憲法早成臨時約法早歸消滅立法行政得劑其平國家已有三年之發展何至遷延錯誤以迄於今往事已矣來日方興今茲急務仍在速定民國可久可長之憲法憲法早一日公布則約法早一日廢止法律增一分健全則國家增一分治理天壇草案已具規模當時懷挾之畸於今可以盡釋起草委員諸君本極一時之俊癥結既化利害自明謀國之忠詎後吾輩該草案尙可修正政府特派員得出席於委員會在法律非無根據卽意見亦可疏通將來必有商榷餘地議論之點如同意權彈劾權議會解散權等大者不過數端當無曠日持久之慮數月之內務期憲法成立則臨時約法之弊不救自止矣至於恢復民國二年國會本與臨時約法相聯依臨時約法而有國會組織法依國會組織法而有國會約法既復其舊則由該法發生之國會勢不得不相因而復自二年十一月

四日後其不能開會者特中輟耳議員接續任期當除中輟計算應依臨時約法續行召集今日之情勢已非昔比意見紛拏之害當可潛消前無所觸後無所憑議員自少不平之氣若政見督促是在政府開誠布公以臨之而已憲法一定則憲法中應別有法口前之國會亦當消滅大總統選舉法爲憲法之一部法統既正存廢自明是則無須宣布當然復舊者總之國不可以無法現在只有臨時約法之可遵不可以不良廢舉國當爲制定憲法之監視國璋等與政府諸公分屬公職身亦國民苟有所見極盼隨時商定依法之平以爲輿論之導約法不得已而暫復憲法卽不可以多延速開國會速開憲法會議速定憲法當務之急似無逾此者謹陳管見乞酌奪施行等語特此奉聞馮國璋朱家寶齊耀琳刪印

#### 陸撫軍陳撫軍請恢復民國法律以維國本電

北京大總統鈞鑒各部院各省都督將軍巡按使並轉各鎮守使各總司令徐州巡閱使承德歸化廳張家口都統龍華寧夏吳淞護軍使康定鎮守使均鑒大總統繼任以來海內喁喁望治急於飢渴榮廷炳焜等膚末之見或尙囿於一隅致有偏激乃近准馮上將軍刪電主張恢復臨時約法速開國會速定憲法各節雖節目略異而大旨趣向無不從同卽參之各省都督將軍巡按使各電詳略雖殊主張亦都一致而要以馮電所剖晰者最爲詳盡凡

有心國事者當亦審度時勢曉然無疑是宜渙汗大號昭示中外以維國本而定人心乃兩旬以來引領逃聽未聞明令黎大總統寬仁謙抑固有詢於芻蕘同民視聽之苦心而疏邇傳聞則有慍於羣小失其自由主宰之隱慮榮廷粗莽何敢妄測高深惟處非常之變故須有不撓之典折羣言之淆亂須俟至正之的能忍有濟急固債張惟斷乃成勞愈難解伏維我大總統依據法律採擇羣言先取關於恢復民國大法數端頒布施行則祥陽赫濯陰翳全消民國甚幸無任迫切徬徨待命之至廣西陸都督榮廷代都督陳炳焜沁印

陳撫軍對於陝西陳督巧電之駁議

北京國務院上海梁任公先生各省都督將軍巡按使各總司令各都統及辦事長官護軍使都司令岑都司令廣西行營陸都督均鑒前准雲南唐都督蒸電審度時勢依據法律陳義極正絕無私心炳焜等往復磋商主張一致故前由岑西林領銜寒電發表意見陳說大綱四事卽與唐督蒸電不謀而同其他開封趙田兩公庚電均能從根本解決而尤以南京馮公刪電於恢復臨時約法恢復民國二年國會更爲剖晰精詳洞見癥結其持異議者當亦渙然冰釋怡然理順而無復有絲毫憂慮於其間乃本日准西安陳將軍巧電於召集前國會議員及暫不撤銷軍務院兩事獨生疑議然細察主旨於前此議員大致以流品複雜

不適國情爲慮夫流品複雜徵諸當日事實未始不然而徵之各國議員黨爭激烈所在多有薰蕕雜進易地皆是演進需時斷不能因噎廢食也至謂攪亂之極政府起而蹂躪之帝制乃從此發生此則就事之陳迹言尤非操原之論蓋當日議員大都反對袁氏至以武力壓制投票搖亂之根實本於此是則謂袁氏罷國會爲帝制之前驅則可謂議員攪亂自取解散以發生帝制則不免厚誣議員矣軍務院之暫不取銷由南方軍務院成立時宣言之條件而來蓋當日宣言必由國務院正式成立然後取銷軍務院者原以各省獨立本爲保障國法而當此國會未復國務院不能正式成立之時所謂存亡絕續一髮千鈞者萬不能不留此對峙之機關以定民軍之職志果其南北融和兵戎銷釋旣無衝突事實發生自無猜疑痕迹存在五洲萬國亦必不以此爲破壞民國之具幸諸公其無以是斷斷見爭也炳焜拙於言又不欲多言於陳公巧電初不欲辨一唱百和視爲當然譬諸治絲愈棼則愈難解矣不揣狂瞽貢茲一言惟諸公警焉陳炳焜漾印

### 唐專使梁委員長致段總理論恢復約法電

北京大總統雲南貴陽南寧杭州長沙成都各都督衡州陸都督大州驛蔡總司令松坎戴總司令肇慶岑都司令韶州李總司令各省將軍巡按使護軍使北京徐菊人先生李仲仙

先生湯濟武先生天津熊秉三先生北京英文京報國民公報並轉各報館鑒昨奉段芝老禱日通電詢規復約法辦法紹儀啓超復電文曰奉禱電具見慎重國法至意但其中有誤解法理之處既辱明問敢盡所懷尊電惟一之論點謂不宜以命令變更法律僕等所見則三年約法絕對不能認爲法律此次宣言規復絕對不能認爲變更按義辨明則一切可迎刃而解凡法必有系元年約法已經政府公布前大總統宣誓遵守欲修改自有其修改之程序卽該法五十五條所規定是也修改不依此程序卽不能冒約法之名新者旣不能冒此名則舊者之効力自在不過此三年餘有法外之力爲之梗而固有之効力一時中斷今法外之力旣去則固有之効力自然復活今全國人民所以急望政府下一明令者不過欲政府將已然之事實宣布以釋羣疑何變更之可言卽如此次我大總統依法繼任政府對內對外迭經聲明所依何法卽根據元年約法規定程序所發生之大總統選舉法耳使三年約法而爲法也一法不容兩存則被該法所廢止之原大總統選舉法定當非法云何能依果爾則何不於六月九日開所謂石室金匱以別求元首夫我大總統正位而海內外共仰爲合法者無他焉以三年約法之不成爲法也又如我公今所長之機關爲國務院國務院者元年約法之機關三年約法所未嘗有也三年約法若爲法元年約法定非法公所長

之院何由成立今公發布院令而中外共許爲合法者無他焉以三年約法之不成爲法也  
揆諸法理如彼徵諸事實如此則三年約法之非法確成鐵案命令變更之嫌疑何由存在  
法之性質辨之旣晰則尊電所援非衷法理更無容辨爭慮有餘疑請更爲剖斷尊電謂若  
不認三年約法爲法恐近年一切法規爲之動搖乃自條約公債判決皆將無效云云不知  
法有種別一般法絕非隨根本而動搖法國八十年間憲法變更十數次一般法何嘗蒙其  
影響變更且然况元年約法之效力僅爲中止者乎今國人所誓死以爭者在根本法而非  
在一般法尊電所深慮者可無慮也尊電謂三年約法所以爲世詬病正緣其以命令變更  
法律今不宜效尤再誤且言彼時之變更幾經曲折世猶訾其縱恣今毅然一令更修恐更  
貽口實云云是義不然三年之役項城以命令變更法律誠信讞也以其所變更者確爲法  
也曷以明其爲法也參議院議決之元首公布之國人公認爲法項城自身亦認爲法也今  
茲國人希望廢止三年約法決不能指爲以命令變更法律以其所廢止者確非法也曷以  
明其非法也法之成立其程序必根據於其母法三年約法絕無根據而反於母法也非特  
國人不公認爲法卽今大總統之地位今國務院之地位皆必先不認爲法而始能存在也  
夫以命令變更法律無時焉而可者也縱百方紆迴其途其不可如故也故項城雖巧立名

日千回百折誠爲慎重而終不能逃舉世之責備今政府若認規復元年約法爲變更法律耶則豈惟政府下令爲不可而已根據各省代表之主張猶之不可也各省代表無議法之權也廣徵名流意見猶之不可也名流發言無法律上之責任也以各省軍民長官爲從違猶之不可也政府且不敢擅政府所屬之行政官更何論也求援於國會議員之箇人猶之不可也議員在院外無權能也僕等以爲政府若能認清三年約法之非法則以命令廢止命令何嫌何疑若必強指此非法之法爲法而於其間欲求一塗飾耳目之程序則左衝右撞必終於無辦法而已來電又云甲乙命令可迭相廢則元首更代法律隨轉將來舞法爲姦恐援我爲例云云此語尤屬離奇可以命令廢法項城作俑繼今以往當無人敢效項城亦無人能效項城今茲規復元年約法正欲根據該法第五十四條之規定產生憲法傳諸無窮豈有隨元首以迭更之理若尊電所疑慮則規復終無善法當可決言然則政府得無欲襲項城故智更取彼所謂造法機關者以爲塗飾信如是也則元首更代一次卽造一次法尊電所慮此實當之矣尊電又云法爭良否不爭遲速僕等謂苟遲焉而有妙算亦所願聞等是支離遲何如速前文所舉皆法理談耳若就政治作用論之則今當風雨漂搖之時全國視綫以此問題爲爭點政府亦旣察輿情之不可終拂曷爲不磊落英斷以繫物望而



定民志若再遷延時日誠恐展轉誤會國民不諒政府慎重國法之苦心或疑無俯從民望之誠意則影響所播殊非國家之福我公明達其必有以處此專茲敬覆唐紹儀梁啟超宥等因此事爲現在一爭點望俯採鄙見熟審主持國家幸甚唐紹儀梁啟超宥印

### 段總理通電

二份各省將軍巡按使并轉各護軍使徐州巡閱使熱河歸化廳張家口都統阿爾台辦事長官塔城參贊庫倫辦事大員雲南貴陽南寧杭州都督肇慶岑雲階先生三份上海唐少川梁任公伍秩庸諸先生均鑒黃陂繼任元首得人半月以來舉國上下所一致辯爭者約法而已就約法而論多人主張遵行元年約法政府初無成見則今日之一致辯爭者又惟如何復行之辦法而已此項辦法願命令宣布以期迅捷者在政府則期期以爲不可蓋命令變法律爲各派法理學說所不容貿然行之後患不可勝言是以遲迴審顧未敢附和也或謂三年約法不得以法律論縱以命令廢之而無足議此不可也三年約法履行已久歷經依據以爲行政之振一語抹殺則國中一切法令皆將因而動搖不惟國際條約關係至重不容不再三審慎而內國公債以及法庭判決將無不可一翻前案如之何其可也或又謂三年約法出自約法會議約法會議出自政治會議與議人士皆政府命令所派與民議

不同故此時以命令復行元年約法祇爲命令變更命令不得以變更法律論此又不可也三年約法所以不鑿人望者謂其起法之本根於命令耳而何以元年約法獨不嫌以命令復之乎且三年約法之爲世詬病僉以其創法之始不合法理鄰於縱恣自爲耳然經幾許諮諏經幾許轉折然後始議修改而今茲所望於政府者奈何欲其毅然一令以復修改以前之法律乎此事旣一誤於前今又何可再誤於後知其不可而欲尤而效之誠不知其可也又况法律不妨以命令復也則亦不妨以命令廢矣今日命令復之明日命令廢之將等法律爲何物且甲氏命令復之乙氏又何不可命令廢之可施之於約法者又何不可施之於憲法如是則元首每有更代法律隨爲轉移人民將何所遵循乎或謂國人之於元年約法願見之誠幾不可終日故以命令宣布爲速抑知法律之良否不在遲速法而良者也稍遲何害而不良也則愈速恐無以繫天下之心天下將蠶起而議其後矣縱令人切望治退無後言猶不能不慮後世爭亂之源或且苟法爲奸援我以資爲先例是千秋萬世尤爲國史增一污痕決非政府所能敢出也總之復行元年約法政府初無成見所審度者復行之辦法耳諸君子有何良策切祈勿吝教言俾資考鏡祺瑞禱印

陸撫軍陳撫軍解釋恢復約法疑點電

北京大總統各省都督將軍巡按使護軍使蔡軍行營蔡總司令松坎戴總司令都司令部岑都司令並轉李總司令上海梁任公唐少川兩先生均鑒段芝老馮電梁任公唐少川兩公宥電均於本日奉悉觀段公之所疑與梁唐兩公之所辯則此次政爭根本辦法可以速決矣蓋民國產生僅及一歲其足稱爲民國法律者祇臨時約法及憲法會議所議決之大總統選舉法數端而已自項城以非法解散國會其一切法之制定不得認爲民國法律至是否與根本之約法有無牴觸實別一問題其是否適用當於恢復國會後付之議決緣根本法及一切法系統既殊有根據於根本法者亦有不根據於根本法者爲存爲廢旣不因約法爲轉移亦卽不隨袁氏之存亡爲得失是不必疑恢復約法其他皆當作廢致生鞣轄也况項城以非法解散國會則所謂以命令變更法律及一切非法之咎實項城尸之而豈得以是轉疑今日繼任之總統今總統依約法繼任則民國根本之約法當然恢復何嫌何疑而以變更爲詞而復以命令變更爲病邪要而言之變更云者須有法理上之根據而恢復云者固今日總統當然之天職卽質諸五洲萬國於法理事實固萬萬無誤者也乞布明令以定根本民國幸甚陸榮廷陳炳焜叩冬印

### 李撫軍請恢復約法電

肇慶岑撫軍副長鑒頃上大總統有電文如下北京黎大總統鈞鑒奉巧電辱以要事待商見詔具仰謙德鼎新軍人對於政治不敢妄議重違鈞召一言代覲幸垂諒察自公繼任日月重光天下所仰望者咸以盡反前人所爲爲惟一途徑而恢復元年約法尤爲當急之先務絕無討論之餘地乃公踐位旬餘未見明令而政府方且託詞鄭重謀及疆吏其爲有人從中挾持公與段公均受牽掣顯而易見竊謂此項根本大計純屬政府範圍軍人自有專責豈容強爲干涉惟溯自辛亥迄今變亂相尋推原禍始實由國政之方針悉爲武力所左右名曰民主共和實乃軍人專制正義湮晦國本動搖皆由是故海軍軍人竊識斯義故於帝制構兵以來對於國事未嘗妄贊一詞乃現當國命再造急謀善後之際而環顧國內現象猶是覆轍自蹈治絲益棼長此以往國家安有寧日鼎新不才此次謬承公推出任軍事謹本此旨敦勉同袍自今伊始凡屬軍人惟知以擁護我大總統保障共和爲職志其關於建設上政治法律諸問題均非軍人所得干預其有背此宗旨思挾武力劫制政局我海軍卽視爲公敵借鑒前車率循正軌以期稍裨我大總統促成統一之盛治至目下舊約法未復國會未開正式內閣未成立以前鼎新暫以臨時總司令名義駐滬維持海軍現狀一俟大局安定卽當卸責歸田謹貢愚忱統乞垂鑒李鼎新率第一艦隊司令林葆懌練習艦隊

司令曾兆麟暨各艦長叩有合電轉陳李鼎新叩有

### 恢復約法召集國會申令

各省行政長官鑒本年六月二十九日奉大總統申令共和國體首重民意民意所寄厥惟憲法憲法之成專待國會我中華民國國會自三年一月十日停止以後時越兩載迄未召復以致開國五年憲法未定大本不立庶政無由進行亟應召集國會速定憲法以協民志而固國本憲法未定以前仍遵行中華民國元年三月十一日公布之臨時約法至憲法成立爲止其二年十月五日宣布之大總統選舉法係憲法之一部應仍有效此令同日奉大總統申令茲依臨時約法第五十三條續行召集國會定於本年八月一日起繼續開會此令同日奉大總統申令國會業經召集內務部所屬之辦理選舉事務局應卽改爲籌備國會事務局迅速籌備國會事務此令各等因奉此查此次續行召集國會令定開會日期至爲迫促所有參衆兩院議員前由貴省區選出及現時旅居貴省區者應請飛電飭屬分別轉知迅卽起程務於七月二十五日以前來京先赴籌備國會事務局報到是爲至要內務總長東印

### 拏辦帝制禍首申令

大總統申令自變更國體之議起全國擾攘幾陷淪亡始禍諸人實尸其咎楊度孫毓筠顧鰲梁士詒夏壽田朱啓鈴周自齊薛大可均着拏交法庭詳確訊鞫嚴行懲辦爲後世戒其餘一概赦免此令

岑撫軍副長請恢復省議會電

北京大總統國務院參議院衆議院鈞鑒立憲國家構成之形式以有無立法機關爲衡平民政治實質之有無以能否監督政府爲斷人民參預立法與監督政府不獨中央爲重地方亦然如江海之有細流如枝葉之有根本同爲構成之要素無論在法理上實質上均無輕重緩急之可言我大總統依法繼任首以復約法開國會爲務民氣昭蘇率土同慶惟省會自治會均屬民意所寄事同一律似不應政出兩歧且查國會組織法第二條第一項與參議院議員選舉法第十六條所載省會實爲參議員之選舉機關在事實上省會當先參議院而成立今國會重開參議院議員頗多缺額而候補當選人各省會亦多懸而未舉此項遞補之議員將何自產出蓋國會省會實有共同之法律關係國會恢復國會選舉法等當然有效則省會之當恢復亦毫無疑義且省會現行法公布於民國二年四月二日法律既經成立中間雖遭停止原於項城非法之命令今約法既復國會既開其與國會法同一

性質之省會法當然繼續有效尤不待論昨讀國務院漾電擬俟國會議定再行辦理具見慎重之意惟此次恢復省會與恢復國會一事實同一理由項城以非法之命令廢棄之我大總統以合法之命令規復之以命令變更命令其關係祇生於甲命令與乙命令之間與法律自毫無增損實無俟於國會徒事遷延我大總統尊崇民意勵行法治伏乞立頒命令將舊有省會立與恢復並通電各省限期召集以宣民隱而固國本民國幸甚岑春煊叩銑印

### 岑撫軍副長復義領事電

沙面義總領事鑒前總統袁世凱病故依敝國約法黎元洪當然繼位爲中華民國大總統辱承貴國暨英法俄日各國一致贊成深感厚誼謹電馳謝岑春煊

### 附義領事轉告五國贊成黎大總統繼任電

肇慶岑都司令鑒頃接北京公使電稱袁世凱六月六日已刻病故英法俄日義五國詢問政府允立黎元洪繼位五國已贊成黎爲大總統矣義總領事佛

### (二) 關於軍事之進行

陸撫軍致岑撫軍副長梁政務委員長張堅白電

肇慶岑都司令梁都參謀張前巡按均鑒廷於本月豔晚抵邕擬日內親自督師出發湘邊以圖進取餘容續報陸榮廷叩豔印

陸撫軍通電

肇慶聯合軍政府廣東龍都督雲南唐都督貴陽劉都督欽州馮總司令廉州隆總司令鑾榮廷現經調集所部各路將士准於虞日督師北伐取道湘省會師中原驅除民賊還我共和並刊木質關防一夥文曰廣西都督行營關防隨帶行營啓用以昭信守所有邕都督府一切日行公件暫委託陳君炳焜代理特此奉聞陸榮廷叩卅印

撫軍副長致陸撫軍電

廣西行營陸都督鑒卅電昨奉我公虞日出征旌旂變色俠腸義膽照澈三軍殲滅國賊在此一舉佇盼捷音岑春煊叩庚印

陸撫軍致所轄各軍通電

龍州鎮署師部潯州鎮署梧州莫鎮守使貴縣譚總司令桂林鎮署師部秦正司令梧州探送沈總司令馬正司令雲清全縣送林總司令陳團長探送潘團長送賈團長本都督尅日出師赴湘所有隨征各軍隊亟應妥爲編配以明統系而利進行茲委陸裕光代理第一師



師長仍兼步兵第一旅旅長賁克昭爲第一梯團長陸坤培爲第二梯團長李祥祿爲第三梯團長潘其霑爲第四梯團長呂連廷爲第一營長陸雲高爲第二營長萬定楠爲第三營長鄧國棟爲第四營長瞿翰華爲第五營長何其多爲第六營長陸貴福爲第七營長盧炎山爲第八營長梁之芬爲砲兵第一團長以上步砲各團營概歸陸代師長統轄委馬濟爲行營武衛軍總司令兼帶武衛軍第一營陸福祥爲武衛軍第二營長馬鋆爲武衛軍第三營長高斲忠爲武衛軍第四營長以上武衛軍各營爲本都督隨行親軍委林俊廷爲護國軍第一支隊總司令賓華東爲第一支隊第一正司令林邨驥爲第一支隊第一營長賓正司令兼第二營長鄧金衛爲第三營長羅寅貴爲第四營長蔡振雲爲第五營長馬秉廉爲第六營長姚之榕爲第七營長以上七營歸林總司令統轄委沈鳴英爲護國軍第二支隊總司令韓彩鳳爲第二支隊第一正司令第二支隊第一營沈總司令兼帶沈榮光爲第二支隊蔣登鰲爲第三營長秦懷營爲第四營長黃日高爲第五營長陳繡屏爲第六營長韓正司令兼第七營長謝祥龍爲第八營長以上八營歸沈總司令統轄馬雲青爲第二支隊第二正司令並兼帶九營長黃鎮英爲第十營長廖祖楨爲第十一營長謝椿勝爲第十二營長黃振源爲第十三營長以上五營並歸沈總司令節制調遣統上各員除分別另文飭

遵外特先電飭遵照陸榮廷冬印

陸撫軍致撫軍副長李撫軍電

岑都司令鑒李總司令協和已於魚日到邕彼此接洽榮廷定於明日出發李君休息三兩日亦率隊東下除飭本省梧州各文武軍警妥爲接洽外並請轉飭東省及駐肇各軍知照爲盼陸榮廷叩魚印

岑撫軍副長致李撫軍電

南寧滇軍李總司令鑒聞大旆將至懽慰無似臨淮壁壘色變風雲萬福勛名威加草木移戈北指卽在指顧元戎十乘專待我公駐紮地點及兵房均已準備現派兵艦開往梧州一帶相迎起行有期盼示岑春煊梁啓超溫宗堯李耀漢莫榮新張耀曾章士釗文羣楊永泰吳貫因林虎程子楷李根源庚印

陸正司令致撫軍副長梁都參謀電

肇慶岑都司令梁都參謀鈞鑒閱報悉軍務院成立岑公任撫軍長梁公領政務委員長民國得人再造共和實嘉賴之謹率三軍踴躍三百蘭清前拔隊過肇趨謁鈞座備聆訓誨抵梧奉陸都督面諭在此籌備候電出發頃悉幹督節鉞已蒞桂林蘭清當於日內統率全部

馳柱會師踰湘繞鄂直搗幽燕此行爲國討賊義不反兵成敗存亡惟力是視兩公蓋籌偉畫尙乞指示機宜藉策前驅勉圖後効廣西游擊隊正司令陸蘭清叩禱印

### 岑撫軍副長李副都參謀致撫軍長電

雲南唐撫軍長鑒頃由俠公轉示庚電知公俯念下情促俠尅日率軍赴肇欽感尊誼至不可言粵局表面雖定而內憂實深且此時議和之聲日高一日北方諸將利用國人苟安之心理從中操縱大局岌岌可危若非於最近期間吾軍別出兩枝分趨湘贛與入川大軍遙相策應不足寒賊膽而定人心煊連日磋商兩路進兵之議已有成算湘以陸都督兵力爲主敵處更出奇兵由韶關入湘應之入贛則擬請滇軍爲第一線林虎莫榮新李耀漢軍爲第二線譚浩明軍爲第三線似此則義軍勢力漸由西南移入東南蔡軍必可乘勢由渝關鼓行而下時或人心厭亂北將言和而吾之基礎既堅卽休兵而共和可以確保敵處請公飭令俠軍來粵而同時欲重俠軍以出長江者此也想公恫念時艱斷無不許夫川中戰績震鑠一時而前策獲行亦賴俠軍爲之主幹起事收功舉惟滇中健兒是賴我公盛德於時大成預策將來先爲欽至岑春煊李根源叩諫印

### 李副都參謀致唐撫軍長電

雲南唐撫軍長鈞鑒篠電敬悉我公領袖羣牧凡在義師同深欽仰故願勿崇小讓勉副時望軍務院條例宣布以來所有宣言數通皆對外發布之事內部組織則自西林任副長任公任政務委員長外其他尙無建置除委任唐王溫三公爲外交專副使范谷兩駐滬委員外亦未有所設施卽政務委員會各省代表會均未着手組織所以鄭重遲回持消極之態度亦願明白表示非權利之所憑此中苦心我公定能燭察出師計畫已定三路進行一由雄韶入贛以協和隱青兩軍爲主力肇軍粵軍爲後援一由潮汕入閩以韵松軍潮軍分任之贛閩既定卽與湘軍會師武漢再規北上現正併力編配刻期出師湘中自望雲亭軍獨立後幹卿都督卽已督師入湘迭據望軍電告倪軍已退出寶慶而長沙諸處之兵亦無固志紛紛撤退我軍聲勢益張三湘底定在卽堪告塵懷任公到滬已一週問馮氏於南京會議無結果後又電獨立各省徵求代表此間意見已先後電達不贅李根源叩豔印

李副都參謀致撫軍長

蔡羅

撫軍殷總參議李祕書長韓參謀長電

雲南唐撫軍四川滇軍行營蔡總司令松坡羅總參謀鎔先殷總參議叔桓李祕書長梓暢貴州韓參謀長五峯鑒源寄迹南粵經營數月媿鮮補益實蒙天幸桂軍踵起粵旋繼之粵中派別紛歧加以龍子誠積怨在民獨立之後調停磋商議斂費苦心卒幸粵中將士半多滇

籍龍督又屬西林舊部情義所迫幾經曲折漸稍安定兩粵都司令所負責任首在統籌兵力計籌畫出師現定三路進發利乘贛中北兵較虛搗以主力目的所在直趨武漢以與兄等首尾相應共奠江淮經商莫兄商請協和担任而益以林君虎李君耀漢莫君榮新各軍此外桂督陸公率衆萬餘人出湘業已起程進迫前敵再益以程君子楷一軍由粵出助冀合黔軍底定三湘會趨武漢又出閩一路則令莫君擎宇方君韻松由潮進發冀與浙中義師遙相策應計畫所定大畧如是刻正併力編練限期出發北方現狀袁氏已定犧牲個人保全私利之計段馮二公負國重望吾輩固不宜妄分南北自劃畛域惟例以往事段公既處於辛亥袁氏地位而馮公則將步復辛亥段公所爲果竟告成得減兵禍恢復民國事固大佳無如段馮皆非袁敵而袁尤非清室可比內有梁士詒龔斷財權段芝貴新握京畿兵柄外有囹圄橫梗監視段馮所謀實多滯阻能否成功確屬疑問萬一段馮遷就於袁之餘孽苟且了局吾輩又遷就段馮苟且言和合以兩重遷就大局豈尙堪問故吾輩卽欲聯絡段馮共襄國事亦須速謀發展實力至少須以先達揚子江流域爲第一步俾南方位置日益鞏固然後居間轉移之段馮始有所恃以與袁氏周旋所定進兵計畫卽本此旨任公並主張於南方發展實力之先須有統一軍事並可對外取得戰團承認之組織遂提議軍務

院事嗣經各都督同意業於本月陽日發表任公初意力推西林任撫軍長西林以莫公首義功高力主推戴莫公幾經謙讓議卒以定莫公爲長而以西林副之兼攝行撫軍長職權此舉於軍事上對外上收效頗鉅滬上同人初慮南方成立政府影響或惡邇知軍務院並非政府性質且爲臨時機關不僅前疑頓釋且或於北方逆黨反漸跳梁段馮計畫頗瀕危殆勢非吾輩確有系統萬難應付誠以大局如是苟力持以武力解決更不待言卽令果於和議亦有壬子往事可例况此組織並遠遜於南京政府於與段馮接洽固毫無滯礙也任公爲外交及借款事於昨日啓行經滬赴日本浙江屈映光以無人望業於本月魚日自退推任呂君公望浙事從此大定可向皖閩發展海軍全部現已得有線索立可成功此間都司令部成立直轄軍隊有四師一旅第一師長莫擎宇第二師長李耀漢第三師長莫榮新第四師長林虎第一獨立混成旅長程子楷此間雖攝行撫軍長職權爲軍務院辦事地點所在惟關於各省統一事項現除曾委任外交專使唐王溫三公外他無可辦重要專責仍屬兩廣都司令所屬都部組織大要及人員計任公任都參謀章君士釗任祕書長溫君宗堯任外交局長楊君永泰任財政廳長百里子白任出師計畫主任而弟以菲才亦濫等於副都參謀之列俠和業於文日抵肇鎔西於蒸日來肇高談後卽於刪日首途赴滇此後通

電較便務懇兄等時以近狀見示俾成聯絡一氣或有能爲兄等臂助之處是爲至要頃閱報載二庵迫袁退位電文不勝欣慰惟蜀中確情究係如何成都曾否獨立切盼示覆錦帆積之小齋曉嵐又新戎生守莊諸兄暨和卿印波詠三諸團長現在何處近情如何並盼示知李根源巧印

### 唐撫軍長致滇桂粵聯軍電

急肇慶兩廣都司令部分送雲南護國第二軍李總司令烈鈞兩廣護國第六軍林總司令虎第四軍李總司令耀漢廣西第三師師長新編第三軍莫總司令榮新廣西第二師師長新編第五軍譚總司令浩明新編陸軍第一師莫師長擎宇第五師張司令習第一混成旅程旅長子楷均鑒頃接岑撫軍副長豔電開滇桂粵聯合軍組織業已就緒擬定名爲護國聯合軍由軍務院直轄此軍既直隸於軍務院應請由撫軍長直接指揮現各軍出發在即應如何進行之處伏候卓裁云云查袁氏盤踞大位逆心未死自應協力進行以期迅奏膚功准電前因所有滇桂粵組織義軍應卽定名爲滇桂粵護國聯合軍所擬出師各期計畫亦均依作戰方畧協同進行惟本撫軍長係有兼職未能親執前敵指揮所有進行方略應由岑撫軍副長就近督率指揮除電復外特電達希卽遵照繼堯魚印

岑撫軍副長通告獨立各省各軍電

貴陽劉都督桂軍行營陸都督南寧陳護督廣州龍都督杭州呂都督四川陳都督湖南湯都督陝西陳都督滇第一軍行營蔡總司令滇第二軍行營李總司令松坎戴總司令自流井羅總司令衡州林總司令永州望總司令陸師長靖州程總司令鑿滇粵桂聯軍已編定名曰滇桂粵護國聯合軍以下列各軍組織成之一滇軍爲雲南第二軍總司令李烈鈞二桂軍爲兩廣新編第三軍總司令莫榮新三肇軍爲兩廣新編第四軍總司令李耀漢四桂軍爲兩廣新編第五軍總司令譚浩明五林軍爲兩廣新編第六軍總司令林虎六濟軍一軍七潮軍爲兩廣新編第一師師長莫擎宇八桂軍爲兩廣新編第一混成旅旅長程子楷九張軍司令官張習按期分道次第出師惟本軍直隸於軍務院自應由撫軍長直接指揮現各軍出發在卽應如何進行當具豔電請撫軍長裁奪去後頃接江電開滇桂粵聯軍組織及進取方略均極妥協卽由公就近直接指揮進行隨時示知除電各軍司令外特復等因此次三省會師伸張天討同仇敵愾萬衆一心春煊衰庸豈足當茲大任惟撫軍長坐鎮南服未能遠道視師假以便宜敢不祇率謹當偕我袍澤共誓驅除諸公辰告訂謨尙乞隨時指示除按照出師方略分道進行外特此電聞岑春煊叩微印



岑撫軍副長致獨立各省通電

雲南唐撫軍長貴陽劉都督桂軍行營陸都督南寧陳護督杭州呂都督滇第一軍行營蔡總司令滇第二軍行營李總司令松坎戴總司令自流井羅總司令鑒滇軍張梯團長開儒桂軍申旅長葆藩江團長永隆均率所部於本日由肇出發遵照作戰方略指示之方向進行特聞岑春煊叩徽印

岑撫軍副長致獨立各省通電

雲南唐撫軍長貴州劉都督桂軍行營陸都督南寧陳護督廣州龍都督杭州呂都督四川陳都督湖南湯都督陝西陳都督滇軍第一軍行營蔡總司令滇第二軍行營李總司令松坎戴總司令自流井羅總司令鑒滇桂聯軍編組就緒陸續出發經通電奉布其濟軍司令官現接龍都督電委鄭開文充任應即查照方案編爲兩廣護國軍新編第七軍委任鄭開文爲該軍總司令特聞岑春煊叩佳印

(四)關於湘事之進行

陸撫軍來電

肇慶岑撫軍副長莫總司令李總司令李鎮守使廣州龍都督雲南唐都督貴陽劉都督蔡

司令行營蔡總司令松坎戴總司令杭州呂都督永州望總司令林總司令賁團長全州送陳團長道縣永明分送沈總司令馬正司令南寧陳代督譚司令行營譚總司令鑒廷漾午抵桂日內卽督師進湘據前敵報告我軍已進佔衡州武崗俟廷到湘情形如何再行電聞陸榮廷漾印

陸撫軍來電

肇慶岑撫軍副長梁都參謀鑒支電敬悉望卅電所稱各情係湘南一部獨立大約全湘必有響應之勢桂軍前敵已向衡水方面扼要進紮榮亦於日內率師出發現雖展期停戰而進行方略未敢稍緩惟盼粵事早日收拾完好則大局猶易解決也陸榮廷歌印

望總司令致岑撫軍副長梁政務委員長電

肇慶兩廣都司令鈞鑒支電敬悉素仰風徽勉襄義舉謬承獎飾慚愧莫名查湘省北兵之多以衡州北軍二十餘營爲最均駐紮州城百里內外下月唐天起一旅駐紮湘潭又有剗躍龍一旅駐紮寶慶湘西各處北兵尙不在此數雲亭宣布之日曾電湯公尅日響應因衡陽湘潭北兵中梗恐不免稍有牽制惟敵處防範於獨立期前已派吳副司令帶六七八營開駐祁陽之熊巖嶺白茆各要隘分別駐守日前桂軍林總司令賓副司令賁團長等又率

大軍抵永前隊陸鄧兩營長進紫祁陽之白水觀音灘等處現丞武軍前隊扼守地點與逆軍僅距百里停戰期內彼此尙屬相持期滿與桂軍分道進攻衡陽惟郴州貴陽方面尙需兵力應援懇鈞部速派重兵由韶州開赴郴桂等處以資協助衡陽一下全省自定雲亭爲配定兵力起見特此據情陳請尙乞兩公隨時電示機宜爲禱湘南護國軍總司令望雲亭叩微印

岑撫軍副長致望總司令電

永州望總司令鑒微電悉協攻衡陽計畫已商妥陸龍兩督分道進兵相爲犄角惟軍報用明碼拍發不便詳陳尊處與陸督通電係用何密本請電復岑春煊麻印

岑撫軍副長致林耿凡電

永州望總司令轉林君耿凡鑒巧電悉望總司令坐鎮湘南厥功甚偉煊所深知槍彈採運維艱自當設法酌助俟敝處大批軍火到時再當酌撥應用希轉告岑春煊卽印

岑撫軍副長致望總司令電

永州望總司令鑒青電悉執事大局爲懷素所深佩此次起義各軍復能聯絡一氣共赴國難大局實利賴之非特春煊一人引爲私慰也岑春煊元印

岑撫軍副長致林總司令望總司令賁團長電

湖南永州林總司令俊廷望總司令雲亭賁團長克昭鑒銑電悉貴部節節進紮深中機宜湘中全局指日可定已將尊電轉知軍務院各撫軍佇盼捷報岑春煊叩印

岑撫軍副長李撫軍致獨立各省通電

雲南唐撫軍長賈陽劉都督廣州龍都督杭州呂都督四川行營蔡總司令松坎戴總司令同鑒頃得永州林總司令俊廷望鎮守使雲亭賁團長克昭銑電稱前派赴衡州委員回報倪毓棻確卽退兵現已陸續開拔起程惟聞有馬軍將來衡填紮各界驚惶俊廷等以袁賊素多詐謀恐終難和平解決故決趁此時機得寸保寸以免地方受害復可應湯將軍之援現由克昭率呂陸邵三營雲亭派副司令吳棟樞率三營先行赴衡相機扼紮以安人心俊廷俟賈吳到衡後再行接續進兵以應事機商由雲亭仍駐永鎮攝呂陸兩營於篠日由白水進發等語特行電聞同候捷報岑春煊李烈鈞叩印

岑撫軍副長電轉望總司令電

雲南唐都督賈陽劉都督廣西陳護督廣東龍都督浙江呂都督四川蔡總司令松坎戴總司令鑒頃接永州望總司令雲亭敬電稱倪軍退出衡州敝軍向前駐紮曾于卽電詳陳後

因桂軍賁團長暨敵隊吳副司令率多隊赴衡倪軍即全部退出長沙湘潭唐天喜之兵日內亦完全出境至寶慶劉旅長迭次函稱大局危急力求和平敵軍來湘尙無一定省分何敢妄啓爭端惟乞勿過於逼迫云云雲亭亦屢次曉以大義勿以孤軍深入自陷不測等語相誥誠前數日因寶慶屬土匪蜂起謠詠橫生該地多數紳商懇請分兵彈壓雲亭奉商准林總司令賁團長桂軍由陳團長率兵數營開赴新寧敵軍周張謝三團長各率所部由祁陽分道出發會向寶慶乃我軍進至距寶城三十里之地劉軍疑我軍會師攻寶昨據前方確報謂劉旅長已開始撤退並向我軍深明請勿再進日內決意全行退出等語查劉旅長始求和平繼而撤兵自未便穹追當飭前隊仍守前防勿再前進外所有在湘北軍撤退各情形特電詳鈞部以抒塵系望雲亭叩敬印等語查北軍在湘紛紛撤退已無固志望軍步步維營聲勢日益發展已飭早規進取以靖敵氛特此電聞岑春煊叩沁印

岑撫軍副長致程招撫使電

永州望總司令轉送靖州程招撫使潛鑿鍾代表到肇具悉一切甚慰煊已在肇組織兩廣都司令部任公孝懷欽甫印泉隱青暢卿詔雲嵩生行嚴均在此現正擬率大隊分湘贛兩路北伐尊處情形請在望總司令處借用密本詳細電告以便參酌岑春煊眞印

程招撫使致岑撫軍副長電

肇慶粵桂湘贛都司令岑鈞鑒真電敬悉潛于十七日由靖赴武岡抵綏寧適奉鈞電無任欣慕惟帥府名義請加入湘贛二字俾四省軍隊統歸一系之下於作戰上尤爲便利潛於上月三十日抵靖湘西各軍隊多係舊部均願絕對服從歸潛統率辭不獲已遂于十號就護國軍湖南總司令官職其民政事宜設廳分任暫受其成於佳日通電各省都督在案現所部十二營編爲三梯團第一梯團兵五營以周則范統之第二梯團以朱澤黃原有兵之二營合潛所率滇兵二營共四營以朱澤黃統之第三梯團新編之三營係九子槍其官兵均前八師退伍官兵及潛舊部尤爲驍勇可用茲已將重兵集中武岡壓迫寶慶之敵使之不戰自退若得寶彰威力卽入長沙內地矣又南路望君雲亭亦于上月底宣布獨立與潛雖未謀面惟聞此君聲望卓著已派員與之聯絡此外一切情形已于前十五日派熊副官徵祥赴肇報告任公欽甫孝懷三先生俠和印泉行嚴隱青柳隅詔雲暢卿其衡嵩生韻松藻林子白希之肖巖諸同人未另電謹此覆陳護國軍湖南總司令程潛叩巧印

岑撫軍副長致陳陸撫軍電

廣西行營陸都督南寧陳護督鑒據湘南招撫使程潛特派員龍啓縉謁稱在梧州曾謁我

公詳稟湘邊情形並懇公撥與槍枝俾資前進當承公慨允將敵處指撥桂省之步槍二千枝內酌撥卽交渠運往湘邊等情至緝公誼程招撫使與煊夙共患難深資得力今得公提挈必能在湘力爲桂軍前導受公指揮程在湘聲譽甚好潛勢力亦厚公得此人將來收拾湘局又必易易也公見若何仍盼賜覆岑春煊叩寒印

望總司令致獨立各省通電

肇慶岑都司令南寧陳代都督廣州龍都督成都陳都督雲南唐都督蔡總司令貴陽劉都督杭州呂都督黑龍江朱都督西安陳都督大同府孔總司令湖南湯都督鑒自袁賊謀叛義師並舉豪傑雲集嚮應南北共逐獨夫今賊勢已蹙力竭人盡髮指皆裂猶存戀棧之心妄黷窮兵之禍重兵於武漢爲竊據河洛幽燕之謀藉停戰爲名目暗施其陰毒險狠之計幸我軍士氣方張敵膽已落敵部藉桂省之聲援得倡湘南之義舉敵兵畏迫撤退湯督得遂素心商民安堵七鬯不驚此皆天厭穢德人棄逆賊之所致也今陸督不日來湘人民瞻若雲霓足蹈手舞歡迎共推陸督爲湘桂總司令總師北討以清妖孽此湘桂一家同伸敵愾荆襄應嚮武漢從風當不難指日而覩也專此佈達以抒塵系湘南護國軍總司令望雲亭叩印

湘國會省會議員致岑撫軍副長及獨立各省電

肇慶岑都司令並轉滇黔桂浙秦各都督各司令鈞鑒袁賊叛國殃民普天同憤湘民好義本不後於他人乃苦於殺戮箝制之下呼籲無靈今幸陸督篤念鄰封援師南下拯湘民於水深火熱之中全湘義憤藉克稍申但僞軍盤踞岳陽野心未戢湘桂唇齒相依聯軍急須成立湘中各司令熱忱義勇昭日薄雲惟軍政尙覺紛歧進取微欠靈敏非得德威素著者不足謀統一而勵進行陸督節鉞所臨歡聲雷動煥南等代表民意公舉陸督爲湘桂聯軍總司令想陸督愛國赤忱義難推諉除逕電陸督敦請就職并電湯督外伏乞諸公俯順輿情合詞勸駕大局幸甚全湘幸甚前國會議員陳煥南李漢丞歐陽振聲前省會議員周毅呂望撓唐瞻雲湘同志會廖模王猷雷篆銳軍界趙春霆點岱金洪鈞紳界胡玫學界唐酋商界全見楸等叩東

湖南張總司令學濟等致陸撫軍電

廣西陸都督鈞鑒前在乾塢城曾將各情迭電在案嗣逆軍進攻口丁被我軍痛擊敗退辰州全部膽寒概無鬥志意圖劫奪銀行又各處土匪謀據辰州獄犯脫逃數十人地方官民惶恐萬狀迭請派軍保當兵隊回營於歌日抵辰時逆軍尙駐對河聞風下駛鴻鈞於青日



移駐辰郡辰沅各屬現無逆軍蹤跡人民歡慶秩序如常十重要機關已一律派兵保護矣  
特電奉聞護國湖南第一軍總司令張學濟支隊司令田鴻鈞同叩灰印

岑撫軍副長致張總司令學濟等電

湖南辰州護國湖南第一軍張總司令學濟支隊田司令鴻鈞鑒灰電悉逆軍踞辰經貴部  
痛擊全部肅清人民歡慶秩序如常至深佩慰現在袁逆雖死大局尙未寧靜維持現狀仍  
賴羣豪願與共勉岑春煊銑印

岑撫軍副長致李軍長電

湘陰第一軍李軍長鑒歌電誦悉三湘地處上游敵軍深入執事籌策萬全艱難百折卒能  
從容却敵慷慨誓師偉畧深謀欽服無似旌旗在望慶幸同深敬此奉賀岑春煊元印

陸撫軍申明軍法電

肇慶岑撫軍副長鑒並送莫總司令南寧都督府潯州譚總司令蒙正司令平樂陸代師長  
林團長潘團長砲兵梁團長衡州林總司令賁團長並送陳團長沈總司令并送馬正司令  
廷治軍夙嚴故部伍所至秋毫無犯昨據林總司令賁團長銑電稱有隊長鍾濟靈當駐  
永時勾引向團總之婦隨帶赴祁於啓程時並將鈐封該婦住房電請核辦前來似此目無

法紀殊堪痛恨當經電飭將該隊長鍾濟靈立予軍前正法去後茲據該總司令等電復業經遵電槍斃在案希該司令師長團長等嗣後軍行所至務各嚴行約束所部恪守紀律保全我軍人名譽倘有不知自愛違犯法令者即詳請嚴辦勿稍徇縱並由該司令團長等轉飭各營連一體遵照毋違陸榮廷都督敬印

唐撫軍長致獨立各省通電

肇慶軍務院岑撫軍副長梁政務委員李總司令廣東龍都督南寧陳護督並轉陸都督貴陽劉都督杭州呂都督成都陳都督西安陳都督蔡軍行營蔡總司令松坎戴總司令均鑒據鎮川田司令應鄺電稱奉湯都督電長沙於五月十八日宣布獨立軍民歡騰秩序肅靜等語特聞唐繼堯東印

岑撫軍副長致湯都督電

湖南湯都督鑒豔電誦悉湖省爲我軍入鄂門戶逆軍重兵死守阨我進行阻公發展地方糜爛民受其困我公不動聲色轉危爲安逆軍潰逃全湘底定逃聽佳音距躍三百指日會師武漢誓除穢毒還奠共和公之志即焯之志也謹率所部肅電馳賀尙乞不時賜教爲幸  
岑春煊叩東印

湖南共濟會通電

肇慶都司令岑轉各省總司令鑒湘省豔日獨立秩序如常速出勁旅會師北伐掃除袁賊以奠國基湖南共濟會公叩

岑撫軍副長致湖南共濟會電

長沙探送湖南共濟會鑒湘省獨立秩序如常逖聽佳音旣忻且慰滇桂粵聯軍現經編調就緒指日會師北伐誓除叛賊還奠共和辱承電教謹佈區區岑春煊冬印

曾總司令繼梧等通電

雲南貴陽成都廣東廣西杭州西安都督肇慶岑都司令蔡司令行營蔡總司令暨各報館鈞鑒梧等不才謬承湘督推許已於江日委任爲護國軍第一軍總司令及梯團長自問棉薄曷克勝此惟念時事艱危民賊雖亡國家前途尙屬遼遠是用厲兵秣馬願爲各路之前驅尙祈敵愾同仇共伸國民之公憤知關綺注敬以奉聞曾繼梧趙恆惕陳復初陳嘉瀝劉建藩庚印

湘南張總司令學濟通電

雲南唐都督貴陽劉都督永寧蔡總司令南寧陸都督肇慶岑都司令四川陳都督浙江呂

都督暨各軍司令上海各報館鑒我軍獨立實爲湘西各屬之先當時曾以軍政府名義藉資號召昨聞長沙湯公於五月二十八號明白宣布全湘大勢既有所歸所有此間軍政府名義業電湯公取消仍設護國湘南第一軍總司令部以資統率特聞護國湘南第一軍總司令張學濟叩號印

湘省議會各團體致岑撫軍副長轉呈大總統電

肇慶岑撫軍副長鑒並請轉呈北京東廠胡同大總統鈞鑒馬宥兩電過邀鑒察大盜移國毒敷四海湘中受禍尤爲劇烈湯蕘銘以殘凶貪鄙之夫踞湘三載數其罪惡罄竹難書略舉概要則爲捏報前譚督虧空濫發紙幣乘機侵蝕湘款三千餘萬罪一任用酷虐爪牙華世羲江培庚等濫用非刑慘殺無辜數逾數人罪二滇黔起義電請逆軍數萬蹂躪湘土罪三前二月民黨起義被捕三十餘人剜心剖肝慘無人道罪四解散郭人漳礦警取締城市誣殺無辜數十人縱掠良家數十戶反庇部兵竟用公款賠郭損失數十萬罪五湯假獨立冀保祿位陰串北軍實行盤踞近更密遣心腹胡瑞霖等晉京運動妄希新命欲爲龍濟光之續罪六獨立後偵探如林戒嚴加甚密增手槍隊數百仇視民黨日前逮繫王道尤見非法罪七各屬護國軍以既經獨立請求編制彼乃悍然不顧一律認爲土匪肆行摧殘罪八

大總統電令撤退北軍湯抗命不撤反縱北軍蹂躪湘民罪九望雲亭爲湯爪牙令其兼署道尹復令招兵三梯團以爲猛虎添翼之計居心尤爲叵測罪十只此十端已在共棄之列况其譎張爲幻罪惡猶不止此乞大總統主張人道蘇我全湘先予開缺一面委大員查辦以護國愛民之熱忱施救焚拯溺之溥利涕泣請命急不擇言國會議員黎尙虔等等省會議員郭開第等長沙總商會會長左宗澍等教育總會周廷幹等鐵路學會胡榑等實業協會李度等休職軍官歐陽煌等國事同難會余連等暨全湘士民公叩江

### 湘議員代表來電

肇慶軍務院鈞鑒湯督畏罪潛逃湘省秩序急待維持請卽任陸都督就近權督湘軍不勝迫切待命之至湘省議會議員代表蕭翼鯤周廷幹陳理章伍坤郭開第王鳳雄等叩

### 岑撫軍副長致陸師長沈馬總司令電

急長沙陸師長裕光沈總司令鴻英馬總司令範鑿歌電悉湯督去湘賴諸公維持秩序奠安地方佩慰無已此間已代電請幹卿都督迅速入省主持一切特復岑春煊魚印

### 岑撫軍副長致陸撫軍電

衡州行營陸都督鑒頃據湘省議會議員代表蕭翼鯤等電稱湯督畏罪潛逃湘省秩序急

待維持乞轉請陸都督就近權督湘軍不勝迫切待命之至湘省議會議員代表蕭翼鯤周廷幹陳理章伍坤郭開第王鳳雄等叩同日又據長沙曾總司令繼梧電稱湯督出走不得已暫出任維持請示辦法湖南護國軍總司令曾繼梧叩微印各等語查該議員司令等來電簡畧未據聲叙湯督出走原委末由揣測惟湘省重要關係匪輕湯督既去後患堪虞若鎮攝不得其人一旦禍變猝起影響所及勢必牽動全局我公素爲湘人愛戴豈忍坐視糜爛務望俯從湘人之請順爲一手之援迅赴長沙維持一切湘省幸甚大局幸甚岑春煊叩魚印

陸撫軍致岑撫軍副長電

肇慶岑都司令鑒魚電敬悉微日接長沙各界及敝部來電俱稱湯都督於支晚出走至因何故出走尙未接有詳報無從揣測迫承湘中各界歡迎赴長鎮懾廷足疾未愈須遲數日方能前去惟長沙地方重要經飭敝部馬沈林三總司令李陳賁三支團長嚴加約束軍隊竭力維持秩序幸尙如常知念並聞陸榮廷叩魚印

陸撫軍致李都參謀電

肇慶李都參謀鑒虞電敬悉湘督出走之後省城秩序尙屬安謐且飭沈馬兩總司令駐紮

維持當可無慮惟湯督行蹤不甚明瞭曾電中央經已四日並無覆電廷若冒昧前往接代恐遭物議並受法譴容俟該省紳商各界舉定有人卽行進省維持大局以抒廬念陸榮廷齊印

### 沈馬總司令致岑撫軍副長陸陳兩撫軍電

肇慶岑都司令南寧陳代督衡州陸都督鈞鑒前電計邀鑒核湯督出走後北兵散潰在離城一二十里之村市肆行姦凶民不堪其苦紛紛邀求派兵維持前來竊以保衛地方之秩序職責攸歸故不能不順人民之請現已挑選精銳馳往鎮壓矣總司令沈鴻英馬濟叩微印

### 湘省議會通電

萬急北京黎大總統段總理肇慶軍務院岑都司令各省都督將軍省議會衡州陸都督蔡行營蔡總司令上海駐滬國會均鑒湯督宵遁公推湘護國軍第一軍總司令曾繼梧君代理都督保全秩序駐湘桂軍一致維持地方安謐堪慰廬念湘南省議會議員彭兆璜等共十三人同叩歌印

### 曾總司令繼梧致岑撫軍副長電

肇慶軍務院岑都司令鈞鑒微電敬悉繼梧昨任都督係因事出倉猝恐主持無人紊亂秩序原屬不得已之舉自維資淺才疎曷敢久竊高位致妨賢路本日亟向本省省議會暨紳商軍政學各界辭職叨承各界允許並公舉劉公人熙爲湘南都督已於本日交接地方安堵特此奉聞曾繼梧叩虞印

### 湘南各界通電

北京大總統國務院肇慶軍務院鈞鑒湘省代理曾都督繼梧本日召集軍政學商各界團體省議會臨時參議會各議員發表辭職意見全體再三挽留仍懷謙讓僅允仍回第一軍總司令原職當場全體公舉劉人熙爲湖南都督軍民歡躍秩序井然謹此電聞湖南全省軍政學農工商各團體龍璋陳炳煥程潛趙恆惕等百餘人同叩魚印

### 湘劉都督通電

各省都督將軍巡按使承德歸化張家口各都統各副都統各辦事長官寧夏龍華各護軍使鎮守使各師旅長公鑒湯薌銘於五日倉皇逃遁暫代都督曾繼梧隨又辭職湘省參議會省議會及各軍界公推人熙承乏自顧衰庸深懼弗勝惟因衆情所迫固辭不獲勉于七日受任除電呈大總統國務總理肇慶軍務院外特此奉聞湖南都督劉人熙庚印



### 劉都督致岑撫軍副長電

肇慶軍務院都司令岑鈞鑒湯薌銘倉忙出走曾繼梧暫代都督又復辭職省中秩序淆亂人心惶恐月之七號參議會省會議員各界父老強人熙承乏就職自以衰庸萬不勝任羣情所迫陷此困難幸陸都督近駐衡州聲威素著非陸都督速來長沙兼署湘督不足以定紛亂之局乞電陸都督俯允人熙所請湘民幸甚人熙幸甚無任迫切待命之至承乏湘都督劉人熙叩虔印

### 陸撫軍通電

急北京國務院陸軍部參謀部各省將軍巡按使各都督各路總司令叙州巡閱使各護軍使各都統肇慶岑都司令上海國會議員轉唐少川梁任公溫欽甫王亮疇先生均鑒此次舉義原係護法現在約法國會已皆恢復臨時內閣亦已發表武力之解決已終法治之建設伊始此後國家大計應聽政府國會主持凡我義師亟宜各回防地保衛治安聽候中央命令榮廷現於蒸日由衡啓程回桂所部各軍經飭陸續馳回原防特以奉聞榮廷叩蒸印

### 湘國會議員致岑撫軍副長電

肇慶岑西林先生鈞鑒陸公督湘不獨有益湘局實關大計執中等前曾通電歡迎頃聞陸

公已由衡返桂懇急代電挽留返節履任不勝感盼湘南旅滬國會議員李執中震鱗彭允彝歐陽振聲羅永紹易宗夔李漢丞周澤苞魏肇文陳家鼎禰時胡壽炳陳九韶文駕周李式琛寒印

(五)關於停戰之協商

馮上將軍通電

雲南唐虞慶先生蔡松坡先生貴陽劉如舟先生南寧陸幹卿先生廣州龍子誠先生梁任公先生張堅伯先生杭州屈文六先生鑒自戰事發生遷延數月兵連禍結國本動搖諸公擁護共和宗旨本極正當惟生民何罪慘罹兵凶內訌不寧適召外侮國民慄慄危懼日思挽回劫運再奠邦基前聞四川陳蔡二公議有條件八條國璋曾據以電詢各省徵集意見以爲卽此解決可以息事寧人乃頃接陳將軍轉到蔡公巧電一通得知雙方尙未同意似此相持不下旁觀將有責言神州陸沉佇足可待是非以最和平最迅速之方法解此紛擾恐終無倖免之時國璋審度內情亦經籌慮及此業於日前電達黎徐段王四公望其代陳大總統卽有敝屣尊榮預作退計之言一面電致未經獨立各省將軍巡按使商酌聯名入告共任調停雖與諸公辦法各殊而維持大局鞏固國家彼此實同一目的惟當此絕續存

亡之際關於軍政財政深恐變出非常自須稍緩時期藉可逐次布置已電四川陳將軍請與蔡公協議續行停戰一月諸公熱心爲國當以同担艱鉅爲前提務望早日罷兵使有商權餘地凡地方未遭破壞者均希暫止進行以免破壞愈多愈難收拾特電布達祈諒愚忱尊處意見何如并盼速復爲荷馮國璋感印

### 陳撫軍電轉熊希齡電

肇慶軍務院廣西都督鈞鑒頃准貴陽劉都督個電開頃得熊秉三支日來電開前派朱樹蕃張學濟兩君商議停戰事宜深荷痛念湘民至爲感謝刻距一月期滿中央業已電商展限期而湘邊各屬商民深懼戰端再開紛紛電求設法和平希齡六號護家母赴津寓居租界以免老人驚心風鶴適接廣西陸都督感電要求北兵退出湘境希齡已於冬日電商段芝泉請其將西南兩路北兵概行撤退以示和平而救民困刻尙未得電復近觀大勢所在外患日深遲恐漁利並於本日函勸項城速定退位之計惟其善後手續亦須籌備完全方不致亂北方秩序使爲列強所藉口此中展轉亦非數旬所能辦到目前敵省西南兩路雙方軍隊苟能稍緩攻擊保存人民生命財產實非淺鮮應請尊處密電陸唐梁蔡諸公同心商權善後辦法轉飭軍隊緩攻靜待解決蓋項城既可退位根本即可解決亦必不致糜爛

其民至傷元氣想我公懷念鄰封當邀中止也此間桂電往返太遲且不用密碼特託田鎮守使再達尊處懇代轉電陸梁兩公無任感禱熊希齡叩支印等語特聞等因合轉電查照廣西都督府陳炳焜馬印

蔡撫軍通布復馮上將軍電

雲南唐都督貴陽劉都督廣西陸都督分送廣州龍子誠先生梁任公先生張堅伯先生杭州屈文六先生鑒馮華老感電計達頃鏢覆電文曰感電敬悉老成謀國深佩苦心國勢如斯戰事延長本無幸理惟項城竊位已無術見諒於國人人之多言愛莫能助前電有敝屣尊榮預作退計之言真能以君子之道愛項城並愛國家誠所謂最和平最迅速之方法急宜本此進行務懇早據忠讜弼成項城讓德斯糾紛立解國人皆拜我公之賜抑可轉原項城之心日月之食及更皆仰項城既屈己以徇國人則國人之所以待項城者寧復忍爲己甚至絕續存亡之交軍政財政慮或變出非常誠應先爲措置公與樞府諸賢內外相維知不難指揮若定鏢等待罪行間苟利於國惟命是從停戰之約現已飭前敵雖屆期滿非有命令不許妄動止戈待命不盡依依等語合轉聞蔡鏢東印

蔡撫軍電轉陝西陳都督致獨立各省通電

雲南唐都督貴陽劉都督廣西行營陸都督廣州龍都督岑西林先生杭州呂都督松坎戴總司令晃州王司令鑒准成都陳都督感電稱西安陳都督電稱陳都督通電讀悉敝處真巧漾三電已登籤記否迄未奉覆不勝翹企大局危險已到極分再事遷延萬無倖理寧垣會議公等是否與聞一切主張何似究持如何態度和議有無端倪半月以來交通部於敝省往來電文概被扣置消息梗塞憂悶欲狂偷路綫已通務祈隨時賜教爲禱敝省內部人民解決極爲和平陸將軍准明日起程赴京全陝大定秩序安寧樹藩徑叩等語囑譯轉麾下轉電滇黔桂粵湘各都督希查照等語特達蔡鏗叩卅印

### 梁政務委員長致馮上將軍電

南京馮將軍鑒感勘齊諸電均奉悉我公維持大局之苦心實深欽佩今日時局除項城退位外別無解決之方此已成天下公言至元首繼承問題經四都督宣言黃坡依法繼任此舉根據法理及已成之事實本無絲毫疑議之餘地乃聞近有人倡議謂民國四年以後大總統固已失其地位副總統名義亦當同歸消滅中國目前實一無政府無法律之國不應援引約法謂副總統可以代行職權云云聞之不勝駭詫查此次國民所以積憤於項城正以項城破壞約法約法者民國之生命也項城毀之國人爭之國人以愛護約法故不惜釁

項踵以爲之殉項城雖自絕於約法而約法未嘗因此而損其毫末也項城所以失去總統資格全因其犯約法上之謀叛罪並非約法消滅總統名義消滅而彼之資格隨而消滅也約法既歸然存在副總統名義誰得而消滅之項城因犯罪缺位黃城當然繼任此與美國前總統麥堅尼遇害缺位副總統盧斯福當然繼任事同一律何議何疑况四省既已宣言於前決不能反汗於後若退位繼任兩問題相持不決則恐和平恢復永無其期我公數月來委曲調護之苦心豈不盡歸水泡望公念外患之易乘察輿情之難拂毅然主持爲國家挽此浩劫幸甚幸甚段芝老處曾有電瀝述乞公更爲道鄙懷梁啟超叩文

### 軍務院致馮上將軍電

南京馮華甫先生鑒華密本院各撫軍互商同意致先生電文如下馮華甫先生鑒各電敬悉息事寧人禦侮急難堯等夙志寧讓我公惟以本院同人所見非項城退職去國時局斷無從解決其理由經堯等以個人名義先後電陳不復贅述尊處主張若歧恐無復商榷餘地總之項城一日竊位公憤一日不息五省軍民方日以姑息遷延相咎責非項城已離北京黎大總統正式繼任其有銳進則堯等固無辭以阻之也况五省以外人同此心五省雖復按兵他方又豈能無事怖影莫若息蔭止沸惟在抽薪以公之明見必及此今茲之役議

和兩字不能適用退袁靖難心理大同本無不和何所容議至袁退後所有善後辦法自需彼此互商若袁未退以前則堯等職在討袁此外不敢承教區區之心惟公察之唐繼堯岑春煊梁啟超劉顯世陸榮廷龍濟光呂公望蔡鍔李烈鈞陳炳焜等語春煊感按此電早經擬就以徵取同意稍稽時日並聞中華民國軍務院勘印

### 唐撫軍長致獨立各省通電

肇慶岑西林先生南寧陳護督並請轉陸都督貴陽劉都督廣州龍都督杭州呂都督均鑒頃致南京馮上將軍電文曰頃聞公約集未獨立各省在寧會議並有電令獨立各省同派代表赴會熱心毅力佩仰無窮惟敝處未奉原電未知尊旨如何據鄙見項城退位實已不成問題敝處與黔桂各省迭經宣言非項城退位無商量餘地是爲已決之宗旨無待再言故尊處此會如項城退位爲已決問題但當妥酌善後自商同黔桂粵浙各省宗旨久早標明即可暫緩派員俟尊處與赴會各省會議決定後再行加入較爲適合鄙見如是是否仍候卓奪示覆唐繼堯叩東印等語段馮銑禡各電此間迄未接到未知措詞如何惟揣其意恐項城退位尙爲未決問題則按照迭次宣言我各省自未便遽行派員加入鄙意俟得馮覆電再定辦法如必須派員亦俟公同商定現暫緩行敢請諸公查酌辦理爲盼唐繼堯叩

東印

岑撫軍副長致獨立各省通電

雲南唐撫軍長貴州劉都督桂軍行營陸都督南寧陳護督廣州龍都督杭州呂都督四川陳都督湖南湯都督陝西陳都督滇軍第一軍行營蔡總司令滇軍第二軍行營李總司令松坎戴總司令自流井羅總司令鑒呂都督卅日電致軍務院文曰頃聞袁氏在調戰期內借剿匪爲名開兵進迫浙邊顯無議和之誠意擬請尊處先向袁氏提出嚴重質問倘竟不識順逆甘心賊民惟有統率義師指日北伐曲不在我決勿老師自誤墮彼詭謀等語查袁氏前請停戰議和絕無誠意如呂公所云現在停戰期滿我軍惟有誓師北伐促達目的至應否提出質問軍務院未便直接置議應請仍由蔡總司令與陳都督酌核辦理乃合步驟如何盼復岑春煊叩江

(六)關於川陝獨立之實況

陳撫軍電轉四川陳都督電

萬急兩廣都司令部軍務院廣西行營都督鈞鑒頃接陳二庵魚電開各省將軍巡按使長江巡閱使各都統護軍使鎮守使鈞鑒華密宦於江日電懇總統退位業經錄文通電在案



茲奉魚日電諭江電悉實獲我心但此間情形容布置善後望速向政府切商辦法切盼等因除由宦知照蔡君續展停戰以便磋商外當此大局旋轉關頭應如何預策善後之處諸公偉畫匡時敬乞迅賜教益宦擬俟徵求各省意見推由馮上將軍折衷辦法以後再行遵令電商政府宣布施行以昭慎重特此電達立企裁復陳宦叩魚印等因應如何發抒意見敬乞核復炳焜芻印

#### 四川陳都督通電

北京國務院統率辦事處各部局各省將軍巡按使並轉各鎮守使叙州巡閱使上海護軍使承德歸化張家口都統西寧辦事長官叙州轉永寧行營蔡總司令并轉滇黔桂粵浙都督鈞鑒宦庸愚治軍巴蜀痛念今日非內部速弭兵爭則外人必坐收漁人之利亡國痛史思之寒心川省當滇黔兵戰之衝人民所受痛苦極鉅瘡痍滿目村墓爲墟憂時之彥愛國之英皆希望項城早日退位庶大局可得和平解決宦旣念時局之艱難又悚於人民之呼籲因於江日徑電項城懇其退位爲第一次之忠告原冀其鑒此忠忱述明視聽當機立斷解決糾紛乃覆電傳來只以妥籌善後之言爲圖戀延宕之地宦竊不自量復於文日爲第二次之忠告謂退位爲一事善後爲一事二者不可併爲一說請其卽日宣告退位示天下

以大信嗣得覆電則謂已交由馮華甫在南京會議時提議是項城所謂退位也者決非出於誠意虛與委蛇是項城先自絕於川宦不能不代表川人與項城告絕自今日始四川省與袁氏個人斷絕關係袁氏在位一日其以政府名義處分川事皆視爲無効至於地方秩序宜有守土之責謹當爲國家盡力維持俟新大總統選出卽奉地方以聽命並卽解兵柄以歸田里此則區區素志於私於公以求無負者也皇天后土實聞此言謹露布以聞中華民國五年五月二十二日四川都督陳宦叩印

蔡撫軍致獨立各省通電

肇慶軍務院岑西林梁新會先生廣州龍都督雲南唐都督廣西行營陸都督梧州李總司令南寧陳護督貴陽劉都督松坎戴總司令杭州呂都督鈞鑒成都於二十二日宣布獨立秩序如常希致電陳二庵都督祝賀爲幸蔡鏗叩敬印

四川陳都督致獨立各省通電

肇慶岑都司令廣州龍都督南寧陸都督雲南唐都督貴陽劉都督長沙湯都督永寧蔡總司令鈞鑒袁氏盜國神人共憤義旣一致萬方響應前從各方函電獲聞概論英風義烈遐邇欽馳宦以薄德勉從諸公之後聯合陝湘荆楚舉義同時宣布羣情翕合惟是蜀中連年

兵燹元氣凋殘盜匪充斥反正以後爭樹幟志以相號召雖不無豪傑可用之才而害羣之馬亦勢所不能免此內部之統一宜費經營者也戰事發生曹張各軍聯翩西上瀘州至重慶夔萬一帶節節爲所扼踞形格勢禁不無掣肘此外界之橫逆亟待廓清者也兼此二因乃致北伐稽遲師不出境深懼遺誤時會宜雖盤根錯節不能無綆短之虞而勵節矢心敢不屬秣馬以待諸公熱忱爲國宏濟艱難所有對於大局意見暨一切進行事宜必有鴻謨碩畫籌備萬全務祈不吝提攜詳賜指示庶幾率循有自無虞隕越側身天末不盡依依謹電奉聞惟希鑒察陳宦叩歌印

### 蔡撫軍通電

北京各部各省軍民長官均鑒國本既定紛爭立解凡我國人自宜安分守法共保治安乃前重慶鎮守使周駿於四川舉義後假崇武將軍之號率兵西上環攻成都及至今大總統就任又自稱行軍總司令進逼成都陳都督及川省紳民懼戰禍之再聞函電紛馳冀其罷兵和解卽在川客軍覩川民之水深火熱亦均願息事寧人乃周駿曾不知悔禍無故稱兵謂其擁護前總統則崇武名號彼已廢除謂擁護共和則陳督舉義久所共見遠之則元首正位無行軍之可言近則成都安謐尤無行軍之必要不知何詞可藉真百思不得其解似

此師出無名任意爭奪不亟加以懲創則羣起效尤國家安有寧日本軍矢志護國期國難之就寧知亂種之必鋤現迭接成都官民函電告急義難坐視除請示中央嚴兵待命外合電佈聞滇黔護國軍總司令蔡鍔叩箇印

蔡撫軍致岑撫軍副長電

肇慶岑都司令鑒魚電敬悉獎許溢量愛與時併鏢屢月奔馳觸發喉病雖動履無礙而發語暗澀漸致失聲據醫者言非轉地療養難望痊可故前膺簡命迭電陳情迄未許可適遘蜀中內亂周駿擁兵犯省逼走陳督矯制稱尊鏢奉相機剿撫之命分道出師雖不及旬月幸獲戡定而潰兵四散羣盜滿山亂象紛紜不可終日自維病體孱弱豈堪勝此繁劇亟擬謝病東渡而中樞敦迫蜀民維繫至再至三無詞可謝不得已扶病入省勉塞衆望日來僕馬在途目覩滿地瘡痍良用惻怛此後力疾從事非敢爲其有勞聊以明其不忍我公遠懷舊部久儲宏謨務懇時錫良箴俾資先導爲禱蔡鏢叩感印

岑撫軍副長致熊司令電

叙府探送熊司令錦帆鑒箇電誦悉執別以來良深懷想月昨余君際唐抵此備聞台旆入蜀艱難堵柱險阻備嘗尤所切念曾電陳督及松坡鎔軒兩公共圖接濟未知達否煊衰年

復出無裨艱危重辱揄揚益滋慙慙宏謨遠略幸時開示是所企禱岑春煊真印

### 陝西陳都督通電

急雲南唐都督貴陽劉都督四川陳都督大舟驛蔡總司令松坎戴總司令南寧陸都督陳護督肇慶岑西林梁任公先生鑒樹藩於佳日在陝北宣布獨立眞日通電不卜已登典籤否侵日樹藩進軍三原與陸將軍代表交涉一切力主和平銑日進駐省城旋據陸將軍呂巡按使將文件印信移送前來同時紳商全體復以早正名義以安軍心而順民意等情相籲請巧日樹藩乃以陝西都督兼民政長名義佈告大衆人心安靖塵市歡騰現以陸將軍長子前秦軍第一旅旅長陸承武總司陝西護國軍之令陸將軍准徑日起程回京斡旋大局國魂欲斷大陸將沈生死存亡視茲和議樹藩愚見必項城退位餘件尙可從寬公等身繫安危弭亂保邦必有成竹臨電馳企佇候教言陳樹藩漾印

### 岑撫軍副長致獨立各省通電

雲南唐撫軍長貴陽劉都督廣西行營陸都督南寧陳護督廣州龍都督四川行營蔡總司令松坎戴總司令永州望林兩總司令衡州賁團長鑒頃據確報陝西義軍本月一日由陝北鎮守使陳樹藩旅長在三原縣宣布獨立並被推爲都督分兵爲二軍第一軍長郭滋第

二軍長焦子靜陸建章之子敗於高陵被捕西安於十五日已克復陸建章逃去山西大同孔庚亦於十三日宣佈獨立西北既動南北形勢不久將大變更謹先電聞以伸同快我軍務宜趁此速進勿爲停戰游移無任盼禱岑春煊有亥印

岑撫軍副長賀陳都督電

成都陳都督轉陝西陳都督鑒頃接蔡總司令轉到尊處漾電欣悉陝省已於佳日獨立我公銑日進駐省城輯撫軍民人心安靖塵市騰歡迭聽佳音無任忭頌秦擁三輔自昔稱雄我公據高屋建瓴之勢足以制逆死命此後義軍日益發展逆勢日稱窮蹙大局底定民國尤賴謹率所部肅電馳賀岑春煊江印

岑撫軍副長致獨立各省通電

雲南唐撫軍長貴州劉都督桂軍行營陸都督南寧陳護督廣州龍都督杭州呂都督四川陳都督湖南湯都督陝西陳都督滇第一軍行營蔡總司令滇第二軍行營李總司令松坎戴總司令自流井羅總司令永州望總司令靖縣程總司令鑒頃接陝西陳都督電云樹藩業於真日宣布獨立全局粗定惟陝軍孤懸河坵器械缺乏鑿持旬月樁柱大難萬懇急電蔡陳二公卽分編師出漢中使陝軍得與各軍確實連繫曹軍有入陝消息並乞堵截樹藩

叩卅特電轉聞務祈蔡陳二公設法救濟盼切禱切岑春煊叩支印

(七)關於協商之善後之計畫

### 蔡撫軍通電

北京各都院局署暨各省廣西行營都督將軍巡按使鎮守使各特別區域都統均鑒項城出缺黃陂繼任輿情戢服中外翕然元首得人曷勝欣頌惟念辛亥以還迭遭國難兵燹之餘繼以災祲項城當國才本臬桀戾爭益凌近數年來干戈四擾血戰之區雖限於川湘一隅影響及於全國公私塗炭不可億計廓清積困恢復故狀爲事大難欲進而恢張國運百廢具興更屬不易非賴中央提統於前各省翊贊於後羣策羣力共趨一的不爲功目前善後要務尤在收束兵事保固治安維持財政諸端三者互爲關聯相因相成果能內外一心共矢貞誠補救善後諸務不難於最短期內迎刃而解伏望內而中樞諸賢外而已獨立未獨立各省長官蠲除成見以福國利民爲前題以擁護中央爲要義則國事前途庶其有豸鏗爲時勢及私心所迫待罪蜀中轉戰數月率國內健兒相見於行伍間憐惻之餘繼以慚悚所堪以告我邦人於無愧者出征以來未濫招一兵未濫使一錢師行所至所部兵士未擅取民間一草一木不敢種惡因以貽惡果故本軍範圍收束極易足紓中央南顧之憂日

來正從事計畫收束之法一俟籌畫就緒當卽呈請中央核飭遵行鏢鋒鏑餘生無意耽世且夙疴未痊亟待療養擬俟軍事部署稍定卽行解甲歸休遂我初心款款愚忱伏乞鑒察滇黔護國軍總司令蔡鍔叩青印

唐撫軍長通電

肇慶都司令部岑撫軍副長貴陽劉都督廣西行營陸都督南寧陳護督李軍行營李總司令廣州龍都督杭州呂都督成都陳都督蔡軍行營蔡總司令松坎戴總司令自流井羅總司令鑒松公青電奉悉項城天然淘汰黃坡依法繼任大局可望底定吾輩目的已達更復何求但正式政府如何成立軍事善後如何佈置以後財政國會各問題均與義軍有直接間接之關係若不乘此切實研究一致主張恐善其始者無以善其終仍不能得良好之結果松公躬在行間勞瘁備至同人系念極深但九仞之山豈可虧於一簣務望發揮偉見毅力主持冀國本人心一致克定然後同遂初望把臂入林固夙願也繼堯叩刪午印

唐撫軍長通電

都司令部岑撫軍副長南寧陳護督廣西行營陸都督蔡軍行營蔡總司令鑒西林文電悉黎公雖繼任一切善後問題均未商決是帝制餘黨盤踞把持致黎公不能完全自由已可



概見吾輩既以義始必以義終方不負此舉現同志中雖或有宣布取銷獨立者但滇桂爲義軍中堅必期貫徹初志決不隨俗而靡前曾由此間通電聲明苟大局得正當之解決斯獨立自當然取銷正勿庸預爲宣布反近取巧卽是斯意今公等同此決心毅力堯敢不追隨於後至西林求遂初志以踐前言並允現時仍爲主持磊落光明眞足革晚近推卸諉責之習令人欽佩無既來日大難首瞻敦勉唐繼堯叩冬印

### 陳撫軍通電

雲南唐都督貴陽劉都督杭州呂都督蔡軍行營蔡總司令松坎戴總司令都司令部岑都司令廣西行營陸都督上海梁任公唐少川兩先生均鑒任公沁電計達協商代表之議情勢既難實行又現在南軍要求各端目的似已達八九原無協商之必要所難解決者獨立省之軍政財政兩問題固非各省自派專員不可國務院組織後軍務院當然取銷惟軍務院取銷後必俟官制解決始定都督名稱之去留則當官制未定前都督與將軍並存形式上似稍礙統一耳如何統希公決陳炳焜江印

### 鈕代表等通電

肇慶軍務院轉唐都督劉都督陸都督湯都督陳護督蔡總司令李總司令均鑒西林諸公

前月電京協商善後會議之電按善後以結束軍事爲要著方事之殷義師紛起而帝逆負固牙爪不戢今幸袁氏自隕海內一家亟應各解武裝與民更始故善後協商一方面在撤兵回防汰除新募一方面在放牛歸馬安插精銳自非統籌全局各方出於誠心之協議無以爲圓滿之解決若省自爲謀或偏於片面必至遷延釀釁枝節橫生蓋解甲投戈之義非限於護國一軍竊謂如川中之曹張周駿江淮之倪張番禺之龍濟光等各方軍隊皆在應裁應撤之列豈宜忍與終古而不裁不撤則護國軍又豈能卽裁卽撤就護國軍言有已編成軍如滇如黔如桂如湘如魯如浙固有標幟可稽尙未編成軍者如贛如鄂豫皖閩亦已集合有數遣撤則須餉帑安插必定地方若非通籌寧能就緒多延時日卽多一分之糾葛早決一日卽弭一端之變故原電推唐梁二公代表協商允孚衆望亟應續電促請迅出主持護國各軍亦卽切派代表備供諮詢一面咨由國務院陸軍部簡員蒞會卽指定上海爲開會地點庶幾凡百紛紜於焉俱解而軍務院亦得早就裁撤論者謂約法國會數端目的已達此說似未免太早鄙見則正惟大端已決當卽日休兵休兵非僅託理想之美譚而待決事實上之協議則此會又豈容再緩至謂中央以對抗協議爲嫌旣名協議何有對抗且國體共和區區胡嫌段公亮不至示人以不廣也紐永建譚延闓何嘉祿冷遜柏文蔚章

梓耿毅李述膺趙世鈺彭允彜吳景濂陳鴻鈞鄒魯劉奇瑤呂復徐傅霖

### 岑撫軍副長請以梁唐爲協商全權代表電

雲南唐撫軍長上海梁政務委員長唐外交專使溫王外交副使范谷駐滬委員貴州劉都督桂軍行營陸都督南寧陳護督廣州龍都督杭州呂都督四川陳都督湖南湯都督陝西陳都督滇軍第一軍行營蔡總司令滇第二軍行營李總司令松坎戴總司令資州羅總司令鑒呂都督文電篠電敬悉所稱協商爲目前亟務擬由臨時內閣與軍務院各派數人一節允稱洽當查梁任公先生爲本院政務委員長唐少川先生爲本院外交專使有當然代表本院之資格煇意卽由兩先生專任協商善後之事並請兩先生指派數人爲參贊不必分省一俟交由各撫軍同意卽行就近赴會此種辦法似爲莊嚴而便捷又兩先生旣爲全權代表所有開會地點及他種問題悉由兩先生酌定鄙見如此務祈公同商定迅速解決至爲盼禱岑春煇馬叩

### 蔡撫軍贊同梁唐二君爲協商代表電

雲南唐撫軍長肇慶岑都司令李總司令上海唐外交專使溫王外交副使范谷駐滬委員貴陽劉都督廣西行營陸都督南寧陳護督廣州龍都督杭州呂都督成都陳都督長沙湯

都督西安陳都督松坎戴總司令叙州羅總司令鑒西林馬電敬悉大局既經解決臨時內閣與軍務院對立本非所宜但計畫一切自應先事協商西林意欲推梁任公唐少川兩先生爲全權代表並由兩先生指派數人爲參贊酌定地點就近赴會鄙意極表贊同特電推舉仍候公酌決定蔡鐸叩感印

陸撫軍贊同梁唐二君爲協商代表電

肇慶岑都司令雲南唐都督上海梁都參謀長唐外交專使溫王外交副使范谷駐滬委員貴陽劉都督廣州龍都督杭州呂都督成都陳都督長沙湯都督西安陳都督南寧護督蔡總司令行營蔡總司令李總司令行營李總司令松坎戴總司令自流井羅總司令鑒都司令馬電敬悉梁任公唐少川兩先生專任協商善後之事由兩先生指派數人爲參贊不必分省廷極端贊同至會議地點似以滬上爲宜仍祈公決至盼陸榮廷漾印

陳撫軍贊同梁唐二君爲協商代表電

雲南唐撫軍長上海梁政務委員長唐外交專使溫王外交副使范谷駐滬委員貴陽劉都督廣州龍都督杭州呂都督成都陳都督長沙湯都督西安陳都督第一軍行營蔡總司令第二軍行營李總司令松坎戴總司令自流井羅總司令廣西行營陸都督都司令部岑撫

副長鈞鑒岑公馬電奉悉梁任公唐少川兩先生專任協商善後事宜并推派參贊酌定地點各節極爲直接妥當謹表贊同陳炳焜漾印

岑撫軍副長派程子楷爲軍事會議代表電

雲南唐撫軍長貴陽劉都督衡州行營陸都督長沙湯都督南寧陳護都督四川滇軍第一軍行營蔡總司令滇第二軍行營李總司令鑒頃接浙江呂都督督電開接讀唐公真電請召集軍事會議當覆篠電請定會議地點及選派代表方法尙未見奉覆鄙意討袁之幕既終統一之謀最要且端緒紛繁非預先討論不免紛歧應由獨立各省速派軍事重要人員來滬籌商以爲軍事會議之準備蔣君尊簋軍界泰斗遐邇共企敝省軍事情形尤爲熟悉茲特推請在滬接洽一切應請尊處轉電獨立各省速派員到滬協議至盼呂公望叩等因特電轉達再敝處已派第一混成旅旅長程子楷赴滬接洽尊處選派何人並希示知岑春煊叩敬印

唐撫軍長通告派張子貞爲軍事會議代表電

肇慶岑撫軍副長貴陽劉都督廣西行營陸都督南寧陳護督杭州呂都督長沙湯都督蔡總司令行營蔡總司令轉羅總司令松坎戴總司令鑒大局既有定象關於軍事方面以後

應如何統合編配以資鎮攝餉項宜如何籌畫亦須亟爲解決前致蒸電所主張之軍事會議似爲必不可少昨任公先生來電謂宜先事籌畫臨時始免紛歧尤爲扼要滇省現擬派第六軍總司令張子貞爲會議代表並派繆嘉壽唐繼禹佐助張君於軍事極爲諳練沈著並熟悉滇省情形繆唐亦皆服務滇省軍界有年樸質精敏繆君現已赴粵請岑公轉飭先行赴滬準備容卽飭令張唐卽日起程赴滬以便與各省代表接洽特先奉聞繼堯叩冬印

岑撫軍副長派程方高耿四君參與軍事會議電

萬急雲南唐督軍貴州劉督軍桂林行營陸督軍南寧陳督軍四川分送蔡督軍羅護督軍劉總司令浙江呂督軍上海唐少川梁任公先生溫欽甫先生王亮疇先生李枚丞總司令鑒溯自滇南首義各省景從爲濟國家非常之變遂決萬死求生之策竭獨立各省所堪負全局安危之重用兵半載師旅繁興他政積荒事非獲已邇幸元愍不祿國事漸定善後萬端首推軍事各省多待訴之隱全局需通籌而決在中央策善求全責無旁貸而各省懲前毖後情必宜宣前唐督軍蒸電主張由各省選派代表組織特別軍事會議春煊卽力表贊同亟盼成立旋接浙督呂公電稱業派蔣君尊篋赴滬準備開議現滇代表葉荃唐君繼禹繆君嘉壽業經首途支日過肇敵處亦經派定程君子楷方君聲濤高君爾登耿君毅爲代

表參與會議事關善後要舉各省利害與共務盼卽遴專員刻期首途俾促茲會之成立獲同一致之行動再前次唐督軍所言開會地點擬在滬上今已事異情遷仍以就近赴京開會爲便演代表意亦如此合併聲明尊意如何立盼賜覆岑春煊叩微印

### 岑撫軍副長致方高耿程四代表電

北京總統府轉方君聲濤高君爾登耿君毅上海唐少川先生轉程君子楷鑒前唐督軍蒸電主張各獨立省選派代表組織特別軍事會議集議滬上議決軍事善後業經獨立各省一致贊同煊亦極表同情浙派蔣君尊簋滇派葉君荃唐君繼禹繆君嘉壽爲代表均已先後到滬查兩廣都司令部成立以後組織滇桂聯合各軍現在大局已定亟應收束速籌善後卽派程君子楷方君聲濤高君爾登耿君毅爲軍事代表赴會與議委狀另寄合先電達希卽遵照至地點原擬在滬茲查現情徵取各省意見仍以在京開會爲便合併附告岑春煊叩微印

### 湘督劉人熙贊同軍事會議遣派代表電

萬火急雲南唐撫軍長肇慶岑都司令南寧陳護督貴陽劉都督杭州呂都督蔡軍行營蔡總司令李軍行營李總司令松坎戴總司令自流井羅總司令廣西行營陸都督上海梁任

公先生均鑒刪日接南寧陳都督文電主張撤銷軍務院從多數意解決辦法甚當至軍事會議一節雲南唐撫軍長尤電擬將地點改在北京仍由各省所派軍事協議委員先行赴滬討論再行會同赴京協議並由各省分電北京要求明令召集以免對抗中央之嫌而期解決之妥速遠見卓識極表贊同已派代表尅日赴滬並請中央核奪施復矣湘都督劉人熙篠印

(八)關於撤廢軍務院之商榷

岑撫軍副長致唐撫軍長及各撫軍職員通電

雲南唐撫軍長貴陽劉都督衡州桂軍行營陸都督南寧陳護督滇第一軍行營蔡總司令滇第二軍行營李總司令松坎戴總司令資州羅總司令浙江呂都督上海梁政務委員長海軍李總司令唐外交專使溫王外交副使鑒近頃龍督用兵交通斷絕本日始見上海報載大總統六月二十九日申令宣告遵行元年公布之約法暨二年宣布之大總統選舉法爲有效續行召集國會定於本年八月一日開會特任段君祺瑞爲國務總理國是於茲大定民意於茲復伸南中首義以來之所祈嚮於茲始達慶幸何極惟查大總統正位之始唐撫軍長蒸電陳請四項當經通告爲南軍一致之主張現約法國會諸端既已恢復而第三



條之撤回北兵第四條之軍事會議仍虛懸未決一切善後施設尙無端緒可尋自非迅見施行大局無由底定又查蒸電內曾經聲明俟國會同意組織之國務院成立軍務院卽行撤消本係根據軍務院組織條例第十條辦理現在國務總理既經大總統任命國務院之組織指顧可期依照約法尙須提出國會同意今國會開會既在八月爲期亦已不遠關於軍務院撤廢問題亟應提出請予公同決議由撫軍長裁決以便實行至軍務院撤廢之後所有獨立各省軍事善後各問題尙多相互關係究應如何辦理並祈裁奪迅速電復禱切盼切岑春煊叩魚印

#### 陸撫軍陳撫軍通電

北京大總統鈞鑒國務院總理各部總長參衆兩議院各省都督將軍巡按使護軍使各都統上海唐少川梁任公先生肇慶岑都司令鑒元日得京電恭讀大總統豔日申令仰見我大總統擁護國法尊重民意本懷欽感無已竊查南軍倡義以來爲維持國法起見權宜組織軍務院以維危局先經宣言俟國務院依法成立卽行撤銷國務院既經成立除通電組織軍務院各省商定收束手續卽日依照成例由院宣言撤銷外先由榮廷將赴湘各軍一律撤退飭回原防駐紮於蒸日由行營通告京省在案嗣後桂省軍政民政一體服從中央

命令協心翊贊共矢忠誠乞賜昭鑒陸榮廷陳炳焜叩銑印

陳撫軍通電

雲南唐撫軍長並轉蔡戴羅劉各總司令杭州貴陽長沙各都督都司令部岑都司令並轉各總司令上海唐少川梁任公先生廣西行營陸都督均鑒呂都督蕭電唐都督支電計達呂電開豔日大總統申令遵行民國元年約法召集國會並任命段芝老組織內閣各節此間雖未奉豔日申令然與唐公電所開由英日領轉到京電均屬相符當無疑義是我輩依據法律擁護共和之目的今已完全達到足爲全國稱快請由唐撫軍長領銜通電京省將軍務院取消以歸統一若再遷延則功首反爲罪魁轉乖初志呂公蕭電所陳極表贊同敬乞公決炳焜陽印

陳撫軍通電

上海梁任公先生雲南唐撫軍長貴陽劉都督杭州呂都督長沙劉都督蔡軍行營蔡總司令李軍行營李總司令松坡戴總司令資州羅總司令廣西行營陸都督都司令部岑撫軍副長均鑒岑公蒸電魚日奉悉前蒸日奉公魚電其所不另復者緣日陽奉莫公支電戴公蕭電後已將軍務院取消之意發表並於眞日奉陸都督電又復聯名電達左右主張由莫

公領銜聯合撫軍名義將軍務院撤銷以免別生枝節莫公支電大致謂俟奉到恢復約法明令當即商撤軍務院以昭統一又軍事會議主張派員赴滬討論已經派定專員赴滬與各代表接洽等語任公東二電本日甫經奉到適並奉陸都督庚電謂按任公東二電贊成立將軍務院撤廢請莫公將宣言電領銜聯名拍發並奉長沙湯都督來電貴陽劉都督庚齊兩電贊同惟莫公處電似有示緩之意思當陸續達覽以炳焜愚見軍務院之撤銷贊同者已多數當可取決至軍事會議一節莫公意在辦善後一切問題極爲周密惟目前要以軍事爲急似應由獨立各省及軍務院機關迅派專員赴滬協商將軍事如何收束財政如何調劑求中央解決以免延長益增困難諒諸公必能善爲終始也陳炳焜文印

### 蔡撫軍通電

上海梁新會先生雲南唐撫軍長肇慶岑撫軍副長貴陽劉都督松坎戴總司令鑒國務院既經依法組織成立並已恢復約法召集國會軍務院自應遵照原定條例第十條宣言撤廢國家一切政務悉聽中央暨國會主持宣言電即請唐公由滇拍發鈔署名特此覆聞仍候公決蔡鏜叩魚印

### 呂撫軍通電

雲南貴陽南寧長沙各都督肇慶岑都司令並轉各總司令上海唐少川先生梁任公先生均鑒讀豔日大總統申令遵行民國元年約法召集國會並任命段芝老組織內閣大號一出天日爲昭兩浙軍民歡聲雷動念自袁政府破壞法律蹂躪民權政治不良達於極點我輩爲鞏固中華民國起見宣布與袁政府脫離關係並組織軍務院爲臨時代表原爲不得已之舉今政府既能尊重法律順從民意軍務院自當查照成立時宣言早日撤廢其組織軍務院之各省亦應同時服從中央力求統一俾各維持全省現狀靜待協商善後辦法公望與浙中同人主張一致貴省想必贊同應卽由唐撫軍長用軍務院全體撫軍署名宣告撤消軍務院並電呈大總統段總理表明此意其餘一切善後從容協商不難次第解決國事飄搖漸登彼岸政府旣表眞忱我輩自當擁護屬在同袍用敢竭誠相告諸公熱心愛國當必共表同情切盼覆音無任翹企浙江都督呂公望叩蕭印

章太炎先生來電

肇慶岑撫軍副長並轉唐撫軍長鑒近聞道路傳有取銷軍務院計畫斯事若行則民氣挫折而奸黨得志元首等於贅旒國會受其蹂躪公瞻有百里宜爲全國人民請命不應襲政客之浮談作和平之甘語以長天下惰氣也叛徒未戮出師何患無辭餘孽猶存仔肩卸於

何地望察鄙言先定大計詳函續陳章炳麟叩支

### 呂撫軍來電

軍務院轉唐撫軍長岑都司令各都督各總司令鑒接梁委員長東電請軍務院宣言撤廢與敵處蕭電意旨略同請鈞院即用梁委員長擬電發表附列賤名爲荷浙都督呂公望叩  
省印

### 撤廢軍務院後大總統之復電

萬急雲南唐督軍肇慶岑雲階先生上海梁任公先生貴陽劉督軍永州探送陸督軍南寧陳督軍杭州呂督軍瀘州探送蔡督軍並轉羅省長韶州李君協和坎松戴省長上海李君承梅劉行營劉君積之同鑒承電示撤銷軍務院愛國之忱昭然若揭溯自帝制議興波詭雲譎輸資造意緣法飾非舉賢皆瘖莫敢發難滇黔首義薄海從風合議機關應時獨立披雲見日再造共和則是軍院諸公大有造於民國也項城長逝責在藐躬猥承諸公擁護之殷提攜之切約法國會獲我初心雖幸免乎愆尤猶自慚其濡滯諸公迺主持正論踐履前盟舉重光之日月還我國民挈百戰之山河歸諸政府從此民有常軌國無曲師藩禍不興鄰氛自戢則是軍院諸公尤大有造於後世也共和國家匹夫有責同舟共濟端賴美材元

洪憂患餘生久夷權職布衣歸老於願已償祇以約法所推責分攸寄思與諸公左提右挈共濟艱難推誠以結邦交虛己以從輿論一日在位萬民具瞻今方財政拮据吏治霍變內憂外患紛至沓來補救之難百倍疇曩尙望不我遐棄相與有成毋以收拾軍隊爲天職己完毋以召集國會爲人心己定毋以恢復約法爲遂躋法治毋以懲辦禍首爲永絕官邪率此臨事而懼之心或收通力合作之效此則元洪早作夜思願與諸公共勉者也軍務院既已撤銷一切善後事宜仍希隨時電告共籌結束其有奇材懋績爲國宣勞者並希臚舉事實藉備延攬元洪篠印

### 大總統對於撤廢軍務院之申令

據唐繼堯岑春煊梁啓超劉顯世陸榮廷陳炳焜呂公望蔡鍔李烈鈞戴戡李鼎新羅佩金劉存厚等寒日電稱軍務院已於七月十四宣告撤廢其撫軍及政務委員長外交專使軍事代表均一併解除國家一切政務靜聽元首政府國會主持各等語慨自改革以來迭經變故矩矱不主喪亂宏多法紀陵夷民生塗炭本大總統繼任於危疑震撼之際遵行元年約法召集國會組織責任政府力崇民意勉任艱虞該督軍等顧念時危力闔大義撤銷軍務院及撫軍等職納政務於一軌躋國勢於大同義聞仁聲皓如日月千秋萬世爲國之光

惟念大局雖寧殷憂未艾宜如何栽培元氣收拾殘餘永絕亂源導成法治補苴罅漏經緯萬端來日之難倍於往昔所期內外各深兢惕同心協力感致祥和以成未竟之功益鞏無疆之業本大總統有厚望焉此令

### 撤廢軍務院後國務院之覆電

肇慶岑雲階先生鑒密通電敬悉軍務院現經宣告撤廢具徵謀國真誠力維統一曷勝欽佩務希偉畫頻頒用匡危局無任企禱院效印

### 岑撫軍副長致段總理電

北京國務院段總理鑒效電敬悉軍務院建置之初本一時權宜之計方茲約法恢復國會重開我公鞏固共和天下宗仰况於組織新閣延攬名賢物望咸歸國命有託傾誠擁護固天下之公心國賴老成尤鄙衷所私幸猥蒙獎借祇益慚惶伏願宣布新猷式慰羣望約法既復尤在實行國會久湮必資維護納政治於正軌本民意爲從違加以開布公誠申明賞罰蕩滌瑕穢登崇俊良郅治斯臻羣生咸遂煊雖衰朽亦得庇依至於善後諸端早爲蓋籌所及仍懇指示一切俾獲早日告竣無任燕禱岑春煊叩有印

### 唐撫軍長致大總統段總理電

肇慶都司令部岑都司令鑒致北京馬電文曰總統段總理鈞鑒讀上月二十九日電欣悉我大總統總理俯順輿情力求法治苦心毅力薄海同欽並聞帝制首禍諸人皆當按法懲治從此國家內政一切納於軌物之中言念前途不勝鼓舞軍務院本有正式政府成立始行撤消之宣言惟國步跼危應速統一因電商各撫軍後經卽於寒日通電陳明撤消諒蒙省覽本日復奉魚日電令痛念破壞之餘復睹威儀之盛旣深慶幸復用憂危於此猶有不能已於言者惟垂察焉滇黔各省獨立區區爲國之意海內外所共見聞卽如我大總統之應按法繼承與非我總理之不能維持國事皆早同時論列一致執持取消軍務院雖與前此宣言未符亦以力謀統一迅卽實行此其用心昭然若揭至若龍濟光輩忽而獨立忽而取消反覆譁張惟營私計且其毒逋全粵凶德久已彰聞此寧有所謂國家思想與世界眼光者而明令力加獎飾一若此外各省其志慮皆出龍下者此好義之士所爲憤懣不平者也夫高帝卽位丁公首誅宋祖酬功更升終廢當此四維不張三風橫肆之時正賴中央首申禮法之防庶足以樹風聲而盪瑕穢若復苟且目前不惜反羣情好惡之公而壞國家彰聞之用甚非所以厲世而磨鈍竊恐四方論者有以測中央之深淺也夫統治者中央之大權而好問者當國之盛德今上下未交之日尤貴有內外相維之情我大總統總理就任以



來愚慮所及迭經呈候採擇而中央大政施行未嘗一相諮詢卽以命令發表在大總統總理燭照無遺自能措施悉當在獨立各省始終推戴亦且無復異詞然自軍興至今各省內情不無殊異當軍務院未撤消以前萬事對於中央命令有未能切實遵守者既慮非中央保持威信之道亦大失各省擁護中央之心竊謂束縛馳驟操之不免過蹙至於高位厚祿皆專制君主恃以鼓舞羣材之資而非所論於共和之世卽在專制之世用之不當則其術亦有時而窮誠不可不慎也今愛國之士不惜捐棄頂踵以爭國民一線之人格其視高位厚祿當有間矣故加以意外之寵榮事乃甚於賤辱川事方棘蔡鐸有益武將軍之命論者已謂不倫今李烈鈞調京復頒勳二位上將銜命令在中央顧全現局誠知別有用心然論者疑猶是袁故總統顛倒一世之故智而非復公誠開布之公心受之苦無以明不受又嫌於抗則聞令之下必有蹙然其不安者此亦一孔之見不能仰契高深者也孔子有言誠能動物不誠未有能動孟德斯鳩有言民主國之元氣在道德袁故總統可謂一世之雄徒以利用僉壬逞其私智謂金錢威力足以籠牢羣材經營有年卒致覆敗無他乏誠而已不知有道德而已敗德所扇敝俗斯成詐虞相尙廉恥道喪以極於今日今欲救之亦惟有以誠感惟有以德化而已伏願大總統總理深思國民付託之重鑒於袁故總統致敗之由務反

其道與之更始尤當及此建設之始尊崇志節砥勵廉隅以立世道之大防誠經國之偉業萬不當輕用智術取便一時隳國民向善之心而忘前車方覆之戒也我大總統盛德謙光我總理淡泊寧靜皆中國興亡所係又當海內望治之時而繼堯忝膺疆寄與共安危知之不敢不言言之不敢不盡念來日之大難誠不免涓涓之懼伏惟鑒其真誠恕其冒瀆全國幸甚繼堯叩馬等語特聞繼堯叩馬印

梁政務委員長致大總統國務院電

大總統國務院鑒得滇電稱軍務院已於寒日用撫軍全體名義宣告撤銷想公電不日當達從此國家形勢完全統一善後圖治責有攸歸時局之糾紛稍解人民之歧望轉奢佇企鴻謨昭蘇積困西南各省收束軍隊彌補軍費艱瘁情形素承洞鑒仍希速予維持亟圖結束不勝大幸梁啓超叩銑亥印

(九) 雜件

大總統致岑撫軍副長電

肇慶岑都司令鑒我公威信久孚南服追維武昌過訪之談每用縈思元洪遘此時艱起膺國事才薄任重懼弗克勝所冀老成碩望念國步之飄搖憫生民之苦痛指導南針俾有遵

循敢佈區區佇盼明教黎元洪陽印

黎大總統致岑撫軍副長電

肇慶岑都司令前致陽電計達台覽頃奉庚電過承藻飾至感且慚大廈傾危千鈞一髮國家大計諸待籌商執事如惠然肯來錫我良規早圖解決無任盼禱若暫須部署仍請先派代表來京協商統候電覆黎元洪寒印

黎大總統致岑撫軍副長電

肇慶岑雲階先生鑒時局艱危亟資助理執事中邦元老前輩典型砥柱所臨波瀾爲靜自維涼德屢想清塵輒因憂國之殷甘□□賢之咎軍院善後刻已就緒謹遣李開仇赴肇歡迎乞枉蒲輪慰我饑渴李君根源湛學閎才久殷藏心並望約其偕來代紓籌策軍院成立以來用費幾何希將數目見告俾便照發未盡事宜卽請就部下遴賢暫管早圖竣事其餘軍隊仍分飭各統將認真訓練無任禱盼元洪麻印

黎大總統致岑撫軍副長電

肇慶岑都司令頃據交通部抄送我公致陸將軍蒸電知遠道傳聞尙多隔閡駐湘北軍已飭參陸兩部電令陸續撤退決不至再生衝突北方秩序安謐國會問題亦經妥慎籌商必

能愜洽民意此後雙方聯合惟宜消弭兵端力謀統一時事艱難端賴宏謨碩畫我公如能命駕北上無任歡迎否則酌派委員來京接洽一切亦可化除隔膜洞見眞形敢布腹心統希明察元洪覃印

黎大總統復岑撫軍副長電

肇慶岑雲階先生鑒銑電悉我公厚愛國民力維大局以磊落告語而作中邦之砥柱從北南中底定夫復何憂惟方來政局千緒萬端亟須解決尊處代表若得章君行嚴李君根源攜手北來尤所殷盼黎元洪洽印

黎大總統致岑撫軍副長電

肇慶岑雲階先生鑒屢承來訓具佩壯猷約法國會已如尊指內閣改組亦既告成傾裂之憂或可倖免願維藐躬材輕任重扣盤捫籥擿埴索塗遭時艱難百倍疇昔萬端叢脞焚如亂絲矧我邦人望治如歲愛之愈切責之愈嚴長此冥行其何能淑所賴賢宿誨我諄諄面命耳提庶幾寡過元洪庸拙他無所長飾非拒諫旣鑒前車開誠布公頗懷古訓昌言之施豈惟百拜仁者之利況在萬方執事世家喬木老成典型復我新邦重以舊好願瞻危安寧忍愬然軍隊部署倘能就緒仍希蒲輪北上俯作凱師擁篲迎門無任欽遲元洪卅印

## 唐撫軍長致獨立各省通電

都司令部岑都司令梁都參謀李副都參謀肇慶李總司令南寧陳護督並轉廣西行營陸都督貴陽劉都督杭州呂都督成都陳都督行營蔡總司令羅總司令松坎戴總司令趙顧問劉三梯團長晃州王司令均鑒滇省迤南匪亂勢極猖獗經派軍隊堵擊並遴委委員分別曉諭期以剿撫兼施免該地方糜爛而各匪不明大義兼有粵軍在內助之逆礮勢轉蔓延當飭南防劉總司令認真剿辦並由省加撥各軍馳往協剿自三月上旬至今幾經數月之久屢經設法諭導俾各繳械投誠該匪等恃有利械一意頑強乘我招撫之際迭率悍黨屢撲臨安蒙自各城連據箇舊邱北彌勒等縣不得已嚴飭各軍痛擊匪勢不支始各潰散茲又竄伏江外密謀捲土重來不得不爲釜底抽薪之計嚴飭各軍進攻逢春嶺直搗巢穴各匪遂相攜逃竄我軍追入仍派妥員前往妥辦善後地方秩序一律恢復如恆於龍督家屬廬墓田園並飭保護毫無所損現各地匪徒被我軍搜趕南防各地漸就肅清矣知關廬注特電奉聞唐繼堯叩全印

## 唐撫軍長致各要處通電

都司令部岑撫軍副長上海時事新報轉梁政務委員長貴陽劉都督廣西行營陸都督南

寧陳護督杭州呂都督長沙湯都督成都陳都督并轉駱公肅及各界第一軍行營蔡總司令鑒迭接成都陳都督暨紳商各界來電前重慶鎮守使周駿始挾崇武將軍名義率師西上繼復以蜀軍總司令名號帶兵進逼成都情節離奇其叵測之心顯然可見現在黎大總統繼任亟宜消弭意見力圖國家之統一安全以期息事寧人豈容再啓釁端致滋戰禍應請蔡劉兩總司令就近勸告俾速解甲息兵聽候中央命令若猶悍然不顧則是甘爲戎首護國軍幟志所在無可諉謝惟有督飭在川各軍盡力援救以紓鄰患而保治安統乞明鑒

唐繼堯叩卅印

岑撫軍副長呈大總統電

北京黎大總統鈞鑒奉覃電祇悉撤退駐湘北軍妥籌國會問題諸節宏謨偉畧欽服莫名惟南北用兵爲時已久大局猝然轉變謠譏環生一時兩方偶有誤解誠所難免惟數日以來我公居中馭外文告喬皇辰居星拱衆志頗定種種障翳廓然已空鈞電所慮早成往事陸都督處已將鈞意轉達湘事必與湯都督和衷共濟無有疏虞煊衰庸無似日望歸田承召入京不勝慙感惟此間軍事亟行收拾遽爾舍去恐有他虞謹當遵命酌派委員來京面陳各節俟經派定再行電呈岑春煊叩銑印

岑撫軍副長致獨立各省通電

松坎戴總司令雲南唐撫軍長貴陽劉都督廣西行營陸都督南寧陳護督廣州龍都督杭州呂都督成都陳都督長沙湯都督四川行營蔡軍總司令自流井羅總司令鑒循公十八日電列舉省過戒私踐實引賢明責五條至理名言切中時弊迴環諷誦悚感莫名時事多艱直道日泯循公所言吾輩亟當引作苦口之良藥曷敢視爲老生之常談願書座右共資警省煊雖不德能受盡言實力奉行請自隗始岑春煊叩冬印

岑撫軍副長致滇軍李總司令電

甯江口滇軍李總司令鑒接駐廣州美總領事卓思麟函稱美國教士男女共六人由連江赴省現到英德不能前進祈飭沿途軍隊護送到三水搭火車到省仍祈惠覆等語查該教士等急欲離去英德請予設法護送情似難却惟未審尊處能否辦到希妥酌施行並電覆該總領事知照岑春煊庚印

岑撫軍副長李撫軍致獨立各省電

雲南唐撫軍長貴陽劉都督廣西陸都督南寧陳護督廣州龍都督浙江呂都督四川陳都督湖南湯都督四川行營蔡總司令松坎戴總司令靖縣程總司令鑒梁政務委員長任公

先生力護共和蒼生屬望前丁父憂同志等爲大局計所有訃報唁信皆勿爲通冀以掩飾一時毋令棄捐中道昨接滬電知已由其弟仲策到滬奔赴卽於去月勘日發喪至堪哀痛煊刻已派員兼程赴弔並謝前日擱訃之罪一面敬迎南旋勸其墨經從戎勿過拘守想任公孝思雖篤而愛國更具熱誠必能權衡輕重出持大計諸公或與誼屬交好或與義賦同袍希電致唁慰無任盼禱岑春煊李烈均東印

山東護國軍吳大洲等致撫軍副長電

肇慶軍務院岑都司令鑒奉讀黎大總統明令約法業經恢復全國爭點強半解決大洲等自軍興以來集合軍隊已達一師以上步馬礮工輜各種器械規模粗具並購有飛行機二架正在練習所以極力經營不遺餘力者良以山東爲全國咽喉軍事所必爭稍不加謹大局蒙其影響今者法典生效更始有期本應卽時解甲歸田以明初心惟正式內閣尙未成立雙力軍隊一時不易統一祇得整飭教練聽候鈞院指示除由駐滬鈕代表諸公備函轉陳外合亟電陳山東護國軍都督吳大洲司令薄子明駐滬代表張魯泉叩東

馬鎮守使致岑撫軍副長電

肇慶岑都司令鈞鑒元電敬悉尊議四條持論極爲平允洵爲當今切要之圖中央自應依



照進行俾資旋轉惟念我公以原有地位不自矜持務在鞏固中央毫無權利思想老成謀國計出萬全民國前途可勝萬幸凡有血氣莫不鼓舞維殷况良夙切瞻韓能無贊同碩畫仍乞共維大局勿遽退隱東山謹覆並陳伏維垂鑒濟南鎮守使馬良叩霰印

龍督電轉梁政務委員長丁艱辭職函

肇慶岑都司令并轉李總司令雲南唐都督並轉任志清先生貴陽劉都督永寧蔡軍總司令松坎戴總司令行營陸都督南寧陳護督鑒頃接梁任公由滬來函內開舍弟啓勛昨來奔告先考之喪聞變慟絕方啓超逃匿港舟之日正先考彌留在床之時朋好但顧大局先既不以病聞後復不以喪告啓超終天之恨萬劫莫贖進於國家無毫髮之補退於名教爲不孝之人從此報親唯有雙淚苦次昏迷寧論國事我公嚴倫紀之大防必不援金革以相責所有滇軍都參謀政務委員長各職應准予解除啓超惟冀大局稍定卽當稽顙叩求我公與武鳴宏錫類之仁撥與數卒護葬俾先考得早安窆窆一息未絕永當銜結謹摭哀悃修詞無由百惟矜憫同誼諸君統希代達等語並經另函分達諸公除岑西林張堅白李協和函能迅達外餘囑代爲分電前來特電分達所請撥兵護葬一節屆時卽由敝處就近照料至請辭撫軍都參謀政務委員長各職如有公電挽留乞都司令附挈賤名爲叩濟光魚

印

岑撫軍副長致何參謀長元春電

張家口何參謀長元春鑒庚電敬悉執事惓懷大局甚爲佩服義師之興本有目標今項城已逝黎公就職大局旣以粗安甲兵當可不用惟善後之事千條萬殊亟待商量未可暇逸但扶持危局貴在和衷煊雖無似自當勉承明教同心戮力共濟時艱岑春煊元印

梁政務委員長致馮上將軍電

南京馮上將軍鑒勸電敬悉感電未達大局至此非急謀收拾必將舉全國以殉一人公之守正衛國賢愚無不同仰得公出任調停大難或有寧日超雖不才敢辭奔走惟方組織聯合倉猝頗難離去且必四省同意奉教方能有效以公憂國之熟必能一言而萬紛立解敢乞秘示方畧俾可持商四省取得委任全權之後再當馳詣滬上詳共商權秘電往還暫由時事新報館代轉一面乞賜秘本以防宣洩惟滬港電局承命中央極多捍格應請知照該兩局凡超與公及上海時事新館密電務須迅速轉遞免曠時日庶裨大局天下安危繫公一身百惟慎衛不盡馳結啓超叩卅

梁政務委員長致馮上將軍電

南京馮上將軍鑒卅電計達頃復奉感電知我公弭兵盡畫實在勸袁退職宗旨既同解決自易超與南省既有關係奔走旋幹夫何敢辭一俟此間組織粗定決當返滬奉教惟我公雖熱抱寧人之志袁氏似尙無悔禍之心頃方進兵贛閩謀擾害吾粵粵人敵愾理勢當然桂之湘防事亦同一以此而求停戰譬則抱薪救火我公瞻懷大局何以處之矧候復教更商進止啓超叩冬

劉師長祖武致岑撫軍副長電

肇慶岑撫軍副長鈞鑒昨奉都督轉到陽電藉稔我公行將歸隱天南引領志企無涯溯自大盜移國神州黑暗西南人士不揣棉薄爲國前驅任重才輕時虞顛蹶幸賴老成碩望出而提挈車埤增輔遂海內從風現神奸雖已自斃目的仍未卒達今南北意見尙待融洽國會前途尤須後盾值過度搶攘之會正萬端縈緯之時怍憶辛壬之交收兵過遼建設一切不無苟簡改弦方慶於朝野笑柄已播於人民遠念前車宜嚴來軫我公卓識決必謂然尙望始終主持勉紓歸思建設大計素賴實多祖武忝衛大義駐師蒙自三四兩月逃匪突發彼衆我寡適逢其難勉力支撐差免隕越近臨蒙箇舊大股肅清邱彈匪氛亦已戡定開廣各處均秩序如常知關廬念用特附陳並望海雲臨穎神往第四軍長兼第二師師長劉祖

武哥印

劉師長祖武致李副都參謀電

肇慶李都參謀偉鑿天涯海角音問久疏甚悵甚念昨聆大旆已蒞粵中與西林任公諸老駐節端州主持大計同志聚於天南民國前途實深倚賴武忝襄義舉仍肩南防兩月以來土匪倡亂破壞共和籌劃籌防甫經戡定現逆巢既破內患已清吾滇前途可紓顧慮翹瞻馬首願効馳驅機有可圖尙乞電招五嶺炎熱諸維爲國葆衛劉祖武叩銑印

李副都參謀致劉師長祖武電

蒙自劉師長偉鑿事緒紛紜音問稀闊先辱賜電欣感交并源入粵以來艱難險阻愧無一當賴西林之德望任公諸賢之籌獲有今日實逾始願事定已後卽擬歸里終制西林牽挽勉贊擘畫積瘁之餘志緒荼剝吾兄愛我願有以教之首義以來吾兄□□羣慝奠定南服安內之功過於攘外西林諸公欽服無已邊氛初靖方倚長城倘他日內部又安節麾可假中原之事非公莫屬西林諸老屬望同深以源之愚何能爲役倘舊日苔岑復詠袍澤區區私愿畢於是矣瞻望左右神與俱馳諸同學同事暨講武諸生均乞代鄙意爲感李根源儉印

岑撫軍副長致黃軍長電

雲南昭通黃軍長鑒支電敬悉國會約法均已規復大局漸定建設方殷我輩惟有暫行息戈以觀郅治執事戰功卓著素所欽佩雄才毅力發展有期滇爲煊生長之地至今數十餘季金碧璀璨迥異於昔殆由人傑而地靈也引領南望不勝慶幸岑春煊李根源庚印

黃軍長致獨立各省通電

肇慶都司令李副都參謀南寧陸都督陳代督廣州龍都督貴陽劉都督杭州呂都督成都陳都督永寧蔡總司令肇慶李總司令松坎戴總司令及各梯團旅長鈞鑒毓成前領護國挺進軍由滇赴黔復由黔抵桂卽欲直搗燕京以遂初心而快人望嗣告南防匪蹤甚熾便宜征討不克會師東指早淨妖氛深引爲慊現奉都督唐命改編爲護國第四軍仍以毓成統領謬膺軍長向川進發前軍已均逐次編成以期無忝隨諸公之後惟大盜不止戰亂方張棉薄有限情殷北伐誓師誼重同袍還望南針時錫臨風引領特電聞知護國第四軍總司令官黃毓成叩卅印

黃總司令致岑撫軍副長電

肇慶岑都司令鈞鑒元惡肆毒海宇膺腥幸賴天誅羣兇奪魄惟國步方艱餘孽未靖包禍

嗜利或惟是圖茫茫海陸痛也如何頃讀微電護國聯軍同袍敵愾熱誠同傾補天有人神州再造上天澈地皆大歡喜貯看龍虎景從熊羆頌合夢中伸足踏破長安彼梟匪獍徒心慄膽褫毓成樗櫟凡材屢膺艱鉅惟迫於天職義不敢辭故酷暑陳師力阻後敵山河雖隔熱血尙存倘直南錫賜以方針務卽北指清此醜末臨穎悵望不盡依馳雲南護國第四軍總司令黃毓成叩支印

章太炎致岑撫軍副長李副都參謀章秘書長電

肇慶岑撫軍副長李參謀章秘書鑒義師雲合獨夫殞命非獨天祚中華固由人謀之力念往昔戮力之艱難思今茲隕敵之已易俛仰悲喜何以爲情黎公於七日正位人情順應而國事多艱殷憂有在叛人未戮僕亦尙在羈囚專制未除卓如濟武諸君猶滯在上海轉危爲安端賴諸公努力章炳麟

屈都督通電

北京政事堂統率辦事處各部院雲南貴陽廣州南寧各都督徐州張巡閱使各省將軍巡按使張家口承德歸化廳都統龍華寧夏護國軍使並轉鎮守使鑒此次浙省宣布獨立映光以地方秩序關係勉徇各界敦迫出而承乏扶病視事瞬以兼旬現在軍警一心四郊安

謚秩序已經大定當於本日召集各界人士宣布辭職苦心披瀝幸承諒允並經推舉呂師長公望繼任都督。將召會紳商各界亦已一致贊成映光一面趕辦交替敦促呂新任尅期視事俟交代就緒卽日束裝還臨海故里就。責亦已盡求其心之所安呂新任都督英勇聰強資望夙著必能力任浙事尙乞協力匡維速定大局林泉伏處遜聽好音謹此電聞伏維照鑒浙江都督屈映光魚印

鈕代表趙祕書致譚人鳳書

石屏先生鑒讀公有電指摘軍務院各節深堪詫異某等於公爲故交於院有職務關係似此違反事實駭人聽聞之論公義私交不能嘿爾查尊電謂該院軍隊未出嶺南借有百萬日金寧不敷用需此鉅款何爲云云試問未出嶺南之軍隊是否可以無需餉精百萬借款是否純用於軍餉卽使純用於軍餉是否純用於肇慶本地之軍隊抑曾撥助滇桂兩省及他方之軍用開辦時支出幾何數月來軍費若干現在欠餉若干尙需幾何公處有無確實之調查善後經費肇慶是否請領八十萬此八十萬是否單用於軍務院抑包含兩廣都司令部在內中央既撥八十萬是否已可敷用此種會計非身當其局豈能輕率置喙公根據何事而竟至懷疑惟公懷疑之存心直視軍務院爲何物至改置留守一說以某等所知更

屬渺無影響謂出於派員運動歟方高章周各代表先後入京絕無此意謂出於電請歟總統府與軍務院之往來電文何日有此且軍務院爲各獨立省之組織體卽有此事應由各獨立省合辭交涉試問撤消軍務院全體撫軍之通電何曾提出此事其他條件云云更屬嚮壁虛造在公亦知其妄故先退一步言有是是否確實非草莽所敢知等語旣知不確而又爲無的放矢之言用意何在更不可解此言一出知公者議爲故自鳴高排洩牢騷不知公者或將疑爲偏激性成挾嫌攻訐旣虧一身令德又亂公共是非深爲公不取也夫共和國民不可不明責任身負人望者尤要焉軍務院組織設備不務鋪張縱有不滿人意之處然關於財政事宜以各撫軍之賢明當能自行審查以大總統之明察亦可直接准駁復何勞局外者憑空責難公經歷世變數十年負老成耆宿之望而爲是無責任之言論殆非後生小子所矜式聞公矍鑠猶昔少壯心雄來日猶長尙希自愛八月一日鈕永建趙正平白

容祕書致國會議員函

國會議員諸公鑒讀滬報欣悉諸公根據約法自行集會風聲所播萬類昭蘇矧見伸正義以植民權執國憲以定大計使助逆抗義者魄褫因利乘便者卻步嶺南逃聽怵快奚如惟念選定地點及淘汰分子諸問題所關甚大固陋所及竊欲爲諸公一陳之（一）地點問題



我中華民國國會必在中華民國領土萬不宜寄託於租界我擁護國法之國會必在護國軍之勢力範圍萬不宜陷入賊陣此二義夫人皆知雲南爲首義之區而交通阻梗肇慶爲軍務院所在而偏居一隅南京尙態度未明滬上爲外人租界是現在國會地點宜在杭州今諸公既集滬上由滬至杭淞車且夕可達浙省爲我護國軍恢復地域必足以保障言論自由故國會地點暫以杭州爲便（一）分子問題議員有附逆者法當淘汰此節已成鐵案無足討論所當研究者惟在執行之形式世論有組織委員會之議愚竊未以爲然夫附逆何罪詎可以委員會輕輕裁決附逆爲對於國家之犯罪行爲當由檢察官代表國家提起公訴由裁判官科罪咨會議院除名故以爲應由國會推舉檢察長裁判長各一人檢察官裁判官各若干人由黎大總統任命之黎副總統未恢復自由則根據軍務院第四號宣言由軍務院代行職權加以任命組織最高法院調取罪證指名控訴詳加審察而後判決宣告之體制既巍然獨崇法意復凜然不可犯較之委員會形式雖異實質略同至於手續之簡繁惟視運用之何若初非有笨重難行也（二）人數問題今次國會議員除失格死亡所餘人數或不滿法定若行補缺慮或費時候補議員又須檢察展轉固折不便誠多愚惟國會組織法國會自未實有變更之權竊謂當由國會新立法案卽以淘汰後議員人數爲法

定人數以上三端愚見如此特陳左右用資商榷者袁氏以力利脅誘天下國會初開形迫勢禁各省議會乃奮起聯合堅各省之結束厚諸公之聲援迨殺宋而抗不出庭借款而不經國會立法司法隱然無存已知既進獨裁必成帝制我省議會聯合會用是不避艱險聲罪致討迨贛寧扶義而興我二十二省代表復推舉岑公爲討袁大元帥號召各省餘力靡遺不幸大義未伸強權益恣會長爲虜會員被戮或出亡海外或潛伏鄉閭茹苦吞聲於茲三載今幸天祐中國義師再興諸公既復自由僕等仔肩可卸惟望秉重公守大法以國家爲前提混箇人之私見奠定邦基進謀強富以慰我國民喁喁之望百年大計胥焉賴諸謹掬愚忱百拜頌祝海雲瞻仰無限神馳省議會聯合會副會長容伯挺叩

吳祕書貫因等力闢誤援僞約法電

北京黎大總統國務院各省都督總司令將軍巡按使巡閱使都統鎮守使師長道尹各報館鑒報載國務院語電黎大總統已依法就職逃聽之下忻喜莫名惟查交通部魚電云照約法由黎副總統代大總統職權而國務院同日電亦云奉遺令依約法第二十九條宣告以副總統黎元洪代行中華民國大總統之職權讀此不勝悼賊袁世凱既死依大總統選舉法第五條黎公應即繼任不止代此爲國法所當然亦爲國民所希望今來電乃依

據民國三年五月一日袁世凱僭改之約法僅云代行夫代行職權與繼任性質絕異期限亦不同國民之所期則爲繼任而京電之所傳則爲代行國民之所依據則爲民國二年憲法會議議定之大總統選舉法而京電之所依據則爲民國三年袁氏私自修改之約法姑無論袁氏私自修改之約法不經法定之手續非國民所能承認就令可爲遷就既承認其修改之約法則亦不能不承認其修改之大總統選舉法而依其修改之大總統選舉法行之則三日之內卽須組織大總統臨時選舉會以選舉新總統值此時局於短期間而舉行選舉中選者能爲民望所歸之人乎不寧惟是依其修改之大總統選舉法行之大總統一任十年而連任又無限制且必啓袁氏之石室金匱就其所書之三人舉其一焉以爲大總統使其所書者悉爲袁氏之子則袁氏雖死而其子仍得世襲爲總統也不寧惟是依其修改之大總統選舉法行之大總統選舉會以參政院參政五十人立法院議員五十人組織之然今者立法院猶未成立欲於三日內組織大總統選舉會試問事實上從何發生夫欲於三日內組織大總統選舉會既有不能不於三日內組織大總統選舉會則又違法跋前疐後無以自完皆由於誤據袁氏僭改之約法致之也竊謂北京政局得賢如段公者出而負責引用法律豈復有私念參乎其間其所以依據新約法者必由事出倉猝未暇別擇然

其弊所伏則既若此爲大局計必改而依據憲法會議議定之大總統選舉法以黎公繼任則政局可以安定而種種難題皆迎刃而解矣是否有當希裁擇焉吳貫因曾彥龔政陳時詮容伯挺丁潤身陳祺謙梁培盧天游周汝敦余鍋陳國璜游金銘何惺常楊發銳張益炳秦善澤叩青

# 軍務院考實目次

## 第五編 職員錄

### 一 軍務院職員表

### 二 軍務院直轄各軍職員表

- (一) 滇軍職員表 (滇護國第二軍)
- (二) 林軍職員表 (兩廣護國第六軍)
- (三) 肇軍職員表 (兩廣護國第四軍)
- (四) 桂軍職員表 (兩廣護國第三軍)
- (五) 譚軍職員表 (兩廣護國第五軍)
- (六) 獨立團職員表
- (七) 潮軍職員表
- (八) 程旅職員表

### 附滇桂粵聯合軍總醫院職員表



# 軍務院 職員表

## 一 軍務院職員表

職	別姓名	別號	籍貫	經	歷
撫軍 長	唐繼堯	莫廣	雲南東川	留學日本士官學校砲科畢業雲南都督	
撫軍 副長	岑春煊	雲階	廣西西林	兩廣都司令	
撫軍兼政務委員長	梁啟超	卓如	廣東新會	兩廣都司令部都參謀	
撫軍	劉顯世	如周	貴州興義	貴州都督	
撫軍	陸榮廷	幹卿	廣西武鳴	廣西都督	
撫軍	陳炳焜	舜卿	廣西柳州	廣西講武堂畢業廣西陸軍第一師師長廣西護理都督	
撫軍	呂公望	戴之	浙江	保定軍官學校畢業浙江都督	
撫軍	龍濟光	子誠	雲南蒙自	廣東都督	
撫軍	湯薌銘	鑄新	湖北	湖南都督	
撫軍	蔡鍔	松坡	湖南寶慶	留學日本士官學校騎科畢業前雲南都督雲南護國第一軍總司令	
撫軍	李烈鈞	協和	江西武甯	留學日本士官學校砲科畢業前江西都督雲南護國第二軍總司令	
撫軍	戴戡	循若	貴州	前貴州民政長護國第一軍左翼軍總司令	

軍務院考實 第五編 職員錄

撫	軍	羅佩金	鎔軒	雲南河陽	留學日本士官學校步科畢業前雲南民政長護國第一軍右翼軍總司令
撫	軍	李鼎新	承梅	福建	海軍總司令
撫	軍	劉存厚	積之	四川	留學日本士官學校步科畢業前四川陸軍第三師師長四川護國軍總司令
祕書長	長	章士釗	行嚴	湖南長沙	兩廣都司令部祕書長
特任外交專使	使	唐紹儀	少川	廣東香山	前國務總理
特任外交副使	使	王寵惠	亮疇	廣東	前司法總長
特任外交副使	使	溫宗堯	欽甫	廣東台山	前駐藏大臣
滇桂粵聯合軍都參謀	參謀	梁啟超	卓如	廣東新會	前司法總長
滇桂粵聯合軍副都參謀兼攝都參謀	參謀	李根源	印泉	雲南騰越	留學日本士官學校步科畢業兩廣都司令部副都參謀
駐滬委員	員	范源濂	靜生	湖南	前教育總長
駐滬委員	員	谷鍾秀	九峯	直隸定縣	國會議員
駐滬軍事代表	代表	鈕永建	惕生	江蘇上海	湖北武備學堂畢業前參謀部次長
駐日委員	員	王侃	甫宜	江西	日本東京帝國大學畢業國會議員
駐日委員	員	趙仲	直齋	雲南嵩明	日本明治大學畢業雲南省議會議長
駐日委員	員	張孝準	潤農	湖南長沙	留學日本士官學校工科畢業德國陸軍大學修業前陸軍部司長



二 軍務院直轄各軍職員表

(一) 滇軍職員表 (護國第二軍)

職	別	姓名	別號	籍	貫	經	歷
總司	令	李烈鈞	協和	江西武甯		留學日本士官學校礮科畢業前江西都督	
參謀	長	何國鈞	幹臣	雲南宜良		留學日本陸軍聯隊畢業蒙自道尹	
參謀	副長	成 桃	谷采	江蘇泰興		留學日本士官學校礮科畢業雲南參謀廳第四部部長	
副官	長	李炳榮	燮丞	湖 南		江北陸軍學堂騎兵科畢業歷充江西科員科長滇督署參謀署袁元江等縣知事	
第三師師長	長	張開儒	藻林	雲南巧家		留學日本士官學校步兵科畢業歷充雲南講武堂提調陸軍步兵第一團團長步兵第二旅旅長	
參謀	長	張惟聖	希之	江 西		留學日本士官學校步兵科畢業前江西步兵團長	
副官	長	毛本良	顯廷	雲南昆明		雲南講武堂礮兵科畢業歷充雲南陸軍連長營長團附	
步兵第五旅旅長	長	盛榮超	德輝	湖 南		雲南講武堂步兵科畢業歷充雲南陸軍連長營長團長	
第十一團團長	長	張懷信	君實	雲南黎縣		雲南講武堂步兵科畢業歷充雲南陸軍營兵第二軍營衛大隊長	
第一營營長	長	李鶴汀					
第二營營長	長	周永祚		雲南開化			雲南講武堂步兵科畢業歷充雲南陸軍連長營附
第三營營長	長	寶爾猷	子嘉	雲南昆明			

第三十一團團長	曹浩森	灝生	江西	留學日本聯隊畢業歷充江西都督府副官陸軍營長
第一營營長	王嘯	逸塵	廣西	廣西幹部學堂步科畢業
第二營營長	洗翰熙		廣西	廣西幹部學堂步科畢業
第三營營長	李青龍	耀南	四川	四川閬中雲南講武堂步科畢業
步兵第六旅旅長	李天保	毅臣	雲南	雲南武備學堂畢業歷充雲南陸軍連長營長團長
第六團團長	李鳳岐	鳴周	雲南	雲南呈貢雲南講武堂步科畢業歷充第三師少校副官陸軍步兵營長
第一營營長	趙書瀚	韻濤	雲南	雲南江川雲南講武堂畢業歷充第三師少校參謀
第二營營長	李天祐		雲南	雲南宜良
第三營營長	李福保		雲南	
第三十六團團長	戴永萃	聚卿	雲南	雲南開化雲南講武堂步科畢業歷充雲南陸軍營長團副
第一營營長	尙德昌	懋昭	雲南	雲南阿迷副官雲南講武堂步科畢業歷充雲南雲南第二師排長連長
第二營營長	鍾紫雲			
第三營營長	王汝爲		雲南	雲南馬關雲南講武堂步科畢業歷充雲南陸軍排長連長
騎兵少校隊長	孫智	述武	雲南	
礮兵中校營長	魯子才	子丹	雲南	雲南黎縣雲南講武堂礮科畢業歷充雲南礮隊連長營副

工兵 第三營中 劉明義 宜之 雲南富民 雲南講武堂工兵畢業歷充雲南工程營排長連長

憲兵隊少校隊長 董權珊 照南 貴州盤縣 貴州講武堂肄業雲南講武堂畢業

第四師師長 方聲濤 韻松 福建候官 留學日本士官學校騎科畢業前雲南講武堂教官江西混成旅旅長

參謀長 林仲墉 翊漢 福建閩侯 留學日本士官學校騎科畢業歷充福建陸軍團長雲南講武堂教官

副官長 吳樹 剛如 福建 南京陸軍中學畢業軍官學校肄業

步兵第七旅旅長 朱培德 益之 雲南鹽豐 雲南講武堂步科畢業歷充雲南陸軍第二師副官第四師營長團長

步兵第二十五團團長 趙德裕 謹修 雲南保山 雲南講武堂步科畢業歷充雲南都督府少校參謀第二軍中校參謀

第一營營長 楊萬鑑 子衡 四川岳池 雲南講武堂步科畢業歷充雲南陸軍排長連長

第二營營長 李祥久 山東 雲南講武堂步科畢業歷充雲南陸軍排長連長

第三營營長 鄧肇基 有初 雲南 雲南講武堂步科畢業歷充雲南陸軍排長連長

步兵第三十八團團長 楊德源 繼之 雲南普洱 雲南講武堂騎科畢業歷充雲南陸軍連長營長團附

第一營營長 王均 治平 雲南呈貢 雲南講武堂步科畢業歷充雲南陸軍排長連長

第二營營長 張連舉 四川 雲南講武堂步科畢業歷充雲南陸軍排長連長

第三營營長 蘇理中 廣東 雲南講武堂步科畢業歷充雲南陸軍排長連長

步兵第八旅旅長 伍毓瑞 肖巖 江西 留學日本士官學校步科畢業歷充江西陸軍團長雲南步兵團長

步兵第三十三團團長	楊益謙	竹君	雲南劍川	雲南講武堂礮科畢業歷充江西礮兵營長滇軍第二軍副官長
第一營營長	吳斌		湖北	保定軍官學校畢業
第二營營長	胡思舜		雲南開化	雲南講武堂步科畢業
第三營營長	董靖華	亞中	雲南曲靖	雲南講武堂畢業歷充雲南排長連長
步兵第三十四團團長	萬舞	熙春	江西	湖北陸軍中學畢業歷充江西營長
第一營營長	朱良祺			
第二營營長	吳懋松			
第三營營長	賴世瑛	兆周	江西	保定陸軍軍官學校步科畢業歷充江西連長營長
獨立第一營營長	楊為模	範南	雲南河西	雲南講武堂畢業歷充廣東獨立第一旅副官長

(二) 林軍職員表 (護國第六軍)

職	別	姓名	別號	籍貫	經
總司	司令	林虎	隱青	廣西陸川	江西武備學堂畢業歷任廣東陸軍營長團長南京總統府禁衛軍團長江西獨立旅旅長
參謀	長	余維謙	地山	江西	日本士官學校步科畢業歷任江西步兵團長旅長
步兵第七旅旅長		李思廣	遇生	江西	江西武備學堂畢業歷任江西步兵營長團長
步兵第十三團團長		周毅夫		廣西恭城	廣西陸軍幹部學堂畢業兩廣都司令部上校參謀

	第一營營長	李可棟	仲丞	廣西	廣西陸軍幹部學堂畢業駐寧第八師三十二團連長
	第二營營長	黃勉	平夷	廣西	廣西幹部學校畢業南京第八師機關槍連長江蘇十七旅司令部副官
	步兵第十四團團長	蘇世安	春山	湖北穀城	前湖北武建軍哨長廣東新軍隊長江西陸軍混成團第三營營長
	第一營營長	廖國輝	剛民		欽州教練所畢業江西機關槍連長
步兵第十四團第二營營長		翟崇亮			曾充江西混成團機關槍連長
	第三營營長	陳智	達先		廣東虎門陸軍速成學校畢業廣西步兵隊官駐寧第三十一團連長
	步兵第八旅旅長	陳自先	勳宣	廣東廉江	廣東陸軍速成學校畢業歷任廣東步兵團長旅長
	步兵第十五團團長	明紹貞	紹貞	雲南騰衝	增生雲南錫務公司總理新會副司令
	第一營營長	黃任寰	旭南	廣東梅縣	廣東陸軍速成學校畢業
	第二營營長	龐玉輝		廣東	
	步兵第十六團團長	楊鼎中	鼎中	廣東防城	
步兵第十六團一營營長		關明光		廣東	曾充哨官管帶
	第二營營長	趙管侯		雲南曲靖	
獨立第一團團長		劉梅卿		廣東欽縣	
獨立第二團團長		黃明堂	德新	廣東欽縣	前廣東北伐隊標統

獨立第三團團長	陳敬	惟真	廣東廉江	廣東陸軍速成學堂畢業歷任廣東陸軍連長營長
獨立第四團團長	陳敬	惟真	廣東廉江	廣東陸軍速成學堂畢業歷任廣東陸軍連長營長
獨立第三團團長	倫國才		廣東高要	前警衛軍營長

(三) 肇軍職員表 (護國第四軍)

職	別	姓名	別號	籍貫	經歷
總司	令	李耀漢	子雲	廣東新興	廣東肇陽羅鎮守使
參謀長		彭華綸	華綸	陝西	前清試用府
步兵第三旅旅長		李華秋	華秋	廣東新興	歷充肇軍第一二、三營統領
步兵第一團團長		溫其鏞	晴溪	廣東新興	前充廣東親軍營統領
步兵第二團團長		邱可榮	耀廷	廣東清遠	歷充肇軍第五、六、七營統領
步兵第四旅旅長		翟汪	浩庭	廣東新興	歷充肇軍第七、八、九營統領
步兵第三團團長		古日光	耀東	廣東欽縣	歷充肇軍十三、四、五營統領
步兵第四團團長		陳均義	梯雲	廣東合浦	欽廉陸軍教練所畢業歷充肇軍第十、十一、十二營統領
礮兵團團長		黎章鴻	仲達	廣東新興	前肇軍第九營營長

(四) 桂軍職員表 (護國第二軍)

職	別	姓名	別號	籍貫	經
總司	令	莫榮新	日初	廣西桂平	歷充廣西各軍管帶督帶幫統旅長桂平梧鎮守使兼署蒼梧道尹
參謀	長	劉世鼎	和生	廣西桂林	
步兵第五旅旅長		鄧文輝	憲章	廣東欽縣	歷充廣西各軍哨官管帶督帶副司令
步兵第九團團長		穩玉廷	仁和	廣西龍州	歷充廣西各軍哨官連長營長
步兵第九團一營營長		蘇全福	禧廷	廣西邕甯	歷充廣西各軍哨官連長
第二營營長		李易標	錦文	廣東防城	歷充廣西各軍哨官連長
步兵第十團團長		莫正聰	直齋	廣西桂平	歷充廣西各軍哨官連長營長
步兵第十團一營營長		莫正高	鴻甫	廣西桂平	歷充廣西各軍哨官連長
第二營營長		邱子光	耀山	廣西陸川	歷充廣西各軍哨官連長
步兵第六旅旅長		申葆藩	价臣	廣東防城	歷充廣西各軍哨官管帶督帶副司令
步兵第十一團團長		江永隆	金廷	廣西賀縣	歷充廣西各軍哨官幫帶管帶營長
步兵第十一團一營營長		黃志全		廣西	
第二營營長		申憲文		廣西	
步兵第十二團團長		劉志陸	偉軍	廣東梅縣	廣東陸軍學堂畢業歷充廣東陸軍營長副官長廣西桂平梧鎮守使署參謀長

步兵第十二團一營營長	劉達慶	廣西	
第二營營長	韋贊勛	廣西	

(五) 譚軍職員表 (護國第五軍)

職	別姓名	別處籍貫	歷
總司	譚浩明	廣西龍州	前廣西陸軍第一軍統領第二師師長廣西龍州鎮守使
正司	韋榮昌	廣西龍州	歷充廣西巡防幫統副司令
參謀長	陳繼祖	廣西貴縣	
司	蒙仁潛	廣西武鳴	歷充廣西巡防幫統副司令
司	農有興	廣西憑祥	歷充廣西巡防營營長副司令
司	陸長勝	廣西龍州	歷充廣西巡防營營長及副司令

(六) 獨立團職員表

職	別姓名	別號	籍貫	歷
團長	張習	佩嚴	四川富順	四川經緯學堂畢業歷任四川巡警二三營督帶廣東將弁學堂提調蜀軍政府總務處長

(七) 潮軍職員表



職	別	姓	名	別號	籍	貫	經	歷
師	長	莫	肇宇	柱一	廣東東莞		日本士官學校步兵科畢業廣東都督府軍事局長步兵第一團團長	
參	謀	長	孔昭度	公常	廣東南海		日本士官學校步兵科畢業廣東第一師參謀長步兵第二團團長	
步兵第一旅	旅長	陳	德春	恩波	廣東欽縣		欽州學兵營畢業廣東陸軍第一團團長	
步兵第一團	團長	何	家瑞	家琢	廣東			
兼理步兵第二團	團長	陳	德春					
步兵第二旅	旅長	藍	揆芳	蔭南	廣東大埔		前警衛軍第四十四營營長	
步兵第三團	團長	朱	瑞華	月亭	廣東惠陽			
兼理步兵第四團	團長	藍	揆芳					

(八) 程旅職員表

職	別	姓	名	別號	籍	貫	經	歷
獨立混成第一旅	旅長	程	子楷	巖生	湖南新甯		日本士官學校畢業廣西陸軍管帶湖南混成旅旅長岳總司令	
參	謀	長	許公武		廣東番禺		江南陸師學堂畢業鎮江第三混成旅旅長	
步兵第十七團	團長	胡	學伸	宇平	湖南黔陽		日本士官學校畢業湖南陸軍第一軍第一團團長	
步兵第十七團	第一營營長	張	繼泰	漢澄	雲南騰衝		雲南講武堂騎科畢業歷充貴州雲南陸軍營長	

步兵第十八團營長	唐義彬	經百	湖南新化	日本士官學校畢業湖南第一軍參謀長
步兵第十八團第一營長	楊其禮	敬之	雲南黎縣	雲南講武堂騎科畢業歷充雲南騎兵營長團副
第三營營長	洪旅		江蘇	

附滇桂粵聯合軍總病院職員表

職	別	姓名	別號	籍貫	經歷
院	正長	鄧弁華	文起	廣東三水	日本愛知醫學專門學校畢業歷充廣東陸軍醫院院長 公醫學校校長羊城大醫院醫務長都司令江防司令部 軍醫課課長
副	正長	楊廷霽	公衡	廣東鶴山	南中國博濟專門醫學學校畢業留學美國實習內外科歷 充東三省防疫醫官廣東香軍司令部軍醫科長陸軍第 四團軍醫正都司令江防司令部軍醫課課員
三等軍醫	正兼軍醫	金會洵	佩泉	廣東番禺	醫科舉人日本愛知醫學專門學校畢業歷充廣東都督 府衛隊團部三等軍醫正廣東都督府軍醫課一等課員
三等軍醫	正	方茂林		湖南	北洋軍醫學堂畢業
一等軍醫		何肇泉	達初	廣東順德	日本愛知醫學專門學校畢業前充上海紅十字會會員 日本留學生紅十字團團員
一等軍醫		朱植生	崇德	廣東台山	日本東京帝國醫科文學畢業前充廣東陸軍第九團三 等軍醫正
一等軍醫		鄺光衡		廣東台山	廣東光華醫學學校畢業日本東京帝國大學眼科畢業
一等軍醫		何星緯		廣東香山	南中國博濟專門醫學學校畢業歷充各學堂教員
一等軍醫		李同光		廣東鶴山	廣東公立醫藥專門學校醫科優等畢業

一 等 軍 醫	焦志生		廣東高要	廣東光華醫學校畢業
三 等 司 藥 正	李植臣	獻廷	廣東鶴山	廣東陸軍軍醫學院畢業歷充廣東步隊一標軍醫官北 伐軍野戰病院院長陸軍第一第二第四等團軍醫正嶺 海藥學專門學校校長公立醫藥專門學校教員
一 等 司 藥	李春榮	羨譜	廣東鶴山	嶺海藥學專門學校畢業前充廣東陸軍第二師定立病 院一等司藥
二 等 司 藥	李炳文	炳文	廣東香山	廣東博濟醫學校肄業



# 兩廣都司令部考實編次

第一編 組織

第二編 軍事

第三編 政事

第四編 粵事

第五編 雜件

第六編 職員錄

補錄 解職通電

# 兩廣都司令部考實目錄

## 第一編 組織

陸龍都督領銜推戴岑都司令文

李鎮守使領銜推戴岑都司令文

岑都司令覆電一二

陸龍都督推舉梁任公爲都參謀文

李鎮守使領銜推舉梁任公爲都參謀文

梁都參謀覆電

岑都司令就職宣言

岑都司令就職通電二件

岑都司令就職照會各國領事文

都司令部組織令

附組織表

公文程式令

都司令部暫行辦事細則

參謀部組織綱要

附編制表

財政廳簡章

餉械局簡章

軍需處組織簡章

副官處簡章

將校團簡章

# 兩廣都司令部考實

## 第一編 組織

陸龍都督領銜推戴都司令文 (民國五年四月二十七日)

肇慶岑都司令鈞鑒兩粵獨立全軍同仇固出於報國素具之誠亦以完我公未竟之志今雖義聲遠播寰海改觀惟僭凶之竊據依然斯羣生之倒懸益亟計自滇黔首義以來以貧瘠之區當方張之寇猶能轉戰千里匡復百城使從賊者膽寒好義者氣王我兩粵形勢本爲重於國中我軍民事功豈可反落人後 濟光等所部將校士卒切齒國賊誓不共天磨厲以須請纓日至獨念克敵致果非統一無以圖功而決勝運籌必元戎乃能坐鎮我公爲人紆難百折不回四海傾心友邦起敬况兩粵夙爲舊部湛浹恩威三軍仰若雲天萬姓戴如父母若承出總戎機必可迅平大難謹代表各軍奉戴爲兩廣護國軍都司令稟節制以一士氣仗威德以殲國仇伏望我公俯鑒精誠毅肩艱鉅凡我良士同懷挾纊之情而控此大邦佇見止戈之武謹此電陳不勝鼓舞待命之至龍濟光率段爾源鄭開文李嘉品王純良黃志桓楊晉納順洪李文運馬如珍伍敦仁等陸榮廷率陳炳焜譚浩明莫榮新等同叩感印



李鎮守使領銜推戴都司令文

肇慶西林岑公鈞鑒天禍中國爰產神姦羅漢等併力討賊已逾旬月乃屢劍莫及攻同未  
遑同仇之志雖堅元凶之首未授推原其故實乃統一乏人師干非總無功專閫乃能任事  
我公之於兩粵治功夙炳遺愛正隆部曲如雲子民望歲况乃辨姦最早而人不察蒙難獨  
至而氣益張回首一呼萬方雪涕以此殺賊萬賊皆推以此誓師何師弗集今請率所部奉  
戴爲兩廣護國軍都司令伏望俯鑒下忱出肩重任自今以往令出惟行併兵一向義不反  
顧凡在同澤毋忘戮社之條哀我黎民始有來蘇之望臨電不勝瞻依迫切之至肇陽羅鎮  
守使陸軍第二師師長李耀漢潮梅總司令莫擎宇廉州安邊都護使隆世儲欽州道尹馮  
相榮高州司令車駕龍雷州總司令楊學紳攻城司令魏邦平陸軍第二師一旅旅長李華  
秋陸軍第二師第二旅旅長翟汪警衛軍第四十六七營統領陸蘭清陸軍第二師礮團團  
長黎章鴻同叩勸印

岑都司令覆陸龍兩督等電

廣州龍都督轉段旅長鄭旅長李督辦王鎮守使黃鎮守使楊高雷道尹納旅長李團長馬  
統領伍統領南甯陸都督轉陳師長譚師長莫鎮守使鑒奉感電猥以兩廣都司令見委頻

年亡命南洋實已傷心國事近感幹公招邀之誼備歷人世行路之難幸得生返里門本期歸守丘墓謬承大命曷勝徬皇受任既非衰朽所堪臨危又無獨安之誼強自督責以死爲報定日就職別有宣言意苦語長另刊郵寄承念昔日昆弟之歡又得追隨鞭鐙之後既無不可見之誠安有不可滅之賊煊雖羸病猶聞鼓角而自雄時惠規箴俾勿顛越而負命岑春煊叩艷印

岑都司令覆李鎮守使等電

肇慶李鎮守使李旅長翟旅長黎團長汕頭莫總司令廉州隆都護使欽州馮總司令高州車總司令雷州楊司令三水陸統領魏司令鑿頃由肇慶李鎮守使來文謬承諸公以兩廣都司令相委煊以衰朽之身何堪戎馬之役諸公出死救國煊又不容獨安進退旁皇強自督責定日就職別有宣言意苦語長另刊郵寄報命誓當共死執殳願得前驅不棄菲葑幸時惠教岑春煊叩艷印

陸龍都督推梁任公爲都參謀文

火急肇慶梁任公先生鑒濟光等奉戴西林岑公爲兩廣都司令繼思大將出征首資方略千里決勝端賴運籌所有都參謀一席一時實難其選惟公學貫中外智爛韜略文謀旣茂

武術兼資而又氣凜秋霜明見毫末廿年筆伐神姦久已寒心此日前驅壯士同思飲血計茲重任非公莫勝伏乞俯察微忱慨然任事得君一語賢於十萬之師示我周行直取元兇之首臨電不勝迫切待命之至廣東都督龍濟光廣西都督陸榮廷冬叩

李鎮守使領銜推戴梁任公爲都參謀文

梁任公先生鈞鑒竊維討罪之師正如風發濤湧而起使民大覺實爲口誅筆伐之文方籌安助逆於京師而宏論卽流於溥海字字褻奸人之魄語語激志士之心滇黔旣投袂而興桂粵亦聞風恐後耀漢等忝列戎行適蒙國辱旣嘗飲無量無數之血以搆此共和安忍與不信不義之人並立於天地義在更無反顧道同不必相謀先後樹獨立之旗水陸列萬人之陣兩粵宜爲一體三軍誓無二心總師已戴岑公運籌咸資偉略今謹統率所部奉公爲兩廣護國軍都參謀伏惟一言先燭多後效於十年固知片策發機必決勝於千里雖復倥偬戎馬非以禮事高賢方呼吸以判存亡諒秉義以爲終始岑公恩澤在民先生準的多士幸兩雄之結合必相得而益彰樹此風聲立迴觀聽數獨夫之罪何止百千得一紙之書必賢十萬上馬殺賊漢等願効前驅飲至策勳先生請爲露布當仁不讓迫切以求肇陽羅鎮守使陸軍第二師師長李耀漢潮梅總司令莫擎宇廉州安邊都護使隆世儲欽州道尹馮

相榮高州總司令車駕龍雷州司令楊學紳攻城司令魏邦平陸軍第二師第一旅旅長李華秋陸軍第二師第二旅旅長翟汪警衛軍第四十六七營統領陸蘭清陸軍第二師礮團團長黎章鴻等同叩冬

### 梁都參謀覆電

廣州龍都督並轉段旅長鄭旅長李督辦王鎮守使黃鎮守使楊高雷道尹納旅長李團長馬統領伍統領南甯陸都督並轉陳師長譚師長莫鎮守使肇慶李鎮守使並轉李旅長黎團長汕頭莫總司令廉州隆都護使欽州馮總司令高州車總司令雷州楊總司令三水魏司令陸統領鑒奉陸龍兩督領銜來電及李鎮守使領銜來文以兩廣護國軍都參謀相委啟超本以書生未學軍旅徒憤國且淪胥始載筆爲呼籲當人道絕續之會賴四省仗義而興聞風而後之志竊比懦夫大令辱以參謀寧堪鉅任驅之共死非所以爲榮將欲避賢又有所不敢謹隨岑公之後庶盡一得之愚鼓聲而思將帥圭臬惟仰諸公傳檄倘可屈人嘔心所不敢惜以爲可教勿吝良規梁啓超叩江

### 岑都司令就職宣言

(民國五年五月一日)

春煊何才都司令何職吾兩粵都督諸將領才皆百于春煊乃以若是非所堪者之職相委

受耶春煊既不才且非所堪矣辭耶彼都司令者非權利職亦非永遠職當其遠職吾徒居其名當其近職吾且不能不死然則都司令者文言之則名職質言之則死職耳與賊決死春煊之志則然諸公責我以志吾何敢辭今就職矣願與諸公有言春煊將言先不能無大慚使春煊而才者袁世凱豈能篡滿清三百年之業辛亥則既篡矣又豈能叛民國四萬萬人之國今茲則既叛矣於彼著其爲篡與叛之才於此則著我無才以制此篡與叛者乃使其竟篡且叛辛亥宜死天下人能持新義以諒春煊雖然春煊之不死則春秋之舊義賊未討不敢死也天下人之不能諒我者實爲癸丑之役斯役也謂春煊爲不度德不量力春煊無辭謂袁世凱于其時爲不當討則今日之討袁無婦人孺子一聞袁世凱之稱帝無不裂眦攘臂譴然討袁討袁者非以其違法乎然則癸丑之殺宋教仁大借款兩案果爲違法乎否乎易曰履霜堅冰吾于彼之兩案凜凜乎履霜逆斷此賊必有稱帝之冰以繼其後曾不兩年而彼果稱帝矣春煊癸丑之敗敗于不量力而招天下之非議今茲之役天下人幸無復非議我且惟督責我者雖然春煊不敢必此役之必勝然而必有以答天下之督責不負兩廣之委託者惟有兩言袁世凱生我必死袁世凱死我則生耳雖然袁世凱之死不死非春煊一身之死不死所能判斷也因是之故春煊更欲與諸公有言諸公灼知袁世凱之當

死又志乎必死之而後己者則願諸公先堅必死此賊之志必死此賊者此賊義當死也至于不得已而用仁亦惟師古罪不及孥之義宥其家人宗族不錄其資產此已爲至仁矣以是爲仁有所未至而容其退位保其首領此已近乎傷義若并其位而容之則對袁世凱爲不義而對四萬萬人爲不仁夫抱萬死不顧一生之志以討賊終乃容賊以自陷于不仁不義此賊一日而存凡起義者孰一能免于死不仁不義而又不免于死必非諸公之本心且大負滇黔倡義之意矣諸公守此本心不容一切非義調停之說勿餒於不勝也滇黔仗義以先天下厲兵以嚮川湘賊軍號爲至強所遇無不摧破合吾兩粵十萬之師春煊實敢斷言萬無不死此賊之理卽不死亦必逃萬一天佑此賊竟容其踞總統以終古天道誠不可說而吾赴義而死之士千秋萬歲不亦芬芳矣乎春煊幸得與于芬芳之役而死千秋萬歲亦芬芳矣此願與諸公定志誓死之第一要約也志乎死矣然後乃有用兵可言用兵之術至繁一言可以蔽之則曰師克在和而已和之云者勿避害勿爭利勿諉過勿攘功狹之勿持此部與彼部之分廣之勿存此省與彼省之見必使百將如一將兩粵如一家目標指於一賊此外勿生異同兵間之和如此外則師行所至務得國人親愛敬信之心彼賊之軍所至而敗者以其所至姦淫燒殺大傷人民之心也吾反之以效忠竭誠使人民曉然義師之

興純爲誅鋤害我之賊十萬之師鼓行而前無量數之民聲援于後賊誠梟悍宜無不倒矣諸公所經何止百戰乃若結合將士指揮戰略整肅軍紀收拾人心凡所云云春煊方師之而未逮都司令誠無盡職之可言無已求副其名諸公之間萬一而有彼此不欲直達者通意述情之責春煊所不敢辭區區無私之誠亦望諸公之深信也春煊之不才非諸公所知其與人不敢念舊惡持身不敢染習氣當爲諸公之所知也兩粵自都督以次大率爲春煊嘗得親炙且多論交至厚之人故舊復同患難恩誼自篤於前羣賢濟濟之中容有爲春煊昔日所嘗因公開罪者願先數我之非曲恕其過然後解除舊怨與子同仇持和以勉士卒吾與諸公而先有所芥蒂彼此能無內媿乎諸公恕我而我猶有毫髮舊怨之念存者是爲春煊懷私忿以誤國家願諸公且勿討袁先討我耳內不存相疑之意外乃論交際之文大賊當前吾與諸公方求死而不得所更復何心以演官場齷齪繁重之儀式耶請與諸公約勿問言語文字服食起居萬事惟求直捷惟務樸實凡手續之稍近於委曲舉動之稍近於奢僞者必務去之精力當留以殺賊財力當留以餉士春煊與諸公宜本此心以相接亦望諸公本此心以互相接也天下皆號春煊曰鹵莽尙氣之人春煊誠有此短然自問亦有願聞過而不憚改之長交春煊久者必知此言之非僞有疑爲僞者春煊敢九頓首以請諸公

但見吾過姑試爲至重極嚴之語以相規規之是而不聽聽焉而不改是爲春煊之不可教願諸公遠我乃至絕我不然則願諸公之匡我救我勿遽以其一節之短遂斷其一無可教則諸公之惠我厚矣春煊老矣且多病苦重諸公之督責不得不舉此垂盡之年從諸公于鋒鏑幸及喘息之存得見元凶之死此固諸公大有造於國家不徒助春煊申匹夫之志也至于其時春煊再百頓首以謝諸公之賜然後退而理我田廬永依諸公之庇得爲共和之民了此餘生實爲天幸此不可得則謹堅守上所云云與諸公同死耳腹心之言伏惟鑒信繼此有見當別有言

### 岑都司令就職通電一

急雲南唐都督貴陽劉都督杭州屈都督四川行營蔡總司令百色李總司令松坎戴總司令暨各鎮守使各師旅長鑒春煊頻年亡命海外近以廣西獨立始得閒關歸里本意展謁丘墓息影田廬不期兩粵都督及全體軍官乃以兩廣護國軍都司令相委自顧衰庸何堪戎馬重惟同患又恥撝謙累日旁皇強自督責頃者就職別有宣言滇首倡義擁護共和薄海嚮風恥爲後起鼓此所向無前之氣不容非義調停之言必見殲此元凶奠我民國煊雖不才勝不敢分一校之功退不敢後諸公而死倘承不遺願時惠教岑春煊叩東



岑都司令就職通電二

除雲南貴陽南甯廣州杭州外各省將軍巡按使巡閱使護軍使各都統各師長旅長各鎮守使各團體各報館公鑒春煊頻年亡命海外近以廣西獨立始得間關歸里本意展謁丘墓息影田廬不期兩粵都督及全體將領乃以兩廣護國軍都司令相委以煊衰朽之身寧堪戎馬之役重惟患難之義又以規避爲慙累日旁皇勉自督責頃者就職別有宣言兩粵謬以相推自當生死與共進求消弭國難最後惟仰諸公煊非有憾於袁特難忘情於國袁苟一日不去國必由亂而亡煊與諸公雖愛和平將何附託慙無潛移默轉之方敢惜荷戈飲血而死諸公憂國之深愛國之摯伐薪而不傷木良規極所願承厲兵而賦同仇前驅寧所敢避樂爲人下竊景前賢不遺狂愚佇希後教岑春煊叩東

岑都司令就職照會各國領事文

爲照會事照得袁世凱背叛約法破壞民國帝制自爲天下同憤滇黔倡義桂粵繼起誓師北伐必去國賊本都司令由廣東龍都督廣西陸都督及兩省全體軍官公推爲兩廣護國軍都司令已於民國五年五月初一日就職卽於肇慶設立都司令部敝國與貴國素敦睦誼兩廣獨立以後凡有貴國商務教務兩廣都督自有按約保護之責其有爲都司令職權

所及者亦當盡履行條約之責爲此照會貴總領事官領事官請煩察照并請轉知貴國駐京公使查

照須至照會者

一 都司令部組織令（民國五年五月一日公布）

第一條 兩廣護國軍都司令統轄廣東廣西兩省軍隊管理一切軍務兼籌政務財政

第二條 都司令部設職如左

參謀部

祕書廳

參議廳

外交局

財政廳

鹽務局

餉械局

副官處

第三條 參謀部掌管軍政軍令設都參謀一人協贊都司令籌畫一切軍務設副都參謀

一人秉承都司令輔佐都參謀整理參謀本部一切應行事務設參謀若干人秉承都參謀副都參謀執行該管任務參謀部分設下列各處各處設處長一人處員若干人

軍衡處

軍需處

軍法處

軍醫處

軍械處

第四條 祕書廳設祕書長一人秉承都司令掌管廳內一切事務辦理機要文件設祕書若干人分掌職務

第五條 參議廳設廳長一人參議若干人備都司令之諮詢並議決交議事件

第六條 外交局設局長一人秉承都司令管理國際交涉事務設科長科員若干人分掌職務

第七條 財政廳設廳長一人秉承都司令掌管一切財政設科長科員若干人分掌職務

第八條 鹽務局設局長一人秉承都司令掌管鹽務設科長科員若干人分掌職務

第九條 餉械局設局長一人秉承都司令掌管各軍各處局之餉項糧秣被服軍器出納  
並核消事務設科長科員若干人分掌職務

第十條 副官處設副官長一人秉承都司令宣佈命令辦理本部一切庶務


第十一條 部局廳處之分職各以細則規定設置員額由都司令量事之繁簡酌定之

第十二條 本部各部廳局處辦理其主管事務均以都司令名義行之

第十三條 將校團及軍隊之編置另令規定

第十四條 本令自公佈日施行

附組織表



公文程式令 民國五年五月一日公布

- 一 本部上大總統文用呈
- 一 本部與各省都督往來文用咨
- 一 兩廣鎮守使道尹師旅長及前敵各軍團隊司令等來部文用呈部往文用令
- 一 本部與國內各地特派專使來往文用咨
- 一 本部與外省軍總司令來往文用咨
- 一 本部與派駐各國公使或代表來往文用咨
- 一 兩廣屬內及其他各官廳來部文用呈部往文用令
- 一 地方團體及其他來部文用呈部往文用令
- 一 本部宣示中外文用佈告曉諭人民文用示
- 一 本部任免官吏授與獎章文用令
- 一 本部內各機關上行文用呈下行文用令
- 一 本部半公式文用公函

### 兩廣都司令部暫行辦事細則

第一條 本規則係依據本部組織令規定其辦事之程序在部人員均應遵守

第二條 各部廳局處主管事項業於組織令內分別規定各部廳局處職員承辦事件由各該主任支配分理關於各部廳局處辦事細則亦由各該主任自行規定呈請都司令核准施行

第三條 凡公文到部由收發處主任員拆封隨即編號摘由分類登簿暨分別最要次要例行及其事件性質各蓋戳記送由秘書廳長轉呈都司令批示後發由秘書廳長交各主管者辦理但不屬於公文之函件及釘密文件均須另列號簿逕呈都司令拆閱發由祕書廳長分別核辦

電報管理處辦法准此

第四條 各部廳局處主任審其事務繁簡酌設日記簿一冊將每日承辦稿件摘由記入並分別要件常件已辦未辦暨何員承辦詳加注明以備檢查

第五條 凡判行之稿發由各主管員交由收發處分交錄事繕正校對畢送交監印處用印收發處編號登簿發出

第六條 凡判定稿件繕交時間應於一日內辦訖但字數過多者得酌量展限判定稿件之末有批定繕發時限者應即依限辦結

第七條 凡不屬一主任專管事項應由各主任互商辦理如彼此意見不同時得請都司令裁酌前項各稿件辦訖均應送關聯各主管員會核

第八條 電達及緊要稿件應隨時提前送核繕發其例行稿件逐日彙送核閱

第九條 各員擬稿需檢文卷應填調卷據開明案由向收發處調取檢閱既畢仍送歸檔並將原據撤回其調卷據由庶務員置辦分交各員備用

第十條 凡稿件簽發後交由收發處分別歸檔其案卷凡屬一事應順次釘裝或黏連不得散置遺漏

第十一條 凡未經宣布之文件各部廳局處職員應負謹守祕密之責其有須提前宣布者須經各該長官呈請都司令認可乃准發表否則以洩漏機密罪論

第十二條 本部一切經費於每月二十五日以前由支應處開列下月預算冊呈請核發並於下月五日以前造具決算冊呈送核閱存內備查

第十三條 各部廳局公用物品由庶務處備辦應付並立簿存查

第十四條 辦公時間夏秋季以午前八鐘入值十二鐘至二鐘休息二小時冬春季以午前九鐘入值十二鐘至一鐘休息一小時均以午後六鐘散值但有緊要事件雖不在規

定時間之內一經召集仍當入值辦理散值時間仍應輪留一員值日

第十五條 各員在辦公時間概不見客但因公來見者得依本員之許可於別室接見之

第十六條 凡遇年節國慶日各員均予休息一日惟譯電專員不在此例

第十七條 各員請假另立假條凡假期在一日以內者各員各就其所屬長官陳明其在

一日以上者須由各長官呈請都司令核准

第十八條 本規則如有未盡事宜得隨時修正

二 參謀部組織綱要 (民國五年五月三日公布)

第一條 參謀部掌管軍政軍令

第二條 都參謀直隸於都司令協贊都司令籌畫一切軍政

第三條 副都參謀秉承都司令輔助都參謀整理本部一切應行事務

第四條 參謀部設部附及參謀若干員秉承都參謀副都參謀執行該管任務各參謀分

管任務如左

一 作戰事項

二 牒報



三 交通運輸

四 編制

第五條 參謀部設左列各處

軍衡處

軍械處

軍法處

軍醫處

軍需處

第六條 各處設處長一員承長官之命掌理處務

第七條 各處設處員若干承長官之命助理處務

第八條 軍衡處

一 關於陸軍軍官軍佐及軍用文官之進退任免事項

二 關於調查陸軍各項人員事項

三 關於考績表兵籍戰時名簿及軍用文官名簿事項

四 關於編纂年格名簿事項

五 關於保管軍官軍佐軍用文官及戰時職員表事項

六 關於恩賚叙勳記章褒章及賞給事項

七 關於休假事項

八 關於廢兵處置事項

### 第九條 軍械處

一 關於要塞及師旅團營之槍礮配置事項

二 關於槍礮火藥子彈及其他一切軍械之制式支給交換檢查事項

三 關於飛機電話電信之器具材料購辦及支給事項

四 關於各項器具材料之購辦及檢查事項

五 關於軍械人員之考績事項

六 關於馬匹各事項

### 第十條 軍法處

一 關於陸軍軍法事項

二 關於陸軍監獄事項

三 關於赦免及罪人俘虜之處置事項

四 關於陸軍司法官及監獄職員之考績並補充事項

五 關於高等軍法會審事項

六 關於憲兵一切事項

第十一條 軍醫處

一 關於軍醫獸醫各種診療機關事項

二 關於傷病等差之診治事項

三 關於體格檢查事項

四 關於戰時衛生勤務各種規則事項

五 關於防疫及衛生試驗事項

六 關於衛生材料事項

七 關於衛生報告統計及調查事項

八 關於軍醫司藥獸醫所屬各項人員之勤務教育考績及其補充事項

九 關於紅十字會及恤兵團體事項

第十二條 軍需處

一 關於軍需運用事項

二 關於各機關軍需事項

三 關於各軍需官勤務事項

四 關於各機關軍需人員之教育及其補充

五 關於稽核軍費出納並預算一切事項

六 關於掌管出納之官吏事項

七 關於各種給與及軍規定之審查事項

八 關於規定俸及旅費一切事項

九 關於軍服之籌備及檢查事項

十 關於規定及準備裝具糧秣等配布事項

十一 關於戰時徵發事項

十二 關於本部一切庶務事項

第十三條 辦理本部主管事務均以都司令名義行之

第十四條 各處辦事細則另章規定

參謀部編制表 民國五年五月初五日製

都 參 謀								
副 都 參 謀					軍 令			
軍 政					軍 令			
軍醫處	軍法處	軍械處	軍需處	軍衡處	第四課	第三課	第二課	第一課
長	長	長	長	長	主任	主任	主任	主任
(二等軍醫正)	(上中校相當官)	(上校或中校)	(一等軍需正)	(上校或中校)	(少將或上校)	(少將或上校)	(少將或上校)	(少將或上校)
處員	處員	處員	處員	處員	課員	課員	課員	課員
(二三等軍醫正) (二二一 等軍醫 正)	(中少校上中 尉相當官)	(中少校 上尉)	(三等軍需 正)	(中少校 上尉)	(中少校 中尉)	(中少校 中尉)	(中少校 中尉)	(中少校 中尉)

備	考
一 軍政暫時屬本部俟日後事繁再作獨立機關直隸都司令	二 本部設差遣員若干人 三 本部設文牘委員若干人 四 繕寫文件及其他特別事務另酌用雇員

三 財政廳簡章 (民國五年五月五日公布)

第一條 本廳歸都司令部直轄綜理財政事宜

第二條 廳長綜理廳務有指揮監督全廳事務之權

第三條 各科科長秉承廳長命令率同科員辦理本科一切事宜對於本科主管事務負

完全責任

第四條 各科科員有受科長督率辦理本科事務之責擬辦本科應行稿件

第五條 各科科員於本科應辦事宜分別核辦以專責成惟遇有應行互商之件仍當不

分畛域幫同辦理

第六條 錄事應受科長科員之指揮監督承辦核算繕校等事

第七條 本廳辦事現分四科每科職掌如下

甲 第一科職掌事項 關於擬撰不隸各科之文牘並要重函電規定章則表冊掌管

卷宗冊籍監用印信整理票簿契照會計本廳款目委任人員收發繕校印刷各文  
件事項

乙 第二科職掌事項 關於核收各機關解繳款項並支付用款核算各縣各局廠處

所交代款目及辦理預決算事項

丙 第三科職掌事項 關於辦理所轄地方釐金及礮臺籌防海防各經費事項

丁 第四科職掌事項 關於辦理所轄地方田賦（兼清佃沙捐稅契驗契）稅務（府  
稅烟稅酒稅牌照稅礦稅印花稅等）捐務（花筵捐屠捐豬捐牛捐戲捐房捐鋪捐  
等）商餉（硝磺餉當押餉等）及各屬呈報抽收一切雜捐事項

第八條 每科設科長一員科員若干員酌量事務繁簡分別支配

第九條 本廳一切收支暫以餉械局兼經理金庫完全擔負現金收入支出以及保管之

責

第十條 各地軍隊劃撥餉項未經由本廳者應請都司令飭令各屬將收入數及支撥數

分別報廳以便彙核而資統計

第十一條 凡核收核支事項承核員審查無誤均須簽名及核訖相符圖記以重責任

第十二條 每屆月終時所有本廳收入支出各款應由專司登數員與餉械局互相核對務須符合以重款項

第十三條 本廳來往公文及管理卷宗現時事務尙簡暫由都司令部收發處兼代但須另冊登記及編置以明統系而專責成

第十四條 此項簡章不適用時得修改之

第十五條 此項簡章以奉都司令核准之日施行

#### 四 餉械局簡章 (民國五年五月五日公布)

第一條 餉械局秉承都司令命掌理軍餉軍械之出納保管及被服糧秣之採辦藏儲等事宜置局長一人負完全責任

第二條 餉械局設四科如左

一 收支科 金庫 主計

二 軍械科 修理 管理



三 被服科 採辦 保管

四 粮秣科 採辦 儲藏

第三條 收支科專司軍餉出納及一切會計核銷事項置科長一人科員三人但本科事務繁重時經都司令認可得增加科員若干人

第四條 軍械科專司軍械存發數目並負修理管理之責置科長一人科員二人技士若干人此項技士員數及修理事宜另以命令定之

第五條 被服科專司採辦被服及一切軍用物品並負保管之責置科長一人科員二人

第六條 粮秣科專司軍用粮秣置委員若干人呈由都司令臨時酌派

第七條 關於餉械被服粮秣之運輸須由餉械局自行照料各科委員不敷調遣經都司令認爲必要時得呈請酌派臨時委員

第八條 餉械局置書記二人專司文牘及冊簿

第九條 餉械局置護兵十名司局內巡查及其他動作

第十條 本簡章自公布日施行

軍需處組織簡章

一 軍需處秉承長官稽核軍費之出納及規定俸給旅費與籌備軍服裝具糧秣等事  
置處長一人擔負完全責任

二 軍需處設左之各科每科以科員一人擔任主任

(1) 金櫃科

(2) 服裝科

(3) 糧秣科

三 金櫃科員稽核各軍費之預算決算規定俸給旅費編裝整旅之預算等事

四 服裝科員任籌備分配檢查及規定軍用器具等事

五 糧秣科員任規定準備配布給與及戰時徵發之責

六 各科員承處長之指示整理一切但各科員須負各科之全責

七 處內因事之煩簡隨時可呈請雇用錄事專司繕寫

八 本簡章自公布日實行

五副官處簡章 (民國五年五月五日公布)

第一條 副官長稟承都司令執行主管一切事務

第二條 副官長於部內庶務應負整理之責有規定可據者得直行處理之然後申報否

則具案於都司令或與都參謀協議待其裁決然後施行但輕易之事決行後申報亦可

第三條 副官長應常與各部局互相聯絡以免互異紛馳之弊

第四條 副官長宜乘有暇之時視察直轄各機關之內務將其情況申報於都司令都參

謀

第五條 副官長量各副官之材分課諸務而實行監察指示之責

第六條 副官受副官長之指揮處理職務

第七條 副官處所管主要之事項

一 關於命令之傳達及通報報告之事項

二 關於地方官署交涉之事項

三 關於官報及新聞雜誌由祕書廳核定交出揭載應發表之事項

四 關於禮節儀式之事項

五 關於軍人軍屬之請願事項

六 關於人馬現額表死傷表之調製事項

七 關於虜獲及罪人之事項

八 關於各兵籍平時名簿戰時名簿附屬文官名簿及將校停年名簿等調製之事項

九 關於將校經歷技能之書類保存事項

十 關於本部兵役之分配及管理事項

十一 關於官發物品之保管事項

十二 關於部內軍紀之維持事項

十三 關於應與各部局會辦之事項

第八條 各副官於分掌外之事項及臨時發生之事件按其繁簡互相協力辦理

第九條 副官長如有要故不能執行職務時得於副官中指定一人代之

第十條 各副官於會議會報時依副官長之指名任筆記之事

第十一條 本簡章自宣佈之日施行

六 將校團簡章

民國五年五月五日公布

第一條 本團定名為兩廣都司令部將校團

第二條 本團以廣羅陸軍人材準備補充軍職為宗旨

第三條 凡在官立陸軍學校習軍事學課程在一年以上領有畢業憑證者得入本團但修學期在二年以上者雖未領有畢業憑證亦可入團

第四條 凡具前條資格開呈志願書得都司令部軍職人員二人以上之介紹及團員中五人之保結經都司令參謀部認可與以認可券即得入團

第五條 凡留團者除供給住宿伙食外每員每月給津貼銀拾元

第六條 團員入團後不得擅離由團長指定研究學術及軍隊勤務覘其成績派委職務

第七條 團員中有不守規則或體格不堪服務者由團長呈明都司令革退

第八條 將校團辦事細則另規定之

# 兩廣都司令部考實目錄

## 第二編 軍事

岑都司令致龍督電一二

龍督來電一二

陸正司令來電一二

岑都司令致陸正司令電

岑都司令致陸都督電

陸都督來電

陳司令等致林總司令電

陳司令等來電

莫師長來電

隆都護使來電

岑都司令致三水清遠知事蘆苞章總辦電

順德之江尾用敢據實陳明伏懇轉電龍督飭屬一體查照辦理以免誤會而生衝突等情到部據此除批示外相應電達希即電知各屬查照至禱岑春煊刪印

龍督來電

肇慶岑都司令鈞鑒咸電敬悉改組香山任鶴年一軍尊電所開係任第二次要求條件敝處并未允許最後解決改編該軍爲北伐第三軍一切服從命令其解散傷亡編組各費及留守香山兩條概行取銷其餘應就該軍原有槍枝定營數多寡編定一營點名後即出發南雄前敵一營經任鶴年元日電復照辦已經飭委核與該代表在尊處所言判然不同殊深詫異此次任鶴年急而求撫重以尊處勸阻用兵是以查照尊處所定收編章程第一第二條改編該司令係來濟光處求撫已由濟光飭委特併奉復濟光叩洽印

龍督來電

肇慶都司令鈞鑒並送李子雲總司令覽奉都司令電知該總司令擬率所部隨同都司令節麾尅日北伐具見該總司令義憤激昂深增敬佩尙希將擬帶營隊數目及布置西江防務情形見告並一切稟承都司令辦理可也龍濟光叩都督龍豔印

陸正司令來電

肇慶岑都司令鈞鑒各路民軍職部迭經布告凡屬同志應就現駐地點各守文明不庸侵越冬日黎二朱廣勝等帶有民軍竄入蘆苞勒繳槍械索詐商民職軍正擬拔隊西行與其擊戰懇卽電飭民軍司令迅飭該路民軍仍駐大塘以安商旅並商李鎮守使飭令駐三水肇軍拔駐蘆苞藉資鎮攝正司令陸蘭清呈冬印

### 陸正司令來電

肇慶分送岑都司令陸都督莫鎮守使李鎮守使鈞鑒冬日股匪黎二朱廣勝潘誠李福朱三翮才黃沛朱水官三林森羅德等因打草不遂糾率北江黨羽千餘水陸並進圖搶蘆苞商埠適職軍拔隊西行回頭痛擊鏖戰數時斃匪百餘奪獲旗幟等件商民安堵該墟商董留軍鎮攝擬商肇軍卽日拔駐蘆苞職軍支日啓程西上謹先電聞正司令陸蘭清呈江印

### 岑都司令致陸正司令電

三水陸統領蘭清鑒江電悉斃匪安商辦法極當甚佩惟尊隊啓程務在肇軍妥駐蘆苞以後希注意岑春煊江印

### 岑都司令致陸都督電

梧州探送陸都督鑒林君虎蒙公委用彼甚感激願爲前驅惟于收拾廣東軍隊有經手未



完事件在煊左右深資臂助尙難遠離公處隊伍完成林暫不到差想無大礙懇卽推情相讓資我長城無任盼禱岑春煊叩佳印

陸都督來電

肇慶岑都司令鈞鑒佳電敬悉林司令虎旣在尊處甚屬得力自應遵照鈞諭留在尊處助理一切請卽轉知陸榮廷叩蒸印

陳司令等致林總司令電

肇慶都司令部轉林隱青先生鑒接庚電始悉前奉各電均未達覽本梯團業於感日成立兵力暫照原議司令部現設化州城我軍頃奉都司令就職宣言踴躍逾恆枕戈待命此後進行方畧懇速示知廣東護國軍林軍第三梯團司令陳自先支隊長鄒武第一團長陳敬第二團長關良志暨全體軍官公叩蒸印

陳司令等來電

肇慶都司令鈞鑒接奉寒電有總司令及四支隊名稱始悉別處報告鈞部與此間情形實有不同原自進師高城之後經將事前連絡軍隊編爲廣東護國軍林軍第三梯團本梯團先已成立第一支隊由暫兼高雷道尹鄒武充當支隊長至楊學紳陳德星何文炳等各營

因遠在雷州故第二支隊編組暫未完備此間情形實在如此至此後進行大畧惟有遵照鈞部冬日電文布告如此可按期以觀後效等示自先等謹奉斯言以爲主旨仍一面整飭軍旅以備北征此外關於托名徇私之舉本梯團各官長概未與聞謹陳林軍第三梯團司令陳自先第一支隊長鄒武第一團長陳敬第二團長關良志仝叩感印

### 莫師長等來電

肇慶岑都司令鈞鑒接委狀承委擎宇爲師長德春揆芳爲旅長兼任團長家瑞瑞華爲團長衡爲參議宇等材愧駑駘功虛汗馬屬大盜竊弓之日應孟津仗鉞之師報國之職應然飲血之期尙遠祇有勉竭涓埃藉酬知遇奮螳臂以當車聞鷄聲而起舞倚馬待命先布區區師長兼潮梅總司令莫擎宇率旅長陳德春藍揆芳團長何家瑞朱瑞華參議莫衡等同叩刪印

### 隆都護使來電

肇慶都司令鈞鑒本日副官楊開運回署面奉溫諭感激莫名所部軍隊原擬編發征湘異常奮發一切情形經電稟在案計自獨立後世儲對於出發防務二者皆已籌備茲北伐旣奉令暫行中止兵力自有餘裕遠懷舊主効力情殷擬遣久經訓練之兵一營扈從帥節如

蒙俯允刻日赴端聽候驅使至楊開運新帶之新軍一營訓練嫻熟前因龍督扣發槍枝故兼習機關槍隊礮隊等藝當茲用武之際未便因噎廢食擬懇鈞座設法給予步槍五百枝以充軍實併備驅遣乞電示遵安邊都護使隆世儲叩支印

岑都司令致三水清遠知事蘆苞章總辦電

三水莫知事國鈞蘆苞章總辦清遠余知事鏞鑒疊接報告北江一帶有假托護國軍名義者多起到處搶劫阻絕交通商民驚恐等情當經飭令第五師撥派迅赴三水相機防剿並電知滇軍王營長嘯撥隊梭巡下游藉利交通合亟電知遇有假護國軍行同土匪之軍隊仰卽商同第五師熊營長及王營長相機剿辦爲要春煊儉印

岑都司令致譚莫林總司令成參謀長陸正司令熊支隊長莫知事電

佛山譚總司令莫總司令新街滇軍成參謀長林總司令三水陸正司令熊支隊長三水莫知事國鈞清遠余知事鏞同鑒據本部參謀駱鳳翔電稱北江土匪因我軍痛剿擬用第六軍旗號乘間逸出赴佛山趨燕塘與龍軍合請飭沿途軍隊防範爲要等語查該土匪等蹂躪地方已非一日今經痛剿便起狡謀仰沿途妥爲防備嚴行痛剿以紓民患岑春煊勸印

岑都司令致莫總司令電

佛山莫總司令鑒疊接三水縣知事本部調查員莫魯楊瑞昌先後報稱近有華僑民軍總司令黎義在三水河口一帶大張布告詐索船戶阻礙交通商民驚恐請急派隊來縣助剿等語查該軍乘虛猖獗行同土匪合亟電達希速查明相機剿辦爲要岑春煊感印

### 岑都司令致莫總司令電

佛山莫總司令鑒前據三水莫知事等迭電稱西南壹帶有華僑黎軍異常猖獗行同土匪等語曾經電請執事撥兵相機辦理在案現由第五師撥派一營尅日前往鎮懾執事自可毋庸撥隊前往以便專注前方岑春煊感酉印

### 葉參謀長莫知事來電

肇慶都司令鈞鑒感豔電先後奉悉正從事偵察間適張師長習率隊於三十日午前午時三十抵三卽會知事商定辦法隨由張師長派熊支隊長略張營副欽各帶兵一排分乘泰西逢源商輪在牒面兩頭堵截陸上由參謀長隨同張師長指揮二十團一二兩連兵士知事親率警察游擊隊並第三師軍隊沿島包圍布置已畢隨視高豎黎字白旗之僞軍輪船鼓輪西上希圖逃脫當由陸上軍隊勒令停輪水上熊支隊長略率泰西輪急駛前追方行停駛卽派員分到僞軍船上勒令繳械曉以利害該軍遂俯首遵繳計共繳各式槍枝四

十四桿子彈一千二百二十一顆手槍二枝軍衣帽各三十五件同時有偽軍陳瑞南及其辦事人李日宣二名持槍登陸意欲逃遁均經軍警拏獲並奪獲槍二枝子彈七十五顆於陳瑞南身上搜出打單字據訊據李日宣供稱爲該偽軍辦事人伊弟李少垣在廣隆雜貨店充當司事招待彼軍等潛來寄宿黎義現在已往清遠等語知事登卽親率軍警往該店檢查起出各式槍十枝子彈一百八十四顆手槍一枝並拏獲李少垣李節生二名除將李日宣陳瑞南李少垣李節生等四名交由知事訊辦外其餘四十四人由張師長會同知事剴切曉諭分別給資遣散勒令卽日出境查此起僞軍竟敢有打單勒索情事實屬不法惟經我軍圍拏卽願繳槍不敢抗拒尙非始終怙惡若悉予顯戮似涉殺降且餘黨尙多特恐迫成挺而走險地方更致多事始從寬辦免滋事端其李日宣陳瑞南李少垣李節生等容候知事覆訊確供分別按擬稟辦繳槍枝擬請撥給三十枝並子彈一千二百顆准由知事具領俾資軍用餘交由參謀長舉存繳廣隆雜貨店一間業由知事查封載宿該僞軍輪船一艘業由張師長交參謀長舉派兵駐守以備巡河之用黎義一名仍一面嚴密查緝務獲究辦善後事宜由參謀長舉會同知事辦理本日午後一時事竣張師長隨卽乘輪離三所有會同辦理各情形是否有當乞核示遵再此日軍警均極鎮靖始終未發一槍市面安

謚如常足紓厪念合併聲明參謀長葉舉知事莫國鈞謹稟卅印

### 岑都司令致莫知事電

三水莫知事鑒據滇桂粵聯合總病院院長鄧弁華等呈稱三水一帶駐軍衆多時當酷暑疾病易滋請設分院以資診治等情到部當經委派該院一等軍醫何肇泉朱植生三等司藥正李植臣三員酌帶夫役藥品迅赴三水擇地開設分院去後用特電知所有該軍醫到縣選地開設事宜希卽妥爲幫助爲要岑春煊銑印

### 岑都司令致福建李將軍電

福州李將軍鑒天降禍亂奸邪交煽坐使國本震撼土宇離析追惟前事實所痛心茲幸天心厭亂項城卽世黎大總統依法繼承國家卽安兵爭自解前途瞻望欣感同深如煊衰庸本無遠志迫於公義勉出視師夙有宣言項城朝退則煊夕隱今幸初志克伸信誓可踐一俟軍中之事部署稍定卽當告歸田里長作幸民一切善後事宜亦經遣使入京恭請大總統訓示辦理惟閩粵邊略前曾互派有兵防守此固疆場之事不得不然現在閩粵一家無復此疆彼界防戍之兵當然撤退敝處所派方司令聲濤軍隊早經飭令停止進行其駐防黃岡大浦等處之軍現亦飭令莫師長擎宇一律撤回惟據該師長稱閩屬詔安永定一帶

尙有軍隊防守擬請尊處亦予調回云云特電奉達仍候卓裁賜覆閩粵比鄰幸依樾蔭倘荷不棄衰朽時錫匡規尤私衷所熱禱者也岑春煊叩號印

岑都司令致贛省李將軍戚巡按使電

南昌李將軍戚巡按使鑒前者項城稱帝民心胥憤兵端旣啓和議無成滇桂之師久頓城下不得已而有聯軍出發之舉以促大局之解決然誓師之始卽已一再宣言袁氏朝去義師夕偃天心厭亂項城奄逝黎大總統依法繼承維時滇軍步隊已抵韶州當經電飭停止進行卽於所在地方暫行駐紮以候後命至大局旣定軍事如何收束亦經敝處派遣代表入京恭請大總統訓示辦理惟從前出師之際道路傳播不無異同用敢專電奉達敬乞代爲布告以息羣疑至煊衰朽之年本無用世之想徒以公義所迫勉出視師今幸私志克伸信誓具在一俟善後諸務稍有端倪卽當解甲歸農返其初服夙欽偉望敢布區區偷辱不遺幸賜教益無限感禱岑春煊養印

贛省李將軍戚巡按使來電

肇慶岑西林先生鑒養電敬悉民國再造賴公維持愛國熱心中外共仰純等欽佩德望尤爲傾慕無旣際茲建設伊始經緯萬端切要之圖莫急於收束軍隊我公首務及此具徵尊

重統一愛護人民之盛意邦人頌德早遍西江乃公下逮謙光欲懷高蹈而國人則曰我公不出如蒼生何願公以國爲重始終維持上以贊元首維新之化下以慰羣生望治之心不特大好中華得公而益增璀璨卽此贛疆南部仗威而永保安寧大局之福實公所賜純等待罪贛疆時深兢惕愧無建樹莫濟時艱惟此衛國保民之志息事寧人之心一息尙存不肯稍懈茲承明教敢貢素懷尙乞時惠南鍼用匡不逮除遵照尊電辦理以宣盛意而釋羣疑外謹此電覆惟祈垂察是荷李純戚揚同叩感印

### 岑都司令安民示

軍人天職 本以衛民 兵苟不戢 民何以生 我軍紀律 素號嚴明

師行所至 三令五申 爲民除害 允慰輿情 商民人等 共見共聞

各安生業 耕市不驚 爲此示諭 其各懍遵

### 岑都司令解散民軍示

照得軍隊之設 所以除暴安民 近聞各處土匪 往往結黨成羣

到處張貼告示 自稱各路民軍 公然搶劫城市 以致民不聊生

軍隊職責所在 豈容坐視橫行 合亟明白曉諭 務卽解散自新



倘再聚衆肆劫 惟有執法嚴繩 爲此布告遠近 其各一體凜遵

岑都司令禁止招兵示

大局底定 禁止招兵 倘敢故違 一律嚴懲

岑都司令密令查辦劉中堂文

爲密令查辦事頃據本都司令部稽查員報告本日晨間有廣保軍艦艦長劉中堂在南門外娼寮率衆肇事等情正飭查間旋據劉艦長具詳前來捏報有匪邀擊語多支離尤爲胆玩除令莫總司令會同查辦外查衛戍地方爲該總司令專責合亟令仰該總司令遵照會同莫總司令迅將該艦長傳到嚴行審訊得有確情即便先行派人看管嚴議懲辦以肅軍紀是爲至要切切此令李總司令耀漢

岑都司令組織軍事審判令文

爲令委事本都司令治軍素嚴就職伊始即明定軍紀宣佈於衆無非爲維持地方保護安甯起見詎有廣保艦長劉中堂於本日晨間胆敢在南門外娼寮率衆滋事亂槍放擊情弊似此目無法紀殊堪痛恨當經令飭李總司令莫總司令迅將該艦長傳到訊辦在案茲據莫李兩總司令呈稱已將該艦長劉中堂傳到請示核辦等情合行組織軍事裁判派員會

審爲此特委第四軍李總司令耀漢爲軍事審判長江防周副司令天祿都司令部參謀部林作戰主任攝第三軍劉參謀長志陸第六軍余參謀長福謙江防江大艦馮艦長廷燦第四軍陶執法長樂夫滇軍李副官長炳榮爲審判官第四軍葉執法員文興都司令部參謀部陳委員國璜爲筆記員卽於本月七日午後二時各集第四軍李總司令部開庭秉公嚴訊務得確情具報以憑懲辦此令

### 岑都司令宣布劉中堂罪狀示

爲出示曉諭事照得軍人以恪守紀律爲宗旨保護治安爲職務服從命令爲依歸三者俱備方副軍人之名免爲害羣之馬本都司令治軍素嚴執法不阿就職伊始卽已明白宣佈務望互相勸勉乃有廣保軍艦艦長劉中堂於六月六日晨間在南城外娼寮率衆滋事釀成命案當經組織軍事裁判委任李總司令耀漢爲審判長江防副司令周天祿都部參謀部林主任攝第三軍劉參謀長志陸第六軍余參謀長福謙江防馮艦長長燦第四軍陶執法長樂夫滇軍李副官長炳榮爲審判官飭令傳提該劉中堂及一千人證到案研究呈候核辦去後茲據該審判長等呈稱據劉中堂供稱當日酒後在桂金寮歇宿尾房一早起身行經頭房見內一不知姓名客人挾有駁壳槍一桿卽轉至校場看操少停回艦聞有槍聲

或係小竹砲不得而知伊卽帶水兵四五名持槍向寮轟擊伊亦曾發兩槍妓女麗香轟斃當係流彈誤傷質之葉鄭氏則稱天明時突聞頭房詈罵有人掀簾起身查看見劉艦長出外以爲無事不意竟帶隊數人持槍向伊寮轟擊不特葉鄭氏言之鑿鑿卽其自發兩槍已承認不諱身爲艦長狎妓已干軍律乃敢私帶水兵向娼寮放槍傷斃人命滋事後復擅自開輪逃避又捏報搜捕革黨兇橫詭譎尤爲不法惟案關軍官滋事釀命審判長未敢擅便其應如何辦理之處理合錄供呈請核辦等情前來查該劉中堂以艦長而狎妓已屬大干軍律後見妓女桂金寮內頭房歇有一人心中嫉妬遂謀殺機擅率水兵多名執持槍械向妓寮亂行射擊致將桂金同寮妓女麗香擊傷登時身死實屬凶惡已極此不能恪守紀律其罪一旦使附近居民于白晝大都之中候聞槍聲隆隆相率驚惶罷市肇城軍隊林立若非各士兵素守紀律地方擾亂何堪設想此不能保護治安其罪二及滋事後復敢捏情妄報稱查匪黨又不聽候核辦擅行開輪逃逸此不能服從命令其罪三該劉中堂旣已置身軍界似此種種不法情無可原之理罪犯不赦之條本都司令本擬量爲末減質之法不可道咎由自取除飭李總司令會同莫總司令遵照軍法將該劉中堂革去軍職卽行槍斃以肅軍紀而昭儆戒並飭高要縣緝緝在桂金寮內頭房歇宿之不知姓名人務獲嚴辦外合

行出示曉諭仰該軍民人等一體知悉凜遵勿違切切特示

岑都司令宣布林安遠詐冒事實示

爲出示曉諭事照得潮州人林安遠卽林少梅於本部成立之始前來投効當委任爲本部參議兼潮汕籌餉督催員詎該員利慾薰心借勢招搖詐騙巨款勒詐商民迭據旅滬潮州會館廣肇公所及被害商民周松舟先後電陳稟控種種不法情形殊堪髮指迭經電令潮汕莫鎮守使查明嚴辦乃該員不知悔復擅刊印信自稱護國軍第七軍總司令具呈請委前來實屬胆玩已極當經嚴詞批斥將所有委任該員之參議及兼充籌餉督催員差使立予撤消不准再以此項名義到處詐騙并飭將先後經手籌捐各款核實造報來部以憑核辦一面通令各軍知照并令飭潮汕莫鎮守使登報聲明以杜詐騙各在案近據報告該員竟敢以兩廣都司令部參議兼潮汕籌餉督催員第七軍新編師長潮梅第一師總司令顧問潮汕籌餉局會辦及討龍臨時總司令名義擅自印刷佈告多張分貼各處通衢冀以搖惑人心藉便私圖謬妄至此實屬駭人聽聞其玩視刑章破壞軍紀厥罪實無可道誠恐各屬士民不察真僞聽其蠱惑遂受詐欺除已令飭潮汕莫鎮守使嚴行查辦并登報聲明外合行出示曉諭爲此示仰各屬紳商士民一體知悉須知林安遠卽林少梅其本部參議

及籌餉督催員差使早經撤銷其第七軍新編師長及討龍臨時總司令等名目均係該林安遠擅自冒稱并未奉有本部委任該紳商士民等毋得被其愚弄倘林安遠此後有冒官圖騙招搖勒索情事許被害人扭送就近官廳軍隊從嚴究辦倘或甘受欺蒙暗中附和抑或扶同隱飾別有希冀則屬咎由自取本都司令執法惟嚴不能爲若輩寬也其各凜遵毋違切切特示

劉委員壽朋梁知事日東呈文

爲呈覆事九月十九日奉鈞令內開案查已撤本部參議兼潮汕籌餉督催員林安遠前以私刻印信擅稱第七軍總司令一案經將該員撤去差委令飭潮汕莫總司令查辦嗣將該員獲到發交第四軍李總司令押候在案久懸未訊茲據莫總司令呈覆前來亟應派員審訊以資判結查有本部參謀廳文牘委員劉壽朋高要縣知事梁日東堪以委任爲會審委員合行令委仰該委員即便會同該知事刻日將在押林安遠一名提訊錄供詳擬具報核奪切切此令計發林安遠案卷一宗辦結仍繳等因奉此委員壽朋遵卽會同知事日東函請肇陽羅李鎮守使將在押林安遠一名提解至縣於二十日下午一時在高要縣署會訊並傳本案關係人周松舟到庭備質訊得供詞另摺繕呈並據林安遠將登有源來源源兩

店廣告報紙一張周松舟將親供一紙呈堂請核前來當飭將林安遠一名還押羈所周松舟仍回原寓靜候核辦查周松舟控林安遠一案其倚官嚇詐擅捕債權各節均無確實證據惟欠款一事則兩造均已承認事關錢債係屬民事訴訟範圍且其訴訟管轄應在被告源來店營業所在地委員等奉委會訊係軍法會審其關係民訴之部分未便越俎祇將其關於軍法之部分擬律呈報查該犯林安遠未奉都司令委任私刻印信擅稱第七軍總司令殊屬有干軍紀查陸軍刑事條例第六十八條載關於軍事上爲虛僞之命令通報或報告及詐傳命令通報或報告者依左例處斷同條第一項載戰時軍中或戒嚴地域處三等以上有期徒刑因而失誤軍機者處死刑或無期徒刑各等語查該犯犯罪地點在戒嚴區域以內適與本條相當但未至失誤軍機按律應處三等有期徒刑惟據該犯供稱印信告示均係他人代做卽派左新爲營長駐紮龍山鎮事該犯亦不知情到九江後卽呈報都司令嗣奉批斥卽將所部解散並無絲毫違抗且該犯前此奔走國事不無微勞略迹原心情殊可憫查陸軍刑事條例第一百零三條載暫行刑律總則與本條例不相抵觸者均適用其規定又暫行刑律第九條內載本總則於其他法令之定有刑名者亦適用之但有特別規定者不在此限又暫行刑律第五十四條載審按犯人之心迹及犯罪之事實其情輕者

得減本刑一等或二等各等語該林安遠一犯本刑爲三等有期徒刑擬請加恩酌減二等處五等有期徒刑八個月其關係民事訴訟之部分似應由該案債權人向有管轄權之司法機關另案起訴抑或由鈞部咨交廣東高等審判廳發交該案有管轄權之衙門審理是  
否有當伏候鈞裁所有奉委會訊林安遠一案緣由理合繕具供摺連同奉發卷宗一束周  
松舟親供一紙備文呈請批示祇遵再此呈由委員壽朋主稿會同知事日東辦理合併陳  
明此呈 兩廣都司令岑

# 兩廣都司令部考實目錄

## 第二編 政事

岑都司令梁都參謀布告

岑都司令禁賭告示

隆都護使來電

岑都司令致瓊崖文武電

岑都司令致廣州警廳電 一二

岑都司令呈大總統並致國務院參陸兩部電

岑都司令致上海各報館電

岑都司令致陸軍大學校長電

岑都司令呈大總統並致國務院國會參陸兩部電

大總統覆電

國務院參陸部覆電



岑都司令呈大總統並致國務院電

李都參謀致蔣次長電

岑都司令呈大總統電

岑都司令爲姚暄等請卹電

岑都司令呈大總統並致國務院電 一二

國務院復電

岑都司令呈大總統電

皖省議員來電

岑都司令致鈕代表電

岑都司令致新疆楊將軍電

岑都司令致唐都督電

唐都督覆電

岑都司令致李督軍臧省長電

陸督軍爲湯覺頓死事通電

岑都司令陸陳督軍李總司令李都參謀通電

岑都司令致龍督電 一至九

龍督覆電 一二三

岑都司令致隆都護使電

李都參謀致普分統電

李都參謀致唐督軍電 一二

李都參謀致雲南騰衝縣電

岑都司令與李總司令等捐貲修黃花岡先烈諸塋電



# 兩廣都司令部考實

## 第三編 政事

### 岑都司令梁都參謀布告

兩廣護國軍都司令岑春煊都參謀梁啓超爲布告事春煊啓超承兩粵愛國軍人責以大義委任今職職之所在惟專北討地方之事宜賴有司豈謂受任之初父老已環以愁痛慘迫來訴拒絕則有所未忍解救又苦於不能本爲除民之害始起而討袁孰知袁未及討而民先受害誰實爲之惟有自責敢布數言爲民請命兩粵雖同爲獨立之區粵西則閩閩安堵比戶謳歌粵東則都會戒嚴四鄉震恐國賊方盤踞幽燕久稽顯戮吾粵以天府之邦爲中外觀聽所集而內部糾紛若此豈惟不足資以討賊且恐重爲海內外之所竊笑頗聞各路各種軍隊其忠義奮發紀律嚴整者固多其托名徇私因利乘便者亦不少甚或焚燒民居截劫鄉渡以致途旅梗絕民食蕩然問其主名所在或則揭陸軍警備軍某營某團之旗或則樹護國軍革命軍某路某隊之幟眞僞不分兇殘相競慘聞呼籲惻惻痛心夫分防各地之軍隊受國餉糈爲民干城勤匪安良乃其職責豈容意氣報復虐及善良更推於各路

民軍起義之初志其根本目的在於討袁其過渡程序在促進粵省獨立粵今獨立程序已完袁猶負覬目的未達龍督既宣稱親自厲師嚴裝北伐且旦信誓有衆共聞可按期以觀後效豈宜徒懷悁忿日釀葛藤致大慙匿笑於吾旁而父老蹙額於吾後乃若嘯聚萑苻假託名號既不齒義師之列卽不爲義師所容豈惟國法所必戡抑亦鄉里所同嫉旣爲全省之公患卽當與全省共討之民軍諸領袖皆命世之英救時之彥必不肯以衛國徽號供彼輩之護符又豈忍以己身令名任他人爲點污益深益熱謂宜哀此無辜能發能收不能無望賢者若夫省中原有軍隊當此國難洊臻之日正爲戮力致命之時請纓出征者固不能稍事淹留捍圉居守者亦自當益聲紀律偷效尤以恣志將何說以解紛怨毒亦積於人心責任當歸於主將春煊以衰朽之軀啓超以文弱之質勉承推委豈任鉅艱睹此痛心不辭苦口所望貔貅抗顏之士各念覆巢完卵之艱毋令黃龍痛飲之師翻作牛刀割雞之用鄙言若相採納實大惠於閭閻公安長此紛紜必思以報父老特此布告咸使聞知

### 岑都司令禁賭告示

爲出示嚴禁事照得義師之興本爲人民除害賭博害民至慘至酷本都司令嫉惡性成凡害民病政之端尤爲深惡痛絕現值軍務倥傯地方秩序未定對於龍前督所辦各項賭博

未能剷除淨盡方切疚心乃近聞外間不肖之徒竟妄謂本部現因軍餉浩繁有准將番攤白鴿票花會弛禁之說藉以淆亂衆聽須知軍餉縱極困難祇有整頓稅源力謀救濟本部司令於新增捐項尙不輕准承辦重人民之負擔况番攤白鴿票花會三項久懸例禁論其弊害則釀成械鬥製造盜賊流毒婦孺傾蕩財產長國民之情性敗國家之法紀略舉大概爲患已不勝言斷無聽令死灰復燃重禍吾民之理惟粵人嗜賭根性隨觸卽發不預禁止流害何窮除通令厲行查禁外合行明白曉諭爲此示仰軍民人等一體遵照如有私開番攤白鴿票花會者卽爲干犯禁令准由該地軍警嚴拿按律重辦本都司令執法素嚴慎毋以身試法自蹈罪戾切切此示

### 隆都護使來電

肇慶岑都司令廣西行營陸督軍鈞鑒欽廉歸併廣西治原爲廣東向來鞭長莫及爲廣西開放海口就近發展商務又爲人民謀生計爲國家鞏固邊防免使欽廉人民恐蹈安南之續耳上年世儲巡閱邊境力倡此說龍督濟光拒納不聽苟能在龍門設軍港由北海商埠建築幹道北達南寧西達龍州雲南南達東興實爲中國西南防禦之重要與其向不經意者一改而爲邕省之門戶外操香港商務之利權內修國家之兵備整頓於無形長治久安

莫此爲甚世儲憂心國事非粵人亦非桂人爲國家政治問題起見化省域務國防應請彙齊人民之請愿以圖利國現陸公赴粵庇新揆厥事實陸公難爲置言懇請岑都司令商指桂省內地縣份若干與互換實行鞏固邊防政策並懇代電大總統國務院總理付諸國會審議以便實行之處伏候鈞裁再欽廉練兵扼要爲對外門戶鎮使既獲國防之責宜設欽州合併陳明欽廉鎮守使隆世儲叩篠印

岑都司令致瓊崖文武電

急瓊州黃鎮守使朱道尹暨蘇參謀長黃副官長警衛軍鍾幫統黃營長楊營長章營長游擊隊黃統帶警察局蒲局長各縣知事同鑒勸電悉瓊崖孤懸海中我文武百執事捍衛地方勤勞備著所請另給委任一節自應照准以重責成陸督軍奉命督粵當經迭電中央請催迅赴粵任已荷俞允復經派員赴桂迎候敦促早日啓行以定粵局卽希督飭所部將士地方有司加意供職共保地方是爲至盼任狀隨發岑春煊卅印

岑都司令致廣州警廳電

廣州警察廳長鑒粵省前經濫發紙幣賴中央撥款始得五折收回粵民感受痛苦前鑒不遠現龍不日離粵臨去時猶擅發紙幣延期三月始准兌換強迫行用意在捲逃豈知時屆

三月龍已早去券留禍粵繼任者又孰負責無怪商民咸懷憤激迫成罷市言之痛心該廳長應體念民艱毋得強迫干涉至要岑春煊東印

### 岑都司令致廣州警廳電

廣州警察廳凌廳長鑒近閱報載龍督交卸在卽賤價變賣官產多處是否屬實仰該廳長澈查具報並出示曉諭不得擅行買賣候陸督到任核辦以杜弊端岑春煊元印

### 岑都司令呈大總統並致國務院參陸兩部電

北京大總統國務院參謀部陸軍部鈞鑒竊自去秋帝議潮湧百政弛荒四民輟業而尤以青年學子爲熱誠所盪寧棄學業相繼離校責以經常之義豈宜出此惟際彼四海鼎沸之會迫國人奔走之機心實無他理宜曲諒查有陸軍大學保定軍官學校清河湖北兩處陸軍預備學校暨北京軍需學校各校學生類皆肄業有年成績優美此次先後南行投效軍中近聞各該生等以大局底定請咨遣回校期竟所學足見志趣遠大煊爲國家愛護人才起見茲收束軍事之際用敢據情電請可否賜予矜原令飭該五校校長所有自帝制發生後離校各生准予一律回校肄業之處惟乞察核電示不勝感禱岑春煊叩元印

### 岑都司令致上海各報館電



急上海各報館均鑒自去歲帝制發生凡北京陸軍大學軍需學校保定軍官學校清河湖北陸軍預備學校各校員生紛紛離校或奔走國事或投身軍中無非出於愛國之一念今大局底定經煊電呈大總統國務院陸參兩部准其回校肄業以竟全功在案頃奉院部復電開肇慶岑都司令鑒元電敬悉凡在帝制發生以後輟業各生已交由陸軍部及訓練總監分別通告准於本年九月內一律回校其餘因他項過失或病弱退學暨逾期未到者卽難再收特復院部諫印等因合行通告希卽代爲登佈以期各校員生一體知悉俾免延誤不勝盼切岑春煊馬印

岑都司令致陸軍大學校長電

北京陸軍大學胡校長鑒貴校學員陳良佐龍振麟朱爲珍三員前在敝部第六軍供職尙稱得力現敝部正籌收束該員等亦聲請回校肄業除核准給予川資外合行電達請煩查照爲感岑春煊叩文印

岑都司令呈大總統並致國務院國會陸兩部電

北京大總統國務院參議院衆議院陸軍部參謀部鈞鑒自前清末季改練陸軍省設專校國派留學先後畢業數逾累萬始則量能授職時傳選調之榮繼則缺少官多頻抱向隅之

憾閱時愈久閒散愈多患氣所乘遂成鼎革有才不用良可寒心逮入民國袁氏謀改帝制乃不以前清爲殷鑒而更變本加厲摧殘學生不遺餘力卽以段總理馮督軍之公忠體國猶在疑忌之列其他現役軍官曾畢業於陸軍學校者皆恐其不忠於己或處之閑散或逕予廢棄甚至密其監視嚴以刑誅軍中旣無適用之才乃別練模範團不惜以新兵出充將校宄雜猥濫騰笑四方此軍心之所以沮喪國本之所以動搖也今幸共和恢復天日重光士盡輸誠人爭效命煊嘗盱衡旣往審念方來當茲尙武世界旣不能高談銷兵則圖將來之進行弭目前之隱患國家於此等軍人自不能不妥爲籌畫量能授職示大公無我之心除舊布新泯統系門戶之見可否飭由陸參兩部將全國現處閑散陸軍畢業學生詳細調查重加甄別區爲現役預備役及改充防營軍官三等其列入現役者應分發各省各師儘先任用列入預備役者或另設講習處所補習軍學按其資格程度之等差給以相當之贍養其未經在陸軍學校畢業而曾經補授軍職者亦應分別調查考試酌量補習軍學以備錄用其不及格者勒令改圖別業庶幾突駟奔駒士有必循之軌學成致用國多可造之才是否有當伏祈衡核施行岑春煊叩勛印

### 大總統覆電

肇慶岑雲階先生勸電悉改良軍政端在整理人材來電指示積弊洞中肯綮已交參陸兩部核辦矣黎元洪支印

國務院參陸部覆電

肇慶岑雲階先生鑒電悉盱衡軍國蒐討羣材偉識蓋籌無任欽佩中央對於陸軍學生及職官等正擬分別安置辦法正與尊意相同俟大局稍有頭緒即當著手進行國務院參陸兩部支印

岑都司令呈大總統並致國務院電

北京大總統國務院鈞鑒溯自帝制發生西南倡義兩廣都司令部於以成立其時國難方殷軍書旁午所有外籌大計內簡軍實促時局之解決者實賴羣策羣力相與有成而本部職員之中自起義以來或參佐機謀或襄理戎務或供指臂佐使之用或效奔奏疏之勤雖大小殊材而艱苦一致現在收束之際既不忍沒其勤勞且多有用之才尤未便任其棄置茲擬由煊就各職員中量其材能加之揀選分別送請中央發交院部暨咨送陸督軍朱省長量材錄用以示鈞座宏獎人才至意是否之處伏乞核示並請分飭陸督軍及朱省長查照岑春煊叩銑印

### 李都參謀致蔣次長電

北京參謀部蔣次長鑒頃閱報載陸軍大學校招考新生辦法規定各省皆得派送現都司令部收束在卽各職員中其由軍官學校出身年在三十歲以下操行學術體力與規定資格相符者約有十餘員擬請准予一律送考惟都部不在規定派送學員各機關之列考試手續繁重收束之際不能舉行而該員等向學情殷兼在軍中頗著勞績倘得加之深造成就必有可觀我公作育爲懷敢懇商請王總長逾格裁成俾得入學受驗實深感佩如何立盼電示李根源叩刪印

### 岑都司令呈大總統電

北京大總統鈞鑒章太炎先生遭遇暴亂久在禁錮我大總統初政意必有明夷之見訪夫豈待太學之上書頃從報端見浙江呂都督電謂先生尙居北寺未獲南歸虎豹九閭深憂壅蔽乞垂明察曲予護持庶學者之有師幸斯文之未喪不勝大願輒用瀆陳岑春煊叩卅印

### 岑都司令爲姚暄等請電文

呈爲姚暄等四人在粵死事擬請酌予撫卹據情轉陳仰祈鑒核事竊據兩廣都司令部副

都參謀李根源第六軍總司令兼第四師師長林虎第一混成旅旅長程子楷會呈稱竊以帝制發生人心憤激愛國之士奔走呼號斷脛陷胸以期一當其時西南大勢繫於廣東故經營粵事爲最殷而身死粵難者亦最衆前仆後繼忠烈凜然不爲表其志行何以昭茲來許根源等時居香港聞見既眞且多與共籌謀未敢聽其湮沒謹將姚暄王賓如李進修郭鴻鈞等在粵死事顛末爲鈞座縷陳之姚暄一名文華字蘊山貴州大定縣人由貴州陸軍小學畢業升入湖北陸軍中學肄業辛亥武昌舉義充湖北都督府軍務部科員南北統一辭職歸省旋入保定軍官學校未卒業而籌安會起遂棄學出走於民國四年十一月二十一日在粵省密謀獨立事洩被捕時根源等匿跡香港拯救無從泊都司令部成立傳聞尙拘粵獄曾經呈請鈞座電龍省釋乃龍復電稱未奉電前數日該生已在獄病故惟據調查所得則該生於被捕後尋被誅戮龍電所云實係飾詞第無論被誅或遭瘐斃該生之死要之以身殉國事實固已證明王賓如字用之湖南零陵縣人畢業於廣西南寧隨營學堂曾充廣西龍州新軍排長辛亥反正隨師北伐升充陸軍第八師連長旋升營長癸丑之役力戰負創後遂匿跡香港暗設機關日謀再舉帝制議起欲與粵軍將士聯絡促成獨立適根源與子楷由東至港遣其賈書密約鄭旅長開文共圖首義旣知鄭無兵柄發難無資復觀

往各營竭力運動被龍查覺遣曠桓武捕之槍斃於觀音山死前備受酷刑尤爲慘痛李進修雲南鶴慶縣人雲南講武學堂畢業生辛亥反正隨根源西征委充雲南第二師騰衝獨立大隊連長後在粵充第二旅教練官時與根源通訊痛心國難詞極慷慨去年九月在廣州潛謀獨立事洩被捕非刑詰問同黨體無完膚終不株連一人遂被槍斃郭鴻鈞湖南湘潭人辛亥反正充南京留守府衛隊連長後在粵充河源統領部總稽查於民國五年三月十二日在惠州河源獨立而勢孤兵單卒爲龍部將曹鼎鐘所殺賣志以沒尤堪悼惜以上四員與根源等或親從講業或曾隸行間或以聲氣之求深相訢合或在艱危之際終始不渝爲國捐軀後先一轍方今共和再造足慰死士之心而潛德未彰有待褒揚之請用敢臚其事實合詞上陳合無仰懇仁施轉請中央優予撫卹以彰忠烈而慰幽魂之處伏候衡核施行等情據此春煊覆查核姚暄王賓如李進修郭鴻鈞等均當帝制發生之後在粵圖謀獨立先後被捕遇害爲國捐軀實堪欽悼茲據該副都參謀等合詞具呈前來核其事實亦均覈實合無仰懇鈞座特沛仁施量加撫恤之處出自衡裁所有擬請給卹緣由是否有當均乞大總統鑒核施行謹呈

岑都司令呈大總統並致國務院電

北京大總統國務院鈞鑒前廣東警察廳長陳景華綏靖處督辦陳仲賓當辛亥改革之初地方俶擾之際盜賊蠡起秩序蕩然或盡力清鄉或整飭警政保安治盜厥功最多而陳景華辦理警察能使道不拾遺萑苻息迹粵人至今頌其治績癸丑之役該廳長督辦守職不去龍濟光乘時入粵思以殘殺立威同時被害全粵冤之竊癸丑違法兩大案爲袁謀帝制之漸是非功罪幸及袁氏之身而大明以春秋無將之誅論當時死事之士凡被刑戮宜蒙矜恤而該廳長督辦臨變死職實堪敬悼陳督辦仲賓忠勇誠樸爲煊舊部知之最深陳廳長景華當煊督粵時見其才堪幹濟委署貴縣後因辦匪過當戮及無辜嚴劾去官未嘗有所庇徇用敢臚其實代求湔雪以勵守職之士而彰褒闡之仁又滇人李仲德亦煊素識在粵商中名譽卓著辛亥之際龍濟光意存觀望李以舊誼開說百端龍始附義事係粵省安危去歲帝制旣興毀家紓難與李根源鈕永建林虎熊克武程子楷等共圖粵事尤力密謀獨立爲龍所覺因其夙負時望不敢顯加誅戮密遣趙越誘殺沉屍滅迹尤堪憫惻敢懇鈞座念其爲國之誠矜其死事之慘一併優予褒卹以資激勸伏候鑒核示遵岑春煊叩佳印

岑都司令呈大總統並致國務院電

北京大總統國務院鈞鑒竊自帝制之興義師四起不獨西南各省同在鋒鏑之中各將士臨敵死綏有進無却血膏原野至可憫傷卽其他特起異軍桴鼓相應前仆後繼同贊共和又如匹夫仗義烈士致身正氣所存國賴以立皆未忍聽其湮沒且自近歲以來國變迭見政潮所激死事尤多雖操行不必盡同而愛國之心則一方今共和再造品彙昭蘇凡爲國殤宜蒙褒卹擬請自癸丑以後及此次戰役隕命將士暨各地死難人士由我大總統明頒命令飭部議訂辦法令行各省詳細調查彙報分別給卹並由各處地方設法撫其遺族並准由各機關團體人民臚列事實呈請核辦以免挂漏而廣上仁是否有當伏候鑒核施行  
岑春煊叩卅印

### 國務院復電

肇慶岑雲階先生鑒堂密卅電敬悉各將士爲國捐軀誠堪憫卹眷懷諸烈惕焉心傷捧讀名論良鬱欽敬現已定於國慶日宣布明令分別褒卹矣國務院庚印

### 岑都司令呈大總統電

急北京大總統鈞鑒頃接鈕永建冷遙耿毅章梓諸君自滬來電稱皖省議員管鵬等來云倪嗣冲於文日猶槍斃前捕黨人張文烈等十二人其餘拘留待死者尤多且復緹騎四出



應懇代電中央爲民請命等語皖議員管鵬李迺環王濛凌銳宋發譚性洋牛善繼等復經連電前來伏念黨獄鉤連於茲累載寃疹之氣充塞兩間我大總統正位以來與民更始釋囚訪落天下始蘇凡我有司承法宣化若猶令愛國之士駢首市曹無罪之人啣冤犴獄小之係一省之政治大之繫天下之人心用敢代爲上聞並懇明令各省前因黨獄牽連者並予查明釋放以慰民望幸甚岑春煊叩魚印

皖省議員來電

肇慶軍務院鈞鑒倪嗣冲竟於南北協議之際文日槍斃前捕黨人張文烈等十二名拘囚待死者尙多且縱騎四出日夕大索皖民何辜獨遭鉅劫務懇鈞院電詢北京政府明白解釋俾知死所臨電隕涕毋任屏營旅滬安徽省議員管鵬李迺環王漢凌銳宋發譚性洋牛善繼叩巧印

岑都司令致鈕代表電

上海中華新報轉鈕惕生先生鑒前接巧電暨管鵬諸君電經卽轉請明令釋放頃奉大總統篠電開銑日接魚電悉黨獄牽連良深憫惻已於文日通電一律釋放矣堪紓遠念特聞等因請轉管鵬諸君爲荷岑春煊皓印

### 岑都司令致新疆楊將軍電

新疆楊將軍鑒頃據由新來肇學生董志成等呈稱前此新疆舉義死囚諸員一馬一滇省講武堂畢業歷充貴州營長支隊長一夏鼎滇省陸軍學生曾任新疆軍署副官一李寅保定軍官畢業曾任新疆營長以上三員死事甚烈又張鳴遠鄔銘魁杜國珍李森春向友益陳顯白以上六員皆在新疆供職事敗被捕迄今尙囚新獄懇請轉電尊處對於死者家屬酌加撫恤囚者迅予開釋優加保護等情前來查該生等來自新省情詞迫切除據情電請唐撫軍長查奪外相應電請飭查分別撫卹開釋並盼示覆無任感禱岑春煊青印

### 岑都司令致唐都督電

雲南唐撫軍長鑒頃據由新來肇學生董志成等呈稱新疆舉義死囚諸員一馬一滇省講武堂畢業歷充貴州營長支隊長一夏鼎滇省陸軍學生曾任新疆軍署副官長一李寅保定軍官畢業曾任新疆營長以上三員死事甚慘又張鳴遠鄔明魁杜國珍李森春向友益陳顯白以上六員仍囚新獄請求電懇我公對於死者先撫慰其家屬徐爲從優請卹囚者迅電新省尅日開釋並酌加保護等情前來查該生等爲虎口餘生所陳當係實事除據情電達新疆楊將軍外相應電請飭查酌奪辦理是幸岑春煊叩青印

唐都督覆電

肇慶岑都司令鑒青電悉查此案茲據各處報告業由敝處專電新疆楊將軍查照分別辦理該員等死事甚慘應卽彙交中央從優議卹以勵忠烈而慰幽魂特覆唐繼堯叩儉印

岑都司令致李督軍戚省長電

南昌李督軍戚省長鈞鑒據上饒人樂挺志徐佩琛呈稱前因在贛東獨立致被上饒縣知事查抄家產變價犒賞岳營株連被累者數十戶請電貴督軍省長准予飭縣發還等語素仰貴督軍省長保障人權特爲電請查核原案准予飭縣將查抄樂挺志等家產概予發還以雪黨獄而示寬大惟祈酌奪見復岑春煊有印

陸督軍爲湯覺頓死事通電

急肇慶抄送岑都司令李省長滇軍李總司令廣州朱省長三水莫鎮守使雲南唐督軍任省長貴陽劉督軍成都羅督軍重慶戴巡閱使長沙譚省長西安陳督軍杭州呂督軍南寧陳督軍上海梁任公先生並轉蔡督軍鑒任公梗電如公勘電循公全電舜公卅一電均奉悉湯君覺頓奔走國事慘死非命含冤未伸身後蕭條事畜無資慘狀悽情路人淚下我輩曾同袍澤傷痛益深任公爲之追悼勸賻義不容辭如公提議由起義各省將湯君爲國致

身之慘狀請莫公主稿掣銜聯電大總統從優議恤循公提議由任公纂其事實再交莫公尤爲精細廷意仍請任公起稿時加入請中央派員查辦死事情形勒緝兇手懲辦以正國法而慰英魂如何仍候公決榮廷叩支印

### 岑都司令陸陳督軍李總司令李都參謀通電

萬急雲南唐督軍任省長貴陽劉督軍成都羅督軍重慶戴會辦長沙譚省長西安陳督軍杭州呂督軍南寧陳督軍署上海梁任公先生並轉蔡督軍廣州朱省長鑒近梁任公先生爲湯君覺頓發起請卹已承諸公一致贊同足徵高誼惟海珠事變有譚君典虞名學夔王君叶吉名廣齡同時死難兩君並皆一時俊傑經營義舉尤具苦心與湯君駢死賊手同等泰山之重此次請卹並懲辦主謀緝捕兇手似宜將三君併爲一事惟湯君清貧徹骨身後更爲蕭條卹典或須特加隆重之處請爲斟酌諸公如以爲然乞卽分電任公託以此意擬稿不勝企禱岑春煊陸榮廷陳炳焜李烈鈞李根源叩蒸印

### 岑都司令致龍督電

廣州龍都督鑒現有陳觀賢黃志漢兩人於本月十四日在省城被偵探捕去查該兩人均係學生年齒俱幼并無黨事嫌疑請卽查明釋放至禱岑春煊叩印

岑都司令致龍督電

廣州龍都督鑒羅有庸明安達兩人於四月由滇到粵聞被拘未詳何故又前陸軍輜重營副營長黃花壽無辜被嫌現押陸軍第二監獄統希查明釋放爲幸岑春煊叩印

岑都司令致龍督電

廣州龍都督鑒去歲粵安客棧一案謝慎修謝敬修以黨事嫌疑被逮繫獄粵既獨立理應省釋卽乞迅速提出釋放以昭公道岑春煊叩印

岑都司令致龍督電

廣州龍都督鑒查有方南岡前爲檳城光華報記者去歲底因運動廣東獨立本年正月寓澳同嘉賓酒店託名雷信被盧偵探誘解至省久困獄中請查明省釋至盼並希電復岑春煊敬印

岑都司令致龍督電

廣州龍都督鑒保定軍官學生姚文華號蘊山貴州平越人去歲十二月十五日因黨事被拘方今用人之際必邀涵濯之仁用敢代爲申請查明開釋公私交感岑春煊東印

岑都司令致龍督電

廣州龍都督鑒現在拘禁廣州陸軍第二監獄之郭廷光原名漢君於甲寅年十月到粵聞因黨事被捕有林草根一名亦係涉及黨事被押內獄均請飭查從寬省釋又周子括一名早經請釋在案請仍彙查一併釋放統希電復岑春煊洽印

#### 岑都司令致龍督電

廣州龍都督鑒頃據本部參議周平珍由桂電稱壽豐號夥關阿枝向係安分正商不意鄉團圍搜南海松崗墟受人誣陷拏解福軍李福林營中紳耆聯保未釋懇轉電開釋等語查關阿枝素行端謹據稱被匪誣陷敢祈轉飭福軍查明省釋爲荷岑春煊冬印

#### 岑都司令致龍督電

廣州龍都督鑒有劉晉彬劉文彬兩人於去歲八月十日先後因事被逮入粵聞該兩人平日尙屬安分粵旣獨立似宜多施恩澤以新仁風懇卽將該兩人提出省釋至爲盼禱岑春煊微印

#### 岑都司令致龍督電

廣州龍都督鑒查有鶴山縣古勞鄉民劉鏗於去年九月六日被捕查該民前帶廣保兵艦緝捕有功民國三年辭職歸里從事農業并無黨事關係懇查明釋放至禱岑春煊感印

龍督覆電一

肇慶岑都司令鈞鑒李副都參謀鑒都司令暨副都參謀東電均悉保定軍官學生姚文華前因黨事被拘經親提訊問見其少年英俊將來尙可爲國效用故特留未懲辦數月以來該生讀書寫字尉稱安詳察其言論亦甚明白正擬量材錄用詎該生忽患痢疾繇纏經旬竟於前月二十三日因病身故殊堪憫惜承詢特復濟光叩冬印

龍督覆電二

肇慶都司令鈞鑒支電敬悉鄧兆佖采據何營解押到署飭各營查察俟明再爲電聞濟光叩支印

龍督覆電三

肇慶岑都司令鑒文電敬悉省監在禁之郭見聞顧公球卽饒公球王熙文林秋輪林素睿駱机杜治三劉權初陳錫章等犯均已先後省釋其羅仁甫等二十一名所犯情罪不盡關黨案容卽逐一查明分別發落謹覆濟光叩刪印

岑都司令致隆都護使電

廉州隆都護使鑒據陳眞如來部聲稱家父均塔叔均銑向不干預村事實被駐合浦縣公

館墟薛天修團連長吳忠達誤會索銀四千元未遂將其捕送廉州尙有地方紳士三人同被逮解懇請電達廉州當局查明省釋等語查陳眞如熱心國事頻年奔走今幸自由恢復歸理家務突遭此難同人深爲扼腕合亟電達希速查明省釋並酌加保護仍將省釋日期電覆爲盼岑春煊梗印

### 李都參謀致普分統電

廣州都督府轉普分統少堂鑒台從蒞止款接未周歉仄無似保定軍官學生姚文華號蘊山貴州平越人去歲十二月十五日因黨事被拘現在與民更始品物昭蘇該生有用之材似更在寬假之列頃蒙西林電請子澄都督查明釋放並懇鼎力代爲陳請俾得早邀湔白公私同感李根源東印

### 李都參謀致唐督軍電

雲南唐督軍鑒源里人張文光於上年楊春魁占據榆城確未與謀祇以仇家構陷而幼臣在榆亦復不察始末無辜受戮心實惻然旋聞我公灼知其冤欲爲湔白因非其時無法挽回且在袁氏禁網之下平反易涉嫌疑此中難言之隱爲滇人所共見亦根源所深悉者也方今共和再造黨禁大開前之海外捕亡獄中壘繫者皆得重歸祖國恢復自由實拜我公



首義之賜仁聲義聞豈獨宏被四表抑且下燭三泉張君家本赤貧身後母老子幼無以爲生倘荷我公特沛仁施量予撫恤則湛恩汪濊洞幽矚明生者獲免於飢寒死者亦啣恩於地下矣如何之處仍候衡裁李根源叩號印

李都參謀致唐督軍電

急雲南唐督軍鑒微電敬悉張文光死事蒙我公明察覆盆恩周地下特加湔雪撫卹優隆不獨死者啣環生者戴德推茲恩義所播尤爲觀感之資循誦之餘感仰何極茲已遵示電告該家屬具文呈由騰衝縣轉詳請領以資贍養隆施高義謹代申謝李根源叩青印

李都參謀致雲南騰衝縣電

急雲南騰越端木縣知事轉張少三中將家屬鑒源於上月號日致滇唐督軍電文曰雲南唐督軍鑒源里人張文光於上年楊春魁占據榆城確未與謀祇以仇家構陷而幼臣在榆亦復不察始末無辜受戮心實惻然旋聞我公灼知其冤欲爲湔白因非其時無法挽回且在袁氏禁網之下平反易涉嫌疑此中難言之隱爲滇人所共見亦根源所深悉者也方今共和再造黨禁大開前之海外逋亡獄中纍繫者皆得重歸祖國恢復自由實拜我公首義之賜仁聲義聞豈獨宏被四表抑且下灼三泉張君家本赤貧身後母老子幼無以爲生倘

荷我公特沛仁施量予撫恤則湛恩汪濊洞幽矚明生者獲免於飢寒死者亦啣恩於地下矣如何之處仍候衡裁李根源叩號印等語拍發去訖頃接唐督軍復電開肇慶李印泉先生鑒號電悉查張君文光前在榆亂案內經謝前使汝翼列狀呈報中央有案惟重以尊囑自應追卹前勞通融辦理檢查中將因公殞命例給予一次卹金六百元以贍遺族請轉飭具領特復唐繼堯叩微印等因特爲轉達准給卹金希卽具文呈由騰衝縣轉詳請領少三死事深堪痛悼唐督軍特予瀚雪援例給卹尤爲恩義兼盡少三雖死亦可無憾已代電申謝並告李根源青印

### 岑都司令與李總司令等捐貲修黃花岡先烈諸塋電

佛山陸督軍廣州朱省長省議會九善堂院商會鑒辛亥三月二十九一役實開民國之先聲正氣所存英靈如在廉頑立懦百世猶興煊等撫再造之山河益念共和之源本聞黃花崗先烈諸塋樵蘇未禁封築不完殊不足以慰英靈而昭來許諸公義聲夙著定有同情如何加之修葺以表先烈而資觀感之處務乞斟酌施行所需費用卽乞鼎力籌集茲由煊捐洋一千元烈鈞捐洋三百元根源適彥永泰鑄士釗各捐洋一百元以資開辦款隨派員齎呈聊效壤流之助至祈警入爲盼岑春煊李烈鈞李根源冷適曾彥楊永泰盧鑄章士釗同

叩支印

# 兩廣都司令部考實目次

## 第四編 粵事

岑都司令致龍督李總司令朱鎮守使電

岑都司令致龍督電二件

岑都司令致獨立各省通電二件

岑都司令呈大總統電

滇軍李總司令通電

岑都司令致唐梁諸公電

岑都司令致廣州警察廳電

韶州紳商學界通電

岑都司令呈大總統並致國務院電

上海廣肇公所來電

唐梁溫王諸公通電

粵國會議員徐傅霖等呈大總統電

粵國會議員徐傅霖等來電

廣東護國軍各司令通電兩件

粵省議會通電

岑都司令呈大總統電

惠州人蘇里平致章祕書長函

大總統致伍唐兩公電

岑都司令呈大總統電二件

岑都司令致唐梁兩公電

兩廣護國各軍司令通電

岑都司令呈大總統並致段總理電

岑都司令呈大總統並致國務院電

岑都司令呈大總統電

大總統致岑都司令電

岑都司令呈大總統並致國務院電

岑都司令呈大總統並致段總理電

大總統致岑都司令電

陳代督通電

唐撫軍長通電

唐撫軍長來電

岑都司令致唐督軍電

岑都司令通電

隆都護使通電

高雷鎮守使道尹等通電

岑都司令致龍督電

岑都司令致粵紳鄧小池電

林總司令來電

林總司令來電

林總司令通電

莫譚兩司令致龍督電

李都參謀致段總司令電

李都參謀楊道尹致段總司令電

段爾源來電

李都參謀楊道尹致段總司令電

岑都司令致段總司令電

岑都司令致各總司令電

岑都司令呈大總統並致國務院電二件

陸督軍來電

岑都司令致陸督軍電

廣東護國各軍司令致陸督軍電

岑都司令呈大總統並致國務院電

大總統致岑都司令電

岑都司令通電

浙督軍來電

譚莫兩總司令來電

岑都司令致各軍司令電

岑都司令呈大總統並致國務院電四件

陸督軍通電二件

岑都司令呈大總統並致國務院電五件

林總司令來電

岑都司令呈大總統並致國務院電三件

岑都司令致贛督軍電

岑都司令致閩督軍電

唐督軍通電

陸督軍通電

李總司令來電兩件



李都參謀轉李總司令致程君理堂電

李都參謀轉李總司令致內務孫總長電

岑都司令呈大總統並致國務院電

岑都司令致黃柏兩公電

岑都司令陸督軍會呈大總統並致國務院電

翟旅長來電

岑都司令呈大總統並致國務院電四件

成參謀長來電

花地沙螺堡局紳來電

廣東紳商學界來電

秀水團保局紳來電

岑都司令通電

唐督軍來電

岑都司令致贛督軍電

岑都司令致陳總長電

楊廳長致梁任公電

陸督軍呈大總統並致國務院各部電

岑都司令呈大總統並致國務院電

廣東紳商學界通電

廣東公民張國光等通電

高雷鎮道等來電

高雷欽廉瓊崖紳商通電

高州紳商學界通電

高雷鎮道來電

各屬商會來電

岑都司令與九善堂代表之談話

兩廣都司令部考實 第四編 粵事 目次



# 兩廣都司令部考實

## 第四編 粵事

岑都司令致龍督李總司令朱鎮守使張師長電

火急廣州龍都督鑿江口行營李總司令韶州朱鎮守使張師長鑿龍都督箇電敬悉韶州兩軍衝突雙方報告其詞互異煊已遣參謀兩員前往調查必求迅速解決現時兩方務宜守定駐兵地點不得再開攻擊至爲盼禱煊臨去之躬際此紛擾遠念粵局近思己身俱引爲恨惟從中調處亦祇能盡其力之所能爲務求誠協兩公深諒鄙意不使粵局糜爛是爲厚幸百感在念臨電慨然岑春煊皓印

岑都司令致龍督電

火急廣州龍都督鑿號電誦悉昨接滇軍李總司令電稱滇軍露宿數夜城門緊閉販賣斷絕據情婉求朱鎮守使概置不理又以大礮擊滇軍各情當經迭次電達并飛電李總司令迅飭滇軍毋得急切從事候與尊處妥籌辦法去後來電據報各情雙方互異現已派參謀兩員前往澈查惟既經衝突自以迅速解決爲最要現應如何辦理仍懇卓裁迅示爲盼岑

春煊叩號印

岑都司令致龍督電

萬急廣州龍都督鑒頃接滇軍李總司令電開肇慶岑都司令鑒義密前電陳朱鎮守使開炮轟擊滇軍各節計邀鑒察茲接探報朱使因滇軍防範嚴密所謀未遂懼罪有所歸棄城遁去滇軍爲地方安寧起見已入城鎮攝等語報告前來竊滇軍奉命出贛經過各地紀律本極森嚴乃因朱使示敵意行爲致肇事端殊出意外前事已矣來日方長除飭各司安慰各軍外請示維持辦法無任感禱烈鈞叩號印等語煊處覆電如下號電悉滇軍過韶致以朱鎮誤會釀成事端實屬恨事茲滇軍既已入城務飭嚴守紀律加意鎮攝所有維持辦法俟與龍都督商妥後再行電聞春煊號印等語究應如何辦法請飛電示復岑春煊叩號印

岑都司令致獨立各省通電

急雲南唐撫軍長貴州劉都督永州行營陸都督南寧陳護督杭州呂都督湖南湯都督滇第一軍行營蔡總司令松坎戴總司令資州羅總司令永州望總司令長沙林總司令寶慶陸師長梧州譚總司令鑒滇粵桂聯合軍前由軍務院編制完竣陸續出師通電奉布在案

嗣滇軍各部隊出發後旋由北京電傳袁世凱身故黎大總統依法繼任當經令飭前方軍隊於所在地暫行駐紮聽候命令仍由該管長官嚴加約束以肅軍紀乃昨接滇軍李總司令巧電稱行抵琶江聞火車不通當派諜查據稱滇軍到韶州後露宿城外已經數夜城門緊閉販賣斷絕據情婉求朱鎮守使概置不理朱又以大礮轟擊滇軍情形危急烈鈞中途阻隔車復不通徒喚奈何除再飭詳報外究應如何辦理祈火急示遵烈鈞叩巧印云云當經轉電龍督請飛飭韶州朱鎮守使停止轟擊妥籌辦法以免糜爛地方並由敝處飛電滇軍毋得急切去後嗣接李總司令號電稱前電陳朱鎮守使開礮轟擊滇軍各節計邀鑒察茲接探報朱使因滇軍防範嚴密所謀未遂懼罪有所歸棄城遁去滇軍爲地方安寧起見已入城鎮攝等語報告前來竊滇軍奉命出贛經過各地紀律本極森嚴乃因朱使示敵意行爲致肇事端殊出意外前事已矣來日方長除飭各司令安慰各軍外請示維持辦法無任感禱烈鈞叩號印又接同日電稱韶州之事滇軍爲自衛計相機抵禦原非得已茲據兵站報告駐源潭之粵軍節節前進大似欲攻擊我保護兵站之軍隊者又疊據各隊報告滇軍過清遠時城內外恆向我軍放槍云云似此情形將何以處除飭各軍鎮靜毋躁請賜維持非特滇軍之幸烈鈞叩號印各等語除先行電飭滇軍嚴守紀律加意鎮攝並轉電龍

都督妥議辦法外特電轉聞卽希亮察岑春煊叩馬印

岑都司令致獨立各省通電

雲南唐撫軍長貴州劉都督永州行營陸都督南寧陳護督杭州呂都督長沙湯都督四川滇第一軍行營蔡總司令松坎戴總司令資州羅總司令永總司令長沙林總司令寶慶陸師長梧州譚師長鑿馬電計達茲復接滇軍李總司令養電開承示龍督號電具悉滇軍在韶露宿絕食婉商罔應暨朱使開礮亂轟各情迭經電陳諒蒙鑒察查韶州一隅濟軍數千列礮十餘滇軍主客勢殊寡衆不敵苟非煎迫已甚何至衝突龍督所云當係朱使架誣冀以掩其開釁之罪尙希明察等因特電轉達岑春煊叩漾印

岑都司令呈大總統電

火急北京大總統鈞鑒漾電宥奉謹悉前當停戰期滿和議無成始議分道出師以促大局之解決迨滇軍行抵韶州欣聞我大總統依法繼任卽電滇軍李總司令飛飭停止進行暫就所在地方駐紮聽候命令旋接李總司令電稱韶州朱鎮守使閉城撤渡杜絕販賣滇軍露宿絕食艱苦萬分據情婉求通融遽被朱鎮守使開礮轟擊烈鈞中途聞變無法防維請迅予維持等語當由春煊電達龍都督迅飭朱鎮守使停止轟擊妥籌辦法免搆兵衅糜爛

地方並一面飛電李軍毋得急切從事去後嗣接龍都督覆電又稱因李軍函致鎮道勒交餉銀以致開衅云云究竟此次衝突是何原因不能不迅爲查明以求妥速解決復分電龍都督李總司令轉飭兩方軍隊各守駐兵地點不得再開攻擊卽由敝處委派參謀兩員前往調查確情妥議辦理現在甫經派往尙未據復此兩軍衝突及先後調處情形也春煊衰病之軀日夜求退祇以部署未定未敢遽行不意臨去之時睹此紛競捧讀鈞電彌切憂惶究應如何辦理之處應懇我大總統派員查辦以息爭端粵局幸甚岑春煊叩宥印

### 滇軍李總司令通電

萬急雲南唐撫軍長肇慶岑撫軍副長并轉各都督各司令鑒頃接黎大總統馬電開萬急韶州李總司令鑒據報告稱貴軍出師赴贛取道韶州到境卽責令地方供應米鹽柴草並口糧一萬二千元棚廠捐款三千元又搜查粵路琶江護路之槍枝子彈復阻修電綫斷絕交通皓日函致鎮道索餉十二萬元限五分鐘答覆當經鎮道邀集紳商籌措許准萬元號日下午五時礮轟韶城商民大恐等語披閱之下殊深疑慮執事手造民國艱苦備嘗一片息事寧人之心早以昭示天下現在雙方解決不難從事磋商昨日電託彭君程萬代達鄙意倘尊處近日如果需餉就近會商龍將軍設法接濟何乃持極端主義致啓內爭素稔執



事治軍嚴明極所欽佩嗣後務望嚴飭所部恪守紀律勿再向商民勒索至損聲威是爲至要元洪馬印等語當卽覆電文曰萬急北京黎大總統鈞鑒奉馬電無任惶悚鈞素性亢爽夙承知遇明光繚繞莫可翳熒然畫蟲鼓聲亦亂正響積毀銷骨昔賢所鄙人已有言鈞何能嘿謹披辭引端布其始末當項城傲睨一世移鼎盜鐘舉世若暗之日烈鈞奮義其間賴唐公生死至交假以兵權伐性誓衆祇期遮撥強權伸其夙抱洗華族先民一人橫行之恥盪滌穢瑕宣揚國光苟諸夏清明共和有造則長揖賢彥歌舞湖山豈其有所要求驂如俗吏乃於師旅整集揚旆北出之時忽滇南邊陲疊傳烽警移兵搏擊始獲靖寧旋承唐公之命兼藉陸公之威轉其前旌鼓行東下軍紀明肅將士知方千里間關秋毫不犯由滇至肇城邑千百塵閭萬億風雨泥塗飢疲跋涉從無敢僭蔽室廬私驚草木我父老所嘗遮道攔觀崇獎不置者何來惡聲謂滇軍入韶多方勒索其爲誣讟豈待辯陳且駐韶粵兵精卒數千列礮十餘內外布防刁斗百里滇軍到韶僅及數百衆寡殊形主客異勢謂少數滇軍竟貿然於此行使強權夫誰肯似鈞率主軍進次清遠車路阻絕苦不獲前迭據前軍報告僉稱韶城鎮道實閉門以拒且威持民庶吝其市易致宿養暴露士卒怨誹鈞誠薄德不足以義師之行化格遠近乃重勞將士受茲險艱慚顧中邦鬱陶何極雖然護國之業非圖苟安

實以明政撥亂反治宜有奮圖然羣音振空非能獨響翱翔容與澹然興懷故初抵端州粵中賢彥頗因武力政治猝然解綱朽索六馬肢體離解糾棼狼藉民生敝瘡羣以禍水流行切齒怨毒前傷炮灼後懷淵羅雲雷布屯衆口咄集義詞聳逼神鬼爲驚徒以袍澤晷縢江漢瀾瀾黯然傷沮矯首冥移輒復推陳赤心共事提挈師行所經復曲徇要言繞茲北流重自抑損自忖磊落坦平宜獲鑒信猶遭茲譖忌夫復何言然唾沫橫飛三軍踔厲顧瞻周道中心悁悁至韶事原委已電陳軍務院遠辱知諭謹貢戇愚烈鈞叩漾特奉聞烈鈞叩宥印

岑都司令致唐梁諸公電

梁任公先生並轉唐少川溫欽甫王亮疇三先生均鑒華密頃接滇軍李總司令協和電文白軍務院轉上海唐少川梁任公溫欽甫王亮疇先生暨粵省旅滬全體諸公鑒滇軍出發以來鏖戰數月馳驅瘴癘千里跋涉始抵粵中旋值和議無成停戰期滿奉軍務院命令與桂粵各軍會師中討而前軍甫抵韶州復聞袁氏殞命黎大總統依法就任國命有託民意攸伸義軍第一目的於茲已達卽令停止進行駐韶以俟後命乃韶州朱鎮守使閉城拒渡布兵設防既斷交通復絕販賣滇軍露宿絕食計無復之抑憤求情竟被礮擊萬不獲已始施行正當防衛之手段該鎮守使既肇釁端復棄城而遁滇軍因以商民之請已由張師長

開儒整兵入城暫行維持秩序烈鈞中途聞變防範無由實深負疚尙幸平定迅速未至危及地方以重烈鈞之罪用敢陳其始末以告塵懷至於滇軍行爲地方公論具在朱鎮守使多方架誣以圖脫卸縱能蔽龍督一人之聽豈能沒地方衆口之真無俟烈鈞置辯且粵中近年以來政治如何軍隊現象如何尤諸公所深知非烈鈞所宜喋喋也烈鈞三年奔走皮骨已空返國以來此念惟在討賊今賊既自斃私志克伸憂患餘生亦甚願得隙退藏稍事休養惟是滇軍遠來不能不妥籌安頓一俟善後之事粗有端緒卽當解甲歸隱以遂夙懷敢布區區統祈亮察李烈鈞叩漾印等語特代達聞春煊叩有

岑都司令致廣州警察廳電

急廣州警察廳凌廳長鑒茲有署名廣東自治研究社廣州總商會九善堂院公安會救災公所所發箇寢兩電指稱滇軍沿途勒捐商民情事查滇軍由滇出發經桂到肇沿途恪守紀律事實具在衆論可徵此次在韶兩軍因何衝突情形亦已顯著兩軍平日名譽孰優孰劣尤爲人所共知但既有人指稱前項情事卽不能稍事含糊當經揀派余參謀長惟謙趙參謀濂前往澈查務得實在如果滇軍確有勒捐商民之事自有法繩其後否則軍人名譽所係滇軍亦必不甘是此事無論虛實均當切實究辦今該兩電言之鑿鑿究竟有何憑證

是否親見不得不亟爲查明惟來電混用團體名義並無主名有無假冒情弊希卽迅傳各該團體主任人切實詢取姓名親供切結送部核辦並盼電覆至要岑春煊感印

### 韶州紳商學界通電

萬急北京黎大總統段國務總理雲南唐撫軍長肇慶岑都司令各省都督各總司令暨各機關各報館鈞鑒袁逆不道敢姦天位滇軍首義遐邇同欽旌旗所指黎庶安堵此次由肇來韶俾嶺表各邑之民獲親軍容壺漿款接幸愉何如乃南韶連鎮守使朱福全聞滇軍將臨卽准備攻守逮滇軍抵韶更多方阻難如緊閉柵門遮斷交通不准滇軍到市杜絕商民與滇軍交易等等使滇軍露宿江岸進退不得至十九日晨光聞帽子峯礮聲及關上礮聲轟然不絕晌午而滇軍入城矣下午市面始開照常交易各隊紀律嚴明秋毫無犯滇軍節制於此益信此滇軍到韶實在情形也頃閱報載龍督號電云云展讀之下駭異殊深夫滇軍到時露宿江岸近市猶且不得兩次勒捐竟從何處着手至云函致鎮道勒索一節鎮道當紳商等辯明絕無此舉並無邀集紳商等籌撥之事種種妄誕實屬捏造誣讒紳商等感荷滇軍重義到韶賴托庇護今忽橫被口語雖白璧之難污究鑠金之宜辯事實眞象切近者詳恐誑言亂聽眞理沮沒用特布達代表區區伏乞垂鑒韶州紳商學界全體公叩感印

岑都司令呈大總統並致國務院電

北京大總統國務院段總理鈞鑒頃據汕頭來電稱肇慶岑都司令鈞鑒報載廣東自治研究社七十二行商會九善堂救災公所公安會暨各團體聯名箇電稱李烈鈞率師過韶勒餉割電開礮轟城各節閱之曷勝駭異查李軍由滇而桂而肇慶三水清遠所過秋毫不犯閭閻又安此次兩軍衝突釁自誰開省韶窺遠懸隔千里無從悉其真相何敢妄置是非箇電所陳概係被人捏造既非眞意誓不承認合電陳明廣東自治研究社七十二行總商會九善堂救災公所公安會暨紳商學界同人自汕頭發等語查韶事起後廣州紛紛以自治研究社商會善堂各團體名義通電指稱滇軍勒捐情事曾經煊處電省令其確實證明以便查辦迄未據復茲又自汕來電聲稱前電係人捏造此中情僞當在洞鑿謹電轉陳岑春煊叩篠印

上海廣肇公所來電

肇慶軍務院鑒廣州公團來電列廣東自治研究社等暨全體紳商善界字樣毫無主名以一等印電發行顯係龍子誠都督受濟軍怙惡跋扈各統領脅制冒名擅發况證以吾粵紳商私家電信及東西洋友邦官商報界所得確電皆爲舛由濟軍所開情形反背查濟軍分

子紛雜歷年以來衆怨沸騰不自今始致子誠都督前統龍軍保衛治安成績毀棄以盡此等亂軍龍公殆已失統馭之力請將朱軍懲辦解散以爲不顧大局擅開兵釁者戒除電復廣州自治研究社等請其協力扶持正義勿爲威武所屈以禍粵者禍中國全局外謹特迫切電陳乞鈞院主持嚴辦毋再養癰吾粵幸甚大局幸甚上海廣肇公所伍廷芳唐紹儀陳維翰譚國忠溫宗堯王寵惠等公叩印

### 唐梁溫王諸公通電

肇慶軍務院岑撫軍副長廣西行營陸都督南寧陳護督廣州香港報界公會均鑒儀等以粵局危急特電大總統其文如下北京黎大總統鈞鑒龍濟光督粵三年假國權爲恩怨縱兵士爲虎狼視生命財產如草芥以刀鋸斧鉞爲兒戲綜計三年之中其傾人之家滅人之門寡人之妻孤人之子直無十百千萬之數可言但聞哀哭詛咒之聲不絕袁氏旣倚爲爪牙粵民遂無從呼籲日者義師之起滇黔桂湘皆以討袁爲無二之名惟吾民則以去龍爲切身之實方民軍之起於四方計此賊可殲於一鼓盜亦有道竟假獨立爲護符人望太平又復原心而略迹然桂粵同一獨立治亂之勢懸殊桂則秩序井然人民安樂粵則閭里幾盡邱墟村邑至絕薪米推求其故蓋龍濟光知結不解之怨於民遂集全省之兵以自衛乃

使州縣患匪省城患兵要其督粵三載惟守觀音一山此山而外雖舉廣東全省土地化爲灰土人民化爲蟲沙固非該督所惜也天幸袁殞人慶復蘇粵民茹痛之深本難須臾復忍徒以大總統就職之始不欲遽以一隅爲言且計該督腥聞於天爲大總統燭照所及因是隱忍佇待後命不意該督知難久安其位又以取銷求媚於中央一面大捕黨人復萌故智近更橫挑戰禍染血韶州以該督三年所造之孽卽此痛懲前非人已不共戴天該督且變本加厲本日忽傳策令竟以巡按賞功該督前此專管軍政殺人已不聞聲若并兼理民政粵人寧有瞧類大總統用人行政此爲權輿粵人雖至懦極愚豈同草木用敢迫切電陳務望收回成命並將該督立予罷斥解粵民之倒懸仁德猶偏於一省使貪酷者知儆觀聽實動乎萬方倘蒙賞其知兵師長之席固衆若或多其治績他省不難量移萬一論其收涓獨立之功則有勳章諸等具在粵民雖不敢望大總統伐罪以救民大總統亦何忍驅粵民入阱以示德昔者所謂國家用人自有權衡一語本爲專制作威作福之言已違自我民視民聽之義况以該督罪跡昭著敢請派人遍詢婦孺除彼所親但有舉其毫末之功誣罔有刑所不敢避此實千夫所指咸以該督爲寇仇當蒙一線之仁早出粵民於水火大總統以共和爲幟當不以民意爲嫌儀等無憑藉可言敢以哀詞上請不勝迫切待命之至唐紹儀梁

啓超溫宗堯王寵惠叩徑

粵國會議員徐傅霖等呈大總統電

北京大總統段總理鈞鑒龍濟光督粵三載與民爲讎苛稅萬端稅政百出厥罪不足勝誅國人皆曰可殺然濟光不特括民以自肥更殺人以爲樂縱厥將士肆毒閭閻劫掠必出於官兵奸淫公行於白晝按門大索擇肥而噬亂黨之號逢人可加死刑之條隨口而定粵民三年以來動足投陷阱舉手觸網羅不知命在何時相將坐以待盡其剝肉劓心而宛轉呼號以斃於淫刑之下者千萬人其破家滅族舉村落財產而付於一炬之中者千萬家怨氣徧於婦孺哭聲滿於道路陰沈黯淡全省無復生人氣今之倖而僅存者皆死骨之餘也帝禍勃興義師奮起濟光獨窮殺黨人以媚獨夫廣輸民膏以供帝費北帝南王狼狽爲奸迨桂兵已薄於肇慶民軍繼起於潮梅義聲所鼓民氣大昌咸以救民首貴於伐罪討龍且急於討袁當此賊已困於垓中計逆巢可覆於旦夕乃大盜多術詭計萬端竟假獨立之美名爲護身之妙訣粵民顧念大局許其來歸釋彼前愆視同一體然紛紜匝月一矢未加於敵人詭祕陰謀慘殺竟現於海珠旣而鑒袁氏之已死懼粵民所不容始則密電取消求媚於政府今復甘爲戎首喋血於韶州灰天下向義之心釀粵省糜爛之局不義如此詎復能容



乃大總統爲其所惑策令褒獎命綰軍巡羣情惶惑全省震驚褒此賊以豐功置粵民於何地推政府之意旣以濟光取消獨立爲有功則今日獨立諸省皆有罪以禍民亂國之濟光爲可獎則反對濟光之粵民皆可誅恐抗力由此滋生和平無可復望或謂濟光擁兵自雄非命令所能去政府鞭長莫及舍羈縻而未由不知數其烏合之衆雖稱萬人語其能戰之兵實無一卒况巢穴所在僅恃險於觀音一山兇鋒所加祇範圍於省城以內大總統雖命彼爲軍民長官各府縣詎復肯受濟光轄治是大局或有融和之望粵省實無統一之機議員等竊念濟光旣有邱山重疊之重罪而無毫髮絲忽之微功粵省旣喪百年蓄萃之英華應留一線未亡之元氣在粵民無婦孺老幼莫不思食其肉而復寢其皮在大總統縱推愛濟光與其視一家哭何如一路哭用敢瀝血呼陳爲民請命務乞大總統懲濟光狼心之不惻憐粵民虎口之餘生速行收回成命并將濟光立予罷斥以安粵者卽以安中國倘大總統優容姑息不肯立罷濟光粵民亦必拚身家性命以與濟光搏惟兵戈一動玉石無分旣陷粵局於戰爭亦失大總統之威信方今民憤已亟誓與濟光偕亡怨毒深中於人心奇變立興於眉睫謹據情上達不勝徬徨之至廣東旅滬國會議員徐傅霖楊永泰鄒魯江瑒盧信李茂之易次乾彭建標黃增耆譚瑞霖黃汝瀛郭寶慈何士果饒美裳謝良牧等叩東

粵國會議員徐傅霖等來電

肇慶軍務院並轉韶州李總司令惠州陳總司令暨全省各司令各道尹各旅長各團體各報館公鑒龍賊濟光督粵三載以殺人爲兒戲踞粵省爲私產假兵士以奸淫劫掠之特權視人民爲土芥馬牛之不若三年以來吸吾粵之膏血剝牀及膚屠吾粵之人民盈千累萬白骨撐柱千里成墟紅血橫飛萬家同殉以致全省咸成瘡疾遍地惟聞哭聲陰霾黯淡疑非人間羣情倉皇不知死所哀我粵民同是人類何辜於天嬰茲浩劫我父老昆弟負難言之隱痛誓致死於此賊也久矣惟恨力不敵耳帝禍旣興義師奮起濟光獨以殺人抗義之功得公爵郡王之錫人心益憤民軍大張咸思齧其肉而食之以雪三年之奇辱乃濟光鑒時勢之日逼急假獨立爲護符粵民不忍苛求釋厥前愆諸公又過事寬大許其來歸遂致集鐵九州鑄茲大錯濟光則以欺人之計旣售殺人之態復萌獨立之旗方颺竟懼失位而嗾變於海珠袁氏之氣未絕卽密取消而求媚於中央今復橫挑戰釁喋血韶州不避戎首之嫌甘釀魚爛之禍不信方今公理漸明之會有此駭世人妖更不謂吾粵民氣極盛之邦任彼一人橫步夫濟光旣負邱山重疊之罪復蒙粵民格外之恩竟敢翻雲覆雨於今茲詎望洗心革面於日後倘再與優容不事討伐則他日益長狂燄粵民必無噍類政府懸隔南

北未悉粵情策令褒獎命縮軍巡褒寇盜以豐功縱虎狼於粵地羣情惶惑舉國大譁議員等已電達政府聲濟光禍民亂國之罪陳粵民水深火熱之痛請卽收回成命立予罷斥使濟光自知罪戾束身自退不妨示以洪量貸其一死倘仍負隅以自固擁兵以自雄是終自甘於冥頑爲全粵之公敵乞速修我戈矛共張天討縛茲毒龍以洩公憤議員等代表人民飽經憂患謹陳三義以告同胞一曰自今以後永不認濟光爲吾粵長官二曰濟光一日不去粵粵省一日不罷兵三曰惟濟光一人是誅脅從罔治其有助濟光以禍吾民者則必誅之無赦凡茲三義心理從同諸公或身縮兵符或情殷桑梓救民之志旣殷殺賊之責莫貸應思一日縱敵百世之憂一誤已甚其可復再乞速舉一勞永逸之兵奠長治久安之局惡魔公理之戰早勝券之我操生死存亡之交惟諸公之是視時機迫切無任屏營旅滬粵國會議員徐傅霖鄒魯江瓊盧信李茂之易次乾彭建標黃增耆譚瑞霖黃汝瀛郭寶慈何士果饒芙裳謝良牧等叩支

廣東護國軍各司令通電

北京黎大總統鈞鑒段總理各部總長徐州巡閱使雲南唐撫軍長肇慶岑副撫軍長各省將軍巡按使護軍使都督各總司令各師旅長各道尹上海唐少川伍秩庸梁任公溫欽甫

王亮疇諸先生暨各報館均鑒粵人苦苛暴久矣比年以來蹣跚於荆天棘地之中呻吟於淫威雪磔之下椎心飲泣無所控訴孰爲爲之而至此極蓋一念吾粵人之苦則龍濟光之罪與之俱深迹其殘酷貪污於大開賭禁躬販鴉片無所顧忌兩年以來全粵無工無商無學之可言徒聞龍氏兄弟及其黨徒所積贓私累數千萬至於誅鋤志士寃殺平民頻年之中以數萬計且復囹圄充盈楊相望子黎待盡尤可憫傷迨袁氏叛國我兩粵將士所在奮興亦欲上擁共和下除民賊維時各郡縣紛告獨立龍濟光勢窮力絀乃始僞相附和冀固其位岑都司令過示寬大許其來歸申誠義旅先國家而後地方我兩粵將士及其父老子弟始各拘怒而息願共忘其前愆希其晚蓋乃奸邪成性罔有悛心盤踞孤山日修戰備種種陰謀層見疊出捕殺正士日有所聞於我起義各軍尤深嫉視之心有不可逼處之勢而又四遣游探勾連軍匪煽動挑逗無所不爲卽如我滇桂粵聯合軍前奉軍務院命令出師後聞袁氏既死我大總統依法繼任前方軍隊卽遵率命令停止進行不謂師次韶州龍濟光卽令其所任之鎮守使閉城撤渡種種刁難滇軍露宿城外無所得食苦與商處情詞哀切乃竟悍然不顧開砲亂轟其仇視義軍一致於此凡我將士痛憤同深方今我大總統已正大位國家自可卽安然非去此兇殘蕩滌邪穢則地方人民終無由重見天日積薪厝

火後患方長揆諸我大總統愛民之心寧忍不爲之所擊字等謹代表全粵軍民泣訴愁苦仰懇我大總統赫然震怒去此荼毒以拔我粵人於水深火熱之中除龍濟光之爪牙鷹犬外事後若有一人不爲稱快以歌頌我大總統之明德則治擊字等以妄言之罪卽被誅戮亦所甘心若我大總統終以擊字等之言爲不足聽不予龍濟光以顯懲則擊字等爲天良所驅爲大義所迫亦惟有致死於賊剖心以謝天下而已迫切陳詞不知所擇伏唯垂察全粵幸甚潮梅總司令莫擎宇廉州都護使隆世儲欽州總司令馮相榮高州總司令車駕龍高雷道尹鄒武雷州司令楊學紳化州司令陳自先旅長陳德春藍揆芳林成登車渭英團長朱瑞華何家瑞李應鈴梅冠英黎柱國潘成秀馮銘錯楊開運胡漢卿周桂森薛治和李居文等謹率潮梅高雷欽廉全體軍民兵士同叩有借印

兩廣護國各軍司令通電

北京黎大總統段國務總理鈞鑒各部總長雲南唐撫軍長上海梁政務委員長唐專使溫王兩副使范谷兩委員各省都督各軍總司令各省（除廣州）將軍巡按使巡閱使各都統副都統各師旅長上海華新報時事新報及各報館均鑒竊滇桂粵聯合軍前奉軍務院命令分道出師恭聞我大總統依法繼承卽經一律遵令停止前進惟滇軍先期出發行次詔

州猝被龍軍開砲轟擊桂粵各軍將士聞報咸深憤激榮新等以大局所關不敢輕動且有聯軍司令主持於上自應靜候解決一再開諭衆忿稍平昨閱龍督號電反誣滇軍在韶勒捐商民鉅萬復利用地方團體名義多方架詞誣蔑軍人名譽關係尤重滇軍被誣影響全體榮新等相距較近諜報時通茲事始末情形未敢默爾而息謹將此中委曲一爲我大總統陳之查滇軍抵肇之初向龍假道出發龍卽嚴守要隘增兵設防假托商會善堂發電拒絕而商會等復不任受紛紛來電聲明龍之陰謀一旦發露軍心卽已不平都司令爲混爭端曲徇其意勉令滇軍迂道北江逆流上駛此龍督對於義軍疾視之初步也迨滇軍行抵清遠登陸始則托言有匪停止開車繼竟斷絕交通拆去鐵軌使滇軍各部隊前後隔絕羣情驚疑且龍軍沿道扼紮每遇滇軍通過卽作攻勢無故放槍此龍督對於義軍示威之行動也滇軍萬里馳驅備嘗艱險抵韶之日韶州官吏竟將所有船隻拘留彼岸滇軍冒雨露宿苦不可支又復緊閉城門密架巨砲杜絕販賣四布防兵滇軍飢疲無所得食苦求設法復被轟擊種種布置謂非龍之主持誰其信之此又龍督對於義軍實行攻擊之毒計也滇軍由滇至肇道經三省屯紮肇慶亦已月餘秋毫無犯道路共知迨抵韶州城閉糧絕救死猶恐不贍尙從何處勒捐商民且龍督對於義軍始終未濟一卒未助一錢肆其奸謀多方

破壞今電中猶敢作滇軍需餉向濟光商取之語喪心蒙面其將誰欺榮新等所部各軍與滇軍同在聯合軍之中同隸一司令之下事同一體餉出一源計自軍興以來艱難支持從未向民間有所徵發滇軍後方接濟如何籌備亦有案牘可稽龍軍入粵以來擄掠姦淫過於盜賊不知軍人名譽爲何物遂漫以勒捐之事歸獄滇軍實爲聯合軍全體所不甘受且滇軍現奉命令謹守原駐地點靜候命令龍督卽利用此時機日夜分遣大隊水陸並進節節近逼包圍滇軍謀報紛來情形日急滇軍間關跋涉以赴國難誠何負於國家而龍督處心積慮必欲舉而殲之以報伊兄覲光抗義敗衄之憤則聯合各軍外迫公義內返天良義不容坐視不救獨念我大總統已正大位載戢干戈榮新等早度推戴粗知紀律何敢不顧大局逞其私鬥惟是事機迫切旦夕卽發不得不仰懇我大總統立奮乾斷以定大難龍濟光督粵三年蹂躪地方荼毒百姓縱兵焚掠千里爲墟鉤黨冤連百口立盡販煙殖利庇賭收規搜括則皮肉俱空囊橐則賍私鉅萬近仍日修戰備以仇人民日朘民脂以養死士粵人痛心飲泣無所控訴我大總統與民更始首在除其毒螫龍督一日不去則粵民一日不安倘蒙我大總統特發明令卽予罷斥並限卽日去粵以全民命而定軍心粵局幸甚大局幸甚危機四伏大禍當前忍死須臾爲粵請命無任悚切待命之至兩廣護國軍第三軍總

司令兼第三師師長莫榮新第四軍總司令兼廣東第二師師長李耀漢第五軍總司令兼廣西第二師師長譚浩明第六軍總司令兼第四師師長林虎兩廣護國軍第五師師長張習獨立第一混旅旅長程子楷獨立第二旅旅長魏邦平江防副司令周天祿同叩卅印

### 粵議會通電

火急雲南唐撫軍長貴陽劉都督衡州桂軍行營陸都督南寧陳護督杭州呂都督湖南湯都督滇第一軍行營蔡總司令滇第二軍行營李總司令松坎戴總司令資州羅總司令鑒頃接廣東省議會議長謝已原副議長孟飛議員容伯挺宋以梅陳俊朋李綺庵伍于簪簡經綸林中靈楊吉謝天聰陳巽簡劉佩書譚仲達林樹墉等八十三人函開龍濟光入粵以來縱兵殘民斂財肥己種種罪惡公所稔知毋待贅述請言其叛國大罪之著者自滇中倡義海內風從獨龍氏助逆最力分遣賊兵繞攻滇後志不得逞乃復密遣子姪擾亂地方不惜舉父母之邦悉付糜爛忍心蔑理莫此爲尤大罪一迨勢窮促詭言獨立冀保祿位海珠謀變殲我三良大罪二日言北伐不發一兵惟以剿匪爲名屠戮良善焚殺淫掠慘無人道大罪三義師餉械絕不接濟乃播散流言藉爲口實聚斂民財陰修兵備大罪四袁氏甫死上不秉承軍務院下違反粵人公意擅行取消獨立大罪五假冒各社會團體名義迭發強



姦民意電報誣我粵人淆惑觀聽大罪六軍務院聯軍出發龍氏增兵拒阻居心叵測懷抱敵意大罪七綜此七事匪惟得罪國民實乃背叛民國叛國何罪豈容不問且吾民久陷水深火熱之中日望披髮纓冠之救前此元凶未剪國難方殷軍務院分道出師不暇給用是停辛佇苦忍死須臾今袁氏天亡國本漸定獨粵人憔悴待盡無所控訴揆諸鈞院伐罪弔民之旨豈能棄置不顧用敢代三千萬粵民請命伏望我撫軍副長商同唐撫軍長暨各撫軍從粵人之望正叛逆之刑由軍務院據情申請黎大總統卽日將龍濟光褫職懲辦另簡賢督粵人幸甚大局幸甚臨電無任迫切待命之至等語並派代表到肇一再請願事關地方人民代表公意未便遏阻合電轉達並祈卓裁電示以便答復爲盼岑春煊叩東印

岑都司令呈大總統電

北京大總統鈞鑒華密頃接廣東省議會議長謝已原等八十三人請願書又據潮梅總司令莫擎宇廉州都護使隆世儲欽州總司令馮相榮高州總司令車駕龍高雷道尹鄒武雷州司令楊學紳化州司令陳自先旅長陸德春藍揆芳林成登車渭英團長朱瑞華何家瑞李應鈴梅冠英黎柱國潘成秀馮銘鏞楊開運胡漢卿周桂森薛治和李居文等來電又據兩廣護國軍第三軍總司令莫榮新第四軍總司令李耀漢第五軍總司令譚浩明第六軍

總司令林虎兩廣護國軍第五師師長張習獨立第一混成旅旅長程子楷獨立第二旅旅長魏邦平獨立第三旅旅長唐紹慧江防副司令周天祿等會呈臚列龍督在粵罪狀僉請轉陳鈞座立予罷斥以全民命而安軍心各等情復經該議員暨各軍司令等先後舉派代表委員或親身到肇一再申請並聲明均經分電逕呈鈞座在案當以該請願書出自人民反復規導分別駁飭去後惟是龍督在粵實爲衆怨所歸煊與有私交屢進規諷扭於近習未肯聽從以大總統之明煊亦何敢爲諱且粵中獨立而後久成分裂之象龍督號令所及不出廣惠一隅煊旦夕卽去之身不足規畫久遠而唐少川梁任公諸公近自滬上來電反復與煊商處並謂粵人公意力請據情入告調龍離粵春煊內察軍心外覘輿論危機四伏險象環生禍變之來旦夕可慮竊謂保全龍督亦無逾此鈞座權衡至當何待瀆陳惟此身一日未去卽不敢默而不言冒昧上聞伏乞裁察電示祇遵岑春煊叩東印

惠人蘇理平致章祕書長函

行嚴友兄足下逕啓者此次興師討賊其標幟固在護國其歸宿端在衛民苟民力任令摧殘又安見國脈之能調護蓋民爲邦本本固而後邦寧實爲政學不易之公例無古今中外

一也自滇黔首義桂省繼之粵東豪俊聞風興起爰有各路民軍一時迸發以故龍濟光亦不得不宣布獨立以固其地位以緩民心惟民心之爲物易動而不易靜詎能單純以獨立二字遏其狂潮冀其寧息故兩月以來粵局紛擾至不可究詰全粵精華消失於此兩月內者奚可計量此誠始願所不及料者也他處之損害非所深悉姑置不論弟惠人也則請言惠州惠州於龍氏宣布獨立前民軍湧起爲數達二萬餘人圍城數周與龍軍相持匝月迭起衝突時有勝負其在戰綫內之十數鄉村如饅頭嶺黃塘上下馬庄永湖馬鞍等處約計萬數千戶都凡三萬人壯者什九死於鋒鏑老弱相率填溝壑或轉徙四方其田圃蔬穀盡被蹂躪其居室廬墓類成灰燼靡有子遺之嘆不圖於今見之然此猶就戰綫內之居民言之也其距戰綫稍遠者宜若可以減輕龍禍矣乃自民軍退散後官軍拔隊前來豕突狼犇視全惠之生命財產爲其戰利品今日屠甲村甲村空焉明日屠乙村乙村空焉而丙而丁以至於癸尙不知紀極查現在既遭其毒螫者如淡水澳頭沙坑洞橫江等處實令人耳不忍聞目不忍觀其兇殘之狀殆非人類所爲天下古今都無此野蠻軍隊凡到一村必實行其所謂五種政策第一則搶劫財物第二姦淫婦女第三焚燒民房第四蹂躪學校第五戕殺教民或同時並舉或以次執行如淡水圩內之謙成大成萬生泰昌公益等店均被飽

掠一空崇雅學校者爲惠州新教育之發祥地惠人稍能知學者皆出其門而該軍一到淡水卽駐紮其中不惜將所有一切校具書籍拉雜摧燒以供炊爨又何姓女塾之女學生大半爲所淫污甚焉者至輪姦斃命其深閨淑媛爲所犯者非羞憤自縊則祕弗敢告人自中產以下之勞勸婦人沿途爲所侮弄者更非所論矣如澳頭之利源義合利美隆友生祥豐永泰永源棧等店不但爲其洗劫乃至店伴身穿之長衣手帶之玉鐲口鑲之金牙亦被盡行奪去其婦女之逃匿深山窮谷者乃亦不避險阻跋涉必追至以飽其慾澳頭圩外有田寮鄉者僻處山陬隔絕塵市婦姑數人相處相得有如世外桃源卒亦不免於禍其他抑可知矣如沙坑洞之山塘尾村葉姓被焚去房屋二百三十餘間淫掠如例田心鄉葉許兩姓塘佈鄉廖姓各被焚去房屋五十餘間淫掠亦如例此外橫江墟之遭搶掠姦淫焚燒等禍視以上各地爲尤烈然此猶就惠州附廓首縣惠陽一邑言之其非附廓而距府城更遠者宜若可免龍禍矣乃龍家軍非舉惠人悉數殲旃終不滿志一若惠人爲其九世之仇也者故如博羅河源各縣或全城被焚或四鄉遭劫將所有子女玉帛囊括席卷而集中於龍之爪牙一等男爵惠州督辦李家品之衙署取之盡錙銖用之如泥沙然此猶曰民脂民膏戰勝者當然之權利也若乃外國之教士奉教之教民宜若不在龍之勢力圈中可以告無罪

矣殊不知其仇視之虐殺之淫掠之又如例也據義大利教士調查目前教堂教民已遭龍禍者不下百餘所都凡數千人聞業既繕具清冊報告都司令部蓋龍禍且及於國外而惹起國際問題矣惠之民怵於五種政策之兇淫也懼其族之將無噍類也冀萬死一生忍命須臾以圖將來之報復也故如驚弓之鳥傾家蕩產扶老攜幼相率逃匿港澳舉不敢歸其稍挾有資者或可支持一二月乃至三四月其貧弱無具者非立爲餓殍則爲人傭奴耳夫同一獨立也在他省乃所以討賊而在粵則所以作賊在他省乃所以護國而在粵則所以賊國在他省乃所以衛民而在粵則所以屠民天下齟心怵目之事孰有過於此者弟瀕年負笈海外未嘗一度回家省親此次正欲叨吾義師之蔭言告言歸藉遂其積年之念不謂甫到香港而家人既流離此間嗷嗷待哺蓋既蒙五種政策之毒而使我無家可歸矣嗚呼天下可憤可恨之事又孰有過於此者方今天殛元兇黎公繼任一切善後問題自應按據法律以次解決當此之時正宜培養民力鞏固國基萬不許再任摧殘致傷國脈乃惠屬駐紮之龍軍方日肆其所謂五種政策而方興未艾此又豈我護國軍首義諸賢之始願所及也耶弟既痛家人之顛連困頓復憫桑梓之蕩析離居中夜徬徨呼籲無目迫不獲已謹將惠屬糜爛情形撮舉以告希將此情轉陳岑公萬懇岑公迅卽設法拯救惠州數十萬垂絕

之生靈庶地方元氣多保留一分卽全國命脈多培養一分則豈特惠人拜受賜而已耶臨穎悽切不知所云蘇理平拜手六月十二日

### 大總統致伍唐兩公電

上海伍秩庸唐少川兩先生鑒頃接粵電謂龍李二軍衝突在卽不勝驚愕溯自政變始生戰端遽啓海內志士擁護共和擐甲執兵前仆後繼元洪獨居深念悲天憫人欽正氣之猶存憂薦蹙之未已天相中國化險爲夷周餘子黎白骨重肉方欲與邦人父老休養生息扶傷恤病俾慶更生微特同爲公僕固當策羣力以救民卽使獨立諸君亦可揭初心以示衆夫粵省非他固吾國統治之下也辛壬以來受禍最烈商空於肆農輟於原轉徙流離慘不忍觀今所存者皆鋒刃之餘也或在公等幃覆之中或爲公等比鄰之地縱使戰禍未息猶當於矢石之下稍保生機方今大局旣平約法國會如願相償國務諸員亦已改組元洪雖閹凡屬庶政無不可開誠布公互資商榷何嫌何疑相殘相殺若必以一朝之忿輕啓釁端十日旣所具瞻百口亦難自解全省人民之慘縱難望君子之哀憐個人權利之爭甯能逃天良之裁判元洪自聞警電憂悸如焚正與芝泉總理籌商務求一適當之策告我粵人尙望各守駐地靜待後命并希岑伍唐諸公代爲勸諭廉藺寇賈古訓不遠區區此心惟爲人

民請命亦且爲國家惜才也電到乞見覆元洪先印

### 伍唐兩公覆大總統電

北京大總統鈞鑒先電敬悉悲憫之懷躍然紙上人非木石疇不同情惟龍濟光稔惡已久積怨實深百孔千瘡於焉迸發此次之爭爲龍粵存亡問題非龍李衝突問題觀庸儀等通電廣肇公所通電莫擎宇等通電國會議員省會議員等通電可以概見卽以龍李衝突而論亦由濟光潛施詭計閉城撤渡絕食轟砲務迫李軍入贛以嫁罪李軍李軍深明大義以入贛無名在韶相持致成決裂此中曲直旁觀者清似未可據濟光先入之電遽疑爲個人權利之爭方今肇煥新猷宜崇民意若以全省痛恨之元惡中央執意包容將共和之謂何欲人心之不解體難矣庸儀等素性愚戇有懷必吐以承明問用敢陳瀆臨電不勝屏營之至伍廷芳唐紹儀叩歌

### 岑都司令呈大總統電

北京大總統鈞鑒華密韶州兩軍衝突後迭電龍督李總司令約束軍隊勿相侵犯嚴守駐紮地點以便妥商解決經於宥電陳明請予派員查辦諒邀鈞鑒頃又接李總司令電稱龍督乘滇軍停止之際連日分派各兵水陸並進圍抄我軍約計向韶州方面進逼者八營向

三水方面截堵七營向黃沙西村各方面散布者四營扼守粵漢廣三各鐵道者八營似此節節逼壓滇軍何以自存一旦再啓釁端烈鈞獲咎滋大請速調處等語參之各方報告證以新聞紀載情形大致相同當經先行電復李總司令暫仍堅持鎮靜免再肇釁去後惟清遠以上電報旋卽不通李總司令消息斷絕現在情形如何無從得實兩粵各軍司令又復文電沓至詞意激昂咸思去龍以紓粵難雖經剴切開導冀安軍心誠恐龍李兩軍一旦接近兵連禍結牽動全局大局何堪設想春煊臨去之身不幸賭茲事變委而去之旣所不敢留而坐視心益難安當此心力俱窮進退罔可應如何籌處之處惟有仰懇鈞座迅示辦法俾有率循粵局幸甚春煊幸甚無任悚息待命之至岑春煊叩豔印

#### 岑都司令呈大總統電

北京大總統鈞鑒支電魚奉謹悉豔冬東等電具陳各情現尙未蒙核示未知得邀鈞鑒否近今以來龍督已以戒嚴命令斷絕水陸交通滇軍旣陷重圍久無消息又復分兵西上進逼三水連營數里聲勢甚張查三水地方向歸桂軍防戍久與龍軍劃清防地各負保衛之責駐紮該處軍隊亦係該督未獨立時由陸督率領到防現除嚴飭桂軍謹守防地以避衝突外更無他術該督舉動若此似與所稱候令之言不符仍懇鈞座電詢龍督並示辦法無



任翹切岑春煊叩魚印

岑都司令致唐梁二公電

唐少川梁任公兩先生鑒華密韶州兩軍衝突經煊先後竭力調處迭電龍督李司令分飭雙方軍隊各駐原紮地點勿再事攻擊以便妥籌辦法頃據李總司令電稱龍督已派段爾源楊發貴各率兵兩營李文運率兵六營同時向韶州方面出發馬如麟率兵三營向三水王存善率三營向黃沙西村潘鳴圖率一營向虎門出發馬存發三營李次皋三營濟軍二營李福臨二營分投出發扼守廣三粵漢廣九各鐵路似此分兵進逼滇軍何以自存請速辦法烈鈞叩云云又據各方報告情形悉同除仍電覆李總司令轉飭滇軍鎮靜勿動另籌辦法外滇軍千里跋涉以赴國難現在大局解決無所用兵又陷重圍之中進退兩難似不能不爲之所且兵端一開粵局不堪設想兩公關心桑梓敢懇大力維持無任切盼岑春煊叩宥

兩廣護國各軍司令通電

十萬火急北京黎大總統段國務總理雲南唐撫軍長上海海軍李總司令除廣東各省將軍巡按使都督總司令護軍使巡閱使鎮守使肇慶岑都司令鈞鑒頃據滇軍張師長開儒

成參謀長枕急足飛報稱江日拂曉源潭濟軍突然前進砲擊我陣地事出不意我總司令部幾陷於危當經我軍奮力抵禦將濟軍擊退至源潭以南是晚復率大隊來攻三面兜圍勢甚兇猛復被我軍擊退現探廣州濟軍連日北上情形危急迭電都司令均以交通梗阻迄無一覆竊念我滇軍崎嶇萬里無非擁護共和何罪國家濟軍必欲死我而後快務懇公等慨念同袍之義迅賜救援不勝迫切待命等語竊查滇濟兩軍在韶衝突後濟軍當將重兵扼守清遠扣截電報船隻阻滇軍與各軍之交通榮新等情知滇軍已陷絕地萬分危險迭請都司令撥兵往援屢蒙都司令以謹守防地力避衝突靜候中央解決爲言榮新等遵諭不敢妄動隱忍以待乃龍濟光居心狠毒竟乘機急擊滇軍滇軍首舉義旗與榮新等且屬友軍滇軍若遭殲滅勢必轉兵鋒以向我縱使龍濟光罪惡猶有萬一可恕然同一義軍坐視不救同仇之義謂何况龍濟光積惡萬端爲粵人公敵爲民國大毒固人盡得而誅之理既忍無可忍勢又延無可延除伏懇我大總統迅賜英斷立罷龍濟光外榮新等爲民國除大毒爲全粵除公敵爲出友軍於死地爲免我軍於覆亡計不得不擐甲執兵致最後忠告於龍濟光如猶怙勢逞兇亦祇有與之拚命先除巨兇後請治榮新等之罪而已涕泣陳辭伏懇公斷臨電不勝激切惶悚之至兩廣護國第三軍總司令兼第三師師長莫榮新第

四軍總司令兼廣東第二師師長李耀漢第五軍總司令兼廣西第二師師長譚浩明第六軍總司令兼第四師師長林虎第五師師長張習第一獨立旅長程子楷第二獨立旅長魏邦平第三獨立旅長唐紹慧江防副總司令周天祿等同叩佳印

岑都司令呈大總統並致段總理電

北京黎大總統鈞鑒段芝泉先生鑒刻據三水莫總司令電稱茲據李總司令飛足報告云旬日以來龍軍節節進逼我司令部幾幾在彼火綫之下本月三日拂曉突然炮擊我事出不意幾瀕於危幸警衛大隊長張懷信率領我軍當場抵禦將濟軍擊退至源潭以下現料濟軍必再尋仇敵處與肇城電信不通船隻復阻請就近速與撥救以免覆亡等因滇軍如此危急舍以武力調停外別無良法請卽示遵等語查韶州事起焯正慮釁端再啟一面竭力調處一面電請派員查辦乃以秉性鯁直誠不足以格人龍督猜忌橫生竟懷敵意對焯迭電置不一覆且復益兵清遠阻絕交通焯進退維谷計無所出五中焦灼迭電上陳祇以大局方慶和平重以我大總統鈞諭嚴令所部軍隊各駐原地聽候中央解決然已風鶴頻驚軍情憤激茲又傳茲惡耗夫復何言除仍飭各軍毋得妄動外伏懇大總統體察粵情迅籌解決全粵幸甚大局幸甚岑春煊叩陽印

岑都司令呈大總統並致國務院電

火急北京大總統國務院鈞鑒龍濟光罪惡山積路人皆知近復窮凶極惡豕突狼奔一面悉索精銳急擊滇軍一面故爲危詞張皇告急甚至捏造探報私搆陰謀以顛倒黑白擾亂是非冀聳動中央震驚全國居心狠毒蔑以復加凡此各端煊處均有電據當逐一宣佈以杜詭謀春煊退志早決尙何留戀祇以首義之始慷慨誓師號召兩粵將士數萬人若不待粵局大定付託得人遽爾脫身苟圖自利坐令助義諸軍供龍濟光一人之荼毒或竟急而橫決化全粵爲修羅之場何以對天良何以對將士何以對國人用是不度德不量力支撐於財盡兵多之後屹立於驚濤駭浪之中縱使龍濟光百計挑撥遐邇不無誤會而耿耿此心自問坦然初無恇怯疑慮於其間也今幸我大總統俯從民意將約法國會內閣諸大問題次第解決繼察粵情毅然將龍濟光解職以陸都督繼任對於春煊則又情詞懇摯開誠布公條示善後之方俾有卸肩之地方愛粵局化險爲夷煊亦可釋重負不意滇軍告急之使至自源潭具述龍軍凶暴滇軍危急情形煊部各軍聞茲驚耗騷然不寧欲前往解圍則有違煊命坐觀壁上又誼背同仇憤激之餘至有武力調停之說與佳日通電之事惟兵爲凶機一觸卽發當此大局乘定之秋詎容再啟兵戎之禍滇軍勢處受攻原非好事若煊所

部以武力調停無効進一步而至於衝突則不特不見諒於國人抑且墮龍濟光之術中萬一帝制餘孽從中煽動爲禍之烈有不忍言煊舉此大義反復申諭垂涕而道并宣言如不見聽煊卽飄然他去所部軍士體此苦衷凜遵斯旨目前情狀決不至釁自我開惟龍濟光近已喪心病狂日夜尋釁煊維持鎮壓心力俱窮務乞我大總統命龍濟光卽日去任并於陸督未到以前就莫榮新譚浩明兩師長中任簡一員暫行護理俾粵事早定煊得卽日退休養痾耿耿此心天實鑒之臨電不勝迫切待命之至岑春煊叩蒸印

岑都司令呈大總統電

十萬火急北京大總統鈞鑒頃由廣東都督署內人員抄龍督電文兩道其豔電內稱大總統國務院鈞鑒堂密李烈鈞襲取韶州故開戰衅用心極爲叵測仰蒙眷念南服特准調用該員以杼粵難實與粵省紳民同深感激查李軍此次發難驟觀之似僅李烈鈞箇人之野心其實滇桂兩省及岑春煊李根源諸人共同密謀蓄之已久其目的且不僅在廣東一省而在南方之抗爭蓋以滇桂等省僻在一隅非得粵省聯合不足以擴張勢力卽不足以抗拒中央粵省前雖同一獨立惟以濟光迂拙事事以國家爲前提一切不爲彼等利用輕於苟同是以粵省遂爲彼等所惡必爭之地觀其先據西江媒取韶城皆由滇桂兩省軍隊節

節進取近日大局已定彼由桂省東下之兵尙復絡繹於途岑春煊林虎諸人仍於粵省各處大招綠林此其一致進行尤可概見濟光揶揄數月實已力竭筋疲而粵省安危關係全局至鉅其李烈鈞岑春煊諸人勢力之分合復關粵省安危惟有仰仗中央威力迅將李烈鈞一軍調離粵境以分岑李之勢力而息滇桂之詭謀實於統一前途大有裨益謹電密陳伏乞鑒核訓示再滇桂兩軍先後入粵濟光爲保持和平計凡可通融無不委曲遷就得寸進尺盤據西北兩江愈逼愈近距離省城僅百數十里而於我軍前鋒防地僅止數里大有忍無可忍之勢又所招土匪偏布各地一面勾結欽廉高雷潮汕叛將禍機四伏尤爲防不勝防此次李烈鈞如能聽命允就範圍固爲粵省之福否則武力解決亦非得已惟粵兵分力薄待援孔殷前請飭下江西派兵由南雄直赴韶關懇飭李將軍迅卽照辦約會師期以收夾攻之效又潮汕爲粵中膏腴之地久爲莫擎宇佔據並懇飭福建將軍派令守邊軍隊越境來援協力收復剪其爪牙以孤其勢是否有當並候核示振武上將軍龍濟光呈豔印東電內稱大總統國務院鈞鑒堂密岑春煊等大集桂軍進逼三水西南連絡李烈鈞滇軍圖攻省城各等情業經飛電呈報在案現據續報本日岑春煊派兵佔據三水縣署拘留知事收繳游擊隊槍械並據電局抽留各省電報一面遍發檄文聲稱會合李軍尅日水陸大

舉進攻省城地方人民異常駭憤現已飛飭前敵軍隊嚴陣以待竭力抵禦以待中央救援保粵疆以顧大局萬懇飛飭閩贛火速進兵海軍艦隊尅卽南來以奠危局謹電馳陳伏乞訓示振武上將軍龍濟光呈東印各等語查韶州之事迭經電陳龍軍首啓兵端事實具在其時羣情憤激衆論激昂春煊逼處其間出而調處不敢復論曲直但求早弭紛爭故除分電雙方一律停戰妥爲解決外惟有電請鈞座派員查辦以明眞象自謂顧全大局此心可以共見不意調和之果轉以召戎近且斷絕交通大張聲勢水陸並舉分道進攻上取英韶下瞰三水滇軍旣陷絕地肇城亦爲動搖煊處迭電該督迄無答覆正不解其何心今據前電云云且有春煊等欲以滇桂之師謀得粵省擴張勢力反抗中央等語甚至乞援鄰省請兵中央是今日之用兵其處心積慮固非一日特借韶事發難耳夫自首義以來滇桂分兵赴難是否侵略土地無待春煊贅詞我大總統正位之先南中早經恭戴今茲依法繼任天下歸仁滇桂首義之區乃轉目爲反抗且粵省故中國領土也不獨非滇桂兩省所能侵略抑亦非龍督一人所能盤踞該督以此立說亦可謂不善爲詞惟春煊衰病餘生日夜求去信誓旦旦天日鑒茲事變紛乘去留皆罪牽率至此悔限已遲與之斷斷益滋慚慙第就其電文之中如滇軍之次韶州桂軍之駐三水林軍之編練新兵兵凡所指爲罪證者皆項城

未死前事自我大總統受任以來滇軍既停止進行遵令靜駐原地新兵亦停止編練中途分別遣回而三水地方尤遠在該督獨立之先卽已爲桂軍防戍之地現在彼軍進逼刁斗相聞仍飭謹守範圍以免衝突顧全之術至此已窮且粵中獨立之初該督亟於自保擁兵數萬囑負孤山旣舉全省之地盡棄之而不顧潮汕高雷欽廉諸屬先後獨立以保地方迨至大局稍定遂概目爲叛將軍心積忿久不能平春煊之愚但知大局多方綏輯沆可少安誠不意遂以此故冒勾結之名爲尋衅之地也凡茲種種誠不當多瀆鈞座而慙直成性非吐不快冒干聰聽益切悚惶至於粵局危急悉歸乾斷煊不當復有妄議惟冀衰朽之年得邀我大總統之賜奉身而退以解龍督之疑幸甚幸甚此外尙有密電數通均由該督署抄出大旨相類不復贅陳岑春煊呈微印

### 大總統致岑都司令電

肇慶岑雲階先生鑒華密微電悉龍督豔東兩電中央早未見信現經我公反覆辨明益證其僞望勿介意特覆黎元洪篠印

### 岑都司令呈大總統並致國務院電

北京大總統國務院鈞鑒頃由廣東將軍署內人員抄出龍督歌電一通內開大總統國務



院鈞鑒頃探得岑春煊等一電謹照錄呈其文曰汕頭莫總司令廉州隆都護使欽州馮總司令高州車總司令雷州楊司令化州陳司令暨轉所部各旅團長急肇密哀遭天譴大局一變迭電唐劉陳陸四都督蔡戴兩總司令往復籌商意見相同決定方針宣佈於下一不問北方如何軍務院毅然存立必達目的而後止二先以邀求規復舊約法保障共和爲名目俾出師有名以杜外人干涉三決定電致中央聲明規復舊約法開國會四省取消獨立正式內閣成立懲辦禍首軍務院始取消諒北京未必一旦照允我可乘時厚集兵力積極進行四倫北方允我所請則再以禍首諸人治罪爲不滿意爲詞必須由我指名主裁此則必辦不到如此已有兩三月之時間計已攻陷羊城全力攻贛到時力足以規鄂皖再將軍務院另改名稱五天奪龍魄韶關並無防備烈鈞垂手已定惟羊城未破惠未全領急應進行若曠持日久萬一中央被聳贛軍南下烈軍維谷閩軍攻潮莫軍掣肘儻因之無力攻取戰線不能貫通羊城負固大局爲之撼搖桂省添撥馬炮十營現已兼程東下一俟到齊全力出發六乘閩省奉中央令停進之機莫軍速派大軍奪惠庶聯絡肇韶全力進取指日可期滅龍七一俟佔領全粵先將軍事用票發行厚餉械全力攻贛澄海一隅由莫軍酌留數營防堵諒無大礙八俟全贛得手湘閩自不敢正視或傳檄可定全力規鄂直出長沙雖北

方勁旅如馮王張倪諒可抵禦大局自可垂成以上各條實行極進密以告知各宜努力勿稍頹息秘密勿洩春煊烈鈞榮新聲濤都司令印勘等語查都司令等所定八條匪特圖謀粵贛等省實欲抗衡中央關係全國實非淺鮮謹照錄以聞伏乞鈞核速定方略大局幸甚振武上將軍龍濟光叩歌印等語閱之深爲駭異查李總司令烈鈞被困琶江消息久已斷絕方代表聲濤派遣北上亦早抵京卽莫隆車楊各司令及欽州馮道尹處並未發有肇密碼該督僞造此項電文並將唐劉陸陳各都督蔡戴兩總司令全行牽入捏造種種計劃破壞大局欺罔中央譸張爲幻至此已極詔州之事由該督處心積慮借開兵端尤屬顯而易見煊等一人之身關係尙小惟該督陰謀祕計上關國家前途下關滇黔桂各省在我大總統之明察固無由得逞其奸而該督居心若此實屬兇狠之尤應懇大總統立予澈究褫職嚴懲以杜奸謀而弭禍亂再此電幸經發見此外如尙有該督肆行捏造之件並懇立予宣布以戢奸究之心大局幸甚岑春煊叩蒸印

岑都司令呈大總統並致段總理電

北京大總統鈞鑒段總理鑒堂密刻據少校參謀楊源華鄭柱諜報龍濟光最近作戰情形合電轉呈一龍濟光頒發各軍賞格七條內開奪獲江大寶璧兵艦每艘賞銀一萬五千元

擊沉每艘賞銀一萬元暗殺滇桂軍重要人物每名二千元二派鄭潤琦帶花炮十餘尊由陸赴紫洞又派兵艦及魚雷艇由水道三水轟擊江大寶璧兩艦三分投招募新兵每名月餉二十元能招足一排者即充排長招足一連者即充連長四廣三粵漢各鐵道沿路綫日增兵廣三一路愈逼愈近五捏造電報散布謠言欺朦中央激動軍士等語查龍濟光偽造各電曾由該督署內人員抄出原文電呈鈞鑒所定賞格前經報紙揭載猶未敢據以爲實惟江大寶璧兩艦迭被龍濟光派人運動現在搜出證據多件足證蓄謀已久其餘募兵增兵各節均係實情龍濟光既奉明令解職即應將軍隊撤回原地靜候交代乃一面以停攻之語欺蔽中央一面增加軍隊着着進行是何居心不言可喻春煊實逼處此防維之術已窮應懇鈞座嚴電詰問迅示辦法無任迫切待命之至岑春煊叩覃印

大總統致岑都司令電

萬急肇慶岑雲階先生鑒蒸覃三電均悉歌電捏造各語識者決難取信覃電所述業經轉達前敵粵事既勞我公苦心支持得保現狀現已令陸督勿留湘遵即赴粵該督物望攸歸又得我公扶持一切定可早就和平奠安南服幸甚黎元洪銑印

陳代督通電

萬急雲南唐撫軍長貴陽劉都督蔡軍行營蔡總司令松坎戴總司令自流井羅總司令上海海軍李總司令唐少川梁任公先生衡州探送陸都督都司令部岑都司令均鑒岑公蒸電本日奉悉因呈大總統國務院電文日本日接岑西林蒸電謂龍督電呈大總統有唐劉陸陳四督蔡戴兩總司令決同方針變亂大局等事不勝駭異桂省果欲取粵當於粵未獨立之前施其武力何至俟陸都督赴湘及大總統繼任之後作此拙謀况事涉滇黔各省往返籌商之電自必難逃洞鑒乞賜查察以息流言廣西代都督陳炳焜叩元印

### 唐撫軍長通電

肇慶梁任公唐少川兩先生海軍李總司令肇慶岑都司令貴陽劉都督廣西行營陸都督南寧陳護督杭州呂都督瀘州蔡總司令韶州滇軍李總司令松坎戴總司令資州羅總司令鑒西林轉到龍濟光密致中央各電均敬悉當於效日電呈大總統國務院文曰北京大總統國務院鈞鑒堂密頃岑都司令轉到龍濟光密致鈞座各電飾詞媒孽本不值一噓惟查龍自辛亥革命時陽爲顧全大局以要時譽繼見共和告成遂坐擗重大權位狂悖無恥極意搜括屠戮至萬餘人擁資達數千萬項城明知其罪而利其爲用遂使夜郎坐大窮凶極惡此次義師既起大舉攻滇既遭失敗更勾結滇省南防土匪殘害桑梓不過欲遂其擴

張勢力之野心鞏固其個人權利之私計實不知共和立憲之爲良法否也繼見公理大明人心大憤又挾其辛亥之故智背袁獨立皆凡以爲其私而已綜其反復狡譎營私罔利殘民以逞卽聲罪致討與衆共棄之誰曰非宜惟自元首繼任國務得人方且力謀統一以期息事寧人故堯等力體鈞座至意迭飭滇軍勿得輕率前進靜候中央解決乃龍猶肆其陰狠增加軍隊節節進逼滇軍不得已僅爲正當之防衛現中央既有明令調令辦鑛然陸督未到任前仍以留粵夫龍一日不去卽粵民一日不免於難而大局亦一日不安懇請中央飭龍卽日離粵陸督未到任以前似可由岑春煊暫行署理督軍庶幾救粵民於水火而消釁端於無形也是否乞迅決爲禱雲南督軍唐繼堯叩效印等語特聞并請一致主張期達目的爲禱至協和旣困源潭仍乞西林相機督飭抵擊爲盼繼堯叩印

唐撫軍長來電

肇慶岑都司令鑒蒸電奉悉當於本日電呈中央文曰北京大總統國務院鈞鑒堂密頃由肇慶轉到龍濟光歌日捏造岑春煊等勸電一通閱之不勝駭異竊自項城無祿鈞座繼任卽經切電在粵軍隊停止進行旋接李總司令烈鈞電稱相逼情形仍一再電飭聽候調處勿得輕率啓釁原電歷歷可按乃龍濟光節節進逼竟至滇軍進退兩難猶復捏造電文入

條謂其抗衡中央希圖聳聽實屬冥頑無恥已極幸我大總統總理明見萬重開誠布公不至爲其所惑否則稍有誤會貽誤何堪查捏造文電意圖陷害他人律有明條以堂堂之疆吏爲之尤出意外應請迅飭嚴行查辦以儆效尤而彰國紀雲南督軍唐繼堯叩瑪等語特聞唐繼堯叩養印

### 岑都司令致唐督軍電

雲南唐督軍鑒效養兩電均敬悉公上中央電兩通發奸摘伏羲正詞嚴立人道正誼之防明是非彰瘴之用伏讀一過欽感同深當此大局甫安兇頑未剪得公扶樹正氣百爾具瞻赴義者見而勇爲犯義者憚而不發安危治亂端繫於斯不徒三千萬粵民同聲感泣已也粵人切齒於龍威思剗刃爲快詔禍旣發衆益激昂徒以偃甲之初不欲訴之武力調龍命下軍民鼓舞不謂署理之局坐構危疑奸人轉於其間得爲藏身之隙增兵購械亟圖一逞昨更懸賞購我將領密謀奪我兵艦百計挑釁以啓兵端而衆叛親離士不用命稍知順逆次第來歸攫城負隅冥頑猶昔滇軍所至壺箠載途苟順人心而剪凶慝摧枯拉朽何待崇朝特慮兵刃旣交地方蒙害投鼠忌器忍此須臾頃幸幹公南來不日抵桂昨已派員迎候以期粵難早紓有軫蓋懷復爲覩述後情何若容再續聞岑春煊叩卅印

岑都司令通電

上海唐少川梁任公兩先生海軍李總司令雲南唐督軍廣西行營陸督軍貴陽劉督軍杭州呂督軍南寧陳督軍四川蔡督軍羅護督軍松坎戴省長新街滇軍行營李總司令鑒幹公宥電卅一奉悉粵難已深亟待解決非幹公早日蒞粵無以霽此大紛軍民屬望之殷逾於望歲前者留湘之命已召危疑今茲宛轉呼號幸而得請惟盼星夜蒞粵爲解倒懸如果再涉遲留誠恐糾紛愈甚何以慰三軍雲霓之望出人民水火之中幹公軫念子遺必不忍於忍置諸公關懷大局並懇代電敦促力疾一行俾大難得以早紓衰軀得以早去豈惟有造於粵亦卽加惠於煊至煊臨去之身實逼處此勉爲支柱以迄於今精力俱窮疑謗交集其不敢委身而去者亦恐全局潰裂無以告天下而對幹公若如幹公之言不但非衰庸所堪卽初心何以自白昨接莫公皓電卽經披瀝言之惟諸公共鑒孤懷俾煊有以自處感且不朽岑春煊叩卅一印

隆都護使通電

唐撫軍長貴陽南寧成都杭州長沙各都督各總司令廣西陸都督蔡總司令松坎戴總司令上海伍秩庸梁任公唐少川溫欽甫王亮疇鈕惕生先生肇慶岑都司令李副都參謀李

鎮守使譚總司令三水莫鎮守使魏司令清遠李軍長林總司令張鎮守使汕頭莫總司令欽州馮總司令高州車總司令鄒道尹均鑒世儲本日致北京電文曰北京黎大總統國務院鈞鑒本日軍務院蒸電內開探悉粵督龍濟光歌日拍華密一電到京謂岑都司令等有勸電八條用肇密通致汕頭廉欽高雷化州等處措詞嶮巖栽插無根驟聞駭愕皆裂髮豎不意白日青天之下有此鴟梟破鏡之聲更不意我堂皇民國有此跋扈將軍青蠅止棘莠將亂苗赤舌燒城瓶難吐水在岑都司令徒薪曲突將隱何必用在龍氏含沙噴人患失無所不至是而可忍人道將亡不平則鳴天良所遣世儲既見蕩湯敢辭越俎謹爲我大總統縷晰陳之岑都司令履險救國磊落至誠袁退身隱信誓旦旦言猶在耳心豈有他不知龍氏所造之八條厚集兵力積極進行規取各省再定大局各宜努力祕密勿洩等語此等誣讒是何居心意者殆謂岑都司令有逾分之冀望歟微論以岑之明決不出此試問我國四萬萬人之腦筋中以今日已定時局尙有此野蠻之思想乎此種邪說在龍氏自謂可以落井下石殊不值識者一笑又八條之內文皆淺陋語不經濟左張右羅故意挑動各省惡感以快其傾陷之私况文詞粗劣與都司令部平日電文絕不相類且都司令平日並無肇密電本有各電局可查而龍氏必故造此電以陷人者蓋亦有說龍氏自知在任之年對於



粵省實無政績可言對於外藉土籍軍隊過於壓抑對於黨人慘殺過甚一旦獨立恐不見容戀棧既昏反對尤力陽揚義旗之美名隱行踞粵之實事凡護國軍與非濟軍之在粵境者一意推擠不遺餘力今見岑爲護國軍所推戴不啻眼中之釘種種毒計必去之而後已於是有海珠暗殺摧殘桂卿之役於是有韶關閉城拒絕李軍之役當李軍之取道也則偽造輿論反對以電岑氏越日而商會發電辨誣矣及韶軍之開釁也反誣指李軍勒餉以電中央越日而商會登報辨誣矣鐵證具在公論難淆在龍氏以爲推倒義軍必先推倒岑氏不惜以卑劣之手段醜詆舊主以奸險之心肝欺罔中央製造八條經營百計生營兔窟死據羊城性情既絕於天人格已墮於地軍人目爲敗類粵民視作罪魁伏乞大總統赫然震怒立予罷斥治以誤國殃民之罪爲共和祛此污點爲政界樹一良模則民國前途庶期有多臨電迫切無任悚惶待命之至廣東欽廉鎮守使兼兩廣護國軍第七師師長隆世儲呈刪印等語特電謹聞欽廉都護使兼兩廣護國軍第七師師長隆世儲叩刪印

高雷鎮守使參謀長道尹通電

北京國務院肇慶岑都司令鈞鑒各省督軍省長各總司令各師長暨本省各師令各師長各道尹公鑒肇慶李師長耀漢宥電得悉李師長奉國務院電飭調和粵事龍濟光始則請

赴省設法調停繼則電表歡迎終竟用大礮向之轟擊等情閱之殊令人髮指竊思中央對於龍氏故示優容不加誅戮者亦爲保全吾粵計故下令和平解決岑都司令之力任調和亦仰體中央愛粵之苦心惟以速紓粵禍爲前題不欲過爲己甚乃龍氏前於海珠一役司馬昭之心路人皆見今復怙惡不悛險詐性成違抗命令不受調停並欲借調停時間逞其陰謀直與三十萬粵民爲孤注之一擲其毒甚於蛇蝎其凶過於虎狼察現在情形已無調停之餘地伏望我國務院都司令本伐罪弔民之例伸櫻冠披髮之情籲請大總統速將龍氏褫職明正典刑以救粵民以謝天下吾粵之福亦民國之幸也龍等爲民請命涕泣陳詞無任屏營之至兩廣護國軍第六師師長兼高雷鎮守使車駕龍參謀長歐陽幹高雷道尹鄒武叩東印

### 岑都司令致龍督電

廣州龍都督鑒頃據莫總司令電稱足下重懸賞格奪沉江大寶璧各艦現又派蔡春華密謀襲擊事爲江防由無綫電探知各艦隊異常憤激等語查此項賞格早經各報揭載皆未敢遽以爲信嗣由各艦查獲足下派人煽惑各文件仍飭一律銷燬勿搖軍心現復據報蔡春華竟肆攻擊殊與來電罷兵之旨不符特此奉詢仍希電覆岑春煊刪印

### 岑都司令致粵紳鄧小池電

廣州多寶大街景福堂鄧小池先生鑒銑電誦悉春煊對於粵事始終力主和平不謂初出調停反遭疾視調和之術至此已窮惟是申誠將士未嘗加遺一矢此心耿耿天日鑒之中央明令旣頒深幸大紛可解當經通電布告一切靜聽幹卿都督主持乃昨據江防莫司令迭電報告龍督又懸重賞購奪江大寶璧各艦及各軍將領甚急并派蔡春華密謀襲擊事爲江防由無線電接知各艦異常憤激誠不知是何居心煊當袁氏初亡卽經矢言歸隱兵閔遽起欲去不能牽率至今憤懣交集與公世交夙好相知最深區區之愚必能照察龍督如遵中央命令卽當速寢陰謀撤回軍隊靜候交代我公篤念桑梓敢懇與粵父老一敦勸之粵局倘獲粗安春煊亦可卸責私情公義感禱同深願鑒孤懷時賜教益岑春煊巧印

### 林總司令來電

萬急肇慶都司令李總司令三水莫總司令西南譚總司令鈞鑒頃接白泥滇軍急報龍軍連日於炭步赤泥五和等處增兵進逼白泥兵單請速救援等語查文日李總司令轉知龍督文電謂已令東省前途軍隊暫駐防地停止進攻今竟進逼白泥不知是何用意除派員確查外謹此奉聞林虎叩寒亥印

## 林總司令來電

急分送二份肇慶岑都司令李總司令鈞鑒李總司令刪電拜悉白泥附近龍軍近尙陸續增進我軍受逼甚危而龍督連日又派人前來各營希圖煽亂迭經拿獲有據內外交攻忍無可忍今奉刪電謹嚴束所部兩日之內當不致有衝突也古君會商結果若何尙乞電知毋任感盼林虎叩刪戌印

## 林總司令通電

十萬火急肇慶都司令李都參謀李總司令三水莫總司令譚司令行營譚總司令李軍行營李總司令鈞鑒龍氏陰謀反覆敵視義軍吾曹酷愛和平百端遷就彼乃多方挑釁弄兵韶城事敗之後更捏公電污蟻義聲蒙蔽中央慫恿閩贛何仇何怨弗克相容陸公粵省督軍已見明令方冀彼知自戢粵事可望和平孰期龍氏又向香港某洋行購大批軍械藉詞勦匪增兵炭步赤泥官窰大欖一帶蟻聚鬻來節節進逼凡茲險愎行爲無非和平障礙斯人一日不去地方一日不安陸公既電一時不能到粵仍以維持粵局責之諸公諸公爲地方造福計爲大局救平計義難再事姑息自應振我師旅驅此蝥賊現虎部已扼守范湖蓮塘白泥馮村等處絃張矢急坐置殊難願隨諸公之後一掃稜氛可否再以粵事眞况悉電

中央及各省用昭正義藉慰羣情尊意如何敬候示覆林虎叩巧印

莫譚兩司令致龍督電

廣州龍督辦鑒敬電誦悉兩軍洶洶爲公一人公去則百紛俱解豈但外人生命財產不致損失卽全城生靈百萬無不賴以保全他人知之公亦知之且陸督軍卽日履新公卽瞻戀終於一去尙何徘徊留戀之有茲讀來電云已預備交代欽佩實無涯涘惟是公之左右陰謀百出國人無敢信任且聞我公行動亦多爲所挾持榮新等爲陸督軍部將不得不思患預防公旣對於陸督軍開心見誠則對於榮新等無不推心置腹在此交代期內宜卽戒飭部曲歡迎桂軍入城鎮壓非常以待陸督軍之至乃公不此之務反命馬存發半途邀擊以云預備交代誰其信之如蒙鑒納鄙言敢懇表示誠意俾桂軍振旅入城以資鎮攝然後陸督軍有蒞任之期粵局有平定之望榮新等責任所在自應約束將士謹守紀律尊重我公無敢違犯我公倘不見信未肯推誠相與抑或暫行委託妥員代辦交代身先引去亦所不妨如猶架炮山巔勒兵城下假口外人干涉嗾使紳商拒絕以此預備交代桂軍將士斷無聽陸督軍深入虎穴之理惟有從粵人之望爲陸督軍前驅俾粵局早日解決此理甚明中外必無異說榮新等天職所在亦無容躊躇再計仰承明問再敢直陳唯公裁之並希迅賜

答覆莫榮新譚浩明叩有印

李都參謀致段總司令電

十萬火急佛山段總司令鑒頃奉號電當經肅復計達清覽鄙意尤有陳者粵局之紛紛不定兩軍之兵戎相見其關係皆在子誠一身誠公一去粵局立平滇桂粵諸軍亦可化干戈爲袍澤誠公既奉解職命令去粵不患無名但能當機立斷目前維持之責委託一人代理潔身而去面面俱全源與兄既託腹心對於諸公所部將士又皆故鄉子弟倘蒙推誠相與誓當竭力維持斷不忍令一人失所各將領名位權利尤當力爲保全卽誠公所有在粵在滇一切財產及各將士家屬資財一律擔任保護後此或願留粵或願旋滇均當一力維持不令絲毫損失所言倘不實行敢以誓之天日區區此心定蒙亮察倘此外尙有何種難言之隱亦祈開誠相示無所嫌疑否則游移不決事變環生將深負吾兄調和之苦心源亦不敢多贅矣吾兄熱忱毅力計必有以處此如何之處卽乞火速示覆李根源號二印

李都參謀楊道尹致段總司令電

佛山段總司令鑒號兩電計達粵事糾紛至此已極吾兄出任調和實爲大局之幸但調和之要必從根本解決解決之法非子誠先生去粵別無他途號電直切言之諒蒙鑒納誠以

事機緊切如再虛與委蛇不但調和無望必至立召大變吾兄洞明大局如以鄙言爲然請照號電所陳商請誠公立決但能見聽固屬至幸如尙優游不斷各軍萬難久待卽請兄部勒將士立卽宣言與桂軍聯合環請誠公去位以保地方如是則誠公更無瞻戀餘地必能自行引去地方不致糜爛兩軍不致相殘吾兄之功必爲天下所共仰卽濟軍將士亦必爲全粵所敬愛尙有何人可以動搖爲粵計爲兄計爲濟軍將士計均無易此否則一旦潰裂誠公固不難潔身而去各將皆我滇中子弟在粵何以自存源等誼切桑梓義當力任維持故敢開心見誠直言奉達惟高明裁之卓見如何立盼電復李根源楊晉同馬印

### 段爾源來電

萬火急三份肇慶都司令岑都參謀李楊道尹晉四份三水譚莫李總司令並探送滇軍李總司令均鑒源等不忍見粵東之糜爛素主和平解決以固國本而免軍人自賊爲強鄰笑故屢經電陳意見先後派員代表冀道懇衷效日早派敵軍參謀伍淵躬詣面陳一切詎是晚第二馬軍長已與桂軍衝突交通斷絕號日又因力勸馬軍共表同情不允未果二十二早擬仍派伍參謀前來復爲馬軍阻住致書規諷奈其頑志莫移而俯念時局粵嶠洶洶爲龍一人當機不斷貽患無窮乃未暇派員請示立遣伍參謀長前赴桂軍接洽一面嚴束全

軍將士并懸旗表示歡迎是日午後桂軍申鄧兩旅長同時到佛將各軍隊擇地分駐幸藉福蔭商民無驚秩序依然惟兩軍初合難免不因小故致起衝突應請通令桂軍和衷共濟以示大同但龍早去一日粵卽早安一日雖經委婉勸諷似仍貪戀不決除勸撫濟軍及省城各軍速表同情并明白宣布與滇桂軍隊取同一行動迫龍速退外合將歡迎桂軍聯合一致情形綜陳聽聽其應如何辦理一切手續立乞分別速電飭遵廣東護國第一軍軍長段爾源參謀長伍淵率全體官士同叩二十一日印

#### 李都參謀楊道尹致段總司令電

急佛山段總司令大鑒讀二十一電深感佩我公精誠愛國大義凜然一片爲國爲粵之心不獨滇桂各軍同深欽仰卽全粵人民亦當謳歌不置仁人利溥於茲益見源等持誦之餘不禁額手稱慶誠公旣奉中央命令解職又爲全國同聲致討審時度勢萬無瞻戀之餘地潔身引去宇宙誠寬何處不可再樹勛猷乃計不出此必欲犯衆怒而效孤注之一擲彼一身固不足恤乃欲舉數百年精華薈萃之羊城萬餘衆鄉閭族之子弟而殉之不但無以謝天下更何面目以見故鄉之父老上先人之邱墓乎此源等櫻心之疚而必欲委婉以圖瓦全之苦衷也茲幸得我兄開誠布公與滇桂各軍共聯袍澤同事驅除從此滔天狂瀾障於



一葦轉禍爲福轉危爲安豈獨功在一時抑且利及百世桂軍滇軍本與吾兄同抱此愛國宗旨今吾兄竭誠攜手尤爲一致歡迎現已蒙都司令電飭各軍與吾兄推誠相與和衷共濟一致進行惟事機之來間不容髮吾兄旣明白宣佈省城必全體動搖誠公必無力維持秩序來電所云龍早去一日粵卽早安一日實爲不刊之論請卽迅爲籌度刻期勒兵入城促誠公卽日退出安定人心以免遲則生變至與桂軍如何聯絡行動之處卽祈與莫譚兩總司令商酌進行其餘勸撫濟軍去逆効順同扶大局以吾兄威望皆所優爲如各軍尙有懷疑請照號電所陳各辦法剴切宣布源晉二人誓爲擔保立吟卓裁見覆李根源楊晉養印

岑都司令致段總司令電

佛山段總司令鑒二十一電悉執事深明大義與滇桂各軍聯合一致解決粵事愛國愛粵佩慰交深現已轉飭滇桂各軍一體遵照與執事和衷共濟一致進行所有執事所部軍隊卽自明白宣布日起改歸本都司令直接統轄一切進行事宜希卽查照李副都參謀楊道尹晉去電與莫譚各總司令商酌辦理事機迫切不容刻緩早定粵局以慰人心惟執事是賴岑春煊馮印

岑都司令致各總司令電

急三水探送莫總司令譚總司令肇慶李總司令琶江滇軍行營李總司令蘆苞林總司令鑾頃據段總司令爾源參謀長伍淵率全體官士電稱該軍明白宣布與滇桂軍隊取同一行動迫龍速退應請通令各軍和衷共濟等語該總司令深明大義至爲欣慰奠定粵局指顧可期當經電飭該總司令所部軍隊改歸本都司令部直接統轄所有聯合各軍一致進行事宜並飭與各軍總司令迅商辦理去後希即宣布各軍將士一體知照聯合一致共策進行早定粵局以慰人心是爲至盼岑春煊養印

岑都司令呈大總統並致國務院電

北京大總統國務院段總理鈞鑒昨據報告龍濟光派馬存發軍隊與桂軍衝突後旋據濟軍第一軍總司令段爾源自佛山來電稱粵事已於效日早派參謀長伍淵躬詣面陳一切詎是晚第二軍馬存發已與桂軍衝突交通斷絕號日又因力勸馬軍共表同情不允未果箇日早仍派伍參謀長來復爲馬軍阻止伏念全粵洶洶爲龍一人當機不斷貽患無窮乃未暇派員請示立遣伍參謀長前赴桂軍接洽一面嚴束全軍將士並懸旗歡迎桂軍申鄧兩旅長軍隊擇地分駐幸藉福蔭商民無驚秩序依然惟兩軍初合難免不因小故致起衝

突應請通令桂軍和衷共濟以維大局但龍早去一日粵卽早安一日雖經委婉勸諷似仍貪戀不決除勸馬軍及省城各軍速表同情並明白宣布與滇桂軍隊同一行動迫龍速退外合將歡迎桂軍聯合一致情形綜陳聰聽其應如何辦理一切手續立乞分別速電飭遵等語查段爾源來電各節足見粵中戰事悉出龍濟光一人之意現在所部軍隊既願歸附與桂軍聯合爲一兩軍可免衝突堪以告紓蓋懷惟龍濟光貪酷罪狀早經昭著怨毒既深軍民皆憤現復衆叛親離已失維持地方之能力經卽電飭段爾源商同莫譚兩總司令勸撫濟軍勿相衝突並飭桂軍推誠相與勿分畛域聯合一致共保地方惟粵患是否能紓全視陸督到任遲早爲定應懇迅電飭令陸督兼程來粵以弭兵禍無任翹切岑春煊叩禡印

岑都司令呈大總統並致國務院電

北京大總統國務院鈞鑒漾日始由汕頭莫師長轉奉大總統真電同日復准國務院皓電均敬悉鈞座睠懷南服畀陸督粵命下之日軍民歡呼維時陸督早來粵局固已大定所以糾紛至此皆由署理之局推演而生在中央並顧兼籌不能不稍權急緩而粵中水深火熱實有難再緩須臾且上下睽隔之間又適爲奸人藏身之隙故政府用心甚苦而未能盡喻軍民呼籲愈切而未能盡明然使龍濟光果於其間誠心悔禍恪遵命令勿懷異圖撤退濟

軍靜候交代羣疑自息猶可少安乃龍外挑釁端內修戰備增兵購械亟亟不遑民志益疑軍心益憤轉恐甲兵一解變局立生人人自危益難鎮壓前擬請於莫譚兩總司令內簡用一員先行護理卽欲藉以亟慰粵人之望早安各軍之心自愧衰庸於宣德達情既有未盡而防危慮變尤有未周然羣情憤激之餘又益以危疑不安之象防維之力實至此而已窮龍又懸賞謀攻百端挑撥必欲激成戰禍而後已誠不知是何居心自江大室璧各艦據報蔡春華調艦襲擊後莫林各軍又復紛紛各急尙幸段爾源率隊歸附桂軍分駐佛山兩軍聯合之後煇復飭令段爾源安撫濟軍或不至再生衝突本日復據段爾源來肇面稱龍濟光開釁以來迭經敗衄軍心不附仍力迫將士出戰各軍解體龍亦自疑現改雇印度人防守觀音山砲台每名每日薪水七十元恐省城變在旦夕等語似此情形尤爲可駭惟有仰懇鈞座飛飭陸督兼程來粵早日奠定以免他虞無任迫切之至伏祈鑒核示遵岑春煇叩敬印

### 陸督軍來電

萬火急肇慶岑都司令並轉滇軍李總司令李鎮守使林總司令廣州龍督軍佛山探送譚總司令莫總司令段副總司令汕頭莫總司令廉州隆都護使欽州馮道尹雷州楊司令瓊

州黃鎮守使南寧陳督軍均鑒榮廷奉命爲廣東督軍因病迭辭不獲擬日內由桂林力疾起程赴任惟聞廣州附城一帶各軍時有衝突兄弟鬩牆恐召外侮還望雙方軍隊即日停止戰爭以紓粵難是爲至盼榮廷東叩

岑都司令致陸督軍電

急桂林陸督軍鑒東電敬悉我公軫念子黎力疾赴任出人民於塗炭奠粵局於苞桑全粵軍民同深鼓舞頃已電飭各軍聽候命令並通電各路司令道尹鎮守使一體照地方一切事宜均候我公到任辦理何日啓節懇先電示爲盼岑春煊叩冬印

廣東護國各軍司令致陸督軍電

急永州探送廣西行營陸都督鈞鑒我公督粵萬衆歡騰願率全軍竭誠效命伏懇節鉞速臨早靖氛稜拯粵民於水火奠大局於苞桑無任翹企待命之至都司令部副都參謀李根源第四軍總司令肇陽羅鎮守使李耀漢第六軍總司令兼第四師師長林虎南韶連鎮守使滇軍師長張開儒第一師師長莫擎宇第五師師長張習第六師師長車駕龍第七師師長隆世儲欽廉道尹馮相榮高雷道尹鄒武嶺南道尹王有蘭第二獨立旅旅長魏邦平第三獨立旅旅長唐紹慧江防副司令周天祿叩印

岑都司令呈大總統並致國務院電

急北京大總統國務院鈞鑒華密粵局紛紜久勞盡慮前接陸督軍電將抵桂林卽經派員前往迎候嗣接桂林來電又云宿疾未痊尙資調養當以粵事孔亟迭電敦促星夜來粵早圖奠定頃接覆電已允於日內力疾啓程赴任羣情甚慰粵難獲紓經卽通電各軍一體遵照聽候陸督到任辦理謹先電陳岑春煊叩冬印

黎大總統致岑都司令電

肇慶岑雲階先生華密接冬電知陸督已允於日內啓程赴任粵中紛亂解決有期無任忻慰執事蒞粵日久物望攸歸所有善後事宜仍希與陸督就近籌畫俾歸妥協是所切禱黎元洪印

岑都司令通電

火急伍秩庸唐少川梁任公溫欽甫王亮疇先生並轉廣肇公所雲南唐督軍貴陽劉督軍四川蔡督軍羅護督軍松坎戴省長浙江呂督軍湖南劉督軍南寧陳督軍鑒粵局紛紜久而未定前接陸督軍由湘來電得悉將抵桂林卽經派員前往迎候嗣接桂林來電又因宿疾未痊尙資調養當以粵事孔亟迭電敦促刻日啓程早圖奠定頃接覆電允於日內力疾

啓程赴任粵事有屬民困獲紓業經通電各軍靜候陸督到任命令辦理因關廬念特電奉聞岑春煊叩冬印

浙督軍來電

肇慶岑西林先生鑒冬電敬悉陸督軍力疾蒞任至爲遠慰粵事既早底定海內同幸戡亂解紛恃公威信幹公如過肇乞達鄙忱并望爲國珍衛至叩呂公望支印

譚莫兩總司令來電

十萬急肇慶岑都司令鈞鑒李總司令蘆苞行營探送林總司令新街行營李總司令陳村探送魏司令周副司令廣州龍督軍河南福軍李總司令汕頭莫總司令高州車司令雷州楊司令瓊州黃總司令廣州隆都護使欽州馮道尹南寧陳督軍鑒自粵難發生遷延時日兵連禍結每念心慄志士仁人呼號婉轉調人政客奔走往還迄無解決之方益見戰爭之烈茲幸陸督軍奉命允來先電前方停戰粵事有解決之期卽全局有昭蘇之望諸公維持大局諒有同情且龍督有俟陸交代之宣言各軍有俟陸調處之函電必能先止戰以俟陸督軍之至浩明等業經嚴飭桂軍駐守原地勿稍衝突應請龍督軍同時嚴飭貴部停止進擊勿再起釁以俟解決而紓粵難各總司令諒亦深表同情也如何仍乞賜覆浩明榮新叩

江印

岑都司令致各軍司令電

火急新街滇軍第二軍行營李總司令林軍行營林總司令佛山莫總司令譚總司令陳村探送魏旅長翟旅長大良周副司令任司令汕頭莫師長石龍徐統領連勝鑒前准陸督軍來電允於日內力疾啓程赴任粵難自此獲紓當經電知各軍一律靜駐原地以待陸督軍之至茲接各軍總司令來電均已嚴飭軍隊駐守原地以俟鮮決惟各軍所部軍隊現駐地點希卽詳晰開示以防衝突而免藉口岑春煊麻印

岑都司令呈大總統並致國務院電

北京黎大總統國務院鈞鑒昨准陸督軍電允力疾赴任當卽電飭各軍一律駐守原地靜候陸督到任并通電宣布去後經具東電陳明茲據譚總司令浩明莫總司令榮新江日通電稱陸督軍奉命允來粵事有解決之期卽全局有昭蘇之望浩明等業經嚴飭桂軍駐守原地勿稍衝突應請龍督同時嚴飭所部停止攻擊勿再起釁以俟解決而紓粵難並接滇軍李總司令烈鈞支電稱陸督顧念危亡力疾赴任粵民得出水火滇軍亦免瀕危軍心大安公私交幸當經飭令各部軍隊靜駐現地以待陸督軍之至藉白初志而告國人請代電陳



中央各等語粵難自此獲紓堪以上告座念惟當此陸督未到期間各軍既靜駐候命龍軍亦不宜再行進攻應懇迅由鈞座嚴電飭龍濟光勿再狡謀嚴中約束再各軍現在駐守地點亦經電飭詳電備查以免藉口應候電到再爲轉陳岑春煊叩魚印

岑都司令呈大總統並致國務院電

北京黎大總統國務院鈞鑒國務院沁電支晚始奉粵難發生以來先後嚴飭各軍恪守電示靜候解決兩月於茲陸督受命而赴任無期簡員暫護而迭電未准龍乃從容自固緣隙生心購械增兵懸賞挑釁自蔡春華襲擊寶璧江大各艦馬存發乘勢進兵調艦環攻水陸並舉龍復大張布告通電鄰疆昌言督飭各營獎勵士卒實力剿辦以張撻伐而南北分裂之說三省夾攻之謀文電交馳略無忌憚有廣東公報七月二十六日布告及由電局經過龍濟光寄江西養電可證煊雖迭電請命奉復動至經旬且當此危疑震撼之時生死呼吸之頃仍飭各守防地靜候解決在中央堂陞萬里呼籲既難上聞在各軍鷓守多旬束手誰甘待斃以義憤填胸之師處是非極明之地而乃受侮於惡德昭著之龍氏不見諒於素所倚恃之中央於理何說於情何禁軍心所赴猶是人情我大總統暨段總理久歷戎行洞悉士志設身處地應付安從矧自首義以來將士與同患難一旦委之於敵此心縱可卽安怨

讞所乘豈免共盡下不見諒於將士上不得請於中央衰庸之軀亦已未知死所幸其凶德交會衆叛親離濟軍總司令段爾源率兵來歸統領袁帶陳福祥徐連勝吳良兆林幹材等以次歸附與桂軍將士自行聯合得免衝突分駐佛山龍尙未肯卽休驅市人而使戰段爾源自請往撫以免多所摧殘凡此情形皆經迭電陳明請示辦法者也慨自義師之起與逆黨本不相容死灰尙燃必圖報復然而帝制之戰爲國民爭此人格宜不蒙權利之誣奸人詆謀固無不至顧各將士縱極不肖亦常艱難首義幸獲令名非彼日暮途窮倒行逆施者比何至以身殉利效若所爲前奉明令改調陸督來粵卽派餉械局長曾彥偕焯姪德懋馳往歡迎祇以陸督積勞抱疾遲遲難行疊電敦促惶急日甚今陸督來電允於日內啓程赴任當卽電飭各軍一體遵照靜候陸督到任羣情於以大定共幸粵難可紓亦已具電陳明並經通電宣布至英領事致電未復一節尤乖事實前因李總司令耀漢由龍濟光來電派員邀其入省會商當以龍氏果有誠心平和能早恢復息事寧人固所切望亦遂飭其前往不意行至三山口地方猝被龍軍礮擊該司令當卽折回此事顛末前曾通電在案英總領事據龍飾說誤謂李耀漢帶兵晉省曾來一電詢問當經覆電聲明此後迄無他說原電另電錄呈龍濟光對於此事自知反覆已甚亦有電多方解釋各電具在可以復按茲據稱來

電未覆且招干涉此中情事實難推測軍興以來義師所恃首在紀律從未損及外人毫末干涉果安由而至戡奸除暴事關內政國人有處分之自由非外人所得干預倘不肖者挾外力以自固則責有攸歸杜漸防微端賴執政煊雖愚贛寧不知儆假令此而召侮其謬似不在煊現陸督已允赴任各軍全體歡迎悉駐汎地靜候命令院電所慮已成往事自非龍濟光包藏禍心再圖報復當不至重勞蓋慮抑悠謬之見猶有所欲陳者龍濟光凶殘成性粵禍尤深鈞座俯順輿情勉予調職粵人得出水火惟有感激上仁何至自啓危疑轉滋爭擾此則當機之斷或失之當前除惡之心且掩於遺患而龍濟光假借名義搖惑聽聞尤足俯怨中央構煽禍亂卽如該七月二十六日佈告原文內稱本督軍奉大總統策令督軍廣東所有本地方治安本督軍應負完全責任現復因湘省秩序大亂奉國務院蒸電催陸督軍榮廷趕赴長沙履任嚴行管束不准尋湯周軍隊衝突等因是則保衛地方各有應盡之責及本督軍不得已而用兵實爲我粵保全永安之計等語是陸督留湘之命適爲彼用兵之資人民何知豈能徧喻又况捏造文電牽動西南請兵乞援意圖大舉雖不能上惑聰聽實足以大亂軍心卽無懲創之加宜有防維之術前請於陸督部將中任簡一員護理亦冀以昭示政府之意早絕煽亂之資奉大總統電令已交國務院照辦靜候多日旋奉院電則

又與大總統電相違中情益惑失所遵守在院電慮其兵多寬其期限俾以收束用心實爲至仁然彼卽利用收束之期以爲增兵之地爲期愈久召募愈多且窺政府之心遂生挾持之計勝則聲勢愈大障礙胥除因得坐擁兵權覬覦後命敗則終於一去罪豈有加仍得厚歛鉅資逍遙海外甚且用兵之際猶托任命爲名豈尙有交代之心收束之望若慮困獸之鬥故示羈縻則舊將多降新兵不附徒以供其驅迫亦且速其逃亡苟非去所憑依終難爲之安插如或慮非陸督不允交代則譚莫皆陸督親信而任免爲中央特權果使悔禍推誠何至多所藉口且其陰謀百出防不勝防陸督爲粵中軍民所歸卽粵局安危所係昨接陸督密電雖擬力疾東下以定人心仍擬保員暫護以便交換伏念鈞衡所在何敢復有瀆陳惟鯁鯁之愚竊謂爲龍計尤當爲粵局計又當爲陸督計用敢不避謬妄復爲論列狂夫之言聖人擇焉直切陳詞以待罪譴岑春煊叩微印

### 岑都司令呈大總統並致國務院電

北京大總統國務院鈞鑒粵事久懸多勞廛念自慚德薄能淺惶愧實深前奉院沁電業經於微日將前後辦理苦衷暨准陸督東電允來就職後經通飭各軍停戰駐守現防地點靜候陸督軍接事辦理各詳情披瀝縷陳當蒙鑒督惟春煊當憂患飽歷之餘而粵局承易動

難靜之候果欲仰副盛意紓拯民生永絕禍源確弭戰禍則鯁鯁所慮尙有不獲已於言者龍濟光狡悍成性遇事詭譎此次粵難糾紛原始要終莫非其挑釀所致方其始尋釁於赴韶之滇軍妄意或亦能見好於中央竊固權位及見調陸命下計未全售於是移其所以構釁於滇軍者遂且施及桂軍桂軍紀律素明態度尤正龍既啓釁勢難卒忍龍則更有辭以誣蔑陸督阻其速蒞設心之狡布慮之毒言之猶有餘慄當其挑釁伊始大抵廣散流言激動公憤或則布告誓師誣人作匪於是遣其私黨率隊散出每與交綏輒復敗退蓋當衆怨集矢之餘已無士氣軍心之固徵於段爾源等之先後歸附卽爲鐵證而彼乃更諱敗爲讓揚言退守誣人逼迫紛電中央架詞構陷此其狡謀所施蓋已數見不鮮迴溯屢月之粵禍皆出其一手所煽成今者各軍停戰陸督允來倒懸之局宜若可解詎事未數日而前敵警報已竟紛至據稱龍見我軍靜守無所假詞乃仍故態復萌多方挑釁支微魚等夜皆有龍軍散隊多起每一二百人或百數十人不等逼營襲擊幸皆敗退觀音山等處砲台日必擊發十餘次佐以小銃聲不絕耳又據段爾源等報告則龍衆不逾三千岌岌待潰遂乃怙惡派兵百餘劫奪廣州中國銀行窖藏銀貨暨紙幣共值百萬私充軍資脅迫愚民驅而備戰近日濫用中央名義煌煌布告妄稱國務院已電贛閩援助全粵可就蕩平欲以此鼓惑軍

心蓄意搆亂至不惜府怨中央挑撥衆憤惟其處心積慮所及尙毫無悔過自斂之誠奸志一日未戢逆謀一日未消則禍患猝發正未有艾粵難之深將伊胡底今欲奠粵局和平之基完確實停戰之效惟有仰懇中央嚴電飭其約束殘部毋得縱容挑釁狡詞自脫或中央慮及遠道疎隔事實難辦卽請特派公正專員臨粵察視俾粵局從此獲以永寧而逆燄無復再張之望則我大總統暨段總理之澤被粵民者實無涯涘而使春煊獲以稍輕責任消弭危疑則尤所盛激刺骨也愚竊之請卽希採擇是幸岑春煊叩陽印

#### 岑都司令呈大總統並致國務院電

北京大總統國務院鈞鑒頃接李總司令烈鈞陽電稱前奉國務院馬電囑令雙方停戰當經遵照停止並具東電呈復旋接等處冬電陸督允卽赴任尤幸兵禍可紓復加飭所部軍隊靜駐現地聽候解決並請代電轉呈在案現奉國務院沁電又由英領轉奉大總統江電反復訓誡悚感尤深惟溯本軍抵韶之時正大總統繼任之日未奉中央明命卽先停止進行自謂擁護中央顧全大局私中耿耿未敢後人况其時繼任問題猶有異說約法國會亦尙虛懸使烈鈞有窮兵之心挾爭權之念乘紛攘之會爲進取之機亦不至見逼於龍進退無地况以客軍孤寄自召兵端卽甘冒不韙之名亦當求自全之術鈞雖愚昧斷不至斯乃

韶城啓釁朱使先逃變出非常無可解免然事起之後遵卽聽候命令維持地方龍復水陸進攻大兵悉集當源潭一役自分已陷絕地幸將士人自爲戰未爲所殲從此報復相尋迄無休息我歸則出我出復歸無非欲令我孤軍疲敝自困然後因利乘便舉而殲旃是以刻刻自危不敢旦夕解甲惟是強敵數倍孤軍勢單自保不遑何敢進取故惟嚴守陣地與之撐持準諸正當防衛之行又處救死不贍之地雖不敢自明曲直計亦當曲荷矜憐凡此艱苦情形迭經電中央或請代電轉達又以交通阻絕信息難通迨聞陸督東下軍心稍定先後派員致電前往歡迎祇冀得白初心早紓戰禍俾此疲敝之卒獲全鋒鏑之餘而憂患餘生亦得自茲退養區區之願已畢於茲現正將軍隊調集以固結束仰副大總統總理保全至意惟我軍退守之後龍軍尙乘勢進迫時時發砲射擊實屬無可爲計此間發電困難誠恐未能上達卽請代電中央轉請訓示無任感盼等語合爲轉陳伏乞鑒核岑春煊叩青印

陸督軍通電

北京國務院參議院衆議院分送各省督軍省長承德歸化張家口甯夏龍華各都統上海唐少川梁任公先生暨各報館均鑒頃接徐州張巡閱使馬電對於榮廷指論各節似於捕風捉影本欲置之不辯誠恐不知此間眞象污蔑榮廷者其事尙小因此誤會淆亂天下是

非者關係甚大用將張電逐項辯明通告天下聽候公論文曰徐州張巡閱使鑒馬電冬奉遠承明教愛我良多凡人所居之地位不同持論因之以異謹將來電所言各節爲執事剖白言之廷此次舉義原爲擁護共和毫無權利思想幸天相中國大局底定素願已償加之督師援湘溽暑過征舊疾復發更須息肩養疴冀免纏綿留此身以有待以故約法明令恢復國會宣布召集遂通電天下班師回桂初辭署理督湘之命繼則迭電力辭督粵此豈欲得地者之所爲耶况中央任命督粵出於至誠又非廷所要求苟或赴粵隨時可往又何必排擠子誠且黎大總統繼任原由舉義諸人依據約法所推戴國家統一悉遵命令任賢去不肖中央自有權衡而爲地擇人誰督某省亦自中央聰斷更何有於得地不得地之說尊電所謂廷旣失於桂復阻於湘全無事實急於得粵與無得粵之時尤駭聽聞至龍李交鬥原因廷亦略知數月以來不發一言者一因國家已經統一復有賢明之大總統主持於上自有正當之處置一因廷與子誠又屬姻舊略存忠厚不忍置議今執事旣以爲言不得不畧爲表白子誠督粵數年有無罪過天下自有公論廷姑不言惟當起義之初海內風從岑西林梁任公等聯袂至肇廷率兩粵義師首推西林爲兩廣護國軍都司令卽子誠亦通電贊成聽候節制迨軍務院成立舉義諸省羣推唐督莫賡爲軍務院長岑公西林兼充軍務



院副長唐公不能蒞院公推西林暫行職權爾時項城尙未退位滇桂粵三省義軍由西林調集龔逆詎李總司令烈鈞率師至韶子誠不惟不稍協助反飭朱鎮守使諸事故與爲難並派隊開炮轟擊西林迭電調停子誠置諸不理於是三省義師全體憤激遂有責問之子誠不知自悔又密電中央誣捏岑李聯絡滇桂諸省協力圖粵擴張勢力以爲反對中央因此一面請中央調閩贛湘三省派兵來粵夾攻幸中央及諸公明察不爲所動故中央令之去粵有由來矣至謂道路傳言謂廷子實領重兵暗爲李助殊爲荒謬絕倫現廷子代理桂軍第一師長隨廷援湘未離左右天下皆知湘粵相去千里豈真能飛行往來兩地耶此不待識者一噓總之榮廷鋒鏑餘生粗知大義不貪權利不畏強權一切舉動悉準法律正軌悠悠之口本不足輕重辱承遠問布此區區等語特以奉聞陸榮廷冬印

### 陸督軍通電

都司令部岑都司令並轉滇軍李總司令上海伍秩庸唐少川梁任公溫欽甫王亮疇諸先生海軍李總司令肇慶李鎮守使雲南唐督軍成都蔡督軍羅護督戴省長杭州呂督軍長沙劉督軍南寧陳督軍南京馮督軍均鑒廷魚日致北京大總統國務院電文如下文曰北京大總統段總理鈞鑒華密榮廷一介武夫未嘗學問改革以來惟知以愛國家爲前提所

以中間反對二次革命力劈復辟邪說無非欲維持中央鞏固共和免召瓜分危亡之禍詎民國四年籌安會發生袁氏食言背誓帝制自爲廷以數年私情厚遇迭經密電力諫未蒙採納反遭疑忌一般元勳偉人明拘暗禁誅逐一空朝野洶洶大局阡危朝不保夕項城醉心帝制一意孤行國民反對立加誅譴友邦忠告置若罔聞改元稱帝遂其野心迨滇黔首義不顧糜爛地方迭派重兵南來榮廷何辜袁氏亦派逆軍數萬分駐衡永進逼桂林龍覲光入滇之軍密令盤踞邕色一帶復乘榮廷赴黔宣撫密諭龍濟光調兵躡後是其假途滅虢之計路人皆知桂省危險幾同壘卵父老軍民爲自衛計力求宣布獨立維持秩序榮廷以爲國家興亡匹夫有責用順輿情誓師討逆龍覲光則見機向義龍濟光則負隅反抗廷遂親率勁旅馳赴肇慶廣東省外軍民全體響應龍濟光心怪叵測始僞宣布獨立適岑春煊梁啓超溫宗堯李根源周善培湯叡等聯袂至肇兩粵義師公推岑春煊爲都司令卽龍濟光亦通電極力贊成願聽節制調遣彼時項城雖去帝號仍據總統欲俟遣散義師再爲設法報復起義諸省早燭其奸遵據約法及大總統選舉法聯合宣言袁氏叛國失其總統資格應行恭戴我大總統繼任袁氏仍置不顧迫得組織臨時軍務院以爲對內對外統一機關公推唐督繼堯爲院長唐督未能蒞院由岑春煊兼任副長攝行職權滇桂粵三省義

軍聽岑直接編制調遣討逆取道江西北討項城冀達迭次宣言之目的廷亦率師赴湘會師中原乃龍濟光陽奉陰違藉名出師討逆斂餉增兵牽制三省義軍之後三省全體義軍致有責問之詞近復密電中央譴捏岑李諸人聯絡滇桂各省協力圖粵擴張勢力以爲反抗中央地步故李烈鈞率師至韶州龍督諸事故與爲難一面飭朱鎮守使福全開砲轟擊一面密請中央飭閩贛兩省及海軍三面分路來粵夾擊幸我大總統總理明察其僞不爲所動粵省軍民迭電宣布曲直天下皆知顧榮廷數旬以來對於粵事不置一言者意謂龍氏是非公論在人國家既經統一上有賢明之大總統及國務總理主持自有正當之處置何勞武人再置一詞伏念榮廷鋒鏑餘生以死報國誓師之初專爲擁護共和本無權利思想故大局底定素願已償加之督軍援湘舊疾復發更須息肩養疴留此身以有待迨約法明令恢復國會宣布召集遂通告天下班師回桂嗣奉督湘督粵之命迭電力辭卽本此意不料我大總統依法繼任我總理依法改組之後國家有主尙有不諒榮廷之苦心者遽然通電謂廷欲擴張勢力又謂相機圖擾亟欲得地種種捕風捉影之談不外小人妄度君子耳不思榮廷果爲權利中央經任命督湘詎肯驟然收隊迭促赴粵何不接漸而行此心淡薄天下共鑒邇者迭奉電諭謂粵事危急外人將起干涉榮廷亦國民一份子既以身許國

奚惜微軀坐視不顧但以入湘軍隊尙未回齊榮廷宿疾仍未痊愈且自桂赴粵稍需時日誠恐緩不濟急事機貽誤故東日電呈擬請任命譚浩明先行暫護實欲解目前之急而遏外侮之來以期粵疆早日奠安粵民早日出水火用紓中央南顧之憂此榮廷勉力赴粵之苦心也第時勢至此廷惟有部署就緒力疾東下以慰廑念所有應行請示各件屆時再當電呈區區下忱伏祈垂鑒訓示祇遵陸榮廷呈魚印等語特以奉聞陸榮廷陽印

#### 岑都司令呈大總統並致國務院電

北京大總統國務院鈞鑒前據滇桂各軍總司令電稱遵令停止靜駐原地各情經具魚電轉陳並電令將所部軍隊現駐地點詳晰開呈以憑轉報去後茲接滇軍李總司令烈鈞電稱前方各部隊現駐在流潮岡頭圍大田圍南岡三元岡龍湖之塘角岡石馬黃草浦及鳳凰山之雷公箭一帶現在調集軍隊以圖收束合將現駐地點先行電覆請陳中央又據桂軍莫總司令榮新譚總司令浩明電稱遵查第二第五兩軍現駐石圍塘汎地頭五眼橋秀水鄉村羅村黃竹歧北村西步赤悒璧華花地官窰金針幫等處除仍嚴飭各營謹守現地外謹陳據旅長魏邦屏江防副司令周天祿電稱所率艦隊現在三山口臬海徭岡一帶駐守以防衝突據肇軍旅長翟汪電稱所部各營前奉魚電均已停進現駐大石及石壁等處

敬候陸督到任解決各等語合併彙陳伏祈鑒核再各軍連日電稱龍軍仍不時開砲射擊並乘夜進襲情事已經另電轉陳並祈嚴飭龍軍一體停戰靜候陸督到任勿再狡焉思逞以紓兵禍岑春煊叩蒸印

岑都司令呈大總統並致國務院電

急北京大總統國務院鈞鑒頃接莫總司令榮新譚總司令浩明電稱頃據韋農兩司令鄧旅長報稱自江夜起我軍停戰濟軍每晚黃昏後即派隊分途來犯并施放大砲機關槍轟擊徹夜我軍嚴加抵禦已被傷亡十餘人目下我專防守彼則攻擊無時相持既久殊受其困應請早爲設法以備不虞等情查前奉陸督軍東電都司令冬電當經遵照嚴束所部扼駐原地停止進攻業於江日電請龍督軍同時一律停戰至今尚未接復據報前情士卒既憤衝突堪虞除仍飭令遵電嚴守外應如何對付乞示遵榮新浩明叩齊印等語除電復轉飭各軍駐守停戰聽候轉呈鈞座示遵外謹呈鑒察岑春煊叩蒸印

岑都司令呈大總統並致國務院電

急北京大總統國務院鈞鑒頃接莫總司令榮新據申旅長葆藩報稱我軍仍守原陣地無戰事適連日焚劫附近綏靖炮臺各鄉昨早劫坑口村福昌當舖踞作砲壘昨夜盡焚石圍

塘右旁竹杉欄不知是何居心人民何辜慘遭荼毒龍之罪真上通於天矣如何俟再詳查報聞等語謹轉呈鑒榮新印庚印特電轉呈伏祈鑒察岑春煊叩蒸印

### 岑都司令呈大總統並致國務院電

北京大總統國務院鈞鑒滇桂各軍自本月冬日陸督來電允卽力疾赴任卽於是日以後一律停止靜駐原地聽候解決並經電飭各軍將所部軍隊現駐地點詳晰開呈先後迭電轉呈在案又查桂軍停止後曾於江日通電龍濟光請其轉飭濟軍勿再攻擊不惟置之不復並時時發礮射擊意圖乘勢進攻微魚兩夜冒雨來襲幸桂軍先事預防未能得志始行退却據莫總司令榮新譚總司令浩明暨派往前方諜查周揚亞楊瑞昌等來電報告仍飭嚴密防維謹守勿犯並具齊電轉陳請予飭龍停止攻擊以紓兵禍現在尙未奉覆刻由廣東督署內抄出龍濟光虞電一紙內稱大總統國務院陸軍參謀部鈞鑒華密魚夜敵軍水陸分七路猛攻礮聲極烈水軍圖占車威礮臺右邊山巉陸從西路之芳村花園黃竹歧石圍塘以撲省垣北路之高塘官橋墟以取兵工廠衆至數萬我軍竭力抵禦敵人尤志在奪我礮臺其鋒甚銳時大雨如注冒雨迎擊仰托威福幸得戰勝奪開花礮一尊機關槍二枝步槍數百枝斃敵千計惟敵人前仆後繼猛進不休孤軍撐持備多力分實無把握揆李烈

鈞等用心中央既有限三日悔過退兵答覆嚴令彼輩功在垂成何肯輕去必拚死以爭此最後勝利空言禦侮當用武力萬懇迅飭閩贛兩軍尅日出發以救眉急濟光叩魚等語種種捏詞朦聽深堪詫異龍軍魚夜進撲幸經桂軍嚴防計不得逞桂軍確遵命令敵退不敢追擊乃反誣以進攻且是夜來襲之兵尙有六七十名不願受其迫脅乘機歸附桂軍反誑報奪械若干斃敵千計尤爲誕妄至李總司烈鈞自停兵後卽將所部軍隊設法調集以圖收束雖龍軍屢次礮擊均遵率明令力避衝突亦經迭電陳明魚夜之事又係桂軍被其襲擊李軍方面龍於是夜既未進攻亦無戰事乃電內仍歸罪李軍無非欲達到請兵中央最初之目的其陰謀實未稍變煊自各軍停止卽防龍之狡謀分派諜查前往視察所有電陳狀況自信無一字虛誣且陸督現已啓程粵事立可解決復奉中央嚴令飭令靜駐候命各軍當此時機斷無違令盲進之理龍濟光自兩月以來無日不尋隙挑釁至於飾詞朦聽尤其慣技先後抄出文電不止一端現在陸督將到猶復著著進行一面朦電中央請兵一面大張布告聲稱已奉國務院電開已令贛閩星急出師分道進攻等語似此詭謀其用心何在無待深言陸督指日卽來春煊亦可卸責惟是真象所在誠不忍聽其喪心蒙面欺蒙鈞聽府怨中央用敢一再瀝陳以備鑒核至龍軍進逼日甚究應如何處理仍乞速電示遵岑

## 春煊叩眞印

### 岑都司令呈大總統並致國務院電

急北京大總統國務院鈞鑒頃據段爾源送來馬存發油印告示一紙內稱爲出示曉諭事案奉督軍兼省長龍飭開八月六日案准國務院支電悉粵省紛擾中央苦心維持冀以全粵非棄粵也李等悍恃無忌違令進攻迭次勸誠置諸罔聞馴至糜爛地方牽動外交不顧大局罪有攸歸除以武力剷除外別無良法日前已電令閩贛星夜出師分道進攻以救全粵而除巨患院印張督軍支電開廣州卅一兩電敬悉現閩贛兩省師已出發頃誦各電知粵困益急現已速勁旅出發并得李秀山已經出師并電商馮倪兩帥迅調援兵出發知關廬系持先奉聞勳叩各等因合行通飭爲此飭仰該司令即便遵照并轉飭所屬一體遵照切切此飭等因奉此除分飭外合行出示曉諭仰軍民人等一體遵照切切此示等語查粵事糾紛曲直所在當早在鈞座洞鑒之中而中央維持苦心春煊亦夙所感激通令各軍靜候陸督接事解決惟該告示所列各節意在鼓惑軍心再圖煽亂不得不爲錄呈伏祈鑒察岑春煊叩眞印

### 林總司令來電



萬急肇慶都司令陸督軍鈞鑒職軍自奉命停戰卽據守原有地點靜候陸督軍東下解決乃日來龍軍時出攻我并焚擄淫殺所過邱墟殊違背中央及都司令陸督軍顧全大局之苦衷應請電詰龍氏勿逞淫威地方幸甚林虎叩真亥印

岑都司令呈大總統並致國務院電

北京大總統國務院鈞鑒頃接旅長魏邦平江防副司令周天祿庚電稱冬電敬悉遵卽駐守原地實行停戰以待陸督之至龍氏欲乘我軍停止暗行進攻現探獲龍氏飭蔡春華添租快捷小輪二十餘艘改裝鋼板安置機關槍十餘架並置敢死隊一百餘人合同兵艦圍襲我艦務將我之寶璧江大等艦轟沉同膺上賞此項租賃輪船並訂賠償條件又查獲龍軍司令金鎔致龍督無綫電云龍督軍鈞鑒山密現本部艦隊業已編成俟各艦隊定期後卽行夾攻查保民艦長梅南勝精於海軍請電委兼各艦隊總指揮以專責成而收功效司令金鎔謹叩庚印等語合併錄呈如果龍軍兵艦前來攻擊究應如何對待請迅示等情前來除電飭仍遵冬電駐守停戰外謹電轉呈伏乞鑒核岑春煊叩尤印

岑都司令呈大總統並致國務院電

急北京大總統國務院鈞鑒頃據本部諜查員周揚亞楊瑞昌等真電稱昨晚龍軍槍礮仍

不時向我五眼橋花地前方一帶射擊查龍軍在果子園黃沙敵兵千餘每夜輪流防守每次換班卽向我軍亂擊並聞北路昨晚槍礮聲較猛烈查係龍軍以主力移攻北路滇軍等語謹錄轉呈伏乞鑒核岑春煊叩文印

### 岑都司令呈大總統並致國務院電

北京大總統國務院鈞鑒大總統庚電國務院青電寒日同奉魚電所陳仰蒙鑒察並蒙嚴飭龍軍加以約束尤深欽感惟自本月冬日以後滇桂各軍一律遵令停戰靜候解決確無進兵之舉雖龍軍多方誘擊各軍堅不爲動卽於微魚兩夜龍軍冒雨進襲幸經先事設防不勝而退桂軍謹駐原地並未加之追擊凡此實在情形迭電轉陳諒邀鈞鑒昨又抄出龍濟光虞電一件反誣各軍進攻種種捏報出人意表當經照錄原電證以事實陳候鑒核鈞座痛心粵難愛護義軍訓誡頻頒慰勉交至各軍將士感戴莫名加以陸督已來龍去在卽若尙違令盲進多所殺傷各軍雖愚必不出此而龍自挫敗之後日圖報復又恐軍心不固未敢進攻乃專用我出則歸我歸則出之計牽掣各軍一面朦電中央張皇聳聽必達到請兵目的而後己且自各軍退守其勢益舒又明知嚴令屢頒各軍不敢擅進乘機挑弄固所優爲卽如鈞電內開龍濟光魚電所稱李等爭此呼吸三數日內必有最劇烈之猛戰只得

激勵將士堅守以待等語純屬虛構危詞以爲魚夜進兵之地用心可謂至狡且查魚夜之事乃彼襲擊桂軍至於李軍方面是夜並無戰事不惟滇軍未嘗攻彼卽彼亦未嘗攻滇軍事實昭然無可掩飾煊自停戰以後卽恐各軍情報或有不實添派多員視察確無一字虛誣若龍之反覆狡詐欺蔽中央亦斷非各軍將士所敢出再魏旅長邦平周副司令天祿所率兵艦因龍調艦進逼經飭設法退回以免衝突頃據電稱所率大小各艦均已退至容奇至李莫譚各軍駐地均經轉陳在案現龍日夜挑釁本擬酌令撤退以免糾紛惟龍方肆其狡謀進逼不已又慮撤退之際彼反乘勢進攻不惟橫被摧殘且恐激成戰事不得不審慎以圖陸督眞日啟程不日卽可入粵應如何分飭退紮擬俟陸督到後卽與妥商辦理除遵示轉電李總司令烈鈞及各軍遵照外謹此電陳伏祈鑒核示遵岑春煊呈刪印

岑都司令致贛督軍電

南昌李督軍鑒卅一電敬悉韶源釁啟全粵洶洶春煊逼處其間出而調處自慚德薄不足感人調和無功防維乏術事變蠱起終釀大紛愧誠信之未孚痛危疑之交構私衷耿耿不敢告人我公辱愛之深指誨之切凡所開示切當下懷而廓然至公之心睠懷大局之念循誦再四欽感尤深惟是粵局糾紛造端非一屢欲據陳始末以告盡懷祇以紛攘之中難爲

論列之地欲言復默以迄於今頃幸陸督軍鑒此孤懷已允力疾赴任自接冬日來電軍心於以大安卽自是日以後各軍一律遵令停止攻擊靜候陸督軍到任解決昨又接陸督軍電真日業已啟行計程不日可到關於安插軍隊各節定能籌策安全粵難自此獲紓差足告抒塵注所有近日情事已於另電錄呈尙祈時賜箴言俾資準的不獨春煊私幸卽粵局實利賴之臨穎神馳伏希賜察岑春煊刪印

岑都司令致閩督軍電

萬急福州李督軍鑒江電寒奉敬悉東電所陳荷蒙俞允公誠所逮欽感同深粵局糾紛重勞盡慮尤仰我公睠懷大局加惠鄰疆之雅意循誦之餘益深緬佩追維釁端始起亦嘗力任調停自愧誠信未孚危疑交構事變參會終召大紛耿耿於懷未能奉白頃幸陸督軍力疾東下軍心大安計自東日以後業已一律停戰靜駐原地聽候解決頃接陸督軍電寒日已抵梧州粵難自此獲紓差可告紓塵注仍冀時賜教益以示周行是尤私衷所懇禱者也  
臨穎神馳惟希亮察岑春煊刪印

唐督軍通電

貴陽劉督軍廣西行營陸督軍南寧陳督軍重慶戴巡閱使承德羅督軍杭州呂督軍上海

分送唐少川梁任公溫欽甫王亮疇李承梅諸先生肇慶岑都司令韶州行營李總司令鑒西林齊日抄示呈中央電文粵事內容昭然如揭滇軍到韶本以會師而來而龍以種種陰謀手段節節進逼濟軍本無訓練紀律不值一創龍乃對於中央各省佯示退讓捏造調辭雙方挑釁繼堯痛念時危不忍多事迭飭滇軍將領停止進行靜俟和平解決均經電達在案西林宗旨本與此間同意不過因籍隸兩粵凡見粵民水深火熱不忍父老子弟之罹凶災亟思拯救而龍遂多方媒擊致令國家元老心迹無以自明不勝憤恨現幹公既允力疾就職則糾紛之息計當不遠務望兼程到粵澈澄辦理切電聲明庶黑白之辯可明而賢姦之罪亦著也除電呈外特此佈達唐繼堯叩刪印

陸督軍通電

萬火急肇慶岑都司令李鎮守使總司令段副總司令佛山譚總司令莫總司令江門魏旅長送新街李總司令林總司令汕頭莫鎮守使欽州馮道尹廉州隆鎮守使高州軍總司令鄒道尹雷州楊司令瓊州黃鎮守使朱道尹惠州李督辦福軍李統領袁統領胡統巡水陸警察廳長三水陸正司令均鑒粵事危急榮廷迭奉中央電飭力疾兼程赴任現於鹽日行抵梧州部署稍定卽赴東接事除分電中央及龍督外特奉聞陸榮廷叩刪印

## 李總司令來電

肇慶岑都司令鑒國務院青電計達查本軍自遵中央命令停戰以來各軍駐守原地從未輕發一彈前進一步近數日爲收束便利計並將駐在豐馭洼潮及鳳皇山兩翼隊伍撤回後方可以查證院電謂本軍仍有進逼省城情形其說果何由而至龍軍不時攻擊滇軍則無人代訴而偏捏報滇軍進逼省城眞寃人也愧鈞不仁短於交際眞相莫白夫復奚尤現惟有將隊伍交參謀長成桃料理以待陸督軍朱省長之命鈞即日離粵就醫滿天浮雲當可散去也卽懇代陳中央是幸烈鈞叩刪未印

## 李總司令來電

萬急肇慶都司令部轉北京大總統國務院雲南唐督軍各省督軍省長各報館公鑒民國重新共和再造顧瞻諸夏羣公舫舫盪穢滌瑕起衰振廢引領高盼曷勝馨祝鈞本病夫遭茲時會提兵萬里聊助光明大局底定私願良已現將軍隊分交參謀長成桃中央軍司令張開儒管教以待陸督軍朱省長之命暫解煩憂離韶就醫奔走數年神魂俱瘁息游泉石復我故常謝申別辭逖聽華績李烈鈞籙印

## 李都參謀轉李總司令致程理堂電

北京總統府程理堂先生鑒頃接李協和兄囑轉尊處一電文如下程理堂先生代呈大總統鈞鑒歌電奉悉感悚莫名我大總統側席旁求薄海望治明揚所逮葑菲無遺攬分循涯其何以報烈鈞自維愚鈍動違艱危仰荷恩知曲加愛護下逮將士銜戢靡涯惟疲憊之軀危疑交集擬於收束軍隊之後避地就醫稍資調養餘生未泯仍効馳驅瞻望雲天無任惓戀烈鈞叩文印云云特達李根源刪印

李都參謀轉李總司令致內務總長電

萬急北京內務部孫總長鑒頃接李協和兄電開轉孫伯蘭先生鑒頃由岑都司令轉奉微電備承開示感佩無極烈鈞所部軍隊自得陸督軍東來之電即經嚴令停戰靜駐候命而敵軍乘機進迫迄無已時復由岑公指定退紮地點分別撤退以避糾紛烈鈞憂患餘生重遭橫逆久處戰地病益難支亟思避地就醫稍資休息所部軍隊即責成該師長籌畫妥爲管束以待陸督軍之命重承塵念敬以奉聞我公在遠不遺尙冀時賜教言以開塵抱烈鈞叩等因謹達李根源號印

岑都司令呈大總統並致國務院電

北京大總統國務院鈞鑒奉眞日大總統令仰見洞察粵隱息事寧人祇領之餘莫名悚感

此間滇桂各軍自本月江日以後即經嚴飭停戰駐守靜候陸督軍到任解決迭經電陳鈞座在案今幸陸督於元日抵梧州日內即允首途臨粵業經商同陸督於銑日電令桂軍譚莫兩總司令即飭所部撤退駐守三眼橋一帶滇軍李總司令烈鈞暨粵軍林總司令虎所部經於同日電令撤退駐守新街一帶以待後命謹電奉聞伏希鑒察岑春煊叩篠印

### 岑都司令致黃柏兩君電

萬急上海中華新報轉黃克強柏烈武先生鑒篠接兩公致協和虞電當已代轉協和所部軍隊自接陸督軍赴任之電即於本月冬日以後遵令實行停戰雖龍軍百方誘擊均堅守不動求免衝突惟龍進逼無已誠恐再啓糾紛復經商令撤退三十里暫駐新街附近以待後命陸督軍本日已抵肇慶粵難當可獲紓特先奉聞以告塵念岑春煊叩巧印

### 岑都司令陸督軍會呈大總統並致國務院電

北京大總統國務院鈞鑒焯廷於銑日分電莫譚林李各軍退紮以免龍軍時來襲擊經具電陳諒達鈞覽頃據莫總司令榮新譚總司令浩明篠電稱銑電奉悉榮新等遵飭將現紮石圍塘附近及五眼橋新地頭秀水各鄉村軍隊退紮黃竹岐北村三眼橋鹽步五叉口平洲三山各處地方應請龍督軍轉飭濟軍不可進紮以免兩軍接近易啓衝突爲幸仍盼電



覆等語又據李總司令烈鈞林總司令虎巧電稱銑電敬悉遵卽撤退移紮新街附近之金溪鶴崗蓼崗昔山茅山莊白水塘莊背闕崗龍湖各處謹覆等語謹電轉呈伏乞鑒核再李總司令烈鈞業已通電離營就醫併以上聞岑春煊陸榮廷叩巧印

翟旅長來電

萬急肇慶分送陸督軍岑都司令李師長鈞鑒雷巽已到昨迭奉停戰命令旅長已率所部於寒日回紮陳村惟今早濟軍又由石壁進攻陳村礮聲隆隆商民惶恐應否質問龍督軍及如何對待乞急電示遵旅長翟汪叩巧印

岑都司令呈大總統並致國務院電

北京大總統國務院鈞鑒滇桂各軍遵令退紮各情已具電陳頃據莫總司令榮新等迭電稱據韋司令榮昌中旅長保蕃報告稱我軍自江日奉令停戰靜駐原地龍軍卽時來攻擊現復遵令退紮三眼橋一帶以避攻擊詎我軍甫經撤退龍軍復乘勢派船七艘向我退駐三眼橋附近之三山軍隊開炮攻擊旋又駛來明車拖船數艘載步兵數百登岸向我射擊士兵被傷十餘名又據肇軍旅長稱迭奉命令已率所部於寒日回紮陳村惟今早濟軍又由石壁進攻陳村礮聲隆隆商民惶恐各等語查前此各軍遵令靜紮原地龍軍卽乘勢襲

擊相處較近尙可嫁詞於人現在各軍遵飭一律撤退龍仍節節進攻是非曲直更屬顯然現陸督軍已抵肇慶除將此事商請陸督軍主持外應否懇由鈞座嚴電飭龍速照眞日命令趕爲交代俾陸督軍早日接收以遏狡謀而杜禍亂伏乞裁奪施行岑春煊叩號印

### 岑都司令呈大總統並致國務院電

北京大總統國務院鈞鑒大總統篠電號奉謹悉蒙飭轉知各軍速與陸督接洽一節遵查李總司令烈鈞前接陸督軍東來之電卽經電覆聲稱已飭新部軍隊靜聽陸督命令莫譚兩軍亦經由煊飭令聽命陸督遵率辦理現在陸督抵肇所有一切事宜復經電飭各軍秉承陸督命令除遵電轉知外合電陳明岑春煊叩馬印

### 岑都司令呈大總統並致國務院電

北京大總統國務院鈞鑒頃據滇軍參謀長成桃芻電稱本軍遵電退駐新街附近一帶地方業將高塘江村一帶退出殊龍軍不守停戰之令卽乘勢進佔高塘江村一帶復向本軍施行猛烈之射擊現既奉有中央嚴令自應確實遵守無論如何進迫惟有設法退避以免衝突惟陸督軍現已蒞粵龍亦應服從命令卽日交代何得違令進迫日尋干戈應懇一面代爲轉陳中央一面催速陸督軍卽日接任以全危局桃因本軍總司令離營就醫所有前

方軍隊謹當嚴行管教以待命令等語查李總司令烈鈞現在因病就醫而龍又進逼不已除就近商請陸督軍統爲主持並飭知該軍成參謀長靜聽陸督軍命令辦理外合爲轉陳伏祈鑒核示遵岑春煊叩馬印

岑都司令呈大總統並致國務院電

火急北京大總統國務院鈞鑒頃接滇軍旅長朱培德簡電稱我軍奉令退軍龍軍追擊不已現距我祇數百密今早復向茅山庄白水塘庄中間高地攻擊發砲百六十餘發我兵士被破彈片致死三人傷六人似此逞狡究應如何應對再龍軍經過高塘圩江村大同圩等處焚淫劫擄慘不可言村民扶老攜幼紛來哭訴求救務懇速電中央嚴令濟軍勿得再事橫暴旅長愚見非令龍遵大總統明令速行交卸粵事恐無太平之望也等語特電轉呈伏乞鑒察岑春煊叩養印

成參謀長來電

萬急肇慶分送岑都司令陸督軍鑒桃以不才忝承李軍長委任管教軍隊靜聽都司令督軍之命誼不敢辭當將遵命退紮並龍軍追襲情形於智電陳明兩三日來龍軍仍節節進逼不已昨日午間更增加軍隊進佔白水塘河浦葉邊一帶村由森林向滇軍攻擊火力甚

熾雖晚間稍息今早復繼續攻擊現猶聞槍砲聲隆隆除飭各飭各軍嚴守防地外理合電陳成栻叩敬印

### 花地沙螺堡局紳來電

肇慶岑都司令陸督軍北京大總統國務院參眾議院廣州朱省長九大善堂上海廣肇公所香港東華醫院華商總會報界公會鑒昨桂軍由花地退回後濟軍大隊陸續進紮一見村中老少亂槍轟擊蠶擁入屋銀物柴米盡被搜掠婦女悉被強奸並稱粵人嫉視濟軍定要殺盡乃止鄉民死裏逃生流離失所紳等避亂在外聞報痛哭控訴無門伏思兩方劇戰鄉民救死不暇乃竟仇視亂殺淫掠安有天日伏乞政府派員秉公查辦分別撫卹以平冤憤不勝哀痛迫切之至花地四十八鄉沙螺堡局紳郭福康霍廷醒羅寶書李國安等叩

### 廣東紳商學界來電

北京大總統國務院參眾議院肇慶岑都司令陸督軍廣州朱省長鑒前月馬日段爾源率眾歡迎桂軍進駐佛山譚莫兩總司令紀律嚴明地方安堵鷄犬無驚昨陸督蒞粵卽飭各軍一律停戰退守三眼橋佛山等處詎龍軍忽有太隊進紮芳村花地五眼橋高塘一帶所到焚殺淫掠乘機搶劫各處當店慘無人道尤復日夕攻擊砲聲隆隆以致水陸不通柴米缺

乏商人奔告深恐濟軍進攻各地至遭蹂躪爲此冒死哀告伏乞電飭龍軍刻日停戰收束軍隊退回省河任准省佛船渡及廣三鐵路照常交通以免戰禍而維民食迫切待命廣東紳商學界梁暢南陸維詢陸鴻圖潘正忠陸頌堯甘銘源陳禮卿等叩

秀水團保局紳來電

肇慶岑都司令陸督軍北京大總統國務院參眾議院鈞鑒敵鄉久居戰線烽火頻驚不圖災禍重重廿四日濟軍乘桂軍退回三眼橋遽率隊前來亂將鄉民轟擊大罵鄉民煮粥烹茶接待桂軍明係庇匪竟將閩鄉財物搶掠淨盡少年婦女不甘污辱亦被轟斃慘無人道現閩鄉男女悲憤填胸願與俱死乞速查明嚴辦以雪奇冤沾恩之至秀水三十三鄉團保局紳梁國材鄧沛霖等叩

岑都司令通電

萬急北京大總統參眾兩院國務院鈞鑒南京馮督軍江西李督軍雲南唐督軍任省長貴陽劉督軍行營陸督軍廣西陳督軍四川羅護督軍蔡督軍戴省長劉總司令浙江呂督軍湖南譚兼督軍上海唐少川梁任公溫欽甫王亮疇李永梅諸先生鑒頃奉秀公巧銑兩電莫公箇電周鋒兩公巧電睽懷粵局力予維持正誼所昭公理不泯匪獨私衷感禔大局受

賜實多自龍軍構釁以來春煊逼處其間調息既愧無功防維亦苦乏術不得已力陳險狀請杜危機陸督未到之先暫予簡員護理一再呼籲仍無術得蒙采納龍乃從容自固緣隙生心一面大舉興兵一面飾詞聳聽倡南北分裂之說進閩贛夾攻之謀冀以撲滅義軍推翻全局文電具在詭計昭然中央不察以持重而幾中奸謀帝孽乘機藉干涉而陰圖報復詭詞橫肆聲勢大張是非喧淆賢奸倒置前途顧念竊所痛心嗣幸陸督軍力疾東來軍心於以漸定故自本月冬日以後各軍卽已一律停戰駐守原地靜候解決乃龍益乘勢進逼必欲激起大紛以求遂迎拒之狡謀達請兵之目的因復商同陸督軍將滇桂各軍飭令撤退以避糾紛惟是我退彼進迄無已時現已商請陸督軍爲之主持並查照莫公迭電意旨電知滇軍並通飭各軍將士悉聽陸督軍命令辦理協和躬違艱危久居戰地尤苦病勢不支茲已通電離粵就醫將所部軍隊交成參謀枕師長開儒方師長聲濤等管理以俟後命煊俟陸督軍受任粵事獲安卽當引身而退以謝塵鞅惟查大總統眞日命令一面飭龍交代一面飭李休兵辭義極爲嚴正無復有奸人藏身之隙抑亦非片面利用之資頃滇桂各軍悉經撤退協和就醫去粵似足以告天下陸督軍現已抵粵而龍尙日夜出兵肆行攻擊究其交代當在何時明令所頒責必有在中央威令所寄固將以此爲衡甚願其行施於義

軍者毋遽阻於凶慝非特軍心戢服民困可紓而政府大公之心亦可與國人以共見追維粵難既起備勞諸公塵念究其糾紛至此皆春煊涼德上無以取信政府下無以感格凶頑然其間曲直是非尙可徵諸三千萬粵民之口諸公維持大局用敢覲縷以陳所以圖利國家施及粵局翳惟諸公是賴固非春煊一人所敢引爲私幸者也敬布區區唯希裁察岑春煊叩敬印

唐督軍來電

肇慶岑都司令鑒敬電備悉我公對於粵事維持既具苦心持論尤極公允敬聆之下何勝欽佩今協和已遵令停戰幹卿亦已蒞粵而龍濟光尙日夜進兵肆行攻擊誠不知是何居心想政府接公電後必有辦法堯亦應本尊旨電請中央力予主持俾陸龍得以早日交代解此糾紛卽爲三千萬粵民之幸也繼堯肴印

岑都司令致贛督軍電

急南昌李督軍鑒前奉卅一電及微電當具寒刪兩電奉復計達清覽頃復接讀巧電蓋慮周至開示詳明而維持大局之公與加惠鄰疆之盛意不獨私衷竊感粵人食賜尤多溯自本月冬日接到陸督軍東來之電各軍卽於是日以後一律停戰靜駐原地聽候解決而龍

軍乘勢攻擊必欲再起戰端因復電商陸督暨李協和總司令將西路駐紮石圍塘五眼橋新地頭秀水郭村等處軍隊飭令退紮三眼橋一帶北路駐紮江村高塘等處軍隊退紮新街一帶以避衝突曾經通電奉達乃各軍撤退之後龍軍復節進佔追蹤襲擊迄無已時而五眼橋等處地方桂軍退出之後慘被龍軍焚劫居民紛紛遷入桂軍防地以求保衛流離瑣尾尤不忍聞幸陸督軍已抵肇慶經請一力主持並飭各軍悉聽陸督命令辦理昨復接朱省長電敬日赴粵受任粵事有屬煊亦可釋仔肩李協和總司令橫被危疑久居戰地近以病勢不支已於篠日通電離粵就醫並將所部軍責成各師長管理以聽陸督軍之命自今而後粵民之倒懸是否立解中央之威令是否能行惟視龍交代遲速有無要挾爲斷以我公之公忠謀國力持大體用敢布其區區卽希亮察岑春煊有印

### 岑都司令致陳瀾生長電

急北京財政部陳瀾生先生並轉旅京廣東公會國會議員諸公同鑒養電敬悉粵難久延備勞盡慮證清無術疚負滋深惟自本月冬日接陸督軍力疾東下之電各軍卽於是日以後一律停戰靜駐原地聽候解決乃龍軍乘勢攻擊日尋釁端時值陸督抵梧復經電商陸督暨李總司令烈鈞將滇桂各軍由原駐地點退出二三十里駐紮三眼橋新街一帶龍仍



追蹤進逼此退彼進迄無已時幸陸督已抵肇慶當經商請陸督爲之主持李總司令烈鈞久居戰地病勢不支經通電離粵就醫所部軍隊責成各師長管理聽候陸督命令辦理煊俟陸督受任粵事有屬卽可引身而退藉卸仔肩因關廬念并以奉聞岑春煊有印

### 楊廳長致梁任公電

上海梁任公先生鑒敬電悉遵卽轉呈西林武鳴在遠不遺極感盛意武鳴抵肇後奉國務院簡電暫勿進省由朱先入取印轉交待龍部悉退始前往朱廿三抵省廿五通電就省長職督印能否取來尙無下文龍養電則責陸先行籌還墊餉三百萬隱以安爲接任交換條件連日省城復大招新兵旗人爲其復辟說所惑應者猶多白雲觀音兩山之架築砲壘亦如故審其所爲帖然受代恐終不可期滇桂兩軍自篠日陸續退新街三眼橋龍軍卽承勢進逼原駐地悉爲佔領淫劫燒殺村落爲墟以高塘江村花地石圍塘各鄉爲尤甚人民痛哭攀留不讓滇桂軍行爲恪遵中央飭退命令起見遂暫置之隨軍遷避者絡繹於道流離失所慘不忍聞現駐地點距省已三十里以上桂軍方面後阻大河然國院來電謂寬留龍兵出路仍飭再退是棄民也龍氏敢於貪戀不捨皆由中央過於優容倘不假詞色嚴令立限交代或可稍戢而龍兵退留之人數及捲去之軍械尤宜嚴加限制否則粵中積存必將

一空養此大癰爲患無已我公關懷桑梓務祈主持電請中央於龍去之際責成朱省長薩巡閱使嚴加檢閱至爲厚幸楊永泰豔印

### 陸督軍呈大總統並致國務院各部電

萬火急北京大總統鈞鑒國務院段總理各部總長均鑒院卅一庚密電奉悉電龍剋期交代從速啓行曾否限定日期抑或由廷定期接任呈請政府轉飭龍代督遵辦請明白電復榮廷力疾到粵已旬有九日乃奉命急如星火而視事邈若山河中央威信既有損傷質廷初衷亦難自解且廣西督篆早已交卸薪餉將罄無從籌措如再延宕恐將無術維持此種苦心萬希諒鑒至滇桂各軍向歸岑都司令節制調遣經廷商准飭令前線軍隊一律撤退北路滇軍已由新街退後經廷派出親軍梯團長李祥祿等率隊前往接防曾奉總統國務院覆電允准卽龍代督復電亦無異議西路莫譚兩軍亦經廷商准岑都司令飭令退至佛山旬餘以來並無衝突之事院電令各軍儘九月十五以前一律撤退離省二百里之地駐紮俾龍部得以安心安然交卸及早離城滇桂各軍將來終須去粵何不早撤免滋猜疑等語查都司令部正在籌辦收束昨已備文將全部軍隊移交廷處廷以未經接印未便收受現正在籌商中各軍究應退駐何處請另電知岑都司令照辦廷未視事未便轉飭惟榮廷

到肇以來觀察粵中地方民情頗悉真象對於撤退各軍離省二百里之地尙有疑問何則粵省數年以來萑苻遍地起義以後西北兩江賴有滇桂各軍鎮懾秩序不至擾亂粵人有口皆碑若令退出二百里之遠地方未免空虛尙土匪乘機劫掠試問何人負責此其一北路滇軍退後由廷派親軍馳赴前綫接防又經龍代督覆電同意廷係奉命接事之員派兵駐紮居中調停卽免衝突乃竟未蒙信任是何緣故此其二西路桂軍退出地點均經濟軍進佔焚掠居民粵人共見商民曾經通電呼冤卽龍代督在告戒軍人令中亦復自行承認佛山一鎮人口商務之繁盛爲吾國市鎮之冠一般潰兵土匪久欲乘間劫掠該處商民前聞桂軍移退紛紛來營要求勿令退兵藉保治安廷經據情電陳並請飭朱省長派員查勘在案倘飭各軍退出由廷派隨來親軍前往接防並請電飭薩巡閱使朱省長派員監視否則恐遭損失非惟政府有所不忍卽榮廷亦恐無以對粵人此其三查龍代督兵力只及省城一隅省外粵軍及民軍均與龍代督勢不兩立如慮濟軍退出有人邀擊勢必並將粵軍及民軍一律撤退而後可姑勿論廷未接印未能飭退就令政府強迫爲之試問離省二百里地方責令何人保衛此其四總之榮廷此次迭奉嚴令力疾東下區區苦心無非仰體政府保全粵民之盛意對於龍代督誼屬姻舊諸事委曲求全但求得一和平完善辦法早出

粵民於水火紓中央南顧之憂無不惟命是聽如慮龍代督離粵之時各軍或有誤會衝突應請中央指定濟軍退路明令該處軍隊暫行移開駐紮俾其通過似較妥洽榮廷爲國爲民毫無意見日擊淪胥不敢不告是否有當仍懇核奪立候示遵陸榮廷呈叩冬印

### 李總司令致國務總理電

北京國務院段總理鈞鑒東電奉悉烈鈞猥以孱軀頻遭憂患無補家國有負師門鈞座愛護交深慰勉備至循誦再四感愧莫名抵肇後病益難支岑陸諸公勸令小憩因於去城十數里外山寺借居稍資休養一俟病體粗愈可效馳驅卽當遵命入京晉謁鈞顏面申悃愾所部軍隊除責成師長張開儒方聲濤從嚴管教外現已商請岑公代爲移交陸督軍管轄並陳李烈鈞叩支代印

### 岑都司令呈大總統並致國務院電

萬急北京大總統國務院鈞鑒李總司令烈鈞離營就醫現已抵肇所部滇軍兩師經責成第二師師長張開儒第四師師長方聲濤管束訓練並由煊咨交陸督軍管轄惟該軍入粵後迭准雲南唐督軍來電以滇省首義之初龍濟光助逆最力陰遣子姪回滇煽動土民在南防一帶起事與龍觀光之兵內外相應滇邊大震該軍勘定匪亂保境有功而龍觀光率

兵攻滇之際該軍禦之於皈朝剝隘等處鏖戰數日夜龍始敗退保全滇境卽以保障共和民國不亡帝制燬滅是役所關甚大該軍將士功勳卓著萬難解散而滇省用兵以來兵多餉絀又難撥濟再四請由春煊商諸陸督陳請中央善爲保存妥籌安插以勵士卒又查該軍兩師皆滇中精銳訓練有素紀律嚴明入粵以來秋毫無犯所至之處人民敬愛地方恃以爲安凡此情形皆可考詢且欠餉累月軍無怨言似此深明大義具有節制之師實爲國中所罕見又况閩關萬里以赴國難險阻瘴癘屢邁艱危現在遵奉明令隱忍撤退鈞座體恤將士愛護義師應懇俯念疲敝之餘准由陸督軍妥爲編置訓練以備國防再該軍八月以前積欠餉項業經奉准由部籌撥其自九月份起兩師薪餉應由何處給發並懇迅賜核定示遵至煊所部軍隊並經全數備文咨交陸督軍管轄矣合併附陳岑春煊叩眞印

廣東紳商學界通電

肇慶岑都司令廣東陸督軍行營上海唐少川伍秩庸梁任公先生北京大總統國務院參謀陸軍財政部鈞鑒頃閱報載龍署督致中央華密歌電一通跋扈自雄野心勃勃侵蝕軍餉肆意要求粵人聞之髮指眦裂謹就其所陳各節痛斥如下原電一謂濟軍二萬餘人均鄉里子弟患難相依斷難解散擬酌編兩師餘資遣散回藉等語查龍督癸丑入粵時僅得

濟軍六營嗣陸續回滇招募總計不過七八千人現除逃散及傷斃及段爾源所部投降外龍軍之隸滇籍者僅得五千餘名乃既擬編兩師又須資遣回籍非藉端侵蝕而何二謂國步方艱西南多故非有大枝軍隊不足以隱戢戎心維持大局濟軍強武善戰懇團結精練以備緩急等語此次西南各省起義全爲力爭共和故南軍首先推戴今大總統正式繼任竭誠翊贊自無待言所稱西南多故欲藉軍力以戢戎心顯係技詞聳聽龍督自與滇桂兩軍宣戰北路濟軍由韶關敗退石井西路濟軍由獅子竇敗退石圍塘奔北百餘里死亡數千人詔爲善戰又將誰欺三謂本軍移防餉項由中央指定的款或鹽務項下劃撥等語龍督蒞粵以來藉口擴張軍隊防制黨人實則缺額蝕餉每月報銷多被財政部指駁有案可查項城有意羈縻曲予遷就任其所爲今復要求的款劃撥何數年中飽慾壑尙未填滿耶四謂辦礦區域必擇兩廣扼要地點屯駐濟軍指定區內其他軍隊卽飭離防等語兩廣地方應由兩省地方官擔負治理責任且扼要地點係軍事關係非礦務關係至祇任該軍屯駐並令軍隊離防是人方力謀統一彼已實行割據五謂濟軍旣編兩師當比照軍署規則等語是該軍無論屯粵屯桂兩省已多一督軍矣中央或可曲從人民斷難承認六謂本軍直接受陸軍部指揮本省官不得任意調撥等語明係擁兵自衛盤踞地方兩廣人民何賴

有此軍隊乎龍督現辦廣西賀縣煤礦務所駐濟軍恃勢橫行附近地方屢被荼毒甚至妄用軍法處決平民粵省之南海上淇村番禺石湘村惠州三多祝前被濟軍姦淫焚搶所過爲墟最近本月七日在附城花地後戰罷強搶福昌押店損失至二十餘萬均已騰載中外報章若仍任其屯駐一方恐該處商民無噍類矣龍末復稱既慮軍譁又兼債欠眼前非三百餘萬不能遷移等語則是明知中央急切無此鉅款而新任陸督軍已遵令由桂東下藉此爲挾制抵拒之謀司馬之心路人皆見以上所陳如有虛罔甘受妄言之罪伏乞俯念粵禍日亟萬難再被推殘電飭龍署督迅速交代收束軍隊刻日離境以解倒懸臨電屏營惟祈矜鑒廣東紳商學界陸乃棠陳維藩張國六李殿元劉錦恩李梓廷譚景山馬汝驥潘桂榮胡士輝何崇緩黃應時等叩

廣東公民張國光等通電

肇慶岑都司令陸督軍北京大總統國務院參謀部陸軍部參衆議院上海唐少川伍秩庸王亮疇溫欽甫諸公各報館鑒龍署督治軍惟一宗旨在容縱兵士籠絡將官以故將領仰承兵士鼻息互相驕縱不聽指揮不肯操練所到淫掠莫敢約束理有固然癸丑入粵濟軍二千號稱一萬陸續招募亦僅數千續稱二萬分布駐紮毫無軍紀吞食鉅餉惟龍自知遍

地開賭到處姦淫龍亦不問其在平日搶掠鄉鎮圍攻土匪尙可自雄若遇紀律之師無不立敗源潭之役粵軍八千敗走百里僅餘二千是其明證今全省兵力聚於粵垣且新招濟軍十五營連警衛軍總計不過二萬人瀕藉濟軍實存無幾派員密查事實立見計龍署督在任三年侵蝕凡二千萬欺國害民久應嚴懲况此等生番軍隊無補國防徒滋荼毒尤應淘汰乃報載中央竟有允其酌留五千移瓊州之說果有是議無論粵人死不承認國家方面亦太自損威信騰笑列邦民等愚蒙百思莫解因思京師遙隔此中情事想有未知用亟臚陳以供考核如有欺飾甘當軍法若明知其非猶甘隱忍則國將不國吾民真無死所矣臨電痛哭不知所云廣東全省公民張國光陳渭川劉錦華高俊廷周炳耀莫鳳岐胡澤霖何浩源李殿魁楊秉璋等全體叩寢

### 高雷鎮道等來電

北京大總統國務院參衆兩院肇慶岑都司令陸督軍上海唐少川梁任公伍秩庸温欽甫王亮疇諸先生各省督軍省長各省議會各都統司令師旅長鎮守使道尹報界鈞鑒頃聞龍濟光要求收拾殘部五千移駐瓊島龍氏則復請移駐高州軍民聞耗憂憤異常濟軍禍粵早受各界指攻現奉命令解職正全粵待蘇之時高民何辜徒遭餘毒各界已誓死不公



認駕龍等所部益形髮指迫得瀝陳乞毋再准龍氏所請以拯四百萬民命臨電無任屏營待命之至兩廣護國軍第六師師長兼高雷鎮守使車駕龍高雷道尹鄒武暨各旅團營長縣知事等同叩敬印

高雷欽廉瓊崖紳商通電

肇慶岑都司令陸督軍北京大總統國務院參眾議院各報館公鑒龍濟光禍粵四年粵民切齒痛心幸我大總統令其去職以陸督軍繼任人民如去虎口而歸慈母近閱報載中央有許龍率殘部五千移駐瓊州之說不勝駭異龍濟光所部淫掠人所共知數年以來外江壯士凶橫無復人理人民避之若魔鬼畏之若毒螫撫膺飲泣無可指告今彼當敗亡之餘正宜乘機絕其根孽永除民患若聽其收拾餘燼移駐瓊州勢必死灰復燃凶熾益甚區區島民寧復有幸伏念我大總統德被薄海化洽遐邇瓊雖孤島同是國民龍氏凶橫既不容於大陸何以獨棄此地委於彼手若所傳果確吾民有死不承利害切膚言不及擇謹電籲聞伏祈鑒察高雷欽廉瓊崖紳商曾慶雲邱善祥黃錫康顧瑞圖等叩

高州紳商學界通電

肇慶岑都司令陸督軍北京大總統國務院參眾兩院廣東同鄉官鈞鑒龍濟光治軍無狀

禍粵有年近當解職冀出水火忽聞龍請調駐高州仍欲負固一隅禍高卽以禍粵謹呼籲以聞乞却所請民命幸甚高州團局朱元昌商會楊彥涵學界吳志飭暨閣郡紳民同叩

### 高雷鎮道來電

肇慶岑都司令陸督軍李都參謀楊廳長鈞鑒敬電計達龍氏請調駐高計不過控制雷廉以窺兩粵在粵桂則復種禍根在高瓊則先遭兇燄鈞處統籌兩局固當早遏亂萌力拯元元寧忍歧視高土總之龍氏在粵則粵亂未已除由本屬誓死抵拒外萬乞鈞處電請大總統迅行制止免禍全粵幸甚車駕龍鄒武叩徑印

### 各屬商會來電

肇慶岑都司令並探呈陸督軍鈞鑒傳聞濟軍五千將移瓊島商民驚惶萬狀瓊爲窮荒孤島商無貯貨之倉民乏經宿之糧外海內黎耕種乏地米粮仰給外埠水土原多瘴癘瀕海洋商衆多人民稠密殊難插足軍隊過處最易滋事致礙商場且黎苗雜居尤忌軍人繁聚倘有誤會聯峒蠶起禍勢蔓延必難收拾前清同治間有散軍客民移殖來瓊惹起黎患十餘年經鄭鎮軍馮宮保先後剿撫費餉數十萬全土多遭疫亡瓊民迄今猶有餘痛前車可鑒衆情大恐務懇另擇善地移駐免致驚擾商民徒滋隱患非但瓊屬之幸亦大局之幸除

分電北京大總統國務院參衆兩院廣州朱省長外謹電縷陳仰祈亮鑒瓊州全屬商會暨南廣潮高建衆商全體同叩

岑都司令與九善堂代表之談話

楊永泰筆記

昨八號廣州九善堂院代表陳香鄰左懽若李芝畦董事區斌貽爲省垣戰事到肇慶謁見兩方談話筆記如下

西林接見代表寒暄旣畢旋問代表來意代表等謂現在省城情形日益危急人民非常恐慌此來特懇請停戰西林曰此間自始至終並無欲開戰之決心兩月以來屢戰屢停屢停屢戰中間停而復戰皆屬萬不得已我以臨去之身尤不忍見干戈之慘惟日盼陸督軍來早安粵局日催數電並派餉械局長曾彥及舍姪德懋前往勸駕自初一日接陸督允來粵之電經飭前路各將領無論如何應卽一律停戰待命初三日各將領覆電已一一遵辦其尙有小衝突者則龍軍猶時乘機襲擊耳諸君懇請停戰今不待懇請戰已早停竊謂諸君如此熱心不如往省城請龍去職禍根皆在龍龍去則百紛立解不此之務乃來此請停戰豈諸君亦疑戰禍開自此方耶諸代表曰否否龍氏方面亦已有所要求矣

西林繼曰此次戰禍之開始終由龍氏挑釀逼成諸君想亦有所聞惟所經層累曲折外間

或不盡知今諸君來此甚佳我略爲述明此中原委龍氏在粵罪惡盡人皆知諸君皆粵人身受其害更無待贅述綜其二年治績祇做殺人扒錢兩件事殺人二萬餘積產至一二千萬其兵隊之奸淫劫掠猶其小焉者果有良政府在上此等人早當置之典刑苟有強毅不撓之人民亦應早爲抵拒勿令猖獗至此自雲貴軍興廣西響應龍氏逼於趨勢假託獨立以全位祿我新自海外歸來各方面多來述明龍之僞獨立紛請以兵力去龍爲民除害我以袁氏未亡宜先國家之急而後地方且存與人爲善之心尙冀其迷途知返乃彼自獨立後未出一兵未助一餉未解一彈海珠之變龍實暗主之戕殺要人本部都參謀梁任公副都參謀李印泉往省晤龍調處粵事龍僞表歡迎陰嫉其部將胡令宣座出惡聲且擬伏門外狙害嗣引由後門避出乃免張前巡按使偕往調停在都督府中亦爲趙越手鎗威嚇逼之離省此皆龍之部將龍氏應負責任我猶隱忍優容不欲遽與決裂者蓋因先急國難擬俟大局稍定政府成立再請求中央爲適當之處分不忍輕動干戈以驚我邦人父老寧蒙養奸之譏而不辭無非爲大局計爲地方計也滇桂粵旣組織聯合軍同是一家何分彼此李軍間關出師由粵出贛本無所謂假道而龍一聞李軍到肇卽託張堅伯密電勸阻無效旋假託各界名義電拒經過一面調重兵於西南獅子竇一帶以示威我當時力勸李協和

委曲求全改道琶江前往非畏龍也爲顧全地方耳龍初駐兵韶州不過兩營及知李將赴韶北江方面龍卽加派六營以待李至李軍旣到龍陰令朱福全閉城絕道以困李軍並開礮轟擊我聞耗惶急力爲調停李已遵辦而龍急調重兵於源潭新街方面斷絕李軍與肇慶之聯絡線日事挑戰務欲困彼絕地聚而殲之李軍爲自衛計於是有源潭之役蓋自六月六日袁氏自殞九日龍卽取消獨立取悅中央自以爲奧援已得李軍若可殲除地位從此可固不料李軍師直爲壯韶州源潭兩役龍均自取覆敗此皆北路挑戰之實情外間已知無待贅述者北路戰事方殷是時中央適有調陸幹卿督粵之命龍聞陸督粵知己位終不可保處心益險遂轉其對待李軍之手段以對待桂軍而西路之戰爭亦起矣

西路之戰在不明內情者以爲中央旣任命陸督軍來粵何不稍忍須臾靜待解決奚爲亟亟以兵力去龍此誠未知此次用兵之內蘊及龍氏之深意者也陸之來粵非龍所願而又  
不便明拒函電紛馳皆謂陸來卽交代一面用其平慣最陰險之手段與桂軍挑戰彼因知  
陸督生平高尚純潔稍涉權位之嫌卽避之若浼莫譚兩師長駐兵三水爲陸之部下龍設  
法與之決裂以爲卽可牽桂軍入於旋渦則陸自避嫌不便來粵一面勾結張勳倪嗣冲信  
使往來絡繹於道嗾使張勳通電詆陸謂其急於得粵取龍而代並誣陸子裕光率兵助李

軍奪韶以種種莫須有之詞最難堪之語誣蔑陸督必令其灰心而後止陸督駁斥張勳之通電此間已印刷傳觀諸君取閱當可瞭然至其挑釁桂軍則懸賞購求桂軍司令官派人運動莫總司令所轄之戰艦此間搜得其蓋印簽名之委任狀可爲鐵證龍又嗾使馬存發乘勢與莫軍決裂當段爾源未降附時有電來接洽亦謂無法阻止馬軍已與桂軍開戰等語段當時係龍之部將且在戰地亦不爲龍隱飾則戰端誰開不待判而自明當西路情形緊急危機一髮之時我籌維再四若各路軍隊同時加入戰爭則省城必遭糜爛殊非我數月艱苦保全粵局之初心因迭電陸督兼程來粵解此大紛乃陸督受種種激刺意念灰冷願回桂養病不問世事不得已我又電請中央就陸督在粵部將譚莫二人中任簡一人護理先辦交代以待陸督之至免龍氏藉口盤據中央對粵情形隔膜又不得請各將領既洞燭龍氏明暗迎拒陸督之陰謀咸謂陸來不來遲來早來終須一戰始可望龍就範龍就範而後陸可到任今李軍孤立已陷重圍同屬義師亦義難坐視馬存發亟亟挑戰尤無束手待斃之理羣情憤迫昔猶可以大敵未滅討袁先於去龍爲解今則已無可借之辭亦無轉圜之道其尤足激動衆憤者則龍氏密電中央恣意誣毀謂廣東戰爭乃滇黔桂粵之大聯合爲南北分割根據之計劃務以挑動惡感我前已通電力斥其非推龍氏用心不惜將南

方起義諸人一網打盡以成全一己權位一面又暗結張倪陰通血脈播亂是非廣植聲援淺視之似祇爲廣東一隅之戰鬥而其内幕則欲將大局推翻其罪尤不可恕各軍忍無可忍環請申討我昔已受養奸遺患之責言至是豈能再爲鎮壓耶

前月各路戰爭又見龍軍無用率多敗亡若龍戰勝則陸督更不便來來亦必被暗拒粵局將永無解決之期中央方因龍多兵不易收拾如有戰勝之證明彼將坐擁兵權覬覦後命此卽其所以亟亟求戰之用心今龍已戰敗又以節節進逼爭攘權利諸罪名厚誣各軍而自諱潰敗爲退讓資爲簧惑中央乞援鄰省之根據不知退讓與潰敗絕對不同今龍氏縮短戰線乃因其軍心渙散力不能支與自行退讓靜候交代之意不可朦混爲一彼旣潰敗不支此方自當進佔陣地原屬戰略上所必要旋出旋歸糾纏不清地方之糜爛亦必愈甚遠方不察祇見龍兵之退或以爲退讓或以爲此間逼之太甚將疑曲在此不在彼一反一正或勝或敗龍氏皆得乘機利用以售其奸其立心之險布慮之周實所罕見至謂進兵爲爭攘權利更無辯論之價值誰爭權利與誰人相爭尤不可不問明袁倒我退我已早有宣言所以尙滯此間者全因廣東問題未解決耳中央任命陸督軍原出於各方面之請求認爲至當奉簡之後各將領通電遣使迭表歡迎多方勸駕望陸來如望歲苟有萌督粵之念

者是非與龍爭乃與陸爭人縱至愚安至於是如謂我與陸爭更屬笑話我生平行事磊磊落落此心坦然不惟可以自信抑亦可以共信至李譚莫諸君之應戰皆屬萬不得已無可逃避前已言之諸君細思尙得謂有一毫權利思想參雜其間耶平心而論龍氏逋毒粵海創鉅痛深苟非各軍將領杖義執言龍氏能否使去陸督能否到任皆不可知若轉蒙爭權之嫌直是是非不明非特數人毀譽所關乃人心世道之憂也總之能使龍早一日退粵局早一日安是根本解決法今戰爭雖停然使龍仍執迷不悟或陸到仍多方阻拒不肯交代則廣東真爲龍所糜爛矣想諸君當亦必以爲然言畢諸代表唯唯各肅然退





# 兩廣都司令部考實目錄

## 第五編 雜件

岑都司令呈大總統電 一二

岑都司令呈大總統並致段總理電

岑都司令呈大總統電

岑都司令呈大總統並致段總理電 一二

岑都司令呈大總統並致國務院電

岑都司令致段總理電

劉都督電

岑都司令覆劉都督電

蔡總司令來電 一二

岑都司令致蔡總司令電 一二

李都參謀致蔡總司令電

熊司令來電

劉淵亭先生電

岑都司令致陸都督電

岑都司令致孫中山先生電

岑都司令覆趙樾村先生電

趙樾村先生來電

章祕書長致趙樾村先生電

岑都司令致黃總司令電

言梁都參謀公電

岑都司令致章太炎先生電

岑都司令致黃克強先生電

李都參謀林總司令趙祕書曾局長致黃克強先生電

岑都司令致吳稚暉先生電

岑都司令致山東張將軍電

岑都司令致劉艮先生電

岑都司令致湯濟武先生電

岑都司令致唐少川先生電 一二

岑都司令致張鎔西先生電

岑都司令致孫伯蘭先生電

岑都司令致國會電

岑都司令致范總長電

岑都司令致謝次長電

岑都司令致殷次長電

岑都司令李都參謀李總司令致唐少川先生電

章太炎致大總統電

岑都司令對於日本國民新聞記者東幸治之談話

林 攝筆記



# 兩廣都司令部考實

## 第五編 雜件

### 岑都司令呈大總統電

北京大總統鈞鑒洽效卅先四電江日同奉循誦再四歡悚交并竊自我大總統踐職以來海內喁喁望治庶幾國是早定人心早安用敢貢其愚忱乃荷虛懷采納此皆我大總統俯從民望斷自淵衷煊等芻蕘之言豈足爲壤流之助重以謙尊下逮矜寵逾恆煊何人斯而克堪此盛承眷注彌切瞻依惟是大局甫平內訌又告怵去留之皆罪懼瞻對之無期衰病日加寢食俱廢伏冀我大總統睠茲南服早定大禁俾得以垂老之年重入國門一瞻光霽然後伏處畎畝長爲幸民泉石餘齡皆拜公賜雲天瞻望無任馳惶章君士釗已屬北上面陳一切並具宥電陳明李君根源因此間軍事亟待收束暫留助理一俟部署稍定卽當遵命入覲併陳岑春煊叩支印

### 岑都司令呈大總統電

北京大總統鈞鑒麻電青奉謹悉猥以衰庸過蒙矜寵徵招屢逮慚感交深祇以國難甫平

粵變繼起卸肩無地牽率至今仰瞻德暉彌增翹切重承敦促曷敢遲回惟是日處憂危復乏素養咯血舊疾近復發生延醫調治恐需時日遠勞使命萬不敢承唯冀李君到時賤軀亦就瘞可卽當偕同北上親承明誨一伸悃忱近因事變環生善後諸未就理所盼粵省早定得以次第澄清軍院成立以來滇桂各軍統歸管轄一切軍費所出悉由多方借撥勉爲支持雖在艱窘之中公私一無所取現在從事收束亟待分別籌還茲蒙軫念艱難首垂明問除將各處借撥款目積欠餉糈及後此編遣各費統爲概計另電具陳外可否仰懇鈞座迅速飭發若干濟急俟後一併開報俾得趕爲料理早日歲事春煊藉釋重負亦得刻期首塗其餘未盡事宜自可遵示遴員接辦並將編練之事責成各軍將領認真辦理以副塵懷李君根源遵命隨同入覲合併陳明伏乞鑒察春煊叩青印

岑都司令呈大總統並致段總理電

北京大總統國務總理鈞鑒顧問李君開侁有日抵肇傳述溫命並奉賜書聆誦之餘莫名欣感李顧問急於返命感晚先行啓程煊俟陸督來後卽當料理北上統由李顧問面陳謹先電聞岑春煊叩勤印

岑都司令呈大總統電

北京大總統鈞鑒嘯日接滬上鈕永建電稱山東民軍吳大洲與張懷芝爭執建因大總統電飭派員勸解茲請前九江鎮守使耿毅前往妥爲商勸並辦理善後已電大總統仍請鈞處再電中央以昭鄭重等因謹代電陳岑春煊叩嘯印

岑都司令呈大總統並致段總理電

北京黎大總統段總理鈞鑒據滬軍事代表鈕永建電稱耿毅爲辦理善後事赴京謁見黎大總統段總理乞轉陳等語查耿毅爲擁護共和最力之人前此赴魯調停曾具嘯電轉陳鈞座此次赴京有陳述合爲代陳並懇於入謁時賜以接見爲叩岑春煊叩禱印

岑都司令呈大總統並致段總理電

北京大總統鈞鑒段芝泉先生鑒國會議員楊君永泰殷君汝驪歐陽君振聲現由滬北上晉謁鈞座陳述一切楊君永泰本在肇綜理財政昨甫因事赴滬此間一切情形已囑詳陳鈞聽謹電陳明岑春煊叩感印

岑都司令呈大總統並致國務院電

北京大總統國務院鈞鑒本部副都參謀李根源現奉令任爲陝西省長仰見鈞座拔擢人才孳孳求治至意欽感同深惟查該副都參謀前奉電召入京當因善後事繁暫請留肇襄



助迭電陳明在案現在善後一切尙未就緒可否仍予暫留以資熟手一俟部署稍定再行入京謁見仍乞示遵岑春煊叩蒸印

岑都司令致段總理電

北京段芝泉先生鑒虞電敬悉矜飾爲慚春煊衰病之軀豈足上裨新治顧念屢蒙徵召義當力疾一行我公翼平展衡手定國是民受其賜豈惟春煊一人猥荷眷存豈任感謝一俟賤疾粗愈卽當料量首途敬領教言以伸積悃周君善培暨方高兩代表已蒙接見尤深欣慰卽祈指示一切俾有率循無任企禱岑春煊叩青印

劉都督電

肇慶岑西林先生鑒賜電奉悉我公風義炳耀寰區海外返歸羣情喁向當絕續存亡之日正積極進行之時幸藉指揮早期末定乃尊而彌下讓而勿居仰挹謙光曷勝欽佩世以庸才參列戎行雖有志以報國實無才以濟變尙冀驅策時示蓋籌俾有遵循庶無隕越劉顯世叩青印

岑都司令覆劉都督電

貴陽劉都督鑒青電敬悉獨夫盜國賴滇黔同袍仗義討賊精誠所感桂粵從風春煊始得

自海外歸來生入里門實公之賜大功不居反相推許承茲厚愛慚與感俱惟當國難之初敢忘同仇之義惓懷國事期竭吾才戮力中原勉隨公後慶父未去隱憂猶多倘有良謨願安承教岑春煊卽印

蔡總司令來電

肇慶岑西林先生鑒台從內渡望風引領芟夷國難端賴老成望紓籌策俾有矜式以後進行如何尙乞時賜教言蔡鏗叩陽印

蔡總司令來電

肇慶岑西林先生鑒勸電敬悉西南義師幸承提挈正如臨淮視師旌旗變色繼此師行有功樞機千里折衝制勝尤仗老成伏乞時惠教言以匡不逮蔡鏗叩元印

岑都司令致蔡總司令電

四川行營蔡軍總司令鑒元電敬悉大盜移國滇首倡義振臂一呼萬方喁向奸雄奪魄共和一綫之望煊與國民皆拜公賜自慚衰朽無能爲役惟旣隨鞭鐙敢惜駑駘願遺餘生以備驅策現在滇軍陸續到肇粵桂軍亦經着手調集準備出發所有軍情容另電聞尙希不時賜教岑春煊有印

岑都司令致蔡總司令電

四川行營蔡總司令鑒青電敬悉評謨定命欽服同深惟國難甫平國是未定我公進退實繫安危與焯衰朽之軀分當引退者殊科然自焯言之則近於阿私亦惟公以大局爲心以斯民爲念而必求其是爾引領西望不盡依依岑春煊叩感印

李都參謀致蔡總司令電

四川蔡軍行營蔡總司令鑒讀公青日通電所論善後方法誠屬救國要圖名言至論莫名欽佩惟大局似定而未定時事愈演而愈奇我公旣爲旋轉民國之人詎宜辭鞏固共和之任所望左提右挈戮力同心復約法於死灰措神州於磐石然後尋遂初之賦大局幸甚源奔走頻年一無補濟親喪未葬負罪終天惟以殘局未收求歸不得中懷荼剝無可舉似引領西望不盡欲言公處與此間通電甚稀盼時賜教爲幸李根源叩感印

熊司令來電

肇慶岑西林先生麾下克武違教一稔於茲每懷鴻儀時縈寤寐我公德高望重宏此遠謨建民國再造之奇勛破老黠方酣之帝夢義聲所播薄海心驚大蠹甫懸神姦膽落此後會師北伐直搗燕雲老手斲輪早謀奠定執鞭附驥願効前驅謹肅電文先此馳賀護國招討

軍司令熊克武叩簡印

劉淵亭先生電

肇慶岑都司令梁都參謀鈞鑒以位讓賢古今通義侮弄神器天下難容茲幸公等反旆鄉邦匡扶祖國剷除專制恢復共和兵戈所指薄海同欽永福老邁尙切同仇負弩先驅實所甘願謹摭忱悃並以申賀劉永福叩感印

岑都司令致陸都督電

梧州陸都督鑒張君耀曾經唐督邀請回滇商榷大計亟欲先承大教作爲張本到梧請謁乞賜接洽張君極爲滇人仰重到滇必有主張公如有轉達唐督之語請悉告之又關於敝處計畫及近來一切情形另派楊君永泰前來報告請賜接洽岑春煊叩眞印

岑都司令致孫中山先生電

上海孫中山先生鑒辱電苦心至論感服逾恆公爲手造民國之人力主大公無我之論身爲砥柱誰敢差池煊迂拙無能本不足與聞天下事今以鄉里舊游強相督勉敢不躬親討賊以遂夙願頃承教言並勸慰同人一致融和此豈僅粵省一隅之幸百年帶礪實利賴之龍督處煊將原電轉達已得覆感謝仁言利溥於斯可徵願共努力無限神馳岑春煊叩洽

印

岑都司令覆趙樾村先生電

雲南都督府轉趙樾村先生鑒奉讀賜電敬佩良規煊垂老之年未能進德非我老友孰爲匡救道體平復卽乞命駕印泉相依如左右手惓惓師門同茲蘊結啓行有日望先電知如蒙惠臨並懇代約小圃前來未識小圃尙能記憶當日成約否也岑春煊叩覽

趙樾村先生來電

肇慶岑西林先生鑒公歸救國聞而歡舞藩病甫瘥尙艱跋涉緩當就道藉慰注存若云贊治衰老才盡實不堪矣粵必廣攬人材宏然無拘新舊印泉沈毅可規遠大望倚畀之趙藩叩督代印

章祕書長致趙樾村先生電

雲南都督府轉趙樾村先生鑒昨冬返滬獲讀手教並承頒賜墨寶務寵逾恆末學後生當之滋愧邇者神姦竊國人道蕩然殺賊明恥惟我滇士非有耆儒碩彥厲行精神教育詎克臻茲瞻望山斗曷禁神往西林治軍百粵篤念舊遊已聞折柬相邀並承快諾斯人旣出大老來歸小子狂愚有途親炙釗與印泉手足相依均不勝鼓舞待教之至章士釗叩卅卅印

岑都司令致黃總司令電

雲南局探送第四軍行營黃總司令鑒卅電誦悉承服義問每切欽遲頃者大旆南旋移師西指星明井絡電掃攙槍引領賢勞無任企禱師行所至時惠好音岑春煊眞印

唁梁都參謀公電

上海梁任公先生鑒公丁大故哀痛同深經春煊派員代表同人馳唁并勸稍節哀思出持大計方謂區區微意諒獲鑒原乃奉電再以解職終制爲言同人聞耗嗒然若喪在公至孝純篤三年廬墓情烏可已惟大局未定擘畫籌維非異人任我公不出如蒼生何謹再電懇俯念時局權宜留職共克有終至慮絜銜文電於禮不便同人等亦不相強一俟大局稍定卽率兵迎護歸葬俾慰先靈而遂孝思臨電不勝切禱之至岑春煊陸榮廷龍濟光陳炳焜李烈鈞李根源譚浩明莫榮新李耀漢林虎銑印

岑都司令致章太炎先生電

北京章太炎先生鑒辱電迄未奉到見報始知空谷足音得之狂喜方令奸宄已歇隋氣猶存謀國佈猷端資碩彥先生有何偉略望卽隨時發抒煊尤有慨然者一別三年天地異色君幽北地僕走南荒國家大事抑且不言友朋之樂於焉掃地此次南服興師志存光復而

煊之私愿尤在獲返故居與公尺素相通亦首道加餐相憶煊俟此間部署稍定卽返滬卜居公何日南來定當洗盞以待滄桑萬變靈光尙存煊惟預期與公一夕談爲至快耳岑春煊李根源章士釗叩敬印

岑都司令致黃克強先生電

上海中華新報轉黃克強先生鑒閱報藉審台從東旋國人欣望聞之大慰黃坡繼任約法重新瞻念前途尙云佳象惟大難方去來日正長自愧衰庸旦夕將隱期於滬上一圖良覲臨電翹企不盡所懷岑春煊叩寒印

李都參謀林總司令趙祕書曾局長致黃克強先生電

上海中華新報黃克強先生鑒聞公返國滬人歡迎嶺海阻長唯增翹切望因風便時惠德音李根源林虎趙正平曾彥叩寒印

岑都司令致吳稚暉先生電

上海鈕惕生先生轉吳稚暉先生鑒聞公自英倫過歸不勝欣慰懇屈駕赴肇一遊藉聆教益蒙允卽乞電示爲盼岑春煊叩艷印

岑都司令致山東張將軍電

濟南張將軍鑒篠電敬悉救國偉謀至爲傾仰方今政見相持道路喜言南北得公老成提挈足以撥雲霧而見青天語曰一言興邦卽係於此望風懷想不盡依馳岑春煊養叩

岑都司令致劉艮生先生電

長沙都督府轉劉艮生先生鑒元電敬悉辱承明教惓念舊交追憶前歡依稀在目所論各事慮遠憂深曷勝佩服黎大總統現既正位內閣國會問題爲輿論所逼亦將解決善後各事春煊與各省都督現正往復電商惟大難剪平建設未易我公老成碩望國家大計必思之審詳倘有良謨願安承教岑春煊篠印

岑都司令致湯濟武先生電

北京總統府轉湯濟武先生鑒迭由九峯來電轉述尊旨訂謨定命所造實多煊衰病侵尋日夜求去祇以部署未定不敢遽行已屬行嚴入京爲達一切仍冀有以教之岑春煊艷印

岑都司令致唐少川先生電

上海唐少川先生鑒聞內閣改組未經國會同意據法理言固爲不可就事實論國會將開先立臨時內閣亦屬權宜且公總長外交尤愜中外人望爲大局計萬望同濟艱難北上就職岑春煊叩魚印



岑都司令致唐少川先生電

上海唐少川先生鑒昨得暢卿來電具述尊指導愛之厚非所敢承然竊謂我公出處中外具瞻斯人不出必無以答羣望鎔西頃有電來亦視公爲進止已本此意促其一行吾道艱難明知不可終冀我公一出庶幾國尙可爲區區之懷唯公鑒之岑春煊叩元印

岑都司令致張鎔西先生電

雲南都督府轉張鎔西先生鑒蒸電誦悉內閣新立中外屬望惟在公與少川二三君子之身我公不出關繫甚大九峯諸君屢電囑代促兩公就職詞意尤切少川先生來電乃欲以此取決於煊過辱厚愛煊何敢承頃已迭電敦促諒察鄙意仍望台從勉爲一行吾道雖不盡行大局要難恣置惟公察之岑春煊元印

岑都司令致孫伯蘭先生電

上海中華新報轉孫伯蘭先生鑒承服休閒於茲有年瞻對無緣欽遲曷極比者內閣改組公長教育閎才碩望中外具瞻方有賢者在位之思又聞斯人不出之嘆諸公出處大局所關審視迴翔誠非得已然竊謂方今絕續之會吾道消長之機公能勉爲一行收效必大少川鎔西兩公亦經電達此意區區之愚尙希賜答岑春煊刪印

岑都司令致國會電

北京參議院衆議院鑒共和再造國會重開慶幸之餘欣慨交集惟大局甫奠洪纖萬端伏願宏濟艱難恢張法治國會之尊嚴長在斯共和之日月長新民國前途於茲永賴敬以爲祝無任翹瞻惟希鑒察岑春煊叩元印

岑都司令致范總長電

北京教育部范總長鑒德教凌夷於今爲烈起衰救敝微公誰歸引領新猷良深額慶岑春煊寒印

岑都司令致謝次長電

北京內務次長謝鏡虛先生鑒萌俗緜滋綱紀頽壞公早負民望志切澄清今與伯公同任內政起衰救敝庶幾復睹治平聞命之餘豈勝額慶敬電申賀佇惠德音岑春煊李根源寒印

岑都司令致殷次長電

北京財政部殷次長鑒頃睹電令公副度支民望咸歸爲大局幸敬電申賀不盡頌私岑春煊魚印

岑都司令李都參謀李總司令致唐少川先生電

上海唐少川先生鑒頃得京電兩院對於閣員同意已全體通過而國會政府一致盼望我公就職情尤殷摯萬望軫念時艱勉徇衆望刻日命駕北上以匡大局而慰羣情無任切盼行期并乞電示岑春煊李烈鈞李根源青印

章太炎致大總統電

北京大總統鑒前行嚴抵滬備述盛意兼承隆貺甚爲感荷炳麟以西林見招到肇已經旬日見其軍容整飭士民謳頌頗爲動容西林稍事料簡行卽返桂炳麟以僑友表示歡迎亦擬買舟西邁漫游南洋歸期約在三四月後也北望勳雲無任結念謹馳數語用候崇福章炳麟魚

岑都司令對於日本國民新聞記者東幸治之談話

林 攝筆記

余生平抱負頗大惜未有一事能達到圓滿之目的誠憾事也余現在精神減耗之原因卽余數十年來所受不滿意之政治生涯所致此余之所以俟大局少定願歸田里俾得逍遙於事外也余少時身體頗壯平時不喜乘坐車船常獨行數十百里不以爲疲卽如庚子之變余適任甘肅藩司觀察當時情形知北京之必將糜爛也乃請諸當道願率十營馬隊馳

往北京護衛兩宮當時甘督爲魏光燾拒而不納固請之而以無款對幸余查悉庫內尙存有閒款百三十餘萬卽指明將此款撥作勤王經費彼旣辭窮而故推委謂北京有榮祿之武衛軍及董福祥輩在他二人所有之兵力已足以維持北京而勤王事矣今卽率此少數馬兵恐亦徒勞無益也余謂榮董輩兵雖多恐只知衛己且人各有志不可以強如總督不爲奏聞余當自行奏請請總督卽行奏參可也隨率馬隊兩旗星夜赴京此時余所帶之馬隊則隨行於後先率親騎三十名兼程而進經草地至北京計日僅二十八日也查平時行旅由甘肅到北京須六十餘日可知余此行之迅速矣抵京後天津已陷所謂榮祿之武衛軍暨董福祥輩在京毫無設備余觀此情形悲憤交集卽入宮面奏當時太后深以余言爲奇異蓋深信榮祿等已布置妥協誠不知疎忽乃爾也隨卽命余擔任北京守備事由督辦軍務處傳太后旨命余在京城外相地挖濠紮營余卽就東便門外挖紮地營旋卽聞通州失守復命余赴察哈爾招集新兵迨抵昌平聞太后已有出京消息余卽向岔道迎駕而太后皇上之駕果臨矣此時余之馬隊僅到一旗只百二十名當太后離京之第一日途中毫無准備服食頗艱迨余接駕後始獲少安惟途中頗受各軍潰兵刦掠之苦卽爲太后所備之食品亦被彼等強奪而去無已乃以八十名兵護衛兩宮以二十名兵保護慶親王及其

眷屬而自率二十名前行連日手刃潰兵三十餘人經二日後始得安靜行三日始至懷來縣軍機大臣剛毅王文韶等亦先後追至余此時即主張與各國議和故有命慶親王李鴻章在北京與各國開議之舉行至大同董福祥始至榮祿則兩宮到陝西後伊方至也行至山西省余即升任陝西巡撫此年山陝大旱兩宮駕到米食爲艱余電兩湖設法運米接濟兼辦賑撫後因洋兵擬入山西固關監視辦理教案事余乃調任山西巡撫阻止洋兵磋商教案教案甫結四川拳匪又起余又升任四川總督不數月而拳匪平廣西土匪蠶起余又調任兩廣總督辦理廣西軍務土匪甫平余即大病病未愈復調任雲貴總督余交卸兩廣總督即赴滬就醫在滬又調四川總督余病愈即赴任道經湖北京漢鐵路入京甚便余即電奏請入京面奏要政蓋余之意以爲在外雖千辛萬苦整頓僅及一隅而中央政本不清亦屬徒勞斯時慶親王當國賄賂公行朝政敗壞於是面參慶親王及朝臣之不職者並請實行新政極力改革兩宮知余之忠直即留任中央命掌郵傳部尙書余即主張大興全國路政務使交通便利乃慶親王及其黨羽恐余必參與要政設法排擠使兩廣總督周馥奏報廣東欽廉一帶土匪又起朝旨復命爲兩廣總督余因是知清廷宵小用事必至危亡遂決意引退居滬數年絕不預聞政治矣民國成立袁世凱俾余經略福建全省事宜余此

時欲將福建整理就緒再推而及之他省不料袁無誠意隨事掣肘余已窺知袁之奸謀擬以兩師兵力坐鎮武漢以伺其隙故先就辦理粵漢鐵路之事至宋教仁被刺大借款成立余益憤袁之橫暴故有癸丑二次革命之舉余平生圖謀國事而最勞我之心血者在山西廣東任內現在精神遠不如前矣猶幸袁氏已死黎公繼任立憲政治必能見之實行恢復國會組織責任內閣爲期當已不遠但目前最困難者實在財政必將財政一端先行整理而後一切政治始可推行至於政治良否必以人心良否爲基礎袁世凱在位數年專以利祿富貴奔走天下人心敗壞已極故現在改良政治又必須改良人心改良人心必須由厲行教育着手但余老矣惟有望之後來之人勉力爲之而已至余當袁死之次一日卽經通電辭職惟軍隊尙須安插軍務院尙無歸宿唐陸各都督屢次來電囑余暫留故不能不暫行在此料理一俟諸事就緒卽當踐我誓言作一自由之國民以終老矣



# 兩廣都司令部考實目錄

## 第六編 職員錄

### 一 兩廣都司令部職員表

#### 甲 兩廣都司令部所轄各部廳局處職員表

##### (一) 參謀部職員表

(附) 編纂處

##### (二) 秘書廳職員表

(附) 收發處

(附) 管電處

(附) 電報處

##### (三) 參議廳職員表

##### (四) 外交局職員表

##### (五) 財政廳職員表



(六) 餉械局職員表

(七) 副官處職員表

(附) 庶務處

乙 兩廣都司令部直轄海陸各軍職員表

(一) 第一師職員表

(二) 第二師職員表

(三) 第三師職員表

(四) 第四師職員表

(五) 第五師職員表

(六) 第六師職員表

(七) 第七師職員表

(八) 獨立各旅職員表

(九) 將校團職員表

(十) 飛機隊職員表

(十一) 警衛軍職員表

(十二) 海軍各艦職員表

# 兩廣都司令部考實

## 第六編 職員錄

### 一 兩廣都司令部職員表

都	司	令	岑春煊	雲階	廣西	西林
---	---	---	-----	----	----	----

### 甲 兩廣都司令部所轄部廳局處職員表

(一) 參謀部職員表 部內人員有已改任他職者仍據原表列入以備參考餘做此附編纂處

職	別	姓	名	別	籍	貫	歷						
都	參	謀	梁啟超	任公	廣東	新會	前司法部總長幣制局總裁						
副	都	參	謀	李根源	印泉	雲南	騰越	日本陸軍士官學校步科畢業前雲南陸軍第二師長滇西總司令					
駐	滬	軍	事	代表	鈕	永	建	湖南武備學堂畢業前南京參謀部次長					
出	師	計	畫	主	任	蔣	方	震	浙江	杭州	日本陸軍士官學校步科畢業前總統府軍事參議		
出	師	計	畫	主	任	林	攝	贊	侯	浙江	瑞安	日本陸軍士官學校工科畢業前陸軍部軍衡司司長	
編	制	兼	課	查	主	任	趙	正	平	厚	生	浙江	武備學堂畢業前江蘇都督府參謀次長南京留守府調查局長
參	謀	部	附	王	肇	基	建	屏	廣	東	東	莞	日本陸軍士官學校步科畢業前廣東參謀部長陸軍步兵第一旅旅長東增新總司令

兩廣都司令部考實 第六編 職員錄

少校參謀	劉永祚	紹卿	雲南昆明	保定軍官學校畢業前第八師將校團教官陸軍部差遣
少校參謀	鄭柱	藹人	廣西修仁	日本東斌學校畢業前駐寧第八師副官三十團團附
中校參謀	郭自欽	佩三	雲南	雲南講武堂步科畢業歷充雲南第二師步兵營長團副
中校參謀	張沛澤	潤生	雲南呈貢	雲南講武堂礮科畢業前雲南礮兵連長衛生隊長少校參謀
中校參謀	駱鳳翔	冠宇	廣東博羅	廣東陸軍速成學校畢業歷充陸軍連長惠州綏靖處軍事委員廣東陸軍第一師少校委員惠潮嘉鎮守府衛隊團長
中校參謀	曾廣綸		廣東香山	日本海軍學校畢業
中校參謀	周汝康	幼松	雲南思茅	雲南講武堂畢業南京會議代表團副官援鄂軍教練官司法部監印課長兼衛隊長
中校參謀	張鑑泰	漢澄	雲南騰越	雲南講武堂騎兵科畢業歷充貴州雲南陸軍營長
上校參謀	周揚亞	穎南	廣西	廣東陸軍速成學校畢業前南京第一師團副
上校參謀	詹宗瀚	西園	湖北	南京陸師學堂畢業歷充湖南武備學堂教習湖北新軍團長江西援鄂軍團長
上校參謀	陳璩章		湖南	日本振武聯隊畢業前清奉天兵備處總辦湖南團長
參謀部附	蘇煥圖	灌川	廣東順德	日本士官學校礮科畢業前廣東陸軍司副司長石井兵工廠督理都督府軍事參議
參謀部附	陳元泳	抱愚	廣東陽江	日本陸軍士官學校步科畢業前廣東陸軍礮兵團團長步兵第二旅旅長
上校參謀	張佩紳	鈺庭	安徽祈門	安徽武備學堂畢業歷充安徽雲南廣西四川等省管帶教練官標統兵備教練講武堂各提調軍事文案秘書長

少校	參謀	楊源華	碩甫	雲南大理	雲南講武堂礮科畢業前雲南迤西獨立礮兵連長餉械局科員
少校	參謀	莫魯	仲銘	廣西陽朔	日本陸軍士官學校修業前江蘇二十三師八十九團第二營營長廣西陸軍第一師參謀
少校	參謀	趙濂	潔溪	雲南大理	保定軍官學校畢業前湖北軍務部軍需處執事官
少校	參謀	林賢紹	亦飛	廣東澄海	廣東陸軍速成學堂畢業前吉林都督府軍務科員
少校	參謀	李光燦	啟明	雲南大理	雲南講武堂礮科畢業雲南礮兵連長
少校	參謀	華封治		雲南呈貴	雲南講武堂步科畢業歷充連長營副
少校	參謀	黃雲	縵卿	廣西東蘭	湖北陸軍第三中學畢業日本文書院肄業前漢陽戰時司令部副官南京陸軍部副官及第三軍憲兵連長歷充二等參謀
少校	參謀	郭伯森	友松	廣西武宣	廣西陸軍速成學堂畢業會充南甯將校講習所教官
少校	參謀	孫銘	玉書	雲南鶴慶	雲南講武堂步科畢業會充廣東模範團教官
上尉	參謀	繆嘉琦	子懷	雲南昆明	雲南陸軍小學及測量學堂畢業歷充雲南廣東陸軍測量局地形課員
上尉	參謀	李希賢	紹聘	雲南漾濞	雲南講武堂步科畢業
上尉	參謀	蘇雄	竹君	廣西永淳	廣西幹部學堂畢業
上尉	參謀	黃在璣	玉衡	江西貴溪	保定陸軍軍官學校輜重科畢業
上尉	參謀	錢鎮南	星階	雲南新平	保定陸軍軍官學校騎兵科畢業前鄂軍兵站總監部參謀

上尉參謀	張懷三	志先	湖北江陵	保定陸軍軍官學校步兵科畢業
上尉參謀	劉峙	經扶	江西吉安	保定陸軍軍官學校畢業前鄂軍臨時督戰指揮官
上尉參謀	梁國基	立亞	廣西桂林	保定陸軍軍官學校輜重科畢業前湖北民軍教練官
上尉參謀	袁樞	梓材	雲南安甯	保定陸軍軍官學校步兵科畢業前鄂軍總司令部參謀兼庶務軍醫等科員
上尉參謀	李元	夫玄	廣東曲縣	保定陸軍軍官學校步兵科畢業廣東民軍教練官
上尉參謀	許金源		山東	保定陸軍軍官學校步兵科畢業歷充煙台民軍連長浙江第二十五師差遣
調查委員	楊越	超恆	雲南順寧	陸軍中學修業前阿爾泰軍政處長新疆總教練
調查委員	明德恒	超北	雲南	日本陸軍畢業
調查委員	李頌鏘	浩孫	廣東南海	廣東水陸師學堂肄業前南韶連督辦署二等參謀官
調查委員	孫璫	少雲	廣東番禺	廣東武備學堂畢業
文牘委員	游金銘	誦盤	廣東南海	廣東高等學堂本科畢業舉人分省補用知縣
文牘委員	張益炳	文山	雲南賓川	四川法政學校畢業前四川青神縣知事
文牘委員	張問瀛	麗泉	雲南	雲南師範學堂畢業九保兩等小學校長
文牘委員	劉壽朋	壽朋	江西九江	日本明治大學法科畢業前江西都督府秘書文牘科長 司法局刑事科長代理局長
文牘委員	郭之瀚	賦江	雲南曲靖	廣東候補縣知事

部	員	楊瑞昌	儀武	雲南大理	保定陸軍軍官學校步科畢業前滬軍第一營營長
部	員	飛自高	凌雲	雲南休納	保定陸軍軍官學校步兵科畢業前雲南陸軍步兵第四團團連長
部	員	張漢儒	濟民	雲南大理	保定陸軍軍官學校步兵科畢業前鄂軍政府軍務部部員及湘軍督戰指揮官
部	員	王連璧	重城	雲南平彝	保定陸軍軍官學校步兵科畢業前鄂軍督戰指揮官
部	員	李謙	吉皆	雲南順寧	保定陸軍軍官學校步兵科畢業
部	員	呂六韜	渭仙	安徽太湖	保定陸軍軍官學校步兵科畢業前安徽青年軍隊長
部	員	羅鵬	天骨	四川三台	保定陸軍軍官學校步兵科畢業前浙江學生軍教練長 江西軍務司副官
部	員	何光烈	新一	四川閬中	保定陸軍軍官學校畢業前蜀軍連長
部	員	傅晉廷	謝塵	直隸	保定陸軍軍官學校畢業
部	員	景士奎	星五	雲南昆陽	保定陸軍軍官學校騎兵科畢業前滬軍營長
部	員	許崇武	繼能	廣西桂林	保定陸軍軍官學校騎兵科畢業
部	員	黃慶福	壹瀛	廣西桂林	保定陸軍軍官學校騎兵科畢業前漢口臨時督戰指揮官
部	員	白錦章	雄文	雲南新平	保定陸軍軍官學校工程科畢業前鄂軍戰時總司令部參謀
部	員	羅邦	約經	廣東番禺	保定陸軍軍官學校工程科畢業
部	員	張維	持九	江西	保定陸軍軍官學校工程科畢業前江西都督府參謀

兩廣都司令部考實 第六編 職員錄

部	部	部	部	部	部	部	部	部	部	部	部	部	部
員	員	員	員	員	員	員	員	員	員	員	員	員	員
蘇兆龍	寧李泰	林東材	羅獻祥	許廷杰	張錚	周欽賢	趙學舜	黃澄	劉士恩	高鼎榮	陳德驥	張鴻圖	梁幹材
雲波	魯嚴	小西	次黎	佐文	任民	佩齋	希虞	逸民	重威	少爵	續飛		伯山
雲南昆明	福建建寧	廣西容縣	廣東四會	廣東番禺	廣西柳州	雲南廣通	雲南祿豐	廣西桂林	廣東南海	廣東南海	貴州	福建	廣西桂林
保定陸軍軍官學校步兵科畢業前雲南軍士隊教官	保定陸軍軍官學校輜重科畢業	保定陸軍軍官學校工程科畢業前漢口臨時督戰指揮官	保定陸軍軍官學校步兵科畢業前陸軍第七團連長	保定陸軍軍官學校步兵科畢業前廣東陸軍第七團連長康宇營教練官	保定陸軍軍官學校步兵科畢業前南京第三軍二十九團第一營連長	保定陸軍軍官學校步兵科畢業前鄂軍戰時總司令部金櫃科科員及督戰指揮官	保定陸軍軍官學校步兵科畢業前鄂軍戰時督戰指揮官	保定陸軍軍官學校工科畢業	保定陸軍軍官學校工程科畢業前廣東陸軍第七團連長	保定陸軍軍官學校輜重科畢業前石龍惠軍營長	保定陸軍軍官學校畢業	保定陸軍軍官學校畢業	保定陸軍軍官學校輜重科畢業前鄂軍政府軍務部餉械科科員



部	員	謝雲	子剛	廣東開平	保定陸軍軍官學校步科畢業前廣東模範標連長榮字營教練官
部	員	岑樓	心儒	廣東恩平	保定陸軍軍官學校步科畢業廣東黎字營教練官
部	員	戴祖璿	毅夫	江西大庾	保定陸軍軍官學校礮兵科畢業歷充陸軍第二師七團連長康字營教練長
部	員	黃中聰	孟超	廣西容縣	保定陸軍軍官學校步兵科畢業前廣西襄辦軍政委員
部	員	哈有年	惠甫	廣東番禺	保定陸軍軍官學校步兵科畢業前廣東軍務部科員軍械局局長
部	員	蕭恢權	紫亭	江西南安	保定陸軍軍官學校騎兵科畢業
部	員	傅良弼	夢巖	江西東鄉	保定陸軍軍官學校礮兵科畢業
部	員	郭建隆	壽芝	江西南昌	保定陸軍軍官學校礮兵科畢業
部	員	鮮秉剛	子毅	陝西興平	保定陸軍軍官學校步兵科畢業
部	員	許廷熙		廣東番禺	保定陸軍軍官學校工兵科畢業
部	員	杜煊泰		廣東南海	保定陸軍軍官學校工兵科畢業
部	員	陳培之	香南	江西清江	保定陸軍軍官學校步兵科畢業前湖北討袁軍司令部副官
部	員	陳瑛	小珍	江西	日本東京學校步料畢業
部	員	秦冠雄		廣西	日本東京學校步料畢業曾充廣東陸軍第二師八團二營五連連長
部	員	胡旆	伯屏	四川	保定陸軍軍官學校步兵科畢業兩廣護國軍第五師教練主任

部	員	蘇延概	鶴屏	廣東廣州	保定陸軍軍官學校騎兵科畢業
部	員	鄭昌璠	仲寬	廣西桂林	保定陸軍軍官學校騎兵科畢業前鄂軍政府軍務部總務科科員

編纂處

職	別	姓名	別號	籍貫	歷
編纂主任		劉壽朋	壽朋	江西九江	見前
編纂員		陳國璜	渭西	雲南蒙化	雲南法政學堂畢業歷署竹園分治員彌勒縣知事
編纂員		游金銘	誦盤	廣東南海	廣東高等學堂畢業舉人補用知事
編纂員		郭之翰	賦江	雲南曲靖	廣東候補縣知事
編纂員		羅鵬	天骨	四川三台	保定陸軍軍官學校畢業歷充浙江教練長江西軍務司副官四川第五師參謀

(二) 秘書廳職員表 附一收發處附二管電處附三電報處

職	別	姓名	別號	籍貫	歷
秘書長		章士釗	行嚴	湖南長沙	
代理秘書長		盧鑄	滇生	江西南康	前雲南迤西總司令部秘書長
秘書		文羣	詔雲	江西萍鄉	國會議員

秘	書	吳貫因	柳隅	廣東海豐	前吉林都督府秘書公署提調國務院顧問關稅改良會委員幣制局平議員
秘	書	黃大暹	孟希	四川	前北京新紀元日報總理
秘	書	容伯挺	誠甫	廣東新會	省議會聯合會副會長
秘	書	范治煥	秉鈞	湖南	前司法部司員
秘	書	呂鴻元	韻笙	江蘇	前台山縣知事
秘	書	章其達	杰臣	廣西桂林	前清歷充各學堂教員司法畢業歷辦各署局文案粵海關一等科員並專辦稅關徵稅事務
秘	書	龔政	雨庭	廣西貴縣	國會議員
秘	書	梁培	桂山	廣西扶南	國會議員
秘	書	陳祺謙	簡叔	廣東高要	前廣西河池縣知事
秘	書	易象	枚丞	湖南長沙	前湖南都督府參議
秘	書	盧天游	雲村	廣西桂平	前廣西法制局長國會議員
秘	書	趙世鈺	其相	陝西三原	國會議員
秘	書	丁潤身	液羣	雲南曲靖	前滇西總司令部秘書雲南雲龍縣知事
秘	書	顧景	蔗曾	浙江上虞	前河南試用知縣湖北法官養成所修業
秘	書	趙正平	厚生	江蘇太倉	浙江武備學堂畢業前江蘇都督府參謀次長南京留守府調查局局長

秘	書	何惺常	楊若	廣東順德	前貴州黃平縣知事
秘	書	周承春	雲芍	江蘇	
委	員	王彭年	舜琴	廣西凌雲	前清優附生廕襲銓選州判廣西法政專門學校畢業歷充泗城府議事會正議長法政講習所所長兼教員
委	員	周廣堯	鈞雅	廣西桂林	
委	員	岑德成	履初	廣西西林	前浙江財政司第四科科員浙江財政委員會委員
委	員	岑德懋	勤初	廣西西林	廣西中學堂畢業
委	員	秦善澤	誠孚	廣西桂林	法屬安南東京師範學校畢業歷充滇西總司令部隨員雲南楚雄府第二科長蒙自道署財政科員監督財政處主任

收發處

職	別姓名	別號	籍貫	經	歷
收發主任兼監印	蔣逢周	慶岐	廣西興安	前貴州天柱縣知事歷充晉蜀粵桂黔諸省各署局及各行營差	
收發委員	周維祺	壽安	江蘇武進		
收發委員	劉濬	少欽	貴州貴陽		前廣東廣西巡按使署總務科科員
收發委員	陸光鑫	燦庚	雲南楚雄		前湖南東安縣知事
收發委員	唐延碩	望陶	廣西桂林		直隸法政專門學校畢業會充直隸安新縣管獄員

收發委員	林其椿	轟萱	廣西凌雲	前清恩貢雲南通判歷充滇省各署局委員武威軍各營營務兼幫帶等差
收發委員	黃湘桐	幼崖	湖南安化	前武匡軍總稽查歷辦湘鄂粵各署局差
管卷委員	紀清柱	鐵卿	直隸河間	前廣東廣西巡按使署總務科科員

管電處(即機要處)

職別	姓名	別處	籍貫	經歷
電務主任	張沛澤	潤生	雲南呈貢	現任參謀部中校參謀
電務員	溫汝楫	松亭	廣東台山	前充西藏幫辦大臣收發兼監印民國元年充上海交涉使科員
電務員	岑嘉文	煥南	廣西西林	會辦地方保衛團及學務
電務員	胡周坊	聿修	廣西武宣	會辦武宣自治會清宣統三年充當廣東巡防隊幫帶民國元年充當廣西第三軍十九隊幫帶四年充潯州水警廳技士
電務員	楊源華	碩甫	雲南大理	雲南講武堂礦科畢業前雲南迤西獨立礦兵連長餉械局科員都司令部參謀廳少校參謀
電務員	白錦章	雄文	雲南新平	保定陸軍軍官學校工兵科畢業前鄂軍戰時總司令部參謀
電務員	繆嘉琦	子懷	雲南昆明	雲南陸軍小學並測量學堂畢業歷充雲南廣東測量局地形課員都司令部參謀廳上尉參謀

電報處

職	別姓名	別號	籍貫	經
電報處委員兼領班	溫樟祺	壽維	廣東台山	廣東電報學堂出身歷充廣州欽州陽江香山報生韶州領班西南江代理局長廣州稽核生現任機要電務員
司機員	湯衍淦	勉三	原籍廣東番禺寄籍廣西桂林	廣西桂林電報學堂畢業生歷充南寧龍州靖西鎮邊桂寧報生
司機員	楊子星	潔之	廣東番禺	廣東電報學堂畢業生歷充化州岸步肇慶廣州等局報生
司機員	黎兆南	子居	廣東南海	廣東電報畢業歷充廣州石龍報生新昌局長
司機員	曾昭淦	公瑞	廣東番禺	廣東電報畢業歷充廣州惠州局報生
司機員	白崇庸	時中	廣西桂林	廣西電報畢業歷充桂林南寧龍州廣州報生
繙譯員	陸卓銓	允中	廣東鶴山	高等師範學生會充廣州電報局繙譯六年
繙譯員	潘鈺	鶴京	廣東順德	兩廣高等及兩廣師範專科學生辛亥充學生軍管帶會充都督府繙譯員
繙譯員	羅劍英	蔚南	廣東順德	香港皇仁書院畢業歷充香港船政廳記室香港大東電報公司洋文檢查員
繙譯員	陳毅	用康	廣東東莞	廣西陸軍幹部學校畢業歷充南甯步兵標見習士官南京步兵十四旅第二營第三連連長廣州電報局繙譯

(三) 參議廳職員表

職	別姓名	別號	籍貫	經
廳長	冷適	禦秋	江蘇	安徽武備學堂畢業前江蘇陸軍第三師師長

歷

兩廣都司令部考實 第六編 職員錄

參	議	馮翼	廣	東	
參	議	李國治	雲	南	前廣西廣東總兵
參	議	周平珍	廣	西	
參	議	陳時銓	雲	南	國會議員
參	議	周汝敦	雲	南	前雲南府知府
參	議	夏壽華	湖	南	
參	議	黃鄂	浙	江	前江蘇陸軍師長
參	議	繆嘉壽	雲	南	雲南步兵第十旅旅長
參	議	楊晉	雲	南	前雲南騰越道尹廣東高雷道尹
參	議	朱祖蔭	江	蘇	
參	議	王有蘭	江	西	國會議員
參	議	張榮廷	雲	南	上海興華銀行總理
參	議	蒙經	廣	西	國會議員
參	議	彭允犇	湖	南	國會議員
參	議	呂志伊	雲	南	國會議員

參	議	溫良彝	靖丞	廣	東	前雲南騰越廳同知美洲金山領事
參	議	周樞	寶權	福建		
參	議	張于溥	惠民	江西		國會議員
參	議	解永嘉	幼山	雲南		前四川知縣香港富滇銀行總理
參	議	岑詠文	石廣	廣西		前清舉人雲南大桃縣知縣理潯江府路南州知州廣西省議會議員

(四) 外交局職員表

職	別	姓名	別號	籍貫	經歷
局	長	溫宗堯	欽甫	廣東台山	前駐藏副大臣
兼代局	長	文羣	詔雲	江西萍鄉	國會議員本部秘書
委	員	蔡增基	增基	廣東香山	美國哥林比亞大學學士兼外交專門畢業前廣東臨時省會議員
委	員	勞勉	少勉	廣東南海	日本明治大學法學士
委	員	周國賢		福建	美國留學畢業生
委	員	畢厚	蔚真	湖南寶慶	日本法政大學政治經濟科專門畢業幣制局特派調查員經界局編譯員廣東巡按使署交涉科繙譯官
委	員	吳樹範	紹端	廣西桂平	日本中央大學法學士前廣西法制局委員
委	員	徐嘉鈺	寶丞	江西	雲南廣東縣知事



(五) 財政廳職員表

職	別	姓名	別號	籍貫	經歷
廳長		楊永泰	暢卿	廣東茂名	參議院議員
第一科科長		岑銘恕	仲勉	廣東順德	北京高等專門稅務學校畢業 江海關幫辦
第二科科長		陳國瑛	渭西	雲南蒙化	雲南法政學堂畢業 歷署竹園分治員 彌勒縣知事
第三科科長		游金銘	誦盤	廣東南海	廣東高等學堂畢業 舉人補用知事
第四科科長		丁兆元		江蘇	前中國銀行廣東分行股長
委員		陳永幹	穎材	廣東香山	廣東高等學堂本科畢業 舉人補用通判
委員		余鏞	鼎石	雲南	雲南法政學堂畢業 九保兩等小學校長 騰越警察教練 所教員
委員		宋葆疇	葆初	湖南岳陽	嶽麓高等學校畢業 歷充師範中學校職員 甘肅都督府一等參謀
委員		郭成沛	作雲	安徽歙縣	兩廣師範學堂畢業 安徽省議會議員 各省議會聯合會 安徽代表 歷充南京中學堂 徽州中學堂教員
委員		沈維心	習誠	安徽	安徽高等巡警正科畢業 會充高等檢察廳典警察研究 所所長兼監學
委員		楊發銳	貢誠	雲南	歷充雲南永北等處釐金總辦
委員		張問德	崇仁	雲南	雲南縣知事 崖行政委員
委員		李柏存	柏存	廣東嘉應	日本早稻田大學政治經濟科畢業

委	員	何漢	勁秋	雲南普洱	歷充雲南參謀廳軍需長
委	員	殷之輅	紹乘	安徽合肥	蕪湖皖江中學及上海皖閩鐵路專門學校畢業肄業於日本東京政法學校政治經濟科曾充蕪湖關監督
委	員	周知禮	瑾文	雲南騰越	日本法政大學政治科畢業
委	員	劉德澤	紹庭	雲南騰越	雲南法政畢業

(六) 餉械局職員

職	別姓名	別號	籍貫	經歷	歷
局	長 曾彥	其衡	廣西靖西	國會議員	
科	長 馮登蟾	公升	廣西邕甯	前廣西平南教員南寧自治會議員廣西第二總司令部隨營委員	
科	員 曾植鏡	學明	廣西靖西	前廣西陸軍右區第二副司令部書記長	
科	員 梁漢聲	振陸	廣西容縣	前廣西鹽務局科員	
科	長 周啟基	建岐	廣西靖西	前瓊崖綏靖處軍需	
科	員 陸汝傑	世超	廣西容縣	前汪甸徵收局局長	
科	員 崔履升	協伊	廣西容縣	前滬軍北伐隊軍需	
科	員 朱元昌	善田	廣東電白	前茂名縣教員電白縣課員	
科	員 舒航	天質	湖南長沙	前湖南陸軍軍需	

糧秣委員 梁培新 少華 廣東番禺 前廣東警察區官

委員 吳肇甫 廣東梅縣

(七) 副官處職員表 處內人員有已改任他職者仍據原表列入以備參考  
附一庶務處

職	別	姓名	別號	籍貫	歷
副官長	楊其禮	敬之	雲南黎縣	雲南講武堂畢業歷充雲南騎兵第一團營長團副兩廣護國軍第二混成旅第十七團第一營長	
中校副官	陳建猷	樹廷	廣西永淳	前廣西混成旅工兵營排長湘桂聯軍工兵營連長南京第八師工兵營營副廣西將校講習所工兵科科長	
中校副官	甘尙賢		廣西	廣西幹步畢業	
少校副官	劉覺任	均民	廣西容縣	前南京第八師司令部副官南京討袁第一支隊參謀廣西將校講習所隊長兼教官	
少校副官	呂滄隱		廣西陸川	湖北陸軍中學畢業前上海討袁鈕軍司令部委員	
少校副官	楊士斌	開周	雲南大理	雲南講武堂畢業歷充雲南礮兵連長營副	
少校副官	蘇瑞儒	琮珍	廣西容縣	前廣東第二師衛生隊隊長工兵營副官輜重營連長	
少校副官	胡振國		河南	廣東將弁畢業	
少校副官	饒祖鑫	鶴亭	雲南黎縣	雲南講武堂畢業前援川滇軍司令部副官	
少校副官	劉銳麟	幹卿	雲南雲龍	前雲南陸軍工兵營排長連長兩廣都司令部將校團團員第一混成旅十七團一營一連連長	
少校副官	岑家祿	廉臣	廣西西林	廣東陸軍速成學堂畢業歷充廣東水提親軍哨官幫帶陸軍連長營附都督府親軍教練官	

少校	副官	明士仲	少伯	雲南騰越	前雲南測量局地形課員迤西騰龍沿邊野夷安撫委員後任騰龍兩縣墾殖委員
少校	副官	羅烈	劍橫	廣西容縣	前廣東第二師參謀陸軍步兵第八團一營營長代理第二團團長
少校	副官	馬英武		廣西容縣	保定陸軍速成畢業
少校	副官	廖璋	昆山	廣西武宣	前廣西陸軍測量學校教員
少校	副官	楊錫榮	崇光	雲南大理	雲南講武堂畢業歷充雲南步兵連長營副
少校	副官	蔣蠡	眉生	廣西賓陽	北京陸軍軍需學校肄業第五師第十九團第二營第七連連長
上尉	副官	黃鍾藻	韻軒	安徽祁門	安徽講武堂畢業歷充連長軍需科長使署隨員縣署科長
上尉	副官	蒙惠	廷枏	廣西貴縣	前廣西混成旅步兵連長
上尉	副官	盧化	新岩	江西南康	前充廣東師旅部副官及學校教員等職
上尉	副官	程凱	叔南	湖南資興	前廣西南寧一標排長南京第八師步兵連長營長
上尉	副官	郭伯森	友松	廣西武宣	前廣西陸軍將校講習所教官
上尉	副官	周維美		雲南騰衝	雲南學兵營畢業會充雲南迤西巡防第十四營管帶
上尉	副官	何元烈	醒初	廣西貴縣	前滬軍北伐先鋒隊一旅二團一營一連連長
上尉	副官	呂志浩	嵩濤	廣西蒼梧	前廣西陸軍裝被廠委員
上尉	副官	徐成	啟明	廣西柳州	保定陸軍軍官學校步兵科畢業前南京第三軍二十九團第一營三連連長

上尉	副官	董于霖	雨三	雲南雲縣	保定陸軍軍官學校步兵科畢業前鄂軍督戰指揮官及洋務部庶務科科員
上尉	副官	盛藻華	亞夫	雲南昆明	保定陸軍軍官學校輻重科畢業
上尉	副官	李作礪	秦若	廣西荔浦	保定陸軍軍官學校畢業前湖北民軍教練官
上尉	副官	江炳榮	彥仁	廣西柳州	保定陸軍軍官學校騎兵科畢業前廣西新軍第四營二連連長
上尉	副官	黃明	孟盧	廣東平遠	保定陸軍軍官學校工兵科畢業前光復軍第一團五連連長及第二團三營副官
上尉	副官	賴秉鈞	陶予	廣東連縣	保定陸軍軍官學校輻重科畢業前廣東警衛軍十四營連長

庶務處

職	別	姓名	別號	籍貫	經	歷
庶務	副官	岑澍時	蔭蒼	廣西西林	前清雲南補用知府歷充滇黔粵各省各局所總辦黔軍安義續備各營統領歷署各廳州縣缺廣惠鎮守使署參謀官	
庶務	副官	何俊材	少廷	廣東香山	前清補用知州廣東海軍學堂畢業曾充各艦艦長巡防各營管帶	
庶務	副官	林漢生	漢生	廣西蒼梧	前充廣西法政學校庶務兼會計員南寧中學校校員	

乙 兩廣都司令部直轄海陸各軍職員表

(一) 第一師職員表

職	別	姓名	別號	籍貫	經歷
師長	莫肇宇	柱一	廣東東莞	日本士官學校步科畢業廣東都督府軍事局長步兵第一團團長	
參謀長兼潮梅總司令參謀長	孔昭度	公裕	廣東南海	日本士官學校步科畢業廣東第一師參謀長步兵第二團團長	
第一旅旅長	陳德春	恩波	廣東欽縣	廣東陸軍第一團團長	
步兵第一團團長	何家瑞	家瑞	廣東		
兼理步兵第二團團長	陳德春	恩波	廣東欽縣	廣東陸軍第一團團長	
第二旅旅長	藍揆芳	蔭南	廣東大埔	前警衛軍第四十四營營長	
步兵第三團團長	朱瑞華		廣東		
兼理步兵第四團團長	藍揆芳	蔭南	廣東大埔	前警衛軍第四十四營營長	

(二) 第二師職員表

職	別	姓名	別號	籍貫	經歷
師長	李耀漢	子雲	廣東新興	廣東肇陽羅鎮守使	
參謀長	彭華綸	華綸	陝西	前清試用府	
第三旅旅長	李華秋	華秋	廣東新興	歷充肇軍第一二三營統領	
步兵第五團團長	溫其鏞	晴溪	廣東新興	前充廣東親軍營營長	

步兵第六團團長	邱可榮	耀廷	廣東清遠	歷充肇軍第五六七營統領
第四旅團長	翟汪	浩庭	廣東新興	歷充肇軍七八九營統領
步兵第七團團長	古日光	耀東	廣東欽縣	歷充肇軍第十三四五營統領
步兵第八團團長	陳均義	梯雲	廣東合浦	欽廉陸軍教練所畢業歷充肇軍第十一十二營統領
礮兵團團長	黎章鴻	仲達	廣東新興	前肇軍第九營營長

(三) 第二師職員表

職	別姓名	別號	籍貫	經
師長	莫榮新	日初	廣西桂平	歷充廣西各軍管帶督帶幫統旅長桂平鎮守使兼署蒼梧道尹
參謀長	劉世鼎	和生	廣西桂林	
中校參謀	張希棻			
少校參謀	梁棧芳			
副官長	全秉璋			
第五旅旅長	鄧文輝	憲章	廣東欽縣	歷充廣西各軍哨官管帶督帶副司令
少校副官	黃卷書			
步兵第九團團長	穩玉廷	仁和	廣西龍州	歷充廣西各軍哨官連長營長

步兵第九團團附	周瑞麟							
步兵第一營營長	蘇全福	禧廷	廣西邕甯	歷充廣西各軍哨官連長				
步兵第二營營長	李易標	錦文	廣東防城	歷充廣西各軍哨官連長				
步兵第十團營長	莫正聰	直齋	廣西桂平	歷充廣西各軍哨官連長營長				
步兵第十團團附	莫正希	曲川	廣西桂平	廣西高等學堂畢業歷充廣西各軍哨官				
步兵第一營營長	莫正高	鴻甫	廣西桂平	歷充廣西各軍哨官連長				
步兵第一營第十團營長	邱子光	耀山	廣西陸川	歷充廣西各軍哨官連長				
第六旅旅長	申葆藩	价臣	廣東防城	歷充廣西各軍哨官管督帶副司令				
少校副官	湯鳳岐							
步兵第十一團團長	江永隆	金廷	廣西賀縣	歷充廣西各軍哨官幫帶管帶營長				
步兵第一營營長	黃志全		廣西					
步兵第二營營長	申憲文		廣西					
步兵第十二團團長	劉志陸	偉軍	廣東梅縣	廣東陸軍學堂畢業歷充廣東陸軍營長副官長廣西桂平鎮守使署參謀長				
步兵第十二團營長	劉達慶							
步兵第十一團營長	韋贊勛							



(四) 第四師職員表

職	別姓名	別號	籍貫	經
師	長 林虎	隱青	廣西陸川	江西武備學堂畢業歷任廣東陸軍營長團長南京總統府禁衛軍副長江西獨立旅旅長
參謀	長 余維謙	地山	江西	日本士官學校畢業歷任江西步兵團長旅長
中校	參謀 梁史	潤軒	廣西永淳	廣西虎門陸軍速成學校畢業江蘇都督府中校參謀南京第八師三十二團團附
少校	參謀 朱爲鈔	映光	廣東鬱林	廣西陸軍速成學堂畢業北京陸軍大學修業
少校	參謀 龍振麟	雲伯	廣西桂林	廣西陸軍速成學堂畢業北京陸軍大學修業
少校	參謀 胡旆	伯屏	四川	陸軍軍官學校步科畢業歷充四川第五師步兵連長兩廣都司令部獨立團教練主任
副官	長 余建中	翼民	廣西武宣	廣東虎門陸軍速成學堂駐寧步兵三十一團一營副官及十六旅司令部副官
少校	副官 尹銘復	鐵夫	湖南岳陽	江南講武堂畢業歷充江南第九鎮隊官鄂軍游擊團團附江西連長副官
第七旅旅長	李思廣	遇生	江西	江西武備學堂畢業歷任江西步兵營長團長
少校	參謀 陳良佐	輔之	廣西	保定陸軍速成學堂畢業陸軍大學修業曾充廣西陸軍軍士學習營營附
步兵十三團團長	周毅夫	毅夫	廣西恭城	廣西陸軍幹部學堂畢業兩廣都司令部上校參謀
步兵十三團團附	韋經綸	作衡	廣西蒙山	保定陸軍速成學堂畢業駐寧第八師三十一團營長
步兵十二團少校團附	楊士斌	開周	雲南大理	雲南講武堂畢業陸軍礮隊連長營附

步兵十三團一營營長	李可棟	仲丞	廣西	廣西陸軍幹部學堂畢業駐寧第八師三十二團連長
步兵十三團二營營長	黃勉	平夷	廣西	廣西幹部學堂畢業南京第八師機關槍連長江蘇第九旅司令部副官
步兵十四團團長	蘇世安	春山	湖北穀城	前湖北武建軍哨長廣東新軍隊長江西陸軍混成團第十三營營長
步兵十四團團附	李有來	肅卿	江西崇仁	保定入伍生前江西第一師師部一等副官
步兵一營團長	廖國輝	剛民		欽州教練所畢業江西機關槍連長
步兵二營團長	翟崇亮			前江西混成團機關槍連長
步兵三營團長	陳智	達先		廣東虎門陸軍速成學校畢業廣西混成旅隊長駐寧第三十一團連長
第八旅旅長	陳自先	勤宣	廣東廉江	廣東陸軍速成學校畢業歷任廣東步兵團長旅長
步兵第十五團團長	明紹貞	紹貞	雲南騰衝	增生前雲南錫務公司總理新會副司令
中校團附	鄒礪鋒	肇修	廣東梅縣	廣東陸軍速成學校畢業會充營長團附
少校團附	廖轟		廣西陸川	廣西幹部學堂肄業
步兵一營團長	黃任寰	旭南	廣東梅縣	廣東陸軍速成學堂畢業
步兵二營團長	龐玉輝			
步兵第十六團團長	周揚亞	穎南	廣西	廣東陸軍速成學堂畢業前南京第一師團附
中校團附	陳得平			廣東陸軍速成學堂畢業

少校團附	陳濟棠			
步兵十六團	闕明光			歷充哨官管帶
步兵十六團	趙管侯		雲南曲靖	
第二營營長	劉梅卿		廣東欽縣	
獨立第一團團長	黃明堂	德新	廣東欽縣	前廣東北伐隊標統
獨立第二團團長	梁柱			
獨立二團一營營長	李泉			
獨立二團三營營長	楊杞			
獨立二團四營營長	鄧地			
獨立二團五營營長	古文彪			
獨立第三團團長	倫國才		廣東高要	前警衛軍營長
獨立第四團團長	陳敬	惟慎	廣東廉江	廣東陸軍速成學堂畢業歷任廣東陸軍連長營長
獨立四團一營營長	柯瑞霖			
獨立四團二營營長	李任傑			

(五) 第五職員表

兩廣都司令部考實 第六編 職員錄

職	別	姓名	別號	籍貫	經
師	長	張習	佩嚴	四川富順	四川經緯學堂畢業歷任四川巡警二三營督帶廣東將弁學堂提調蜀軍政府總務處長
參	謀	長	葉舉	廣東惠陽	廣東將弁學堂畢業歷任陸軍旅長師長清鄉督辦陸軍部諮議
中	校	參	熊略	廣東梅縣	廣東將弁學堂畢業歷充廣東各陸軍學堂兵學教員輜重隊官步隊官瑯崖鎮守使副官長
少	校	參	鮮英	四川	北京陸軍大學學員
少	校	參	岑鼎焱	廣西蒙山	廣東將弁學堂畢業歷充十團一營營長中校團附二等參謀
第九	旅	旅	曾彥	廣西靖西	國會議員
少	校	團	附趙憬	廣東高要	北洋速成學堂畢業歷充廣東速成學校騎科區隊長軍官講習所教員
步兵	第十九	營	郭規	廣東肇慶	陸軍速成學堂畢業歷充陸軍營長都督府參謀部一等部員
步兵	第十九	營	關良志	廣東南海	將弁學堂畢業歷充廣東陸軍營長副官團長
步兵	第二十	營	李雲復	湖南甯鄉	將弁學堂畢業歷充廣東第十團三營營長及第四團第三營營長

(六) 第六師職員表

職	別	姓名	別處	籍貫	經
師	長	車駕龍	雲六	廣東茂名	日本士官學校畢業前警衛軍四十四營統領
參	謀	長	歐陽幹	廣東香山	日本士官學校畢業前廣東騎教練團團長參謀部局長

歷

步兵第十一旅旅長	車渭英	廣東茂名
中校參謀	李名驅	廣東

(七) 第七師職員表

職	別姓名	別號	籍貫	歷
師長	隆世儲	竹卿	湖南甯鄉	江西武備學堂畢業欽廉鎮守使

(八) 獨立各旅職員表

職	別姓名	別號	籍貫	歷
第一混成旅旅長	程子楷	崧生	湖南新寧	日本士官學校畢業廣西陸軍管帶湖南混成旅旅長岳總司令
參謀長	許公武		廣東番禺	江南陸師學堂畢業鎮江第三混成旅旅長
步兵第十七團團長	胡學仲	宇平	湖南黔陽	日本士官學校畢業湖南陸軍第一軍第一團團長
步兵少校團附	毛翔興		湖南	
步兵第十七團第一營營長	張鑑泰	漢澄	雲南騰衝	雲南講武堂騎兵科畢業歷充貴州雲南陸軍營長
步兵第十八團團長	唐義彬	經百	湖南新化	日本士官學校畢業湖南第一軍參謀長
步兵第十八團第一營營長	楊其禮	敬之	雲南黎縣	

步兵十八團	洪旅	江蘇	日本士官學校畢業廣東參謀部部長陸軍第一旅旅長 水上警察廳長陸軍部諮議官都司令部江防司令
第二混成旅旅長	魏邦平	廣東香山	廣東將升學堂及陸軍速成學堂畢業歷任廣東輜重營 營長
參謀長	楊其偉	廣東番禺	
第一營營長	魏觀明	廣東香山	
第二營營長	馬毓藩	廣東肇慶	
第三混成旅旅長	唐紹慧	廣西天保	廣西講武堂畢業歷任廣西陸軍測量局長兩廣都司令 部副官長
步兵第三十四團團長	農登秀	廣西	廣西講武堂畢業
步兵第三十四團中校團附	黃華興	廣西	
步兵第三十四團少校團附	葉榮	廣西	
步兵第三十四團第二營營長	劉覺任	廣西容縣	南京第八師司令部副官

(九) 將校團職員表

職別	姓名	別號	籍貫	經歷
團長	胡思清	琢齋	雲南開化	雲南講武堂礮科畢業歷充雲南礮隊營長團附
少校副官	呂六韜	渭仙	安徽太湖	陸軍軍官學校步兵科畢業

(十) 飛機隊職員表

職	別	姓名	別號	籍貫	經歷
隊	長	譚根		廣東開平	美國飛機學校畢業前小呂宋中華民國飛船公司兼飛機製造廠總飛機師
隊	副	譚榮		廣東開平	美國留學
少校	副官	李孔昭	湘平	廣東	日本測繪學校留學

(十一) 警衛軍職員表

職	別	姓名	別號	籍貫	經歷
三十三	五營統領	吳良兆		廣東	
三十三	營營長	李華		廣東	
三十四	營營長	李捷		廣東	
三十五	營營長	何銳		廣東	
三十六	營營長	王慕中		廣東	
三十七	營營長	楊錦龍		廣東	
幫統兼	三十八營營長	鍾金祥		廣東	
六十一	二營統領	袁帶		廣東	
六十一	三營統領	呂桓		廣東	
部衛隊長					

六十一營營長	周戊	廣東
六十二營營長	黎恩	廣東
六十三營營長	陳文	廣東

(十二) 海軍各艦職員表

職	姓名	別號	籍貫	歷
兼任都司令部直轄 江防司令	莫榮新	日初	廣西桂平	歷充廣西各軍管帶督帶幫統旅長桂平鎮守使兼署蒼梧道尹
江防副司令兼寶璧艦長	周天祿	省巷	廣東增城	廣東海軍學校畢業建威軍艦見習官普安軍艦艦長海軍學校主計員江羣寶璧副艦長
寶璧副艦長	丁培龍	起雲	廣東豐祿	廣東海軍學校畢業廣海艦見習官
江大副艦長	馮庭燦	驥武	廣東鶴山	廣東海軍學校畢業曾充廣海艦見習官寶璧艦副
江大副艦長	彭惇訓	軍候	廣東順德	廣東海軍學校畢業
江固副艦長	丁守臣	耀貞	廣東合浦	廣東陸軍軍官講習所畢業歷充欽廉防營管帶陸軍機關鎗連長
江固副艦長	李芳	少亨	廣西蒼梧	廣東海軍學校畢業曾充廣海練習艦見習官江大艦副
雷坤副艦長	岑壽樟	今耐	廣東順德	廣東海軍學校畢業廣真兵艦艦副
雷坤副艦長	麥鴻昌		廣東三水	充江羣艦槍礮長
廣保艦長	周漢鈴		廣東連州	充肇陽羅鎮守使衛隊長安新艦艦長



安南艦長	李應洪		廣東順德	歷充防營哨官
安新艦長	黃順泰	英華	廣東順德	歷充福軍排長安順保捷艦長
福威艦長	陽漢昆		廣西靈川	廣東陸軍軍官講習所畢業會充魚雷局學習員敷設員
平江艦長	丁述乾	劍三	廣東合浦	前寶璧艦書記江防司令部委員
保捷艦長	黃鎔鍵	冶廬	廣東開平	廣東海軍學校畢業江防司令部課員

# 兩廣都司令部考實目錄

## 補錄

岑都司令解職通電一

岑都司令解職通電二

岑都司令解職通電三

# 兩廣都司令部考實

## 補錄

岑都司令解職通電一（民國五年十月四日）

北京大總統國務院各部總長參議院衆議院各省督軍省長各巡閱使各都統各護軍使鎮守使各師旅長上海伍秩庸孫中山黃克強梁任公蔡松坡溫欽甫王亮疇吳稚暉先生北京中華新報國民公報上海中華新報時事新報及各報館均鑒曩者國難孔殷間關過返以鄉里舊游之督責勉總師干凡自興師以至今日中間所經歷有宣告艱苦曲折諒爲全國之所共聞春煊賦性蠹疏制行抗直師中尤悔隨處有之惟衰軀既付之國家毀譽卽聽諸輿論箇人功罪尙非煊所當言其有不釋於懷者則國體粗安隱憂未已內外之勢失其平衡新舊之爭漸徵箕豆罷兵數月集議百回南北之使絡繹於途朝野之彥提攜於室而所持不外朝三暮四之術所議都在此膠彼漆之中號稱共和首崇法制實則對人之事八九持法之事十不足一紛紛擾擾迄無已時坐視大法未立而不能先財政紊亂而不能救冗兵滿國而不能裁教育寢廢而不能舉甚至外交瀕危而方針不能立強鎮恣肆而中

夫不能言長此不已何以爲國瞻顧前路可爲寒心以燼之愚竊思一國之大利害情感本難一致其中儘有餘地使人迴翔爲治者善保此餘地則社會安不善保則秩序亂故立國精要在於調和此無古今中外實同一理今吾國岌岌乃於此理未之講求試思自國以來黨派廢興之故依例考證決爲不謬當袁氏盛時國人附和帝政原非得已而滇桂旣起徒爲義師所劫持不能驟明故義師功未及半元兇遽殂正天假之緣作吾父老兄弟以清白之躬重相提挈而義師一方又適聯各派賢俊通力而合作昔年黨隙渙然以消此誠建國之正基調和之良會正宜體質劑之功用本兩利之箴言各爲其分際之所得爲各盡其職守之所應盡祇爭其所當爭互讓其所當讓國先諸己私不廢公除蠹國殃民助袁爲虐始終不悟者屏不與同外餘俱和衷戮力虞詐胥捐使所謂利害情感得以平流而進以崇人格以厚國基以定羣業以隆人福兩年以來審此義者頗復不尠顧知之匪艱行之維艱旣篤信於平時復迷離於當局雖亦政治之常態實乃家國之大憂春煊智慮短淺舉動疏闊平日所行之不衷於律蓋百倍於諸公然當同舟共濟之時輒懷同道相勗之想偶有所見不敢自私此問師旅料簡已完賤志獲償均託厚愛以歷年飄泊謁墓久疏旣近里門松柏在望卽於今日由肇西發過歸桂林遂初之志差償憂國之心未艾竊本臨歧之意貢茲鄙

陋之懷區區愚忱伏維垂鑒岑春煊叩支印

岑都司令解職通電二

廣東廣西各軍司令各鎮守使各師旅團長滇軍第二軍各師旅團長均鑒春煊返國之初躬逢大變以首義諸公之督責我將士之推心遂舉衰朽之軀勉當討賊之任與三軍之士同仇敵愾修我戈矛固皆有死之心無生之氣而義師既集元惡天亡我將士扶樹共和及茲奠定止戈爲武同有榮施遂思退爲幸民踐其始志而奸謀潛沸凶燄遽張於大局之甫平使干戈之再見春煊誠不足以格物知不足以除凶餘黎憫其子遺九閭憂於壅蔽雖我將士秉義不回艱難之中憂慚交至賴中央眷茲南顧陸督軍力疾東來兵氣旣消粵難大定乃得從容收束實爲私衷至幸惟念義師之起聲光爛然春煊亦以衰年償其私志皆拜我將士之賜茲以去鄉日久祭掃久疏一返桂林展謁先墓袍澤之感臨歧悵然方今國步初安艱虞交會春煊年齒垂暮精力就衰欲報國家已難爲役諸君身親締造義在匡扶無忘此日之馳驅永作共和之干櫓是則國家大賴非獨春煊一人所私願也敬布區區統希裁察岑春煊支印

岑都司令解職通電三

廣州市議會商會各善堂報館各公團均鑒曩者大變初生間關返國重以督責勉出視師以從父老昆弟之望其時義在討賊一切未遑地方之謀愧無補救天心厭亂大憝云亡方謂可載戢干戈徐圖休養豈謂大局垂定而禍變相尋凶燄鴟張大紛莫弭九閩憂於壅蔽餘黎憫其子遺此皆春煊德不足以勝殘誠不足以格物雖邦人父老寬其責備而私心內疚食息難安所幸藉輿論之制裁仗中央之威令陸督軍東來之後粵局以漸卽安春煊亦得於收束之餘言返桂林展謁先墓初衷得遂忻幸何如惟粵人比歲以來呻吟於淫威之下其受禍既久則慮患必深繼自今之疾病扶持生聚教訓知我邦人君子必大有得於動心忍心之餘瞻望前途祈禱獨切春煊衰朽之年豈能復有所盡但得於退休之後從事於社會之間爲父老效其一得亦私心之所以自勵也敬佈鄙懷惟希亮警岑春煊叩支印

